




204.16. A. 21



20H. 16. A. 21  
A. R. P.  
**FR. MARCI**  
**SERRAE.**  
**ALCODIANI.**

Sacrae Theologiae Magistri.  
ORD. PRÆDIC.

**S V M M A**  
**COMMENTARIORVM**  
In Tertiam Partem S. Thomæ.  
**DE SACRAMENTIS.**



R O M A E.  
Apud Franciscum Caballum, 1653.  
*Superiorum permissu.*

1911

...

...

...

...

...

...

...

...

...

...

...

...

...

INDEX  
QUESTIONVM  
ARTICVLORVM,  
ET DVBIORVM.



*QV AESTIO LX.*

*De Sacramentis.*



ARTICVLVS I.

*Vtrum Sacramen-  
tum sit in genere  
signi. pag. 1*

Art. 2. Vtr. omne  
signum rei sacrae  
sit Sacramentum. 11

Art. 3. Vtr. Sacramentum sit signum  
vnius tantum, 20

Dub. An sit de intrinseca ratione  
Sacramenti significare plura.  
ibidem.

¶ 2

Art. 4.

**Art. 4. Vtrum Sacramentum fit semper aliqua res sensibilis. 25**

**Dubium. An recte sit definitio Sacramenti, quam hic proponit D. Thom. ibid.**

**Art. 5. Vtrum requirantur determinata res ad Sacramenta. 32**

**Art. 6. Vtrum in significatione Sacramentorum requirantur verba. pag. 34**

**Dubium. An Sacramenta nouæ legis componantur ex rebus, & verbis, sicut ex materia, & forma. pag. 35**

**Art. 7. Vtr. requirantur determinata verba in Sacramentis. 44**

**Dub. An, ita requirantur determinata verba in Sacramentis, vt nec æquivalentibus vti liceat. ibid.**

**Art. 8. Vtrum liceat aliquid addere verbis, in quibus consistit forma sacramentorum. 51**

**QVÆ.**

## QVAESTIO LXI.

### De necessitate Sacramentorum.

*1412.*

Art. 2. Vtrum ante peccatum fuerint Homini necessaria Sacramenta. 56.

Art. 3. Vtrum post peccatum ante Christum Sacramenta esse debuerint. 58.

Dubium. An, & quznam Sacramenta fuerint in lege naturæ. ibidem.

## QVAESTIO LXII.

### De principali effectu Sacramentorum, qui est Gratia.

Art. 1. Vtrum Sacramenta sint causa gratiæ. 62.

Dubium. An Sacramenta nouæ legis causent gratiam ex opere operato immediatè eam efficiendo. ibid.

V 3

Du-

**Dubium 2.** An Sacramenta nouæ legis instrumentaliter physicè causent gratiam . 67

**Dubium 3.** quam, & quando conferant gratiam Sacramenta nouæ legis. 89

**Dubium 4.** An, vt Sacramenta causent gratiam, sit necessaria aliqua dispositio ex parte suscipientis illa. 98

**Art. 2.** Vtrum gratia sacramentalis aliquid addat supra gratiam virtutum, & donorum . 108

**Art. 4.** Vtrum in Sacramentis sit aliqua virtus gratiæ causatiua . pag. 109

**Dubium.** An hæc virtus causatiua gratiæ, quæ est in Sacramentis, sit aliqua qualitas, an solum motio, qua moueatur à Deo . ibid.





## **QVAESTIO LXIII.**

*De effectu Sacramentorum,  
qui est character.*

**Art.2.** Vtrum character sit spiritua-  
lis potestas. 116

**Dubium.** An character verè, &  
propriè sit potentia physica con-  
tenta, sub secunda specie quali-  
tatis. ibid.

**Art.4.** Vtrum character sit in poten-  
tijs animæ, sicut in subiecto.  
pag.125

**Dub.** In qua potentiarum animæ  
sit character. ibid.

## **QVAESTIO LXIV.**

*De causa Sacramentorum.*

**Art.1.** Vtrum Deus operetur inte-  
rius, ad effectum Sacramenti.  
pag.132

**Art.6.** Vtrum mali ministrantes sa-  
cramenta peccent. 138

**Dubium 1.** An sit peccatum morta-

le ministrare Sacramenta in mortali peccato. *ibid.*

**Dub. 2. An sit licitum recipere Sacramenta a malis ministris, eaque ab illis petere. 145**

**Art. 8. Vtrum intentio ministri requiratur ad perfectionem Sacramenti. 155**

**Dubium quznam intentio ministri requiratur, ut Sacramentum sit validum. *ibid.***

## **QVAESTIO LXVI.**

***De pertinentibus ad Sacramentum Baptismi.***

**Art. 1. Vtrum Baptismus sit ipsa ablutio. 162**

**Dubium: An rectè diffiniatur Baptismus: Ablutio corporis exterior facta sub forma praescripta verborum. *ibid.***

**Art. 2. Vtrum Baptismus fuerit institutus post Christi passionem. pag. 166**

**Dub. Quando fuerit Baptismus institutus.**

stitutus à Christo . ibid.

Art. 3. Vtr. aqua sit propria materia Baptismi . 172

Art. 4. Vtr. ad Baptismum requiratur aqua simplex . 174

Art. 5. Vtr. hæc sit conueniens forma Baptismi , ego te baptizo in nomine Patris, & Filij, & Spiritus sancti . 177

Dub. An omnia ista verba sint de essentia formæ Baptismi . ibidem.

Artic. 6. Vtrum in nomine Christi possit dari Baptismus . 187

Dubium. An Baptismus in nomine Christi, aut Trinitatis valeat . ibidem .

Art. 7. Vtr. immersio sit de necessitate Baptismi . 194

Art. 8. Vtr. trina immersio sit de necessitate Baptismi . 197

Art. 9. Vtrum Baptismus possit iterari . 199

Art. 12. Vtr. Baptismus sanguinis sit potissimus inter alia baptismata . pag. 206

Dub. An Baptismus sanguinis conferat gratiam , & faciat ex attrito contritum . ibid.

## QVÆSTIO LXVII.

### *De Ministris per quos traditur Baptismi Sacramentum.*

Art. 1. Vtr. ad officium Diaconi pertineat baptizare. 217

Art. 3. Vtrum laicus possit baptizare. 221

Art. 6. Vtr. plures possint simul vnū baptizare. 223

Dubium. An hæc conclusio sit vera. ibidem.

Art. 7. Vtr. in Baptismo requiratur aliquis, qui baptizatum leuet de sacro fonte. 232

## QVÆSTIO LXVIII.

### *De suscipientibus Baptismum.*

Art. 1. Vtr. omnes teneantur ad susceptionem Baptismi. 235

Dub. An de Baptismi susceptione sit diuinum præceptum obligans omnes. ibid.

Art. 2. Vtrum sine Baptismo aliquis pos.

possit saluari. 239  
Art. 3. Vtr. Baptismus sit differen-  
dus. 243

Dub. An differre Baptismum sit  
peccatum mortale. ibid.

Art. 7. Vtr. ex parte Baptizati requi-  
ratur intentio suscipiendi Sacra-  
mentum Baptismi. 252

Dub. An ex parte baptizati, ita sit  
necessaria intentio recipiendi Ba-  
ptismum, vt, si illa desit, Baptismus  
sit nullus. ibid.

Art. 10. Vtr. Pueri Iudzorum, vel  
aliorum infidelium sint inuitis pa-  
rentibus baptizandi. 258

Dub. An sit licitum pueros infide-  
lium inuitis parentibus baptiza-  
re. ibid.

## **QVAESTIO LXIX.**

### ***De effectibus Baptismi.***

Art. 9. Vtr. fictio impediatur effectum  
Baptismi. 267

Dub. Quznam dispositio requira-  
tur, vt quis non accedat ficti ad  
Ba.

Baptismum, sed eius effectum recipiat. *ibid.*

## **QVAESTIO LXXI.**

*De Preparatorijs, quae simul concurrunt cum Baptismo.*

**Art. 3.** Vtr. ea, quae aguntur in exorcismo, aliquid efficiant. 276

**Dub.** An id, quod efficiunt ea, quae aguntur in exorcismo, ex opere operato efficiant. *ibid.*

## **QVAESTIO LXXII.**

*De Sacramento Confirmationis.*

**Art. 1.** Vtrum Confirmatio sit Sacramentum. 282

**Art. 2.** Vtr. Chrisma sit conueniens materia huius Sacramenti. 284

**Dub.** An sine Chrismate possit confici hoc Sacramentum. *ibid.*

**Art. 3.** Vtr. sit de necessitate huius Sacramenti, quod Chrisma sit prius

prius per Episcopum consecratū ,  
pag. 291

**Dubium.** An hæc conclusio vera sit.  
ibidem.

**Art. 4.** Vtr. hæc sit conueniens forma  
huius Sacramenti. Consigno te,  
signo Crucis, &c. 295

**Art. 6.** Vtrum Character Confirmat  
ionis præsupponat Characterem  
Baptismi. 299

**Art. 8.** Vtrum hoc Sacramentum sit  
omnibus exhibendum. 301

**Dub.** An omnes teneantur, saltem  
in aliquo casu, hoc Sacramentum  
fufcipere. ibid.

**Art. 11.** Vtrum Solus Episcopus hoc  
Sacramentum conferre possit.  
pag. 307

**Dubium.** An simplex Sacerdos possit  
aliquando hoc Sacramentum  
conferre. ibid.

## **QVÆSTIO LXXIII.**

### **De Sacramento Eucharistiæ secundum se.**

**Art. 1. Vtrum Eucharistia sit Sacra-  
mentum. 312**

**Dub. Pro quibus supponat, vel in  
quo essentialiter consistat Sacra-  
mentum Eucharistiæ. ibid.**

**Art. 2. Vtr. Hoc Sacramentum sit  
vnum, vel plura. 321**

**Dub. Quam vnitatem habeat hoc  
Eucharistiæ Sacramentum. ibid.**

**Art. 3. vtr. Eucharistia sit de neces-  
sitate salutis. 327**

**Dub. An Eucharistia saltem in voto  
sit medium necessarium ad salu-  
tem. ibid.**

**Art. 5. vtrum institutio huius Sacra-  
menti fuerit conueniens. 333**

**Dub. Quando instituerit Christus  
hoc Sacramentum, ibid.**



## QVÆSTIO LXXIV.

### *De Materia Eucharistiæ quantum ad speciem.*

Art. 1. Vtr. materia huius Sacramē-  
ti sit panis, & vinum. 339

Art. 2. Vtr. requiritur determinata  
quantitas panis, & vini ad mate-  
riam huius Sacramenti. 344

Dub. An materia huius Sacramenti  
debeat esse præsens Sacerdoti cō-  
secranti, & determinatæ quanti-  
tatis. ibid.

Art. 3. vtr. requiratur ad materiam  
huius Sacramenti, quod sit panis  
triticeus. 355

Dubium. An solus panis confectus  
ex tritico sit materia proxima  
Eucharistiæ. ibid.

Art. 4. vtr. hoc Sacramentum debeat  
confici ex pane azymo. 362

Dub. An conficere hoc Sacramen-  
tum pane azymo sit de necessita-  
te Sacramenti, aut præcepti.  
ibid.

Art. 5. vtr. vinum vitis sit propria  
ma-

materia huius Sacramenti. 369  
Art. 7. Vtr. Permissio aquæ sit de ne-  
cessitate huius Sacramenti. 371  
Art. 8. Vtr. aqua debeat in magna  
quantitate apponi. 374  
Du. an Aqua, quæ in Calice apponitur  
debeat prius conuerti in vinum,  
vt in sanguinem Christi conuer-  
tatur. ibid.

## **QVÆSTIO LXXV.**

*De conuersione panis, & vini  
in Corpus, & Sangui-  
nem Christi.*

Art. 1. Vtrum in hoc Sacramento sit  
Corpus Christi secundum verita-  
tem. 390  
Art. 2. Vtr. in hoc Sacramento re-  
maneat substantia panis, & vini  
post consecrationem. 392  
Dub. An hæc conclusio sit vera, &  
certa secundum finem. ibid.  
Art. 3. Vtr. Substantia panis, & vini  
post consecrationem annihiletur.  
pag. 399

Du-

**Dubium.** An hæc conclusio vera sit.  
*ibidem.*

**Art. 4. Vtr. Panis possit conuerti in  
Corpus Christi. 407**

**Dubium.** Quinam sit terminus huius  
conuersionis. *ibid.*

## **QVÆSTIO LXXVI.**

**De modo, quo Christus est in  
hoc Sacramento.**

**Art. 1. Vtr. totus Christus contineatur  
sub hoc Sacramento. 422**

**Dub. Quomodo omnia, quæ sunt in  
Christo contineantur, sub hoc Sa-  
cramento. 423**

**Art. 3. Vtr. totus Christus sit sub qua  
libet parte specierum panis, vel  
vini. 442**

**Art. 4. Vtr. tota quantitas dimensi-  
ua Corporis Christi sit in hoc Sa-  
cramento. 446**

**Art. 6. Vtr. Corpus Christi sit mobi-  
liter in hoc Sacramento. 448**

**Dub. An Corpus Christi in hoc Sa-  
cramento nec per se, nec per ac-  
ci-**

**ciens moueri possit. ibid.**

**Art. 7. Vtr. Corpus Christi prout, est  
in hoc Sacramento, possit videri  
ab aliquo oculo corporeo, saltem  
glorificato. 459**

---

## **QVAESTIO LXXVII.**

**De accidentibus remanentibus  
in Sacramento.**

**Art. 1. Vtr. accidentia remaneant,  
sine subiecto in hoc Sacramento.  
pag. 463**

**Art. 5. Vtr. ex speciebus sacramen-  
talibus possit aliquid generari.  
pag. 465**

**Dub. An, quando ex speciebus ge-  
neratur aliquid, producat a  
Deo materia prima, ex cuius po-  
tentia educatur forma substantia-  
lis geniti. ibid.**

**Art. 8. Vtr. aliquis liquor possit vi-  
no consecrato commisceri. 473**

---

**QVAE.**

## QVAESTIO LXXVIII.

### *De forma Sacramenti Eucharistiae.*

Art. 1. Vtr. Hæc sit forma huius Sacramenti; Hoc est corpus meum; & Hic est calix sanguinis mei. pag. 477

Dub. An in solis his verbis consistat forma huius Sacramenti; illisque solis prolati conficiatur Sacramentum. 478

Art. 5. Vtr. Prædictæ locutiones sint veræ. 486

## QVAESTIO LXXIX.

### *De effectibus Sacramenti Eucharistiae.*

Art. 1. Vtr. per hoc Sacramentum conferatur gratia. 490

Dubium. Quam gratiam conferat hoc Sacramentum. ibid.

Dub. 2. Quando hoc Sacramentum cau-

confer gratiam. 496

Art. 8. Vtr. per peccata venialia impediatur effectus huius Sacramēti. 502

Dub. An ad consequendum effectū huius Sacramenti requiratur actualis denotio excludens mentis distractionem, & peccata venialia actu exercita. ibid.

## QVÆSTIO LXXX.

*De usu, seu sumptione huius  
Sacramenti in com-  
muni.*

Art. 4. Vtr. Peccator sumens Corpus Christi sacramentaliter, peccet. pag. 507

Art. 6. Vtr. Sacerdos debeat denegare Corpus Christi peccatori penitenti. 519

Art. 7. Vtr. nocturna pollutio aliquē impediat à sumptione huius Sacramenti. 522

Art. 8. Vtr. cibus, vel potus praesumptus impediat sumptionem hu-

huius Sacramenti. 529

Art. 9. Vtr. non habentes vsum rationis debeant suscipere hoc Sacramentum. 535

Art. 11. Vtr. liceat omnino à communione cessare, 537

Dub. Quando teneatur homo communicare. ibid.

Art. 12. Vtr. liceat Corpus Christi sumere sine sanguine. 550

Dub. An communicati sub vtraque specie, cæteris paribus, conferatur maior gratia, quam sub vna tantum specie communicanti:  
pag. 551

## **QVÆSTIO LXXXII.**

### **De Ministro huius Sacramenti.**

Art. 1. Vtr. Consecratio huius Sacramenti sit propria Sacerdotis.  
pag. 557

Art. 3. Vtr. dispensatio huius Sacramenti pertineat ad solum Sacerdotem. 559

**QVÆ-**

## **QVAESTIO LXXXIII.**

### **De Ritu huius Sacramenti .**

**Art. 1.** Vtr. in hoc Sacramento Christus immoletur. 563.

**Dub. 1.** Vtr. missa sit sacrificium, quo Christus in hoc Sacramento immolatur. ibid.

**Dub. 2.** An sacrificium missae in consecratione Corporis, & Sanguinis Christi essentialiter consistat . pag. 573.

**Dub. 3.** An sacrificium missae sit propitiatorium, & ad quos effectus profit, & valeat, & quomodo. pag. 583.

**Dub. 4.** An hoc missae sacrificium sit valoris infiniti, & oblatum pro multis, ita profit singulis, ac si pro vno tantum offerretur . pag. 592.

**Art. 2.** Vtr. conuenienter sit determinatum tempus celebrationis . pag. 606.

**Art. 3.** Vtr. oporteat hoc Sacramentum celebrari in domo, & vasis sacris. 613.

Dub.



**Dub. An Sacerdos teneatur celebra-  
re in Altari, & vasis consecratis,  
& cum vestibus sacris. 622**

**Art. 4. Vtr. conuenienter ordinan-  
tur, quæ circa hoc Sacramentum  
dicuntur. 629**

**Dub. An sit peccatum mortale omit-  
tere aliquid eorum, quæ in missa  
dicuntur. ibid.**

**Art. 5. Vtr. ea, quæ in celebratione  
huius Sacramenti aguntur sint  
conuenientia. 635**

**Art. 6 Vtr. sufficienter possit occurri  
defectibus circa celebrationem  
huius Sacramenti occurrentibus  
statuta Ecclesiæ obseruando. 639**





# QVÆSTIO

## LX.

*De Sacramentis.*

### ARTICVLVS

#### PRIMVS.

*Vtrum Sacramentum sit in genere signi.*

**Conclusio est affirmans.**

*Dubium. An hac conclusio vera sit?*



ARS negans probatur  
 1. Sacramentum est  
 in genere actionis; er-  
 go non in genere si-  
 gni. Antecedens pro-  
 batur. Tum, quia  
 omnia Sacramenta  
 sunt quedam cere-  
 i A mo-

## 2. QVAESTIO LX.

monia, & actiones religiosæ. Tum etiam, quia Sacramentum Baptismi, cum sit ablutio, est in genere actionis; ergo & Sacramentum in communi: genus enim & species in eodem sunt prædicamento.

Secundò. Si Sacramentum esset in genere signi maximè in genere signi ad placitum: sed non est in genere signi ad placitum; ergo, &c.

Minor probatur. Signum ad placitum est ens rationis: sed Sacramenta non sunt entia rationis, sed realia, cum habeant effectum ante omnem operationem intellectus; ergo, &c.

Tertiò. Nam ut patet ex Concilio Florentino, in decreto unionis Armenorum, Sacramenta nouæ legis differunt à Sacramentis veteris legis, quia hæc non causabant gratiam, illa gratiam causant; ergo cum esse causatum gratiæ sit aliquid reale, & nihil reale possit esse differentia entis rationis, Sacramenta nouæ legis non sunt in genere signi, quod est ens rationis; ac per consequens nec Sacramentum in communi: nam sub genere, sub quo non continentur inferiora, nõ continetur etiam superius.

Quartò. In ratione signi vniocè conueniunt nouæ, & veteris legis Sacramenta: at non conueniunt vniocè in ratione Sacramenti, ut docet D. Thom. in 4. d. 1. q. 2. art. 1. quæstiuncula 3. ad 5. ergo esse signum nõ est de ratione & essentia Sacramen-

# ARTICVLVS I. 3

menti in communi, neque hoc est in genere signi.

Dicendum tamen est 1. Sacramentum esse in genere signi. Colligitur hoc ex illo ad Rom. 4. v. 11. *Signum accepit circumcissionis, signaculum iustitie &c.* Ex Concil. Trid. Sess. 7. Can. 6. definiente, *Sacramenta noua legis continere gratiam, quam significant.* Et ex SS. Patribus, qui sæpè Sacramenta appellant symbola & signa, vt Dionys. lib. de coelesti hierarchia, cap. 2. & 3. Amb. lib. 4. de Sacramentis Damasc. lib. 4. de fide, cap. 11. & Aug. Epist. 23. & lib. 10. de Ciuit. Dei, cap. 5. vbi hanc nominis ethimologiam adducit, *Sacramentum idest sacrum signum.* De qua D. Thom. hic in argum. Sed contra, suam & nostram conclusionem probat. Cuius sensum Mag. Soto in 4. dist. 1. q. 2. a. 1. ait esse: *Hoc est Sacramentum est quoddam signum: sicut homo quoddam substantia.* Et circa finem articuli dicit: *Sacramentum est signum, essentialis predicatio, & quidditativa est: sicut homo est animal.*

Dicendum est 2. Sacramentum non esse signum naturale, sed ex institutione, & ad placitum. Docet hoc Mag. Sent. in 4. d. 1. & probatur manifesta ratione: Sacramenta non habent ex natura sua significare gratiam, sed tantum ex beneplacito & institutione Christi; ergo non sunt signa naturalia, sed ad placitum.

Neque huic obstat, quod ait S. August. Epist. 23. circa finem: *Si Sacramenta quandam similitudinem earum rerum, quarum Sa-*

#### 4 QVÆSTIO LX-

*cramenta sunt, nō haberent, omnino Sacramenta non essent. Respondetur namque Diu. August. loqui de similitudine proportionali, quam habent Sacramenta cum sanctitate, quam significant, qualis est in baptismo ablutionis exterioris corporis cum ablutione animæ, quam si non haberent Sacramenta, inquit, Sacramenta non essent: non quia de ratione Sacramenti sit, sed quia placuit in Deo de facto non instituere Sacramenta, nisi in rebus talem similitudinem habentibus. Cæterum hæc similitudo proportionalis non est completa, & perfecta, ac sufficiens ad significandum naturaliter rem sacram; vnde necessaria fuit diuina institutio, vt ad rem sacram significandam determinarentur tales res. Vnde D.Tho. in quarto distinct. 1. quæst. 1. artic. 1. quæstiuncula 5. ad 4. dicit: *Et si representatio, quæ est ex similitudine naturalis proprietatis importet aptitudinem quandam ad signandum: attamen determinatio, & complementum significationis ex institutione est.**

Dicendum est tertio. Non esse de ratione Sacramenti esse signum practicum, hoc est, efficiens quod significat. Oppositum huius asserunt quidam recentiores. Sed nostra conclusio probatur primo ex D. Thom. hic dicente: *Non oportet quod Sacramentum semper importet causalitatem. At semper illam importaret, si de eius ratione esset esse signum practicum, hoc est, efficiens quod significat; ergo &c.*

Se-

## ARTICVLVS I. 5

Secundò, Sacramenta veteris legis habebant rationem Sacramenti: at non efficiebant quod significabant, nam non erant causa gratiæ quam significabant; ergo, &c.

Si dicas. Sacramenta veteris legis, non significasse gratiam immediatè, sed mediante sanctificatione legali, quam efficiebant, & cum dicitur de ratione Sacramenti esse efficere quod significat, intelligendum esse de eo quod immediatè significat, non de alijs, cum constet Sacramenta nouæ legis significare passionem Christi, quam tamen non efficiunt. Contra hoc est: Tum quia vt ostendimus artic. seq. de ratione Sacramenti est significare veram, & perfectam sanctificationem, quæ fit per gratiam, & ad eius rationem non sufficit significare imperfectam & legalem sanctificationem; ergo si gratiam efficere non est de eius ratione, nec de eius ratione erit efficere quod significat, cum solum illam significare sit de eius ratione. Tum etiam, quia Deus potuit in lege veteri instituere Sacramenta, quæ nullam sanctitatem legalem significarent, sed solum veram iustificationem, quæ non ab ipsis, sed à solo Deo fieret, at non potuisset, si de ratione Sacramenti-esset efficere quod immediatè significat; ergo, &c. Tum deinde, quia de facto circumcisio immediatè significabat veram ipsam sanctificationem, propter quod ad Roman. 4.

## 6 QVAESTIO LX.

v. 11. appellatur *Signaculum iustitiae fidei*; ergo cum illam non causaret. non est de ratione Sacramenti efficere quod immediate significat. Tum denique, quia Sacramenta legis naturæ non erant signa alicuius legalis sanctificationis, sed immediate significabant gratiam, & veram sanctificationem: at illam non causabant; ergo, &c. Unde licet de ratione Sacramenti sit esse signum practicum, hoc est eius quod efficitur, vel ab ipso, vel à Deo ad præsentiam illius: non tamen est de eius ratione ita esse signum practicum, ut ab eo efficiatur quod significat.

Ad 1. factum in principio respondet Mag. Soto ubi supra ad finem articuli: *Sacramenta uniuersa, quatenus Sacramenta sunt, hoc est ratione sua formæ, quæ est significare gratuitos effectus, collocari in genere signi. Singula tamen secundum suas naturales substantias collocari in genere actionis, seu passionis, ut argumentum probat. Quemadmodum statua ratione sua naturalis substantia collocatur in genere substantiæ, est enim aut lignum, aut lapis. sed ratione artificiatæ formæ est in genere qualitatis.*

Ad 2. respondetur negando minorem. Ad probationem quidam recentiores dicunt Sacramenta etiam secundum suam rationem formalem, quæ consistit in significatione, non esse mere entia rationis, quia hæc sunt aliquid fictum, nullum habens esse extra intellectum; Sacramenta autem ha-



## ARTICVLVS I. 7

habent veram vim significandi suum effectum, dum nemo de illis cogitat. Quare secundum rationem formalem sunt potius entia moralia, sicut, & dignitas regia, quæ verè habent esse aliquod extra intellectum, non quidem absolutè reale, sed quasi medium inter ens reale & rationis. Contra hoc tamen est, quia nullus dixit signum ad placitum secundum suam rationem formalem non esse mere ens rationis. Inter ens reale, & rationis non dari medium etiam docent omnes, & nos ostendimus 1. p. q. 4. art. 2. dub. 2. Vis autem significandi suum effectum, quam habent Sacramenta, dum nemo de illis cogitat, similis est ei, quam habet diadema, vel purpura ad significandam regiam dignitatem, quæ non plus entitatis quam rationis habet ab institutione, eamque entitatem licet formaliter non habeat, nisi dum aliquis illam actu cognoscit, fundamentaliter tamen habet, etiam si nullus de ea cogitet, iuxta ea, quæ diximus 1. p. q. 19. art. 3. dubio unico ad 3. secundæ sententiæ.

Respondetur ergo, quamuis esse signum ad placitum sit ens rationis, non esse absolutè asserendum, Sacramenta esse entia rationis: sicut quamuis figura in cathedra sit accidens & ens in alio, non dicimus cathedram esse accidens & ens in alio. Sacramenta enim, sicut & artificiata, non supponunt pro formali, sed pro materiali: quamuis autem significatio, quæ est formale sacramentorum, sit ens rationis; actio-

## 8 QVAESTIO LX.

nes non tamen, vel passionēs, quæ sunt in materiale illorum, aliquid reale sunt; sicque Sacramenta absolute non entia rationis, sed vera entia realia dicenda sunt.

Ad tertium respondetur, esse causatum gratiæ, quo Sacramenta nouæ legis differunt à Sacramentis veteris legis, non conuenire ipsis, ratione formæ, & significationis, sed ratione materiæ & actionis, in qua recipitur diuina virtus, qua eleuantur ad gratiam causandam; sicque licet aliquid reale, posse Sacramenta formaliter esse in genere signi. Vnde argumentum solum conuincit, Sacramenta nouæ legis non solum esse in genere signi ratione formæ, sed etiam in genere causæ ratione materiæ. Coniungitur autem in Sacramentis nouæ legis esse causatum gratiæ ratione materiæ cum significatione necessario, & per se, non quidem absolute, sed supposita diuina ordinatione, & institutione, qua voluit, vt essent talia Sacramenta signa practica efficiantur quod significant.

Ad quartum Mag. Soto vbi supra negat minorem, & ad auctoritatem D. Thom. respondet hic mutasse sententiã. Sed melius respondetur D. Thom. hic diuersimodè agere de Sacramentis, ac in loco citato in argumento ex 4. Sent. Hic enim ait: *Specialiter autem nunc loquimur de Sacramentis, secundum quod important habitudinem signi, & secundum hoc Sacramentum ponitur in genere signi. Ibi verò in corpore illius*

## ARTICVLVS I. 9

illius quæstiunculæ inquit : *Diffinitio Magistri completissimè rationem Sacramenti designat, prout nunc de Sacramentis loquimur.*

Quamuis ergo Sacramenta nouæ, & veteris legis non conueniant vniuocè in ratione completa Sacramenti constante ex formalis & materialis ratione, sicque rectè ibi ad 5. dicat D. Thom. *Sacramentum non diuiditur per Sacramenta veteris & nouæ legis sicut genus per species, sed sicut analogum in suas partes* : vniuocè tamen conueniunt in ratione Sacramenti, quæ ei competit ratione formalis, qualis est significatio, secundum quam Sacramentum ponitur in genere signi. Huius rei exemplum esse potest cathedra ; in cuius ratione formali scilicet figuræ vniuocè conueniunt cathedra lignea, & cathedra picta ; non tamen in ratione completa, sed solum analogicè, cum cathedra picta solum habeat figuram & accidentia cathedræ, & solum secundum quid sit cathedra ; lignea verò cathedræ habeat, & simpliciter cathedra sit ad ad sessionem apta. Idem est de Sacramentis : nam vt loco proximè citato subdit D. Thom. *Sacramentum simpliciter est quod causat sanctitatem ; quod autem signat tantum, non est Sacramentum nisi secundum quid.*

Vnde cum Sacramenta nouæ legis non solum significant sed etiam causent gratiam, simpliciter Sacramenta sunt.

Sacramenta autem veteris legis solum erant signa gratiæ, sicque solum

secundum quid erant Sacramenta, propter quod ad Galatas 4. vers. 9. appellantur. *Infirmas, & egena elementa*. Et ad Hebræos 10. ver. 1. de illis dicitur habuisse *Vmbram futurorum*. Ac per consequens in ratione completa Sacramenta solum analogice conueniebant cum Sacramentis nouæ legis: vniuocè tamen cum his conueniebant in ratione formali Sacramenti, quæ est gratiam significare, cum propriè, & simpliciter signa essent gratiæ per Christum conferendæ. Quia ergo hæc ratio intrinsecè illis inerat, & propriè, secundum illam vniuocè conueniebant cum Sacramentis nouæ legis: & quia completa ratio Sacramenti non ita eis inerat, ea parte qua Sacramentum est causa gratiæ, sed solum erat in eis ordo ad gratiam causandam à Christo, & eius Sacramentis, cum his solum analogicè conueniebant: sicut quia vrinæ non inest intrinsecè ratio sanitatis, sed solum dicit ordinem ad illam, solum secundum quid dicitur sana, in hocque cum animali solum analogicè conuenit.



II

## ARTICVLVS II.

*Vtrum omne signum rei sacrae sit  
Sacramentum.*

**Conclusio est affirmans.**

*Dubium. Cuius rei sacrae signum  
debeat esse Sacramentum.*

**E**st de hac re sententia quorundam recentiorum, quam etiam tenere videtur Mag. Cano in 1. par. Relectionis de Sacramentis in genere, ad rationem Sacramenti non requiri esse signum rei sacrae perfecte sanctificantis, qualis est gratia, sed sufficere, significare imperfectam, & legalem sanctificationem, qua per sacramenta veteris legis homines sanctificabantur.

Probatur 1. De ratione Sacramenti solum est significare illam sanctitatem, quam conferre potest, nam est signum practicum: sed non omnia Sacramenta possunt conferre perfectam sanctitatem, quae fit per gratiam, hoc enim est proprium sacramentorum nouae legis; ergo non est de ratione Sacramenti significare perfectam sanctitatem, sed sufficit, ut legalem, aut imperfectam significet.

Secundo. Ad rationem Sacramenti sufficit significare rem sacram & sanctitatem,

quæ est propria illius status, ad quem pertinet: sed sanctitas legalis erat propria status veteris legis, nam sicut ille status erat tantum figura, & umbra status gratiæ, ita sanctitas illi propria erat quasi umbra veræ sanctitatis, & consistebat in quibusdam iustitijs carnis, vt colligitur ex Apostolo ad Hebræos 9. ver. 23. ergo ad rationem Sacramenti veteris legis, sufficiebat hanc rem sacram, & sanctitatem legalem significare.

Secunda sententia est aliorum, quam tenet Mag. Soto in quarto, dist. 1. quæst. 2. artic. 2. de ratione Sacramenti esse significare rem sacram perfectè sanctificantem, qualis est gratia: non tamen in actuali vsu Sacramenti conferendam suscipienti Sacramentum, nam Sacramenta veteris legis non hanc gratiam significabant, sed eam, qua per Christum in lege noua erant homines sanctificandi.

Probant primò ex Concil. Florent. in quo dicitur Sacramenta legis antiquæ significasse gratiam per passionem Christi dandam; ergo non conferendam in actuali vsu ipsorum sacramentorum.

Secundò ex D. Thom. hic enim ad secundum dicit immolationem agni paschalis esse Sacramentum, quia significabat immolationem Christi, *qua sanctificati sumus*; ergo sanctitas, quam significabat, non erat quæ conferebatur in vsu illius Sacramenti; sed quæ per Christum conferenda erat hominibus. Et articulo præcedente

ad

## ARTICVLVS II. 13

ad primum ait. sanctitatem à qua denominatur Sacramentum, significari per modum causæ formalis, vel finalis; sufficit ergo ad Sacramentum significare gratiam per modum causæ finalis. At hæc gratia non confertur in actuali vsu Sacramenti, nam quæ in hoc confertur, cum formaliter sanctificat susipientem, per modum causæ formalis significatur; ergo, &c.

Dicendum tamen est primò. De ratione Sacramenti esse significare rem sacram, hoc est perfectam sanctitatem, quæ fit per gratiam. Probatur, primò, argumentis secundæ sententiæ, in illis enim auctoritatibus sermo est de sanctitate non legali, sed perfecta, quæ per gratiam fit. Confirmatur, nam in cap. *Sacrosanctum*. de consecrat. distinct. secund. de Sacramento in communi dicitur: *Sacramentum est inuisibilis gratiæ visibilis forma*, Quod ex Magistr. Sentent. in quarto, distinct. prima, sumptum est, approbaturque Concil. Tridentin. Session. 13. cap. 3. ergo res sacra, cuius signum est Sacramentum, gratia est perfectam tribuens sanctitatem.

Secundò. In veteri lege erant multæ cæremoniæ, quæ imperfectam, & legalem sanctificationem significabant, & efficiebant, vt colligitur ex illo ad Hebræos 9. vers. 10. *Solummodo in cibis, & potibus, & varijs baptismatibus, & iustitijs carnis.*

At

At non omnes erant Sacramenta, sed multę illarum purę cæremonię, quis enim dicat omnes illas ablutiones, quibus mundabatur corpus, & iusticia carnis ac sanctitas quędam legalis conferebatur, fuisse Sacramenta? ergo ad rationem Sacramenti non sufficit significare, aut efficere imperfectam & legalem sanctificationem.

Tertio. Quia si de ratione Sacramenti esset significare gratiam, & perfectam sanctitatem, sed sufficeret significare, legalem aut imperfectam, sequeretur multa Sacramentalia, quę sunt in Ecclesia, esse Sacramenta, significant enim, imo & conferunt aliquam, imperfectam sanctitatem: sed hoc est falsum; ergo, &c. Si dicas, ad rationem Sacramenti in veteri lege sufficere significare imperfectam sanctitatem, quia hæc erat propria illius status: non tamen in lege noua, quia sanctitas propria legis nouę est vera & perfecta; sicque Sacramentalia, quę sunt in Ecclesia, licet significant, & conferant imperfectam sanctitatem, non esse Sacramenta. Contra hoc est: Tam quia sicut modo Ecclesia potest instituere quędam sacramentalia, ita & in lege veteri, licet non tam perfecta, aliquam tamen legalem & carnis sanctificationem & munditiam significantia, & efficientia: at tunc talia sacramentalia non essent Sacramenta, aliàs non esset proprium Dei instituere Sacramenta, quod est falsum, vt patebit infra q. 64. art. 2. ergo ad rationem Sacramenti non sufficit significare, & efficere imperfectam



## ARTICVLVS II. 15

etiam sanctitatem. Tum etiam quia Sacramenta nouæ & veteris legis eiuidem rationis sunt, & vniuocè conueniunt in ratione significandi rem sacrâ: at non essent, si ad illa sufficeret significare imperfectam sanctitatem, & non ad nostra; ergo &c.

Tum deinde, quia alias si in lege veteri institutum fuisset à Deo aliquid ad significandum solam perfectam sanctitatem, & non legalem, non esset verum Sacramentum, nam nõ significaret sanctitatem propriam illius status: sed hoc est falsum; ergo, &c.

Tum denique, nam vt hic ad 3. ait D. Th. *Res denominatur à fine, & complemento: dispositio autem non est finis, sed perfectio. Et ideo quæ significant dispositionem ad sanctitatem, non dicuntur Sacramenta, sed solum ea quæ significant perfectionem sanctitatis humane.* Sed hæc ratio æqualiter procedit de Sacramentis in quocumque statu: propter quam etiam si sacramentalia quæ modo sunt in Ecclesia, instituta fuissent in veteri lege vel ab Ecclesia, vel ab ipso Deo immediatè cū eadem vi significandi, & efficiendi eosdem effectus, quos modo habent, non fuissent Sacramenta; ergo ad rationem Sacramenti nõ sufficit significare sanctitatem imperfectam, quæ est dispositio ad perfectam, sed requiritur, vt sanctitatem perfectam, quæ est per gratiam, significet.

Dicendum est secundo, De ratione Sacramenti esse significare rem sacram, & perfectam sanctitatem in actuali usu & susceptione Sacramenti conferendam susce-

sce-

scipienti Sacramentum . Probatur 1. Nam Sacramentum , vt hic ait D. Thom. *Est signum rei sacrę, in quantum est sanctificans homines .* Vbi per homines illi intelligendi sunt, qui Sacramentum suscipiunt ; ad rationem enim Sacramenti , sicut non sufficit significare sanctitatem Christi , qua in se sanctus est , vt hic ad 2. dicit D. Thom. ita nec sufficit significare sanctitatem , qua alij non suscipientes illud Sacramentum sanctificantur : at sanctitas quę confertur suscipienti Sacramentum in vſu ipsius Sacramenti confertur, ergo, &c.

2. Quia vt ait D. Thom. infra q. 62. art. 6. *Circumcisio, sicut & alia Sacramenta veteris legis, erat solum signum fidei iustificantis . Et ideo in circumcisione conferebatur gratia in quętum erat signum passionis Christi futurę .* Ergo sicut in actuali vſu circumcisionis conferebatur gratia, huiusque in eius vſu conferendę signum erat , idem erit de alijs Sacramentis veteris legis . Cumque hoc non habeant Sacramenta nisi ex Dei institutione , intrinsecum erat eis esse signa gratiæ conferendę in eorum vſu : nam quod habent Sacramenta ex Dei institutione , intrinsecum est illis . *Nec obstat* (inquit D. Thom. in 4. dist. 2. q. 1. art. 2. quęstioncula prima ad 4.) *si aliquis sanctitatem non recipit: quia non est ex defectu Sacramenti, quod quantum est in se natum est gratiam conferre .* Si sit Sacramentum nouę legis : aut saltem vt in eius vſu gratia conferatur , si sit Sacramentum legis veteris ,

Ter-

## ARTICVLVS II. 17

Tertiò, D. Thom. in 4. dist. 1. quæst. 1. artic. 2. quæstiunc. 1. ad 8. ait serpentem æneum non fuisse Sacramentum, & rationem assignat: *Quamuis serpens æneus esset signum rei sacræ sacrantis; non tamen in quantum sacrans est actu, quia nõ ad hoc adhibebatur, ut aliquis sanctificationis effectus perciperetur.* Ergo nec alia veteris legis essent Sacramenta, si non adhiberentur, ut sanctificationis effectus perciperetur in ipso usu, & applicatione eorum.

Quartò, Nam si ad rationem Sacramenti sufficeret significare gratiam, non quæ confertur in eius usu, sed quæ conferenda erat per passionem Christi in legē Euangelicā, sequeretur omnia sacrificia legis veteris fuisse Sacramenta; significabant enim gratiam dandam per Christi passionem in lege Euangelicā, ut docet D. August. lib. 5. contra Iulianum cap. 9. sed hoc est falsum, ut colligitur ex D. Thom. 1. 2. quæst. 101. art. 4. ergo, &c. Idem argumentum fieri potest de ceremonijs omnibus legis Moysæ, omnes enim significabant Christum & gratiam per eum dandam tanquam umbrę futurorum. Idem de matrimonio, tam in lege naturæ, quam Moysæ; significabat enim conjunctionem Christi cum Ecclesia, & consequenter gratiam per Christum dandam: quod tamen non erat Sacramentum propriè dictum.

Ad argum. autem 1. sententię respond. Ad 1. negando maiorem; ad rationem enim

Sa-

## 18 QVÆSTIO LX.

Sacramenti requiritur significare perfectā sanctitatem, quam confert, aut quæ in actuali eius usu confertur, & hoc sufficit ut aliquo modo sit signum practicum.

Ad secundum respondetur, maiorem solum esse veram, si res sacra & sanctitas propria illius status habeat rationem finis, & complementi in illo statu, nam ut hic ad 3. ait D. Thom. *Res denominatur à fine, & complemento*. Sanctitas autem legis non habebat rationem finis, & complementi in statu legis veteris, sed ordinabatur ad verā sanctitatē, ut quædam dispositio ad illam, & sic eam significare non sufficiebat ad rationem Sacramenti.

Ad argumenta secundę sententię respondetur. Ad primum negando consequentiam; solum enim sequitur, Sacramenta veteris legis non significare gratiam conferendam virtute, & causalitate ipsorum; conferendam enim in usu actuali ipsorum virtute, & merito passionis Christi significabant. Vnde per gratiam dandam per passionem Christi non intelligit gratiam dandam tunc, sed post Christi passionem, sed gratiam tunc dandam propter meritum tamen passionis Christi futuræ.

Ad secundum respondetur, illud, *Quæ sanctificati sumus*, non esse solum referendū ad homines qui post Christi passionem nati sumus, sed ad omnes homines, etiam qui Christi incarnationem præcesserunt: quia omnes Christi passione, seu immolatione sanctificati sunt, & ex meritis passionis Chri.

## ARTICVLVS II. 19

Christi gratiam, & sanctificationem acceperunt: Vnde non sequitur sanctitatem, quam significabat immolatio agni paschalis, non conferri in usu illius Sacramenti, sed solum non conferri virtute Sacramenti illius, sed virtute immolationis Christi, & propter Christum. Ad aliam auctoritatem dico, ad rationem Sacramenti non sufficere significare gratiam per modum causæ finalis vtcumque; aliàs enim quæ in veteri testamento significabant sanctitatem Christi, vt in se sanctus est, essent Sacramenta, nam illam vt finem significabant, sicut & Christum, qui legis finis est, quod est contra D. Thom. hic ad 2. sed requiri significare gratiam per modum causæ finalis, in quantum est sanctificans homines tale Sacramentum suscipientes: talis autem gratia in usu actuali Sacramenti confertur, vt in susceptione circumcisionis (& idem est de alijs Sacramentis legis antiquæ) conferebatur.



## ARTICVLVS III.

*Virum Sacramentum sit signum  
vnius tantum.*

**Conclusio est negans.**

*Dubium. An sit de intrinseca ra-  
tione Sacramenti significare plu-  
ra.*

**T**ria per Sacramenta significari docet  
D. Thom. gratiam, quę est forma  
nostrę iustificationis: passionem Christi,  
quę est nostrę sanctificationis causa; &  
vitam eternam seu gloriam, quę est vlti-  
mus finis sanctificationis nostrę. Et quam-  
uis quod subdit S. Doctor. *Sacramentum  
est rememoratiuum eius quod præcessit, scilicet  
passionis Christi: & demonstratiuum eius quod  
in nobis efficitur per Christi passionem, scilicet  
gratia: & prognosticum, idest prænuntiatiuum  
futura gloria;* Solis Sacramentis nouę legis  
conueniat, saltem primum, nam passio  
Christi non præcessit legis veteris Sacra-  
menta: certum tamen est omnibus Sacra-  
mentis, tam nouę, quam veteris legis con-  
uenire tria hæc significare, nam licet Sa-  
cramenta veteris legis non significarent  
passionem Christi vt præteritam, illam ta-  
men

### ARTICVLVS III. 21

men vt futuram significabant. De his ergo tribus querimus, an sit de intrinseca ratione Sacramenti ista tria significare.

Dicendum est primò, licet non sit de intrinseca ratione Sacramenti absolutè hæc tria, ac per consequens plura significare; intrinsece tamen conuenire Sacramentis iam institutis. Prima pars probatur primò, ex D. Thom. hic ad 3. dicente: *Sufficit ad rationem Sacramenti, quod significet perfectionem quæ est forma.* Quam in corp. art. gratiam esse dixerat.

Secundò, Deus potest instituire aliquod Sacramentum, quod solum significet gratiam dandam in vsu ipsius Sacramenti immediate à Deo absque ordine ad passionem Christi, aut gloriam; ergo non est de intrinseca ratione Sacramenti absolutè significare illa tria, sed ad eius rationem sufficit significare gratiam.

Secunda pars probatur primò, quia Sacramenta iam instituta significant illa tria ex diuina institutione: sed quod conuenit Sacramentis ex propria institutione, qua instituta sunt à Deo, intrinsecum est illis, sicut & habere esse ex tali institutione, ergo, &c.

Secundò, Quia cum Sacramenta sint quædam ceremoniæ religiose pertinentes ad eandem legem, in qua sunt instituta, significatio illis intrinseca debet esse proportionata illi legi; ergo cum lex ventus esset figura Christi venturi, illumque vt venturum profiteretur, lex verò  
nova

noua profiteatur Christum iam passum ; Sacramenta veteris legis ex sua intrinseca ratione significabant passionem Christi, vt futuram, & Sacramenta nouę legis vt iam executioni mandatam tanquam causam gratiæ & cōsequenter glorię, cuius pignus est gratia, sicque tria hęc.

Si quęras autem, an Sacramenta iam instituta sint eiusdem generis & speciei cum Sacramentis quę Deus potest instituere solam gratiam significantibus ? Respondetur, certum esse, eiusdem generis esse: nam hæc & illa conuenirent in ratione generica Sacramenti, quę est esse signum rei sacrę. Quidam tamen existimant diuersę speciei esse: quia de ratione sacramentorum institutorum est significare gratiam in ordine ad passionem Christi, & gloriam, quod nō conueniret alijs Sacramentis, quę possunt à Deo institui. Alij verò eiusdem speciei esse dicunt: quia licet significare passionem Christi, & gloriam sit modus quidam intrinsecus & conditio necessaria ex diuina institutione in Sacramentis iam institutis, non tamen pertinet ad essentiā talium sacramentorum. Vnde sicut eiusdem speciei est contritio, quæ modo intrinsece dicit ordinem ad Sacramentum poenitentię, cum contritione quę in lege naturę, aut scripta non dicebat ordinem ad tale Sacramentum: ita Baptismus modo institutus, qui significat gratiam in ordine ad passionem Christi, & gloriam, eiusdem speciei est cum Baptismo quem Deus po-

test



## ARTICVLVS II. 23

est instituere solam gratiam significan-

Dicendum est secundo Sacramentis iam institutis principalius conuenire significare gratiam, quam passionem Christi, & gloriam. Probatnr primo, nam id indicant verba D. Thom. hic ad ad 3. relata à nobis conclus. 1. & illud clarius asserit. Sanct. Doct. in 4. dist. 1. quest. 1. art. 1. questiuicula prima ad 4. nam de Sacramentis nouę legis ait: *Item significant effectum sanctificationis quem faciunt, & hæc significatio est eis principalis.*

Secundo, Quia vt hic ait D. Thomas *Sacramentum proprie dicitur, quod ordinatur ad nostram sanctificationem. Sed nostra sanctificatio principaliter consistit in gratia, quæ vt forma intrinseca iustificamur; ego hæc est significatum principalius Sacramenti, propter quod alia significantur, passio quidem Christi, quia est causa illius; gloria verò, quia est illius finis.*

Si dicas, in Sacramento Eucharistię forma consecrationis non significat principaliter gratiam, sed corpus & sanguinem Christi; ergo non omnia Sacramenta significant gratiam principalius. Respondetur, corpus, & sanguinem Christi in Eucharistia esse id, quod est res & Sacramentum simul, sicque vt talia sunt significari ab eo quod est Sacramentum tantum, & à verbis consecrationis. Cum autem res & Sacramentum simul significatur propter id quod

quod est res tantum, nam ad hoc significandum ordinatur; Corpus, & Sanguis Christi, licet immediate & expresse significantur per verba consecrationis, sunt illorum principale significatum, fortè grammaticale, sed significatum sacramentale principalius est gratia cibaria ac animam hominis reficiens, ad quam sicut ad rem tantum significandam ordinantur Corpus, & Sanguis Christi, ut continentur in Eucharistia. Simile continetur in Sacramento Ordinis; licet enim si solè consideremus significationem grammaticalem verborum formæ illius *Accipe* *testatemur*, &c. principale significatum illa potestas; si tamen attendamus san-

ctificationem sacramentalem,

non illa, sed gratia, quæ est

res tantum illius Sa-

cramenti, est prin-

cipaliter signi-

ficatum.

(†)



*Vtrum Sacramentum sit semper  
aliquare sensibilib.*

**Conclusio est affirmans :**

*Dubium . An recta sit diffinitio Sa-  
cramenti , quam hic proponit D.  
Thomas .*

**H**anc diffinitionem sacramenti pro-  
ponit D. Thom. hic in argumento  
primo , eamque in eius solutione  
admittit & approbat , quam & art. 2. pro-  
posuerat : *Signum alicuius rei sacre , in quan-  
tum per eam homo sanctificatur .*

Contra illam arguitur primo, cum Hu-  
gone de Sancto Victore lib. 1. de Sacra-  
mentis, par. 9. cap. 2. Imagines & Crux sunt  
sacrarum rerum signacula : & tamen non  
sunt sacramenta ; ergo non est recta præ-  
dicta diffinitio sacramenti .

Secundò , Verbis illis , quæ Christus di-  
xit Magdalene Luc. 7. vers. 49. *Remittuntur  
tibi peccata* , conuenit hæc diffinitio, nam  
erant signum gratiæ , qua sanctificata est  
Magdalena , & non fuerunt sacramentum ;  
ergo non est recta , cui enim conuenit bo-  
na diffinitio, debet quoque diffinitum con-  
uenire .

Tertiò, Sacrificia legis veteris non erant sacramenta: sed erant signa rei sacre sanctificantis nos, nam significabant immolationem Christi, qua sanctificati sumus; ergo recte diffinitur prædicto modo sacramentum.

Quartò. Sacramentum debet esse sepe per res aliqua sensibilis, vt hic docet D. Thom. sed esse signum rei sacre, cum sit aliquod rationis, non est res sensibilis; ergo minus diffinitur sacramentum, *signum, &c.*

Dicendum tamen est: Optimam esse definitionem sacramenti, quam hic proponit D. Thom. & in principio huius dubij tulimus. Probatur 1. nam illa sumpta ex Mag. Sent. in 4. d. 1. vbi & aliam addidit namque in principio distinctionis: *Sacramentum est sacra rei signum. Item sacramentum est inuisibilis gratiae visibilis forma.* Vtraque autem habetur in Can. sacrificium. De consecrat. dist. 2 & approbatur in Concilio Tridentino session. 13. cap. 3. dum dicitur commune esse Eucharistiae cum cæteris sacramentis, *Symbolum esse rei sacrae & inuisibilis gratiae formam visibilem.*

Secundò probatur singulas illius particulas explicando. Ante omnia autem aduertendum est, parum aut nihil differre à prima definitione quam Mag. Sent. addidit. Forma enim in secunda definitione posita, licet, vt docet D. Thom. in 4. d. 1. quæst. 1. art. 1. quæstiunc. 3. ad 2. sumatur pro figura quæ & imago dicitur; non tamen sumitur pro figura, vel imagine, vt est naturalis

## ARTICVLVS IV. 27

militudo rei representata, sed quatenus per illam aliquid ex hominum beneplacito significatur. Vnde S. Doct. ibidem subdit, formam pro figura accipi: *Quia per mutationem figura imaginibus aliquid representatur.* Pingit aliquis iuuenem pulchrum, hominem representat. Addit imagini alas, representat Angelum. Superaddit cornu in capite, vel in pedibus ungues rapacis volucris, & diabolum significat. Forma ergo in posteriori diffinitione idem est, ac signum, quod ponitur in prima diffinitione. Gratia autem posita in secunda diffinitione, licet sit minus vniuersalis, quam res sacra posita in prima diffinitione, est tamen res sacra principaliter significata, & ex illa colligi potest integra, & adæquata significatio sacramenti, cum pro causa habeat passionem Christi, & pro fine gloriam. Hoc supposito.

Prima particula diffinitionis est *signum*, & genus explicat Sacramenti, quod, vt dictum est artic. 1. collocatur in genere signi. Et quamuis rectè possit diffiniri sacramentum per eius materiam dicendo. Est res vel actio rem sacram significans; optimè tamen etiam diffinitur per eius genus. Debet autem sacramentum esse signum ad placitum, vt art. 2. ostendimus, & signum sensibile, cuius scilicet significatio per rem sensibilem impleatur, vt hic probat D. Th. istæque proinde duæ particule addi possent in eiusdem diffinitione. Sed satis est eas

subintelligi: quia constat sacramentum nō posse esse signum naturale gratiæ, & etiam sensibile debere esse, cum connaturale sit homini per sensibilia peruenire in cognitionem intelligibilem. Posset quidem Deus instituere sacramenta in rebus spiritualibus, ut in actibus intellectus, aut voluntatis; illa tamen magis essent sacramenta Angelica, quam humana, quia non essent signa proportionata homini, sed Angelo, sicque alterius ordinis, & rationis essent à sacramentis iam institutis: nam quāuis gratiam eandem significarent; non tamen eodem, sed diuerso modo hominis naturæ non accommodato.

Secunda particula est, *Alicuius rei sacra*, quæ differentiam constitutiui sacramenti explicat; hæc enim per ordinem ad rem significatam sumitur. Debet autem hæc res sacra esse perfecte sanctificans, qualis est gratia, ut ostensum est art. 2. Vnde nec sacramentalia, quæ sunt in Ecclesia, nec quæ in veteri lege significabant solam sanctitatem legalem, dicenda sunt sacramenta: quia sanctitas ab eis significata solum habet rationem dispositionis ad perfectam sanctitatem, quæ est per gratiam.

Tertia particula est, *In quantum per eam homo sanctificatur*, quam addidit D. Thom. definitioni adductæ à Mag. Sent. maioris explicationis gratia: quia res sacra significata per sacramentum debet esse nō solum sacra in se ipsa, alias omnes creaturæ sensi-

# ARTICVLVS IV. 29

biles, quæ significant sapientiam & bonitatem diuinam, essent sacramenta, sed pertinens ad homines in quâ tum per eam sanctificantur. Intelligenda autem est de re sacra, per quam sanctificantur homines in ipso vsu, & susceptione sacramenti. Vnde quæ in lege veteri significabant sanctitatem, qua Christus in se sanctus est, non erant sacramenta: & modo Baptismus susceptus ab aliquo non habet rationem sacramenti per ordinem ad sanctitatem, quæ alteri confertur, sed quæ cõfertur ipsi suscipienti i Baptismũ in vsu, & susceptione talis sacram.

Magister Sentent. in quarto, dist. prima. huic & secundæ diffinitioni, quas proposuerat, aliam particulam addidit nempè: *Quod ita signum est gratia Dei. & inuisibilis gratia forma, vt ipsius imaginem gerat, & causa existat.* Qua particula addita, vt ibi quæst. prima, artic. 1. quæst. 3. ait D. Thom. diffinitio completissime rationem sacramenti explicat, tam scilicet quæ conuenit ei ratione formæ, quàm quæ ei conuenit ratione materiæ. Tunc tamen, vt ibidem ad 5. inquit Sanctus Doctor sacramentum diffinitum, *Non diuiditur per Sacramentum veteris & nouę legis, sicut genus per species, sed sicut analogum in suas partes, vt sanum in habens sanitatem, & signans eam:* Cum autem ratio analogi, quia non est omnino eadem, sed partim eadem, & partim diuersa, non conueniat adæquatè omnibus analogatis, non opus est vt tota diffinitio Sa-

cramenti, si ei addatur hæc particula, conueniat sacramentis veteris legis, sed satis est, vt eis conueniat esse signa gratiæ.

Sed quia D. Thom. vt ipse ait artic. 1. hic loquitur de sacramentis, *Secundum quod important habitudinem signi*, quæ eis conuenit ratione formæ, satis fuit in diffinitione sacramenti tres particulas explicatas apponere, quæ omnes æqualiter, & vniuocè conueniunt omnibus tam nouæ, quam legis veteris sacramentis, diffinitumque proinde talis diffinitionis, nempe sacramentum formaliter sumptum, genus est respectu omnium illorum.

Ad secundum autem factum in principio respondetur, imagines, & crucem Christi, licet significant rem sacram, vt in se ipsa talis est; non tamen per modum sacramentis seu in quantum per eam nos sanctificamur, præsertim in vsu earum, quod ad rationem sacramenti requiri diximus, sicque non mirum, si non sint sacramenta.

Ad secundum respondetur negando minorem: nam quamuis verba illa significarent gratiam, quæ tunc collata est Magdalene; quasi speculatiuè, & grammaticaliter; non tamen sacramentaliter quasi signa instituta ad significandam gratiam conferendam in vsu illorum.


Ad tertium respondetur, legis veteris sacrificia, quæ significabant immolationem Christi, qua sanctificati sumus, fuisse legis  
illius



# ARTICVLVS IV. 31

illius sacramenta; de his enim, & præsertim de immolatione agni paschalis, ait D. Thom. hic art. 2. ad 1. *Talia dicuntur propriè veteris legis Sacramenta.* Vnde & rationem sacrificij, & rationem sacramenti habebant, sicut & modo habet Eucharistia; diuersimodè tamen: nam vt instituta ad significandam gratiam quæ in eorum vsu cõferebatur ex meritis passionis Christi futuræ, erant sacramenta, vt instituta vero ad Dei cultum, vt scilicet Deus per illa cole-retur, erant sacrificia.

Ad quartum respondetur D. Thom. hic loqui de sacramento ratione materialis, hoc enim semper debet esse res aliqua sensibilis, per quam significatio sacramenti impleatur, sitque id quod significat. Si tamen de illo ratione formalis sit sermo, non esse nisi ens rationis; sicque per signum diffiniri potest, quod etiã ratione materialis, eius scilicet quod significat, res sensibilis esse debet, ratione vera formalis, quod est ipsa significatio, non nisi ens rationis est.



*Vtrum requirantur determinatæ  
res ad Sacramenta.*

**Conclusio est affirmans.**

**D**E Sacramentis nouæ legis eam probat D. Thom. in corp. artic. quia cum sanctificatio hominis sit in potestate Dei sanctificantis, in sacramentis nouæ legis, quibus homines sanctificantur, oportet uti rebus ex diuina institutione determinatis, & non pertinet ad hominem suo iudicio assumere res, quibus sanctificetur: quia non pertinet ad aliquem determinare, quod est in potestate alterius.

De Sacramentis veteris legis etiam esse veram conclusionem docet S. Doctor in solutione tertia; & probari potest: nam, quamuis illis non sanctificarentur homines tanquam causis gratiæ; ad præsentiam tamen illorum, seu illis positis, Deus gratiam conferebat, illaque homines sanctificabat: sicut autem res, quibus sanctificantur homines, debent esse determinatæ ex diuina institutione: ita & res ad quarum præsentiam, seu quibus positis homines à Deo sanctificantur.

De sacramentis legis naturæ ibidem asserere videtur D. Thom. ad illa non fuisse  
re-

# ARTICVLVS V. 33

requisitas res determinatas. Quod falsum videtur, cum sit eadem ratio de illis, ac de sacramentis legis scriptæ, nam etiam ad præsentiam illorum seu illis positis, Deus conferebat gratiam, & sanctificabat homines, vt patet in eo, quo paruuli à peccato originali mundabantur. Sed asserendū est, D.Th. non loqui de rebus, in quibus consistebant sacramenta legis naturæ, quæ nihil aliud erant, quam quædam externæ protestationes fidei Mediatoris venturi, hæ namque determinatæ fuerunt ex diuina institutione Adæ reuelatæ: sed de rebus quibus huiusmodi protestationes fiebant, quæ non fuerunt determinatæ, sed ex interiori instinctu determinabatur hominibus, quibus rebus sensibilibus internam fidem Mediatoris exprimerent, illamque exterius protestarentur: quibusdam quidem vt illam protestarentur hoc ritu, alijs vt illam alio ritu protestarentur. sed de hoc latius inferius q.61.art.3.agemus.



*Vtrum in significatione Sacramentorum requirantur verba.*

**Conclusio est affirmans.**

**I**llam restringendam esse ad sacramenta nouæ legis constat ex solutione tertij. In veteri enim lege, quamuis in nonnullis sacramentis vterentur aliquibus verbis, tam Sacerdotes, qui erant sacramentorum illorum ministri, quam etiam illi, qui illis sacramentis utebantur, eaque recipiebant: non tamen ad omnia sacramenta, requirebantur verba, vt patet in circumcissione, & in esu, ac immolatione agni paschalis, in quibus nulla proferebantur verba. Idem est de sacramentis legis naturæ; ad illa enim nulla requirebantur verba, sed sufficiebat fidem Mediatoris exprimere, illamque protestari actu, aut signo aliquo exteriori.



*Dubium . An Sacramenta nouæ legis componantur ex rebus , & verbis sicut ex materia, & forma .*

**P**ars negans probatur primo . Materia & forma debent esse simul in eis , quæ ex ipsis componuntur : sed in sacramentis nouæ legis res & verba non sunt , aut non necessario debent esse simul ; ergo , &c.

Minor probatur , nam in Sacramento Baptismi res, scilicet ablutio, potest præcedere verba, & è contra verba possunt præcedere abluitionem ,

Secundò , In sacramento Eucharistiæ transacta consecratione , quæ fit verbis , species sacramentales habent veram rationem sacramenti : at tale sacramentum non componitur ex rebus & verbis , sed in solis rebus consistit ; ergo non omnia sacramenta nouæ legis cõponuntur ex rebus & verbis tanquam ex materia & forma .

Tertiò , In Sacramento Pœnitentiæ præter verba confessionis pœnitentis , & absolutionis Sacerdotis non requiruntur aliquæ res ; ergo non componitur ex rebus & verbis , sed in solis verbis consistit .

Quartò, Sacram. Matrim. potest fieri aliquando solis verbis, si contrahentes exprimant consensum verbis, aliquando solis rebus, si contrahentes nutibus aut literis consensû exprimant. In illo etiam nõ potest assignari quid habeat rationem materiæ, & quid rationem formæ, cum ex æquo se habeat

consensus expressio viri & scemine; ergo tale sacramentum non componitur ex rebus & verbis tanquam ex materia, & forma.

Quintò, in omnibus sacramentis significatio est forma illorum, cum omnia sint signa; ergo non requiruntur verba, quæ habeant rationem formæ.

Dicendum tamen est Omnia Sacramenta nouæ legis constare rebus, & verbis. Oppositum huius docuit Durandus in 4. d. 1. q. 3. nu. 6. Sed nostra conclusio colligitur ex Concil. Florentin. afferente verbis concl. seq. referendis, omnia sacramenta perfici rebus, & verbis. Quamuis enim in quibusdam sola verba inueniantur; aliqua tamen ex illis verbis pro rebus accipiuntur, & hoc sufficit vt verificetur, omnia sacramenta nouæ legis perfici verbis, & rebus, vel in rebus & verbis consistere. Negat hoc Durandus vbi supra num. 8. *Quia cum dicitur sacramentum constare ex rebus & verbis, res & verba sunt duo separata: ita quod nec verba possunt accipi pro rebus, nec res pro verbis, si dictum illud debeat verificari.* Eius tamen sententia merito censetur temeraria aut maiori censura digna. Nam necesse est, dictum illud verificari iuxta doctrinam Conc. Flor. & vt verificetur opus est res aliquas accipi pro verbis, & aliqua verba pro rebus, cum constet in Sacramento Pœnitentiæ tam absolutionem Sacerdotis, quam confessionem pœnitentis fieri verbis, quamuis hæc aliquando fiat nutibus & signis;

signis: & in Sacramento Matrimonij cō-  
muniter consensum vtriusque contrahen-  
tium verbis exprimi, quamuis aliquando  
nutibus aut signis exprimatur.

Dicendum est secundo, Rebus & verbis  
tanquam ex materia & forma constare &  
perfici omnia sacramenta nouę legis, ex il-  
lisque tanquam ex partibus essentialibus  
componi. Prima pars probatur primo ex  
Conc. Flor. in decreto vnionis, vbi dicitur:  
*Omnia sacramenta perficiuntur rebus tanquam  
materia, verbis tanquam forma.*

Secundo ex D. Thom. hic ad secundum  
dicente: *Ex rebus & verbis fit quodammodo  
vnum in sacramentis, sicut ex forma, & ma-  
teria.*

Tertiò, Ratione sumpta ex D. Thom. In  
qualibet re illud quod est determinabile  
per aliud habet rationem materię; illud  
verò quod determinat, & perficit, habet  
rationem formę: sed in omnibus sacra-  
mentis nouę legis res sensibiles sunt deter-  
minabiles per verba, cum sint indifferentes  
ad multa, verba autem determinant illas  
ad vnum: *Aqua enim significare potest, & ab-  
lutionem propter suam humiditatem, & refri-  
gerium, propter suam frigiditatem. Sed cum  
dicitur, Ego te baptizo, manifestatur quod aqua  
vltimur in Baptismo ad significandum emunda-  
tionem spiritualem. Ergo in sacramentis res  
sensibiles habent rationem materię, verba  
autem rationem formę.*

Secundam partem negant nonnulli affe-  
rentes, formam in sacramentis esse aliquid

sacramentale, non tamen essentialiale ipsa cum materia componens; sed solam materiam esse, in qua sacramenta essentialiter consistunt. Sed illam docet expressè D. Thom. in 4. d. 1 q. 1. ar. 3. ad 2. dicens *Verba & res sunt de essentia sacramenti, & ideo Magister in his duobus dicit constare sacramenta.*

Secundò probatur. Omnia enim quæ constant materia, & forma, ex illis componuntur, & quamuis forma non sit essentialis materiæ, essentialis est tamen composito, cuius essentia saluari non potest sine forma: vnde in artificialibus, licet materia sola sit pro qua supponunt; non tamè ipsa sola est, in qua essentialiter consistunt; forma enim intrinseca, & essentialis est illis per modum vltimi complementi essentialis, & sine forma artificiali essentiam rerum artificialium saluari non potest; ergo cum sacramenta constant materia, & forma, sicut & artificialia; ex illis tanquam, ex partibus essentialibus componuntur, quæ uis pro materia supponant.

Nec huic obstat modus loquendi Conc. Florent. ubi supra dicentis *sacramenta perficiuntur, & non componuntur.* Nam verbo illo utitur, propter id quod addit: *Et persona ministri, &c.* Constat enim personam aut intentionem ministri non esse partem essentialem sacramenti, quamuis sit ad illud necessario requisita. Non obstat etiam, D. Thom. infra q. 84. ar. 1. ad 2. formam sacramenti poenitentiae appellare *Complementum*

tum



*tum sacramenti*. Nam loquitur de complemento essentiali, non accidentali. Non obstat denique quod ait Mag. Soto in 4. dist. 3. quæst. vnica art. 1. *Baptismus non est velut compositum in genere substantia, sed sicut res artificiata, cuius tota substantia est ipsa materia*. Nam non est idem substantia & essentia rei, sicque licet in artificiatis & in sacramentis forma sit de essentia illorū; non tamen est de substantia illorum, ac per consequens non sunt ex illa & materia veluti compositum in genere substantia, nec supponunt pro tali composito, sicut homo supponit pro corpore & anima, sed tota substantia illorum, pro qua supponunt, est materia habens talem formam. Quamuis autem ex materia, & forma illorum non fiat vnum compositum substantiale, fit tamen vnum compositum artificiale, quod ens reale est, & aliquo modo vnum per se in genere artificialis, etiamsi componentia sint diuersorum prædicamentorum. Vnde idem Mag. Soto in quarto d. prima. quæst. 1. ar. 6. ait. *Res se habet vt materia, quæ per verborum formam limitatur & perficitur. Et ideò ex ambobus sicut ex materia, & forma, vt in solutione secundi auctor est D. Th., vnum resultat sacramentum*.

Ad primum autem factum in principio glossa in cap. *Detrahe* 1. quæst. 1. & Caiet. tom. 1. Opusc. tract. 26. negant minorem; existimant enim res & verba debere esse simul tempore in toto, vel saltem in parte, ita vt licet nō sit necessarium ablationem  
in

in Baptismo durare quamdiu durant verba formæ; necesse tamen sit, ut durante aliqua parte verborum fiat ablutio; alias nāque non verificarentur verba formæ. Sed Mag Soto in 4. dist. 3. quæst. vnic. ar. 8. hanc sententiam impugnât, & ait. *Non debere, & sive adeo strictim hoc simul, intelligi, sed moraliter modo, hoc est, ut humanus habet usus. Qui enim phylam ori admouens ait, ego bibo, & continuo bibit, simul censetur id dicere, & facere: & pariter si dicat crucem osculor, & statim osculum porrigat. Pari ergo ratione si quis prius dicat, Ego te baptizo, vel ego te christo, & protinus mergat, vel chrisinate ungat, sat est: illud enim proximum tempus censesetur humano more præsens.* Iuxta quam doctrinam, quæ communis est inter Theologos, afferendum est, non in omnibus, quæ componuntur ex materia, & forma, requiri, ut eodem modo materia, & forma sint simul. Nam in compositis substantialibus materiam, & formam substantialem omnino simul esse oportet: in alijs vero, præsertim in successiuis, & artificialibus, non omnimoda simultas requiritur. Propositio enim componitur ex subiecto, & prædicato tanquam ex materia, & forma, quæ tamen non sunt simul, ita ut eodem temporis momento proferantur, sed quia immediatè post subiectum sequitur prædicatum in propositione. In numero etiam quatuor annorum, quartus annus, utpotè vltima vnitas illius quaternarij, habet rationem formæ, ex qua tanquam ex forma.

## ARTICVLVS VI. 41

ma, & ex alijs vnitatibus, seu annis tanquā ex materia numerus ille componitur: & tamen solum dicuntur esse simul, quia vna succedit alteri. Ita ergo in sacramentis, inter materiam, & formam, ex quibus componuntur, sat est vt sit moralis simultas, coniunctio, & propinquitas, sit adeo vt secundum modum loquendi communem sufficiat ad veritatem formæ, & secundū moralem æstimationem censetur forma cadere super materiam, & cum illa coniungi ad faciendum quodammodo vnum. Cauenda tamen est nimia interpollatio: nam vt ait Mag. Soto vbi supra: *Si tantum temporis interuallum interciperetur, vt secundum usum humanum forma, & actio non essent simul, tunc nullum perficeretur sacramentum.*

Ad secundum quidam respondent, sacramentum Eucharistiæ quantum ad fieri constare rebus, & verbis, ex illisque tanquam ex materia, & forma componi; non tamen in facto esse. Alij dicunt etiam in facto esse, sacramentum Eucharistiæ componi ex rebus & verbis: nam quamuis formaliter non maneant nisi species panis, & vini; virtualiter tamen manent verba consecrationis; propter quæ tales species dicuntur consecratæ, & hoc sufficit, vt sacramentum ex illis componi dicatur: sicut vt mixtum dicatur componi ex elementis, sat est, vt hæc virtualiter maneant in mixto.

Ad tertium respondetur, quando concilia & D. Thom. dicunt sacramenta constare

re

re rebus & verbis, non sumi res & verba strictè, & rigurosè, sed omnia illa dici res, quæ habent modum indeterminatum, & determinabilem per aliam partem sacramenti, sicque rationem materiæ habent; illa verò dici verba, quæ habent significationem determinatam, & quæ determinant aliam partem sacramenti, sicque formæ rationem habent. Vnde in sacramento Pœnitentiæ confessio vocalis appellatur res, quia determinatur per absolutionem, & rationem materiæ habet: nam ut ait Mag. Soto in 4. dist. 1. quæst. 1. artic. 6. *Non usque adeo strictè accipitur hic nomen rerum contra verba, sed res appellatur quicquid esse potest materia sacramenti, ut distinguitur à forma, licet sit etiam verbum.*

Ad quartum respondetur, si contrahentes in Sacramento Matrimonij exprimant consensum verbis, verba vnius habere rationem rerum & materiæ; si nutibus aut literis, vnius nutum habere rationem verborum & formæ, facta enim & res sæpè vim verborum habent, ut patet ex his quæ de contumelia diximus 2. 2. quæst. 72. art. 1. Cuius autem contrahentis consensus expressus per verba aut nutus habeat rationem materiæ, & cuius rationem formæ, variè explicant Doctores, quibus relinquens hanc difficultatem Concil. Florent. solum in communi determinavit, Sacramentum Matrimonij constare rebus & verbis, materia & forma. Mag. Soto lo.

# ARTICVLVS VI. 43

co proximè citato inquit : *Verba, seu nuntus, seu literas, quibus consensus mutui exprimitur, sibi inuicem esse materiam, & formam.* Quam sententiam multi sequuntur, & explicant exemplo numeri; in quo, vt existit à parte rei, non est maior ratio, cur vna ex vnitatibus sit prima, vel secunda, & altera vltima, sicque vna materia, & altera forma; ac proinde sibi inuicem sunt materia & forma.

Ad quintum respondetur negando consequentiam: nam significatio est vltima, forma totius Sacramenti, quæ adæquatè inest toti composito ex rebus & verbis: cæterum in illo composito vna pars comparata ad alteram habet se vt forma ad materiam: sicut in homine humanitas est forma totius hominis, & nihilo-

minus anima in

ordine ad

corpus

ha-

bet rationem

formæ.

(†)



*Vtrum Requirantur determinata  
verba in Sacramentis.*

**Conclusio est affirmans.**

*Dubium. An ita requirantur deter-  
minata verba in Sacramentis, ut  
nec æquivalentibus uti liceat.*

**L**icitum esse uti verbis æquivalentibus probatur primo. Verba æquivalentia eundem omnino sensum efficiunt; ergo illis uti licet, verbo scilicet abluo in Sacramento Baptismi, & verbo remitto in Sacramento Pœnitentiæ.

Secundò, In Sacramento Pœnitentiæ licitum est uti materia, quæ secundum opinionem probabilem est sufficiens, licitum est enim ad illud accedere cum attritione cognita; ergo etiam erit licitum uti forma verbis æquivalentibus constante, quam certum est esse sufficientem ad tale Sacramentum.

Dicendum tamen est: Non esse licitum uti verbis æquivalentibus, nisi in casu necessitatis aut quo Ecclesia id permittit. Docet hoc Caietanus hic dicens: *Si quis uteretur alijs verbis (puta dicendo: ego te absoluo in nomine Patris, &c. aut in Sacramento*

*Ex-*

## ARTICVLVS VII. 45

*Eucharistia: istud est &c. ) perfecta essent Sacramenta. Sed sunt vocos illa, quibus Ecclesia utitur de necessitate precepti Ecclesie: ideo peccaret quisquis aduertens uteretur alijs vocibus ab illis, quibus Ecclesia sua consuevit. ut in Sacramentis.*

Probatur etiam ex D. Thom. in 4. dist. 3. q. 1. ar. 2. quæstiuncula 2. dicente: Si aliquid pertinet ad formam ex determinatione Ecclesie, si illud mutatur, nihilominus est Sacramentum, sed culpa incurritur.

Hinc sequitur primò, Quamuis cuiuscumque lingue verbis eundem sensum habentibus cum eis, quibus utitur Ecclesia, ac proinde eis, æquivalentibus, perficiatur sacramentum, ut hic ad primum docet D. Thom. non tamen esse licitum sacramenta conficere verbis lingue vulgaris. excepto Sacramento Matrimonij, quod verbis lingue proprię in qualibet Prouincia conficitur, quia contrahentes, qui illud cōficiunt, regulariter linguam latinam ignorant; excepto etiam Sacramento Baptismi, quando urgente necessitate conficitur à foemina, aut à viro laico nesciente loqui nisi lingua vulgari. Oppositum huius heretici nostri temporis docent, asserentes sacramenta verbis lingue vulgaris esse omnia conficienda. Sed quod diximus certū est: nam qui verbis lingue vulgaris uteretur, contra vsum & consuetudinē Ecclesie ageret, ab Ecclesiaq; puniretur tanquam transgressor precepti illius, sicq. peccaret.

Secundò sequitur, Licet verum sit quod  
D. Thom.

D. Thom. dicit ad secundum, in qualibet lingua assumi debere in significatione sacramenti vocem illam, qua principalius, & communius homines illius lingue vtuntur ad significandum aliquid; non tamen esse licitū in Baptismo assumere vocem *Abluo*, relicta voce *Baptizo*: nam quamuis vtraque idem significet, & in latina lingua verbum *Abluo*, ex sua primaria institutione communius reputetur ad illud significandum; ex vsus tamen accommodatione verbum *Baptizo*, tametsi Græcum sit, communius factum est, & ex determinatione Ecclesie ad significandam abluionem, quæ sit in Baptismo assumendum est. Vnde qui non illo sed verbo *Abluo*, aut alio æquivalente aduertenter vteretur, absque dubio peccaret. Quidam tamen dicunt hoc non esse peccatum mortale, si non sit scandalum, circumstantium. Quod & asserit Magister Soto in 4. d. 1. q. 1. art. 8. & ego verum esse existimo, si solum fieret mutatio illius verbi; ob paruitatem enim materie solum esset veniale. At si fieret mutatio totius forme in verba æquivalentia, vt si totam formam proferret Sacerdos lingua vulgari, mortale fore non dubito.

Tertiò sequitur, Quamuis in cap. *Retulerunt*, de consecratione dist. 4. decretum sit à Zacharia Papa validum fuisse Baptismum, quo quidam ob imperitiam nonnullos baptizauerat, *In nomina Patriæ & Filie, Spiritus Sanctæ*. Cuius rationem reddit D. Thom. hic ad tertium: quia illa verborum



## ARTICVLVS VII. 47

corruptio non abstulit sensum locutionis : *Quamuis enim huiusmodi verba corruptè prolata nihil significant ex virtute impositionis : accipiuntur tamen ut significantia ex accommodatione usus* . Et idem est de verbis prolati corruptè à balbis , *Patris* enim prolatum à balbo idem est ac *Patris*, ex usus accommodatione . Tamen qui non ex imperitia errore, lapsu lingue, aut balbutie verba Sacramentalia modo prædicto corruptè proferret, absque dubio peccaret mortaliter, etiã si cum legitima intentione faciendi quod facit Ecclesia illa diceret, & verum conficeret sacramentum : nam talis corruptio cederet in irrisionem Sacramenti, & contra Ecclesiæ consuetudinem, usum ac præceptum esset . Ex quo fit, sacerdotem, qui patitur notabilem defectum linguæ, non posse ministrare sacramenta sine mortali peccato, nisi in casu necessitatis grauissimæ & Episcopum, qui absque graui necessitate ordinaret similem ministrum, peccare mortaliter, quia nõ potest esse debitus minister sacramentorum, in quorum irrisionem cederet eius ministratio .

Ad primum autem factum in principio respondetur negando consequentiam: quia vt diximus cum Caietano, voces illæ, quibus Ecclesia vtitur, sunt de necessitate præcepti Ecclesiæ : & ideo qui alijs vteretur quantumuis æquivalentibus, & eundem sensum efficientibus, peccaret .

Ad secundum, Quidam recentiores dicunt, qui confitetur cum attritione cognita,

8 *QVAESTIO LX.*

ta, sufficientem materiam apponere non solum iuxta opinionem probabilem, sed iuxta certam, quia apud omnes certum est attritionem cognitam sufficere ad rationem materię, & opiniones tantum sunt, an talis attritio sufficiet in ratione dispositionis ad effectum sacramenti, scilicet gratiam. Et quamvis qui cum illa accedit ad Sacramentum extra mortis articulum excusari possit à peccato ob difficultatem habendi contritionem; non tamen si esset in mortis articulo, quia exponeret se periculo eterne damnationis. Alij hoc impugnant: quia quamvis contritio sit supernaturalis, tamen per virtutem diuinę gratiæ potest homo illam habere sine maxima difficultate; ergo ob difficultatem habendi illam, non excusatur à peccato homo sine illa accedens ad sacramentum cum sola attritione cognita, siue in mortis articulo, siue extra illum, aut si ob difficultatem habendi contritionem excusatur extra mortis articulum, etiam excusatur in illo, cum non sit minor obligatio non frustrandi sacramentum suo effectui, & procurandi propriam salutem extra mortis articulum quàm in illo. Vnde ipsi respondent eandem omnino esse rationem de forma ac de materia sacramenti, & dispositione ad effectum sacramenti suscipiendum, sicque peccatum mortale esse relicta forma, aut materia, vel dispositione certa, vti incerta, quæ sub opinione est an sit sufficiens; nisi adsit necessitas, vel utilitas; si enim adsit nullum est

## ARTICVLVS VII. 49

est peccatum illa uti. Et quia in facultate accedendi ad Sacramentum Pœnitentiæ cum attritione cognita est maxima utilitas ob maiorem difficultatē habendi cōtritionem, quæ utilitas non est in facultate vtendi forma constante verbis æquivalentibus iuxta certam omnium sententiam, aut iuxta probabilem multorum; ideò licitum est tam in articulo mortis, quàm extra illum ad Sacramentum Pœnitentiæ accedere cum attritione cognita; non tamen uti forma certa, aut probabili constante verbis diuersis ab eis, quibus utitur Ecclesia. Sed contra hos etiam militat, quod ipsi obijciunt contra Auctores primæ sententiæ: nam si per virtutem diuinæ gratiæ potest homo habere contritionem sine maxima difficultate, quomodo ob difficultatē habendi contritionem licitum est homini ad Sacramentum Pœnitentiæ, accedere sine illa cum sola attritione cognita? Præterea quomodo in facultate sic accedendi sit maxima utilitas non video, cum taliter accedendo nō sit omnino certum gratiam, & effectum sacramenti obtineri, sicut certum est haberi, accedendo cum vera contritione, & utilius sit homini gratiam etiam cum nonnulla maiori difficultate consequi infallibiliter, quam posse facere quod minus difficile est cum incertitudine, & periculo non consequendi illam. Denique quia aliās etiam esset licitum Sacramentum Eucharistiæ conficere ex panepiphæ vel centeni, quem probabilis opinio

asserit sufficientem materiam esse Eucharistię, in locis, in quibus ob maiorem difficultatem habendi panem triticeum esset maxima vtilitas vti pane centeni, qui ibi haberi posset absque vlla difficultate & expensis, sed hoc est falsum, ergo &c. Vnde aliter respōdetur ex dictis à nobis 1.2.q.9. a 6.dub.4.con 2. licitum esse in administratione, aut susceptione sacramentorum vti opinione probabili, si illa vti nō prohibeat Ecclesia: non tamen esse licitum vti opinione etiam certa, si ea vti prohibeat Ecclesia. Vnde cum Ecclesia non prohibeat vti opinione asserente attritionem cognitā sufficere ad Sacramentum Pœnitentię eiusque fructum suscipiendum, sed potius eam Conc. Tri d. Sess. 14. cap. 4. illam approbare videatur, licitum est ad tale sacramentum accedere cum attritione cognita. Non tamen est licitum vti forma sacramenti cōstante verbis æquivalentibus, quia licet incertum sit veram formam esse; Ecclesia tamen prohibet illa vti, & præcipit, vt omnes vtantur forma cōstante verbis, quibus ipsa vti consuevit, vt dictū est cum Caiet. & D. Thom. Vnde sicut peccaret qui in Baptismo vteretur forma Græcorum, quā statumuis legitima sit: ita peccaret qui vteretur forma non cōstante verbis quibus solet vti Ecclesia, sed æquivalentibus, quantumvis sit legitima.

## ARTICVLVS VIII.

*Vtrum Liceat aliquid addere ver-  
bis, in quibus consistit  
forma Sacramen-  
torum.*

**Conclusio est affirmans.**

**T** Ripliciter potest fieri additio verbis  
in quibus consistit forma sacramen-  
torum. Primo ita vt non auferat debitum  
sensus verborum: vt si quis dicat: *Ego te*  
*baptizo in nomine Dei Patris omnipotentis, &*  
*Filij eius vnigeniti, & Spiritus Sancti paracle-*  
*ti:* aut si dicat: *Ego te baptizo in nomine Pa-*  
*tris, & Filij, & Spiritus Sancti, & Beata Virgo*  
*re a liuet.* Et per hanc additionem, inquit  
D Thom Non tollitur Sacramenti veritas, sic-  
que, subdit: *Erit verum baptisma.* De hac-  
que additione verificatur conclusio propo-  
sita. In qua per licere nõ debet intelligi lei-  
tum esse, aut posse fieri sine peccato, sed  
posse fieri quin tollatur veritas Sacramenti.  
Quæcumque enim additio, illicita, & pecca-  
tum est, cum sit contra consuetudinem, &  
præceptum Ecclesiæ.

Secundò, ita vt corrumpatur debitus  
sensus verborum: puta si aliquis dicat: *Ego*  
*te baptizo in nomine Patris maioris, & Filij*  
*minoris.* Et de hac additione, inquit. Liu.

i j C

Thoma.

## 52. QVAESTIO LX.

Thom. *Talis additio tollit virtutem Sacramenti.*

Tertio, Ita vt possit auferri, aut retineri debitus sensus verborum; vt si quis diceret: *Ego te baptizo in nomine Patris, & Filij, & Spiritus Sancti, & Beata Virginis Mariae.*

Additio enim nominis Beatæ Virginis potest auferre sensum debitum, si intelligatur in nomine Beatæ Virginis baptizari sicut in nomine Trinitatis; & tunc *Tolleret veritatem Sacramenti.* Potest etiam non auferre, si intelligatur, non quasi nomen Beatæ Virginis aliquid operetur in Baptismo, sed vt eius intercessio prosit baptizato ad conseruandam gratiam baptismalem; & tunc *Non tollitur perfectio Sacramenti*, vt in fine corp. art. dicit D. Thom.

Aduertendum tamen maximè est quod in principio corporis articuli dicit Sanctus Doctor de eo, qui proferat verba eis aliquid addendo: *Si intendat per huiusmodi additionem alium ritum inducere, qui non sit ab Ecclesia receptus, non videtur, perfici Sacramentum: quia non videtur, quod intendat facere id, quod facit Ecclesia.* Si enim absque vlla additione aut mutatione verborum formam proferret, qua vtitur Ecclesia, etiam si alium ritum nõ receptum ab Ecclesia introducere intenderet, verum perficeret sacramentum. Constat inamque ex Sancto August. & alijs Patribus, qui referuntur de consecratione distinct. 4. per multa capita, hæreticos posse vera consec-

## ARTICVLVS VIII: 33

ficere sacramenta ; qui tamen semper intendunt nouum ritum non receptum ab Ecclesia suis erroribus admistum introducere ; si autem aliquid addendo , per huiusmodi additionem alium ritum non receptum ab Ecclesia inducere intenderet , non perficeret sacramentum . Vnde illud non perficiunt hæretici , qui in forma sacramenti suum errorem apponunt , vt Ariani faciebant baptizantes in nomine Patris maioris , & Filij minoris : quia quamuis dicant se intendere facere , quod facit Ecclesia , reuera non intendunt , nam cum hac intentione pugnat velle introducere per additionem sui erroris ritum , quem detestatur Ecclesia ; & non simul cohærere possunt , habere intentionem Ecclesie , & proferre errorem contra Ecclesiam , eiusque confessionem non profiteri . Hoc non solum verificatur quando additio fit secundo modo ex prædictis ; sed etiam quando fit tertio modo : nam quamuis talis additio sit ambigua , si tamen intelligatur in sensu continente errorem , ambiguitas tollitur , & per talem additionem proferens verba alium ritum intendit inducere , qui non est ab Ecclesia receptus , sicque non perficit sacramentum . Quod & colligitur ex Can. *Retulerunt* . De consecrat. dist. 4. vbi de illo , qui baptizauit in nomina patria , & filia , &c. ( quæ verba corrupta ambigua sunt ad significandum ex vsus accomodatione Patrem , & Filium , & ad significan-

dum Deum habere filiam foeminam ) dixit Summ. Pontific. si non ex ignorantia id fecisset , sed intendendo errorem inducere. Deum scilicet habere filium foeminam , & nouum ritum baptizandi cum hoc errore introducere , non fore censendum verum sacramentum confecisse . Si ritus alius esset ab Ecclesia receptus, & tolleratus in aliqua eius parte , etiam si minister illum intenderet introducere , verum sacramentum conficeret , vt illud conficiunt Græci , etiam si dicentes , Baptizetur seruus Christi hunc ritum baptizandi , qui alius est à ritu Ecclesiæ Latinæ inducere intendant ; nam cum talis ritus sit tolleratus ab Ecclesia , eius intentionem seruant .

Quod de additione dictum est , afferendum est etiam de diminutione ; idem enim de hac , & de illa ait D. Thom . Vnde si per diminutionem tollatur debitus sensus verborum , vt cum prætermittitur aliquid , quod est de substantia formæ , nomen verbi gratia Patris , aut Filij in forma Baptismi , non perficitur sacramentum . Si vero debitus sensus verborum nō tollatur , vt cum solum prætermittitur aliquid , quod non est de substantia formæ , verbi gratia particula *enim* in forma Eucharistiæ , verum conficitur sacramentum . Quod verum est , etiam si minister existinaret particulam *enim* esse de essentia formæ : nam quamuis illam ex industria omittens putaret ex errore particulari , quem habet , se non



## ARTICVLVS VIII. 55

non, facere quod fecit Christus ; reuera tamen faceret , imò & facere intendèret ; si retineret intentionem vniuersalem faciendi quod facit Ecclesia , per quam regulandus & corrigendus est error eius particularis , dum non aufertur legitimus sensus verborum formæ .

De interruptione verborum dicit D. Th. hic ad 3. Si tanta sit , vt intercipiatur intentio pronuntiantis , & tollatur sensus verborum , veritatem etiam sacramenti tolli ; non vero si interruptio sit parua , quæ intentionem proferentis , & intellectum verum non auferit . Et idem dicendum esse

ait de transpositione verborum : quia

tollit sensum locutionis , non

perficitur sacramentum ; si

verò sensum non va-

riat , non tollitur

veritas sacra-

menti .

(†)



## QVAESTIO LXI.

*De necessitate Sacramen-  
torum.*

## ARTICVLVS I.

*Vtrum Sacramenta sint necessaria  
ad humanam salutem.*

**Conclusio est affirmans.**

**Q**Uæ, vt notat Caietanus, intelligenda est de necessario non simpliciter, sine quo non potuisset homo saluari, sed de necessario ad melius, sine quo non conuenienter humana salus fuisset.

## ARTICVLVS II.

*Vtrum Ante peccatum fuerint  
homini necessaria Sacra-  
menta.*

**Conclusio est negans.**

**S**I Adam non peccasset, & status innocentiz permansisset, insinuat D. Thom.  
1. par.

## ARTICVLVS II. 57

1. par. quæst. 100. artic. 2. vt nos ibi nota-  
uimus, omnes homines saluandos fore, &  
nullum peccaturum: non quia in gratia,  
in qua nascerentur, confirmandi essent, sed  
quia per diuinam prouidentiam à peccato  
conseruarentur immunes. Si hoc verum  
est, sicut Adam ante peccatum non fuerūt  
necessaria sacramenta: ita nec alijs homi-  
nibus eius posteris, si ipse non peccasset,  
fuisent necessaria, vt probant argumenta  
& doctrina D. Thom. hic. At si in illo sta-  
tu futura essent peccata, vt quidam ex di-  
scipulis D. Thom. quos loco citato retuli-  
mus, asserunt, necessarium seu conueniens  
videtur, tunc sacramenta à Deo institui:  
illis, enim homines indigerent ad reme-  
dium peccatorum; & non esset inconue-  
niens animam quantum ad gratiam per  
illa perfici: nam amissa iustitia origi-  
nali per peccatum, non maneret  
ordo, quem ex rectitudine  
status innocentie col-  
ligit D. Thom.  
hic.



## ARTICVLVS III.

*Vtrum post peccatum ante Chri-  
stum Sacramenta esse  
debuerint .*

**Conclusio est affirmans.**

*Dubium . An & quenam Sacra-  
menta fuerint in lege naturæ .*

**N** Vllum sacramentum fuisse in lege na-  
turæ . Probatur primo . Si tunc ali-  
quod fuisset sacramentum , maximè in re-  
medium peccati originalis, vt ab illo mun-  
darentur paruuli ; sed ad hoc non fuit ne-  
cessarium sacramentum : nam sola fides pa-  
rentum iustificabat paruulos , vt colligitur  
ex D. Thom. infra quæst. 70. art. 4. ad 2. er-  
go, &c.

Secundò , Sacramentum est signum rei  
facere sanctificantis homines : sed tunc nul-  
lum erat huiusmodi signum , quod enim  
ergo nec sacramentum .

Dicendum tamen est primò , In lege na-  
turæ fuisse aliquot sacramenta . Probatur  
primò ex D. Thom. hic , concludit enim :  
*Ante Christi auentum necessè fuit quedam  
Sacramenta institui .* Et eius rationes æqua-  
liter procedunt de statu legis naturæ , ac de  
statu legis scriptæ .

Se-

### ARTICVLVS III. 59

Secundò, ex S. August. lib. 5 contra Iulianum, cui concedens peccatum originale tunc non dilui baptisimatè, quia nondum fuerat institutum, subdit: *Non ideo tamen credendum est, & ante datam circumcisionem famulos Dei, quam loquidem eis inerat Mediatoris fides in carne venturi, nullo sacramento eius opitulitos fuisse paruulis suis: quamuis quid illud esset, aliqua necessaria causa scriptura latere voluerit.*

¶ Tertiò, in lege naturæ, sicut in lege scripta, oportebat esse quædam signa, quibus homines protestarentur fidem suam de futuro Saluatoris aduentu, nam post peccatum nullus potest sanctificari nisi per Christum: sed hæc signa erant sacramenta: ergo, &c.

Dicendum est secundò, sacramenta legis naturæ non fuisse determinata, sed indeterminata: nam quamuis ex diuina institutione consistere in quadam protestatione fidei de futuro aduentu Saluatoris facta signo aliquo, aut actu, vel ritu exteriori; hoc tamen signum non erat determinatum diuina institutione, sed interiori instinctu determinabatur hominibus, quo signo, actu, vel ritu, aut quibus rebus sensibilibus vterentur ad prædictam fidem protestandam.

Probatur ex D Thom hic ad secundum, Vbi de sacramentis veteris legis ait: *Comparabatur ad sacramenta, que fuerunt ante legem, sicut determinatum ad indeterminatum: quia scilicet ante legem non fuit determinatum*

vj C

pre-

60 **QVAESTIO LXI.**

*præfixum homini, quibus sacramentis uteretur.*  
 Quod intelligendum est modo à nobis in  
 conclusione explicato: nomine enim sa-  
 cramentorum intelligit signa visibilia, qui-  
 bus homo protestaretur fidem suam de  
 futuro aduentu Saluatoris. Et quamuis di-  
 uina institutione reuelata Adæ, ab illoque  
 posteris indicata, determinatè præfixum  
 sit homini, vt pro sacramentis uteretur pro  
 testatione fidei de Salvatore venturo facta  
 signo aliquo exteriori (non enim in volun-  
 tate hominis relictum est, vt ipse sacramen-  
 ta institueret, aut pro sacramētis uteretur,  
 quibus rebus voluisset) hoc tamen signum  
 non fuit diuina institutione determinatum,  
 sed relictum est instinctui interiori, vt col-  
 ligitur ex D Thom. supra quæst. 60. artic. 5.  
 ad 3. voluntatiq; ac deuotioni hominum  
 Deum colentium, vt colligitur ex eodem  
 S. Thom. 1. 2. q. 103. ar. 1. vbi & ait: *Sed quia  
 etiam ante legem fuerunt quidam viri præcipui  
 prophetico spiritu pollentes, credendum est, quod  
 ex instinctu diuino; quasi ex quadam privata  
 lege, inducerentur ad aliquem certum modum  
 colendi Deum, qui & conueniens esset interiori  
 cultui, & etiam congrueret ad significandum  
 Christi mysteria.* Qui modus colendi Deū,  
 non erat sacramentum ipsum secundum  
 substantiam, sed ritus, quo conficeretur,  
 aut signum exterius, quo protestatio ex-  
 terna fidei de Salvatore venturo, in qua  
 substantia sacramenti consistebat, fieret.  
 Quo signo aut ritu omnes à prædictis viris  
 præcipuis instructi vti tenebantur in sacra-  
 me n

### ARTICVLVS III. 61

mentis. Qui verò illius notitiam non habebant. vti tenebantur ritu, aut signo constituto à Republica benè instituta, cuius erant ciues. Si autem nullum esset à Republica constitutum, vti possent ritu aut signo constituto secundum proprium cuiusque instinctum, voluntatem, & deuotionem.

Nec est mirum Deum cum hac indeterminatione legis naturæ sacramenta instituisse: nam etiam in lege Euangelica sacramentum Matrimonij instituit cum quodāmodo simili indeterminatione. Sua namque institutione voluit, vt consisteret in consensu expresso à legitimis personis: quæ tamen diuina institutione determinatum non est, consensum debere exprimi verbis, aut nutibus, vel litteris: nec quæ nam sint legitimæ personæ, sed hoc determinandum reliquit Christus Ecclesiæ, vnde ante Conciliū Tridentinū legitimæ personæ erant contrahentes clandestinè, post determinationem, verò Concilij Tridentini Sess. 24. cap. 1. de reformatione Matrimonij legitimæ personæ non sunt.

Ad primum autem factum in principio respondetur negando minorem. Ad probationem dico D. Thom. intelligendū esse de fide parentum expressa aliquo actu, aut signo exteriori: talis autem expressio, & protestatio fidei facta signo aliquo exteriori sacramentum erat.

Ad secundum respond. ex dictis con. 2. Circa art. 4. nihil se offert dicendum.

QVÆ-

## QVÆSTIO LXII.

*De principali effectu Sacramen-  
torum, qui est gratia.*

## ARTICVLVS I.

*Vtrum Sacramenta sint causa  
gratie.*

**Conclusio est affirmans.**

*Dubium. An Sacramenta noua le-  
gis causent gratiam ex opere ope-  
rato immediate eam efficiendo.*

**P**Artem negantem tenent hæretici no-  
stri temporis, asserentes sacramenta  
solum causare gratiam, & iustificationem,  
mediante fide, quam excitant, qua etiam  
ratione cõcio potest dici causa gratiæ, quia  
inouet homines ad fidem, & contritionẽ.  
Fidem verò, asserunt, gratiam, & iustifica-  
tionem causare tanquam instrumentum,  
quo veluti manu apprehendimus, & trahi-  
mus iusticiam Christi, & nostram saltem  
impetratiue facimus. Hancque fidem aiunt,  
non esse qua assentimus mysterijs, seu arti-  
culis



## ARTICVLVS I. 63

culis fidei, sed fiduciam, qua certo quis credit Deum sibi remississe peccata.

Probatur hoc primo, Multis Sacrae Scripturae testimonijs. in quibus iustitia tribuitur fidei, praesertim illo Marci ultim. v. 16. *Qui crediderit, & baptizatus fuerit, saluus erit: qui vero non crediderit condemnabitur.* Vbi salus & iustificatio non baptismati, sed fidei tribuitur, alias etiam subdendum fuerat, & non fuerit baptizatus. Multis quoque Patrum auctoritatibus praeter illa S. August. tract. 80. in Iacobi. *Vnde ista tanta virtus aquae; ut corpus & cor abluat, nisi faciente verbo? Non quia dicitur, sed quia creditur.*

Secundo, Sacramenta nouae legis sunt signa gratiae, sicut circumcisio erat testis Paulo ad Rom. 4. ver. 11. *Signaculum iustitiae fidei;* ergo sicut circumcisio non causabat gratiam immediatè, & ex opere operato, ita nec Baptismus, & alia sacramenta nouae legis.

Dicendum tamen est primo, sacramenta nouae legis non solum significare, sed etiam causare gratiam. Conclusio haec certa est secundum fidem definita in Concil. Trident. Sess. 7. Cap. 6. his verbis: *Si quis dixerit Sacramenta nouae legis non continere gratiam, quam significant: aut gratiam ipsam non penitentibus obiectam non conferre, quasi signa tantum externa sunt accepta per fidem gratia, vel iustitia, & notae quadam Christianae professionis, quibus apud homines discernantur fideles ab infidelibus; anathema sit.* Definita est etiam

etiam in Concil. Florent. in decreto vnionis, vbi constituitur differentia inter Sacramenta nouæ, & veteris legis, quod Sacramenta legis veteris solum significabant gratiam; legis nouæ autem illam conferunt, & causant.

Secundò probatur ex illo Ioan. 3. vers. 5. *Nisi quis renatus fuerit ex aqua & Spiritu Sancto non potest introire in Regnum Dei.* Vbi regeneratio, quæ per gratiam fit, & Baptismo, & Spiritui Sancto tanquam causæ tribuitur: Spiritui Sancto quidem tanquam causæ principali; Baptismo vero tanquam causæ instrumentali. Respondet Calvinus. Ibi per aquam non debere intelligi aquam Baptismi, sed ipsummet Spiritum Sanctum, qui instar aquæ mundat. Sed hæc expositio contra communem Ecclesiæ, & omnium SS. Patrum intelligentiam est, præsertim S. Chrys. ibi homil. 25. vbi & ait: *Primum dictum est, Producant aquæ reptile animæ uiuentis, Ex quo autem Iordanis alueum ingressus est Christus, non amplius reptilia animarum uiuentium, sed animas rationales, & spirituales aqua producit.* Præterea multis posset impugnari, sed cur immorabimur in expositione tam aperte absurda, & falsa refellenda.

Dicendum est secundò, Ex opere operato gratiam conferre nouæ legis sacramenta. Hæc quoque conclusio est de fide, & definita in Concil. Trident. Sess. 7. Can. 8. his verbis: *Si quis dixerit, per ipsa nouæ legis sacramenta ex opere operato non conferri gratiam, se d*

*sed solam fidei diuine promissionis ad gratiam consequendam sufficere; anathema sit.* Si sacramenta solum mediante fide, quā excitant, causarent gratiam, ut hæretici volūt, non conferrent gratiam ex opere operato, sed solum ex opere operantis; fides namque, quam excitant, opus operantis est, actio scilicet illam elicientis. Concilium vero definit, hoc opus operantis non sufficere, sed sacramenta gratiam conferre ex opere operato, hoc est, immediate per se ipsa ex virtute, quam habent ex passione Christi, quæ est opus operatum, quo operatus est salutem in medio terræ.

Secundò probatur, Nam in Baptismo confertur gratia paruulis, at in illis nullus est actus fidei mediante quo talis gratia conferatur; ergo confertur ex opere operato. Respondent Lutherani, infantibus, cum baptizantur, pro eo tempore concedi vsum rationis, & actum fidei habere. Sed hoc ridiculum est, & quod non nisi ab infanientibus dici potest, & ideo indignum ut impugnetur.

Tertio, Si duo homines vellent suscipere sacramentum aliquod eadem dispositione, fide, charitate, & deuotione, & vnus de facto illud susciperet, alius vero non susciperet, sed solum assisteret susceptioni, ille, qui de facto reciperet sacramentum, maiorem gratiam haberet: at non nisi correspondentem ipsi sacramento ex opere operato, nam fidem, de qua loquuntur hæretici, non minorem posset sacramentum  
ex.

## 65 QVABSTIO LXII.

excitare in affistente, quam in suscipiente ;  
ergo, &c.

Ad primum verò factum in principio  
respondetur, in scriptura iustitiam tribui  
fidei, non quod sola ipsa iustificet, sed quia,  
vt dicitur in Concil. Trident. Sess. 6. cap. 8.  
*Fides est humane salutis initium, fundamentum  
& radix omnis iustificationis, sine qua impossi-  
bile est placere Deo.* Quod sicut non tollit,  
vt iustitia etiam tribuatur charitati, & me-  
ritis Christi, ita nec vt tribuatur sacramen-  
tis vt instrumentis diuinæ virtutis. In loco  
autem citato in argumento negamus iusti-  
ficationem soli fidei tribui: vtrique enim  
fidei scilicet, & baptismati expressè tribui-  
tur. Ex quo non sequitur, etiam subden-  
dum fore, & non fuerit baptizatus: quia  
licet ad salutem vtrumque requiratur fides  
& baptismus, si hic haberi potest in re; ad  
condemnationem tamen sufficit non cre-  
dere, siue homo fuerit baptizatus, siue non.  
Ad auctoritatem S. August. dico, sensum  
eius esse: aquam habere vim iustificandi,  
vt coniungitur verbo, quod est forma sa-  
cramenti Baptismi, & operatur in illo, vt  
explicat D. Thom. supra quæst. 60. art. 7.  
ad 1. *Non quia dicitur, id est, non secundum  
exteriorem sensum vocis, sed quia creditur,  
id est, secundum sensum verborum, qui fide  
tenetur.*

Ad secundum respondetur negando con-  
sequentiam: nam circumcisio erat egenū  
elementum vt colligitur ex Paulo ad Ga-  
latas 4. vers. 9. & sic solum erat signum gra-  
tiæ:

tit; Baptismus vero, & alia nouæ legis sacramenta diuitias gratiæ continent, tanquam signa practica virtutem habentia causandi gratiam.

*Dubium 2. An Sacramenta nouæ legis instrumentaliter physice causent gratiam.*

**P**Artem negantem tenent Mag. Cano Relect. de sacramentis in genere, p. 4. concl. 6 & alij recentiores. Probant primo: nam SS. Patres, præsertim Cyprianus serm. de Baptismo Christi, Basilius lib. de Spiritu Sancto. Hieronym. Isaia 4. & Aug. Epist. 23. & lib. 15. de Trinit. cap. 26. docent, non aquam, aut homines, sed solum Deum dare Spiritum Sanctum, operari intrinsecus gratiæ beneficium, soluere vinculum culpe, & regenerare hominem Christo: at si sacramenta physice etiam instrumentaliter causarent gratiam, hæc omnia efficerent; ergo, &c.

2 Sacramenta habent vim causandi gratiam ex meritis & passione Christi: at merita Christi non causant gratiam nisi moraliter; ergo tantum dant sacramentis virtutem morale causandi gratiam. Confirmatur, sacramenta causant gratiam, quia continent diuinam virtutem, & merita Christi: sed hæc non physice sed moraliter continent; ergo non physice sed moraliter solum gratiam causant.

Ter-

Tertiò , Excepta saltem Eucharistia , Sacramenta, quando producunt gratiam , physicè loquendo non sunt : sed id quod physicè non est , non potest operari physicè, nam operari supponit esse ; ergo sacramenta non possunt producere physicè gratiam . Confirmatur, in ijs, qui accesserunt sistè ad sacramenta, hæc recedente fictione eodem modo causant gratiam, quo illà causassent à principio , si non sistè accessissent : sed recedente fictione non physicè , sed solum moraliter causant gratiam sacramenta, quia iam non sunt, sed transierunt , & quod actu non est, nõ potest esse instrumentum physicum , cum moueri a Deo, eiusque virtutem recipere nequeat ; ergo nec à principio illam physicè causassent .

Quartò , Sacramenta sunt entia corporea & materialia : sed res corporea non potest producere rem spiritualem , neque in rem spiritualem agere ; ergo sacramenta non possunt producere gratiam spiritualem in anima , neque in hanc , quæ est etiam spiritualis , agere . Minor probatur, quia res corporea non potest habere nisi actionem corpoream ; ergo nec producere rem spiritualem, neque in rem spiritualem agere , actio enim corporea nec in re spiritali esse potest, nec rem producere spiritualem . Si dicas , hoc esse verum de re corporea agente proprio virtute, non vero de ipsa vt eleuata per diuinam virtutem . Contra hoc est : Tum quia potentia vel actio non potest eleuari etiam di-

diuina virtute ad attingendum aliquid, quod est extra latitudinem sui obiecti, vt potentia visiva, aut visio corporalis ad intuentum Deum vel Angelum: sed res spiritalis est extra latitudinem obiecti potentiae, & actionis rei corporeae; ergo haec non potest eleuari ad producendam gratiam spiritua- lem in anima spiritali. Tum etiam, quia virtus, qua res corporea eleuatur, non po- test esse spiritalis, sed necessario debet esse corporea, cum recipiatur in re corporea; ergo actio rei corporeae etiam vt eleuata non est spiritalis, sed corporea & mate- rialis, ac per consequens non potest esse productio gratiae, quae spiritalis est sicut & ipsa gratia, cum nihil aliud sit quam ipsa gratia inferi. Tum denique, quia res corporea etiam vt eleuata non potest esse immediatè coniuncta cum anima; ergo non potest gratiam producere instrumen- taliter physice in anima: instrumentum enim physicum debet esse coniunctum, & immediatum cum passio.

Quintò, Productio gratiae aut est crea- tio, aut actio perfectior quam creatio An- gelorum & mundi iuxta doctrinam D. Th. 1.2. qu. 113. ar. 9. sed nulla creatura potest concurrere instrumentaliter physice, ad creationem, vt docet D. Thom. 1. p. qu. 45. ar. 5. ergo sacramenta non concurrunt in- strumentaliter physice ad productionem gratiae. Confirmatur, nam vt loco proxi- mè citato ait D. Thom. ideo nulla creatura potest concurrere instrumentaliter physi-

cè ad creandum , quia non potest per propriam virtutem dispositiue operari ad effectum principalis agentis Dei scilicet creaturis: sed nec etiam potest creatura materialis praesertim per propriam virtutem dispositiue operari ad effectum gratiae , cum nihil possit agere in animam ; ergo nec concurrere instrumentaliter physice ad productionem gratiae .

Dicendum est primò, sacramenta nouae legis non esse instrumenta purè moralia gratiam tantum moraliter causantia . Docent hoc communiter discipuli D. Thom. & alij Theologi recentiores cum D. Thom. hic . Probatur primò , auctoritate Sancti Doctoris, qui postquam retulit opinionem eorum, qui suo tempore asseriebant sacramenta nouae legis solum moraliter causare gratiam, non quidem eam efficiendo . sed mouendo Deum, vt gratiam operetur in anima, sicut denarius plumbeus, quem aliquis asserens accipit centum libras ex Regis ordinatione , causa tantum moralis est habendi praedictae pecuniae quantitatem . , non quidem aliquid ad hoc operando, sed mouendo voluntatem eius, qui debet dare . vt det, subdit : *Sed si quis rectè consideret, iste modus non transcendit rationem signi . Nam denarius plumbeus non est nisi quoddam signum regis ordinationis de hoc quod pecunia recipiatur ab isto . Secundum hoc igitur sacramenta nouae legis nihil plus essent quam signa gratiae : cum tamen ex multis Sanctorum auctoritatibus habeatur , quod sacramenta nouae legis non solum*



## ARTICVLVS I. 71

*lum significant, sed causant gratiam.* Idem etiam habetur ex diffinitionibus Concilio-  
rum Florent. & Trident. dubio præceden-  
te con. 1. & 2. à nobis relatis.

Respondent Auctores citati in principio  
dubij præsertim recentiores, hoc verum  
esse, quia illi quos refert D Thom non re-  
ctè explicabant causalitatem moralem,  
quam solam habent sacramenta nouæ le-  
gis respectu gratiæ; quam ipsi sic explicât:  
sacramenta moraliter continere, & causare  
gratiam: quia diuina virtus illis necessario  
semper assistit ad productionem gratiæ; &  
quia ex voluntate Christi, & Dei accepta-  
tione merita Christi ita sacramentis anne-  
xa sunt, vt quibus hæc applicantur, eisdem  
approprietur aliqua portio meritòrù Chri-  
sti, qua ius ad gratiam acquirunt, ac si per  
se essent eam meriti. Vnde sacramenta  
non debent cõparari plumbeto, quo osten-  
so quis panem accipit: quia plumbetum  
non continet pretium panis, sicut sacra-  
menta pretium gratiæ; sed bursæ plenæ pe-  
cunia, quæ datur alicui, vt se redimat, aut  
sibi necessariâ comparet.

Sed hic modus explicandi causalitatem  
moralem sacramentorù nullatenus differt  
à modo quo eam explicabant antiqui: nam  
vt refert D. Thom. in 4. dist. 1. q. 1. artic. 4  
quæstiunc. 1. etiam asseriebant hanc causa-  
litatem sacramentis cõuenire: *Quia increa-  
ta virtus sacramentis assistit per quandam Dei  
ordinationem, & quasi pactionem. Sic enim or-  
dinauit, & quasi pepigit Deus, vt qui sacra-  
men-*

menta accipiunt, simul ab ea gratia recipiant. Hoc autem idem prorsus est ac quod recentiores dicunt: quod tamen non transcendit rationem signi. Illa enim ordinatio, quam dicunt, siue p<sup>ar</sup>tio nihil dat eis de ratione causa sed solum de ratione signi. Ex quo infert Sanctus Doctor: Nec sacramenta nouę legis que differunt à Sacramentis veteris legis secundum ordinationem prædictam differrent ab eis secundum rationem causę, sed solum quantum ad modum significandi.

Exemplum verò burse plenę pecunia, cui recentiores comparant sacramenta, minus aptum est ad propositum, quam exemplum denarij plumbei, cui antiqui illi comparabant: nam bursa nullam causalitatem etiam moralem habet respectu redemptionis, aut emptionis, sicut eam habent sacramenta respectu gratiæ: & non moraliter sed solum physice, & non virtualiter, sed actualiter, & secundum substantiam pecunia continetur in crumena, qualiter nec merita Christi, nec gratia continentur in sacramentis. Vnde recte dixit S. Bonauentura in 4. dist. 1. artic. 1. quęst. 3. Non aliquo modo dicendum est, quod gratia contineatur in ipsis sacramentis tanquam aqua in vase, vel medicina in pixide. Et idem est de pecunia in bursa.

Secundo probatur conclusio cum Mag. Soto in 4. dist. 1. quęst. 3. artic. 1. causa quę solum est moralis, non est instrumentum illius, qui mouetur ad conferendum effectum; sed alterius, qui mouet ipsum: scilicet  
sa-

## ARTICVLVS I. 73

sacramenta sunt instrumenta Dei, qui confert gratiam; ergo non sunt causæ solum, morales gratiæ: Maior patet, præces enim aut pretium, aut consilium, vel metus, quibus Petrus mouet Paulum ad aliquod beneficium conferendum, aut aliquid operandum, non sunt instrumenta Pauli, quibus beneficium conferat, sed Petri. Confirmatur, instrumenta purè moralia mouent eum, qui debet operari aut conferre effectum, & non mouentur ab eo, vt patet in exemplis adductis: at sacramenta non prius mouent Deum quàm moueantur ab eo ad producendam gratiam; ergo non sunt instrumenta mere moralia. Si dicas, tubæ sonitum & chirographum, ac denarium plumbeum instrumenta esse purè moralia, & tamen posse esse instrumenta illius, qui debet operari effectum, & moueri ab eo, ducis scilicet ex eius ordinatione habet sonitus tubæ esse instrumentum moraliter mouens ad pugnam, non solum milites, sed etiam ipsum ducem, ciuitatis ex cuius statuto habet chirographum esse instrumentum mouens ipsam ad soluendam quantitatem pecuniæ debitam, & Regis ex cuius lege habet denarius plumbeus esse instrumentum illum mouens ad dandum aliquid afferenti illum: & huiusmodi instrumenta purè moralia esse sacramenta. Contra hoc est, quia sacramenta purè signa essent sicut & prædicta, & non causæ morales transcendentes rationem, & limites signi, & verè ac realiter non conferrent, aut essent

cerent gratiam, nec hic effectus illis tribueretur; quāvis enim effectus tribuatur causæ morali transcendentem rationem signi, propter quod David dictum est 2. Regum 12. vers. 9. *Vriam percussisti gladio, & interfecisti eum gladio filiorum Amon*, & mors latronis magis tribuitur iudici præcipienti, quam carnifici exequenti; tamen non tribuitur causæ morali, quæ purè signum est, & signi rationem aut limites nō transcendit, vt patet in exemplis adductis: sed hoc est contra doctrinam Conciliorum & Sanctorum Patrum; ergo, &c.

Tertiò probatur, Sacramenta nullo modo sunt causæ meritoria gratiæ, nec merita Christi continent, vt causæ, aut subiecta illorum, aut ratione alicuius effectus purè moralis talium meritorum, quis enim est talis effectus? sed ratione virtutis physicæ quæ eleuantur, quæ & causa est gratiæ, & effectus meritorum Christi, hæc quæ proinde in tali virtute sicut in effectū virtualiter continentur, & in eadem gratia virtualiter continetur sicut in causa, vt docet D. Thom. hic art. 3. ergo non sunt sacramenta causæ purè morales gratiæ, sic enim hæc in illis solum containeretur sicut in signo. Si dicas gratiam, & merita Christi non solum contineri in sacramentis nouæ legis tanquam in signo, sed etiam verè, & realiter propter assistentiam diuinæ virtutis in illis ad producendam gratiam, & propter voluntatem Christi, & acceptionem Dei volentis merita Christi esse annexa sacramen-

## ARTICVLVS I. 75

mentis modo dicto : Contra hoc est, nam etiam hoc modo fuisset gratia contenta in sacramentis veteris legis: *Quia* (vt ait D. Thom. quodlibet. 12. artic. 15.) *etiam virtus consistens fidei credentium in Christum venturi iustificabat*. Ex voluntate etiam Dei, & quasi pacto cum hominibus, præsertim cum Abraham Genes. 17. v. 10. suscipientibus illa sacramenta applicabantur merita Christi venturi, ob quæ iustificabantur: constat autem in illis non fuisse gratiam & merita Christi contenta, nisi sicut in signo Deum moraliter mouente ad gratiam conferendam; ergo solum hoc modo contineantur in sacram. nouæ legis, quod est falsum.

Dicendum est secundo, Moraliter & simul physicè gratiam causare sacramenta nouæ legis. Primam partem probat argumentum 2. factum in principio dubij, Præterea probatur primò, Deus, & Christus per sacramenta moraliter causant gratiam, Deus, qui per voluntatem, & electionem illam producit; Christus verò, quia meruit illam, ergo & ipsa sacramenta tanquam Dei & Christi instrumenta moralia illam moraliter causant.

Secundo, Sacramenta sunt quædam signa practica moraliter Deum mouentia, vt gratiam det recipientibus illa: continent etiam merita Christi, illaque applicant ad productionem gratiæ; ergo gratiam moraliter causant.

Secunda pars sequitur ex 1. con. & probatur primo ex verbis illis Ioan 3. vers. 5.

ij D

qui-

quibus probauimus concl. 1. dubij præced.  
*Nisi quis renatus fuerit ex aqua & Spiritu Sancto, &c.* vt enim ait D. Tho. 1. 2. quæst. 112.  
 art. 1. ad 2. illis significatur, per sacramen-  
 ta nouæ legis causari gratiam instrumenta-  
 liter, & per virtutē Spiritus Sancti prin-  
 cipaliter; ergo sicut Spiritus Sanctus prin-  
 cipaliter physicē causat gratiam, ita & sa-  
 cramenta instrumentaliter physicē: instru-  
 mentum enim causæ physicæ principalis  
 etiam physicum esse debet, & physicē  
 causare. Confirmatur ex verbis S. Chrys.  
 super hunc locum dubio præced. con. 1. a  
 nobis relatis; & ex multis alijs Patrum te-  
 stimonijs, quæ refert Magister, & ubi  
 supra:

Secundò probatur auctoritate D. Thom.  
 hic enim postquam dixit causam instru-  
 mentalem, qualis est securis respectu lecti  
 agere per motum, quo mouetur à princi-  
 pali agente, subdit: *Et hoc modo sacramenta  
 noue legis gratiam causant*. Sentit ergo illam  
 physicē causare, sicut securis physica causa  
 est lecti. Et ad secundum dicit sacramen-  
 ta ex illis instrumentis esse; quæ duas ha-  
 bent actiones, vnā propriam, & alteram  
 instrumentalem; & hanc per illam efficiūt,  
 qualem dicit esse securim respectu lecti;  
*Et similiter sacramenta corporalia per propriam  
 operationem; quam exercent circa corpus, quod  
 tangunt, efficiunt operationem instrumentalem  
 ex virtute diuina circa animam*. Sed hæc in-  
 strumenta sunt physica, vt conuincit non  
 solum exemplum securis, sed etiam doctri-

na eiusdem S. Doctoris 1. par. qu. 45. art. 5. ubi instrumenta, quæ hæc duas actiones habent; negat posse esse instrumenta creationis; cum tamen constet creaturam ad creandum solum physicè non posse concurrere, moraliter enim creationem alicuius rei potest homo mereri, aut impetrare; ergo sacramenta physica instrumenta sunt gratiæ. Vide etiam Sanctum Doctorem q. 27. de verit. art. 4. & quæ nos diximus 1. 2. q. 112. ar. 1. cum ipso.

Tertiò probatur, Verba consecrationis instrumentaliter physicè concurrunt ad conuersionem panis, & vini in Corpus, & Sanguinem Christi; ergo & sacramenta ad productionem gratiæ. Consequentia patet, nam vt docet D. Thom. infra q. 79. art. 4. eodem modo concurrunt verba consecrationis ad transubstantiationem, quo sacramenta ad suos effectus. Antecedens vero probatur: Tum quia loco proximè citato dicit D. Thom. in verbis consecrationis esse virtutem instrumentalem creatam ad prædictam conuersionem faciendam, cui similem ait ad secundum, non esse in creatura ad creandum; ergo cum virtus, quæ non potest esse in creatura ad creandum, sit physica ad physicè concurrendum ad creationem, virtus quæ est in verbis consecrationis physica erit ad physicè concurrendum ad prædictam conuersionem. Tum etiam, quia quando Christus in vltima cœna consecrauit, suis verbis effectiuè physicè operatus est illam mira-

bilem conuerſionem, ſicut & alia miracula quæ fecit; ergo idem erit quando Sacerdos conſecrat. Conſequentia patet, quia ut loco proximè citato ait D. Thom. verba conſecrationis proferuntur ex perſona Chriſti, & ut inquit S. Ambroſ. lib. 4. de Sacrament. cap. 4. conſecratio eſt verbis, & ſermonibus Domini Ieſu. Antecedens vero probatur, nam ut docet D. Thom. ſupra q. 13. art. 2. anima Chriſti ut inſtrumentum verbi ſibi vniti habuit inſtrumentalem virtutem ad omnes inſpirationes miraculoſas faciendas, exceptis illis; quibus creature fiunt ex nihilo, aut in nihil rediguntur, ſicque ad illas phyſicè faciendas, alias enim etiam haberet ad creationem & annihilationem, cum conſtet potuiſſe mereri, aut impetrare illas; ergo, &c.

Ultimò, Sacramenta poſſunt diuina virtute inſtrumentaliter phyſicè cauſare gratiam in anima; ergo cum hæc cauſalitas ſit maxima excellentia ſacramentorum nouæ legis, & illa admiſſa melius, & cum maiori proprietate intelligantur, & explicentur loca Scripturæ, Conciliorum, & Sanctorum aſſerentium, talia ſacramenta eſſe cauſas gratiæ, illis non eſt deneganda. Antecedens probatur. Tum quia cum teſte D. Thom. infra q. 75. ar. 4. & 2. 2. q. 66. art. 1. Deus ſit omnium rerum dominus, & eius actio ſe extendat ad totam naturam entis, & omnes res quantum ad earum naturas ſubiaceant diuinæ poteſtati, cui omnia ad nutum obediunt, quamlibet creaturam



## ARTICVLVS I. 79

potest assumere, vt instrumentum physicū ad producendum quicquid est in potentia saltem obedientiali alterius creaturæ, ac proinde gratiæ, quæ de potentia obedientiali animæ educitur.

Tum etiam, quia aliæ res corporeæ possunt virtute agentis spiritualis producere instrumentaliter physicè effectus spirituales in subiectis spiritualibus: vt ignis inferni virtute Dei dolorem, & tristitiam in dæmonibus, & animabus damnatorum, iuxta ea quæ diximus 1. p. q. 64. ar. 4. & 75. artic. 2. dubio vnico ad 1. & phantasmata corporea virtute intellectus agentis species intelligibiles in intellectu passibili, iuxta ea quæ diximus ibidem q. 79 ar. 3. dub. 2. ergo & sacramenta virtute diuina gratiam in anima. Tum denique, quia hoc non implicat contradictionem, vt patebit ex solutionibus argumentorum.

Ad primum respondetur, solum probare non alium quam Deum esse causam principalem gratiæ: nam vt ait D. Thom. q. 27. de ver. ar. 4. ad 19. *Spiritus Sanctus non datur nisi ab eo, qui causat gratiam sicut principale agens, quod solius Dei est; & ideo solus Deus Spiritum Sanctum dat.* Idem est de alijs quæ soli Deo tribuuntur.

Ad secundum respondetur, eodem argumento probari posse, nec voluntatem hominis non nisi moraliter producere actum dilectionis Dei supernaturalis, cum virtutem, quam habet, & qua ad hunc actum

elicendum eleuatur, nempe charitatem, habeat ex meritis Christi. Vnde afferendum est, sacramenta habere quidem vim causandi gratiam ex meritis, & passione Christi, ab humanitate tamen, & diuinitate eius: nam vt ait D. Thom. hic artic. 5. cum Deus sit causa principalis gratiae, humanitas Christi instrumentum coniunctum, & sacramentum separatum, per instrumentumque coniunctum moueatur instrumentum separatum. vt baculus per manum; *Oportet quod virtus salutifera à diuinitate Christi per eius humanitatem in ipsa sacramenta deriuetur.* Cum autem Christi humanitas, non solum moraliter, sed etiam physice causet gratiam, sacramentis non solum moralem, sed etiam physicam vim causandi gratiam confert. Et quamuis merita Christi solum moraliter causent gratiam, non sequitur ex illis non haberi nisi virtutem moralem, nam vtraque virtus, tam moralis, quam physica est ex meritis Christi.

Ad confirmationem neganda est minor: nam vt ait D. Thom. hic art. 3. sacramenta continent gratiam *Secundum quandam instrumentalem virtutem*, Secundum quam etiam continent diuinam virtutem, & merita Christi: quatenus enim talis virtus instrumentalis est effectus diuinæ virtutis, & meritorum Christi, hæc continent sacramenta secundum talem virtutem; quatenus vero est causa gratiæ, hanc sacramenta virtualiter continent secundum talem vir-

## ARTICVLVS I. 81

virtutem. Vnde cum in sacramentis sit virtus instrumentalis non solum moralis, sed etiam physica, non solum moraliter, sed etiam physice continent tam gratiam, quam virtutem diuinam, & merita Christi.

Ad 3. Mag. Soto in 4 d. 1. q. 3. a. 2. §. *Verum tamen*. Respondet negando maiorem; existimat enim toto tēpore quod durat actio, in qua consistit sacramentum conferre gratiam: Sed hoc communiter falsum esse asseritur: nam gratia sacramentalis in instanti producit, & à sacramento completo & perfecto, quale non est, sed infieri toto tempore, quo durat actio. Vnde alij respondent, sacramenta, excepta Eucharistia, licet quando non sunt producant gratiam, posse illam instrumentaliter physice causare, quia immediate antea fuerunt: non secus, ac semen commixtum, seu embrio instrumentaliter physice producit animal; quāquamuis quando animal producit, ad sit embrio, fuit tamen immediate antea. Et licet sacramentum causet gratiam vt motum à Deo, & quatenus recipit diuinam virtutem; sufficit tamen vt à Deo moueatur, & diuinam virtutem recipiat, dum est infieri usque ad terminū, & instans completiū illius. Sed melius respondetur. Sacramenta non producere gratiam, quando non sunt, sed quando sunt, non quidem infieri, sed inesse completo, & perfecto. Quamuis enim consistant in motu, de motu tamen ait Arist. 6 Physi-

8: **QVAESTIO LXII.**

co cap. 5. in eo dari reale mutatum esse, non quidem in principio, sed in fine: *Ac illud quidem quod in fine & perfectione, mutationis primum dicimus, tum inest, tum vere est.* Sacramentum autem non supponit pro solo motu, sed pro motu terminato: & quamvis in instanti terminatio non sit motus inferi; est tamen motus terminatus perfectus & completus; sicque adhuc est sacramentum, quod moveri à Deo, & recipere divinam virtutem, & causare gratiam physicè potest. Si obijcias, stante globo perfectè spherico super tabula perfectè plana, si Deus annihilato globo solum relinqueret punctum, in quo tangebatur tabulam, & mediante illo aliquid deficeret in tabula, non diceretur illud efficere mediante globo, sed medio puncto dumtaxat, quia globus iam non est. ergo cum quando est mutatum esse in fine motus, iam non sit motus, nam tunc est primum non esse motus per quod desinit, non dicetur gratia produci medio motu v.g. ablutione, ac per consequens nec medio sacramento tanquam instrumento physico.

Respondetur negando consequentiam: nam annihilato globo, punctum remanens iam non est punctum globi, licet fuerit, & iam non terminat globum licet terminaverit, & globus ratione illius nullo modo dicitur existere, cum sit res permanens, quæ non existit, nec est præsens ratione indivisibilis.

At ratione mutati esse, quod est in fine

mo-

## ARTICVLVS I. 83

motus & illū terminat, sicut & ratione illius quod est in medio motus, & partes eius copulat, aliquo modo dicitur motus existere, cum sit res successiua, quæ ratione indiuisibilis existit, & præsens est, illudque mutatum esse reuera est mutatum esse motus, & illius terminus, & finis. vt ait Arist. vbi supra; *Mutationem enim absolvere potest, finisque est mutationis*. Ac proinde ratione illius potest motus ablationis ver. gr. causare gratiam, vt instrumentum physicum diuinæ virtutis: nam quamuis non sit motus inferi, quando ipsum est, est tamen motus terminatus, & completus, pro quo, & non pro solo motu supponit sacramentum, vt diximus.

Ad confirmationem quidam respondent negando minorem, quia quamuis sacramenta recedente fictione iam non sint vilo modo, Deus tamen per rem, quæ fuit, & iam non est, potest physicè aliquid causare, vt calorem per ignem, qui fuit heri, & hodie iam non est. Sed hæc solutio optimè impugnatur in argumento. Alij respondent negando etiam minorem: nam quamuis sacramenta recedente fictione non maneant in se, manent tamen in sua virtute, vel in aliquo effectu, nempe aucter character, aut aliqua immutatione, determinatione, ac modificatione, qua subiectum illa suscipiens aliquo modo realiter fuit immutatum, determinatum, ac modificatum: ad rationem autem agentis physici sufficit manere in sua virtute, vt patet

in homine generante, qui quamvis non sit  
 actus, quando genitum animal producitur,  
 verè dicitur illud physicè generare, quia  
 manet in sua virtute, semine scilicet ab eo  
 deciso. Prædictam etiam determinatio-  
 nem subiecti sufficere, probari videtur ex-  
 plo Resurrectionis Christi, de qua ait D.  
 Thom. supra q. 56. art. 1. ad 3. causam esse  
 nostræ resurrectionis, non quidem merito-  
 riam, sed efficientem instrumentalem, sic-  
 que nõ moralem, sed physicam: & tamen  
 constat ipsam non manere in se, sed in sua  
 virtute immutationis, determinationis, ac  
 modificationis, subiecti nempe humanita-  
 tis Christi. Sed communior & verior di-  
 scipulorum D. Thom. doctrina est, sacra-  
 menta recedente fìctione non causare gra-  
 tiam physicè, sed solum moraliter. Diffi-  
 cile est enim explicare, quomodo post su-  
 scptionem sacramenti maneat in suscipi-  
 te realis immutatio, aut determinatio, ra-  
 tione cuius sacramentum ipsum manere  
 dicatur in sua virtute vel effectu reali. Nã  
 esse motum transacto motu, nõ est aliquid  
 reale, sed extrinseca denominatio in subie-  
 cto moto: sed sacramentum suscepisse fìctè  
 nihil aliud est, quam suscipientem fuisse  
 motum actione vel motu, in quo consistit  
 sacramentum, ergo recedente fìctione ni-  
 hil reale manet in eo. Ad exemplum au-  
 tem de resurrectione Christi ( idem est de  
 eius morte & passione ) dicunt cum Caiet.  
 in locum citatum D. Thom. non esse verè  
 causam efficientem physicam, sed condi-  
 tio-

tionem quandam, qua humanitas Christi, quæ est vultu vniuersale instrumentum Dei ad opera miraculosa determinatur per quandam appropriationem ad tale opus miraculosum, qualis est nostra resurrectio efficiendum, vt sit autem hoc modo causa non opus est, vt in se aut in sua virtute maneat, sicut reuera non manet, cum Christum resurrexisse nihil modo reale sit in eo, sed solum extrinseca denominatio; sed satis est, vt per illam modificata, & determinata fuerit Christi humanitas, quæ est causa instrumentalis physica. Vnde ad confirmationem respondetur negando maiorem: sacramenta enim licet in eis, qui fictè accesserunt, recedente fictione, moraliter causent gratiam, sicut eam causassent à principio si non fictè accessissent; non tamen causant omnibus modis, quibus antea causarent: nam cum antea existerent, non solum moraliter, sed etiam physice causassent gratiam; postea verò cum non existant, non possunt illam physice causare, sed solum moraliter: quia ad illud requiritur existentia, ad hoc vero non, sed sufficit, vt mouere possint diuinam voluntatem ad conferendam gratiam, sicut reuera mouent, etiam si non existant, sed fuerint, sicut merita Christi ante eius aduentum diuinam voluntatem mouebant ad conferendam gratiam in lege veteri & naturæ, quamuis actu non existerent; sed futura essent. Sicque sicut merita Christi, futura causa moralis erant gratiæ collatæ antiquis patribus, qui ob me-

## 86 QVAESTIO LXII.

merita Christi iustificabantur: ita sacramenta suscepta, etiam fide, causa moralis sunt gratiae collatae recedente fictione eis, qui ea susceperunt. Nam [quamvis susceptio illorum cum fictione non fuerit Deo accepta, sacramenta tamen ipsa, & merita Christi per ea applicata Deo accepta sunt, & manent in diuina acceptatione, sicque propter illa, recedente fictione & impedimento, confertur à Deo gratia, huiusque illa causa moralis sunt: non secus, ac pretium datum à captiuo pro sua redemptione cum iniuria domini, quem captiuus dans pretium verbis contumeliosis offendit, licet tunc effectum libertatis captiuo non obtineat, postea tamen exhibita satisfactione, libertatis illius causa moralis est, etiam si iam sit consumptum.

Ad quartum respondetur, optimam esse solutionem in ea positam. Ad primam eius impugnationem dico, potentiam vel actionem non posse etiam diuina virtute eleuari ad attingendum tanquam obiectum aliquid quod est extra latitudinem sui obiecti adaequati; bene tamen ad illud attingendum tanquam effectum. Vt licet potentia visiva, aut visio corporea, non possit eleuari ad attingendum Angelum tanquam obiectum visum; bene tamen ad attingendum illum tanquam effectum producendum non quidem per creationem, sed per conuersionem alterius rei in illum. Sacramenta autem non eleuantur ad attingendum gratiam tanquam obiectum, sed tanquam



## ARTICVLVS I. 87

quam effectum: & res, pro quibus supponunt sacramenta nempe motus, terminum quidem habent, non tamen propriè obiectum, & sic quando eleuantur ad producendam gratiam instrumentaliter physice, dicentur eleuari ad attingendum aliquid extra latitudinem sui obiecti: & idem est de multis alijs rebus corporeis. Ad secundam impugnationem quidam dicunt, illam virtutem esse entitatiuè spiritualem, quæ licet, vt docet D. Thom. ar. 4. ad 1. non possit esse in re corporea per modum virtutis permanentis, & completæ; potest tamen esse in illa instrumentaliter, & per modum transeuntis. Et non esse eandem rationem de virtute materiali, qualis est calor, quæ nec per modum transeuntis potest esse in re spirituali v.g. in Angelo: nam virtus spiritualis potest esse perfectio corporis, vtpotè inferioris; virtus verò corporalis non potest esse perfectio spiritus, vtpotè superioris. Alij dicunt, talem virtutem esse quidem materiale in ratione entis, quia inhzret rei materialis, esse tamen spiritualem in ratione virtutis, quia ordinatur ad producendam rem spiritualem, & ratio virtutis desumitur à termino producto. Et propter hoc dixisse D. Thom. q. 27. de verit. art. 4. ad 5. *Quod virtus illa neque potest dici corporea, neque incorporea propriè loquendo, sed propriè dicitur virtus ad incorporeum*; Alij denique dicunt, illam virtutem neque in ratione entis, neque in ratione virtutis esse spiritualem formaliter, sed cor-  
po-

poream, sicut nec potentia nutritiua, aut generatiua est formaliter substantialis, licet ordinetur ad producendam substantiam, sed accidentalis, cum sit immediatè operatiua: esse tamen virtualiter spiritualem; sicut è contrà anima rationalis non est formaliter corporea, licet det esse corporeum, sed solum virtualiter, vt diximus i. p. q. 76. art. 4. dubio vnico, con. 2. Iuxta quemlibet autem ex his modis dicendi neganda est consequentia: quia à re corporea vt eleuata per virtutem spiritualem, aut formaliter in ratione entis, vel in ratione virtutis, vel in ratione virtutis, aut virtualiter, potest instrumentaliter procedere actio spiritualis, quæ sit gratiæ productio. Ad tertiam impugnationem dico, non esse necessarium agens physicum esse immediatè coniunctum cum ea parte, in qua producit suum effectum, vt patet in pungente carnem, quod in sensu, aut organo tactus causat dolorem, cum quo tamen non est immediatè coniunctum, iuxta ea quæ diximus i. p. q. 78 art. 3. dubio 1. concl. 5. & dubio 4. concl. 3. sed satis esse coniunctum esse cum toto composito. Vnde cum sacramenta possint esse immediatè coniuncta cum homine, in eius anima possunt instrumentaliter physicè gratiam causare, sicque tangendo corpus cor abluere, & efficere operationem instrumentalem circa animam, vt cū S. Aug. dicit D. Th. hic ad 2.

Ad quintam respondetur, productionem gratiæ, licet improprie dicatur creatio,

## ARTICVLVS I. 89

tio, sicut & productio Adæ de limo terræ ; propriè tamen non esse creationem, sed actionem quandam supernaturalem, quæ educitur gratia de potentia obedientiali subiecti, quæ licet sit perfectior creatione, non sequitur, si ad creandum non potest creatura assumi, vt instrumentum physicum, non posse assumi ad producendam gratiam : nam hoc non prouenit ex perfectione creationis, sed quia creatio est ex nihilo, & nullum præsupponit subiectum, productio vero gratiæ illud præsupponit. Vnde D.Thom.q.27. de verit. art.4. ad 15. ait : *Creatio nihil præsupponit circa quod possit fieri instrumentalis actio, recreatio vero præsupponit ei, & ideo non est simile.* Ad confirmationem patet solutio ex dictis à nobis 1. p. q.45. ar.5. Vide ibi.

*Dubium 3. Quam, & quando conferant gratiam sacramenta nouæ legis.*

**V**ariæ sunt de hac re Doctorum sententiæ. Prima est, nullum sacramentum per se loquendo causare primam gratiam, sed omnia ad augmentum gratiæ conferendum fuisse instituta. Hanc tenent Gabriel in 4.d.4. q.2. & d.14.q.2. & d.18. q.1. Ocham ibidem quæst.8. & 9. & alij. Probant quia sacramenta non conferunt gratiam adultis, nisi habeant contritionem, nam hæc est necessaria dispositio ad gratiam

tiam sacramentalem, alias qui scientes se illam nō habere accederent ad sacramenta, non peccarent: sed qui habet contritionem, iam habet primam gratiam; ergo hanc non conferunt sacramenta.

1. Secunda est, sacramenta mortuorum, Baptismum scilicet & Pœnitentiam, causare primam gratiam; non tamen sacramenta viuorum. Hanc tenent Scotus in 4. dist. 14. & 18. & 19. q. vnica, & alij. Probant primò, nam sacramenta viuorum supponunt vitam gratiæ, vt nomen ipsum indicat, & non sunt instituta in remissionem peccati, sicut mortuorum sacramenta, sed ad alios particulares effectus supponentes gratiam, vt ad confirmandam in illa, vel ad nutriendum, aut agendum illam ergo non causant primam gratiam.

Secundò, Sacramenta viuorum non causant primam gratiam per se, cum per se, & ex propria ratione supponant illam: neque per accidens, nam si primam gratiam causarent, hoc conueniret eis ex diuina institutione; quod autem sacramentis conuenit ex diuina institutione, non conuenit eis per accidens, sed per se; ergo nullo modo primam gratiam causant.

Tertia sententia est, Sacramenta causare gratiam, antequam recipiatur in re, per solum votum, & desiderium recipiendi illa. Probatur primò, nam hæc videtur esse sententia D. Tho. infra q. 66. art. 11. & q. 68. art. 2. & q. 73. ar. 3. & q. 80. art. 1. ad 3. vbi sic habet: *Effectus sacramenti potest ab aliquo per-*

*percipi, si sacramentum habeat in voto, quamvis non accipiat in re. Immo & approbari videtur à Conc. Trid. Sess. 13. c. 8.*

Secundò, Effectus proprius Baptismi est delere peccatum originale, & regenerare hominem per gratiam Poenitentiae, tollere peccata commissa post Baptismum, & resuscitare hominem spiritualiter, & Eucharistiae, augere gratiam, & nutrire in vita spirituali: sed hos effectus causant haec sacramenta spiritualiter accepta per votum, & desiderium, antequam recipiantur in re; ergo, &c.

Quarta est, Sacramenta non causare gratiam; quando iam transacta sunt, etiam recedente fictione, cum qua fuerunt recepta. Probatur primò, gratia sacramentalis promissa est reali susceptioni Sacramenti, quando non ponitur obex; propter quod in Concil. Florent. & Triden. dicitur sacramenta nouae legis conferre gratiam non ponentibus obicem; ergo si semel ponatur obex, postea gratiam non conferunt, quia non fuit seruata conditio promissionis.

Secundò, Sacramenta quae transierunt, iam non sunt; ergo sicut antequam essent, non causabant gratiam, ita nec postquam desierunt esse, & iam non sunt, illam causant. Probatur consequentia, quia sacramenta, quae non sunt, non habent virtutem aliquam, non continent gratiam, aut merita Christi, quia haec virtus, & continentia supponit esse, ergo non causant gratiam.

Dicendum tamen est primò, Omnia sacramenta nouę legis tam viuorum quam mortuorum aliquando causare primā gratiam, aliquando augmentum gratiæ. Primā pars conclusionis, quod attinet ad sacramenta mortuorum, certissima est, cum de fide sit, per Baptismum paruulis remitti peccatum originale, & primam gratiam conferri, & in Conc. Trid. Sess. 14. cap. 4. dicatur, peccatori habenti attritionem, quæ per se non sufficit ad iustificationem dari primam gratiam per sacramentum Pœnitentiæ. Constat etiam hæc sacramenta instituta esse ad delendum peccatum mortale, originale, vel actuale, & hominem de morte spirituali culpæ ad vitam spirituales gratiæ transferendum.

Quod verò attinet ad sacramenta viuorum, colligitur ex D. Thom. infra q. 72. a. 7. ad 2. dicente confirmationem, quæ sacramentum viuorum est, aliquando conferre primam gratiam, cum scilicet in peccato existens, cuius conscientiam non habet, vel non perfecte contritus ad tale sacramentum accedit, dummodo non fictus accedat: & q. 76. art. 3. idem docente de sacramento Eucharistiæ. Probatur etiam, nam ut constat ex Conc. Flor. & Trident. Sess. 7. Can. 7. Sacramenta nouę legis conferunt gratiam ritè suscipientibus, & non ponentibus obicem; sed sacramenta viuorum possunt ritè, & absque obice suscipi ab homine existente in peccato mortali, si bona fide putat se esse iustificatū, & attritionem

ha-

## ARTICVLVS I. 93

habet, quam contritionem esse existimat ;  
ergo primam gratiam causare possunt.

Secunda pars de Sacramentis viuorum  
manifesta est, cum per se supponant vitam  
gratiæ, & ad eius augmentum ordinentur.  
De Sacramentis mortuorum probatur, sa-  
cram. nouæ legis, vt dictū est ex Cōc. Flor.  
& Trid. ritē suscipientibus, & nō ponētibus  
obicem gratiā conferunt : sed qui existens  
in gratia, & cum contritione accedit ad sa-  
cramenta mortuorum. Baptismum scilicet  
& Pœnitentiam ritē, & absque obice illa  
suscipit ; ergo in illo gratiam causant. At  
non primam, quia iam sunt in gratia, ergo  
augmentum gratiæ.

Dicendum est secundo, Causare primam  
gratiam solis sacramentis mortuorum cō-  
uenit per se ; causare verò augmentum gra-  
tiæ omnibus tam viuorum, quā mor-  
tuorum Sacramentis per se conuenit. Pri-  
mam partem negant nonnulli asserentes,  
causare primam gratiam per se conuenire  
etiam Sacramentis viuorum non quidem  
ratione ultimæ differentiæ, sed ratione ge-  
neris, eo modo quo homini ratione anima-  
lis conuenit esse sentientem, Sed probatur,  
causare primam gratiam, & non augmen-  
tum gratiæ, conuenit sacramentis viuorū  
ex indispositione, & impedimento susci-  
pientis, quia scilicet non accedit cum di-  
spositione, quam exigunt ex sua natura &  
per se ; ergo non conuenit illis per se, sed  
per accidens propter tale impedimentum  
ac indispositionem : sicut ignis, qui per se

habet producere calorem vt octo. aliquādo nō producit illum per accidens ob impedimentum , & indispositionem subiecti.

Secundam partem negant etiam nonnulli afferentes , causare augmentum gratiæ solū conuenire per se sacramentis uiuorum, & sacramenta mortuorum tantū per accidens augmentum gratiæ causare . Sed probatur, Sacramentis etiam mortuorum conuenit causare augmentum gratiæ, non propter indispositionem, & impedimentum suscipientis, sed potius propter maiorem, & perfectiorem dispositionem; ergo non per accidens, sed per se conferunt augmentum gratiæ, ex sua enim natura, & per se habent omnia sacramenta causare gratiam maiorem, & perfectiorem, si cum maiori, & perfectiori dispositione suscipiantur.

Dicendum est tertio, Sacramenta non conferre gratiam ex opere operato antequam realiter suscipiantur. Docent hoc communiter Theologi, & probatur primo. Effectus sacramentorum tantum sunt promissi reali susceptioni illorum, vt colligitur ex illo Marci vltim. v. 16. *Qui crediderit, & baptizatus fuerit, saluus erit*: & Ioan. 6. v. 51. *Si quis manducauerit ex hoc pane, uiuet in aeternum*; ergo nisi sacramenta suscipiantur in re, non conferunt ex opere operato gratiam sacramentalem, quæ est præcipuus eius effectus.

Secundo. Alij effectus sacramentorum  
non



## ARTICVLVS I. 95

non conferuntur per solum votum, & desiderium sacramenti, sine ipso sacramento in re suscepto, vt patet in charactere, qui non imprimitur per solum votum Baptismi, vel Confirmationis, aut Ordinis: & in remissione totius poenae, quae est effectus Baptismi, & non fit per solum votum sine Baptismo in re suscepto; ergo nec effectus gratiae, eadem enim est de hoc, & de alijs effectibus ratio.

Tertio, Postquam quis susce- pit sacramentum in voto, si recipit illud in re, tunc confertur illi totus effectus sacramenti ex opere operato; non minus enim gratiae confertur illi, quam alteri, qui absque susceptione sacramenti in voto praecedente, illud in re suscipit; ergo antea sacramentum in voto susceptum non produxerat gratiam ex opere operato; alias enim gratia illa, quae est effectus sacramenti bis produceretur, seimel per sacramentum in voto, & iterum, per sacramentum in re susceptum. Vide Mag. Soto in quarto dist. 11, quaest. 2. art. 1.

Dicendum est quarto. Postquam sacramenta sunt fictis suscepta, fictione recedente gratiam causant. Probatur primo, Nam de Baptismo asseritur expresse à S. August. lib. 1. de Baptismo contra Donatistas, c. 12. his verbis: *In illo qui fictus accesserat fit, vt non denuo baptizetur, sed ipsa pia correctione, & vera confessione purgatur, quod non posset sine Baptismo, sed vt quod antea datum est, tunc valere incipiat ad salutem, cum illa fictio veraci*

*confessione recesserit. De Pœnitentia verò, & alijs sacramentis asseritur a D. Thom. in 4. d. 17. q. 3. art. 4. quæstiunc. 1. vbi de fide accedente ad Pœnitentiæ sacramentum ait: Quamuis tunc non percipiat absolutionis fructum; tamen recedente fictione percipere incipiet, sicut etiam est in alijs sacramentis.*

Secundò probatur, Quamuis susceptio sacramentorum cum fictione sit mala, & sacrilega; ipsa tamen sacramenta opera Dei, & sancta sunt, & virtualiter continent merita Christi; ergo si quando actu recipiuntur, non causant gratiæ effectum propter fictionem suscipientis, hac tamen sublata illum conferunt, cum tam ipsa, quam merita Christi per illa applicata maneat in diuina acceptatione. Vide quæ diximus dubio præced. ad confirmationem 3. argum.

Ad argumentum autem primæ sententiæ respondetur negando maiorem, si sermo sit de sacramentis mortuorū; ad hæc enim non requiritur contritio, sed sufficit attritio, cum qua etiam cognita potest quisque ad illa accedere; & quamuis sciret se non habere contritionem, non peccaret.

Ad argumenta 2. sententiæ respondetur. Ad 1. probare primam partem nostræ 2. con. scilicet causare primam gratiam, non conuenire sacramentis viuorum per se, sed per accidens.

Ad secundum respondetur. Sacramentis viuorum ex diuina institutione, ac proinde per se conuenire causare gratiam, quæ  
est

## ARTICULVS I: 27

est eorum particularis effectus, nutritiuam scilicet, aut confirmatiuam: hanc tamen gratiam esse primam non habere ex diuina institutione, sed ex indispositione subiecti suscipientis Sacramentum, sicque per accidens esse talem; per se enim primam supponit.

Ad argumenta 3. sententiæ respondetur. Ad 1. D. Thom. ibi loqui de effectu sacramenti materialiter, vt effectus eius est: qui enim nō in re, sed in voto suscipit Sacramentum, percipit quidem gratiam, non tamen eo modo quo a Sacramento causatur, scilicet ex opere operato, sed ex opere operantis. Quæ gratia quamuis sit aliquo modo similis gratiæ sacramentali, non tamen est omnino eiusdem rationis: quia gratia sacramentalis habet quemdam modum proprium, quem non habet gratia, quæ per votum, & desiderium sacramenti habetur.

Ad secundum respondetur eodem modo, illos effectus haberi votum Sacramenti, non tamen cum illo modo, quo causantur per sacramentum in re susceptum: nam non habentur ex opere operato, nec cum ea perfectione, & plenitudine, quam habet per sacramentum in re susceptum.

Ad argumenta 4. sententiæ respondetur. Ad 1. gratiam sacramentalem promissam esse reali susceptioni Sacramenti, ita vt si nō ponatur obex statim conferatur: si vero ponatur obex, hoc remoto, conferatur propter Sacramentum in re susceptum, quod

manet in diuina acceptatione.  
Ad secundum respondetur negando oſ-  
ſequentiam: quia sacramenta antequam  
recipiantur nullo modo sunt, postquam ta-  
men recepta sunt, etiam si à parte rei non  
sint; quia transierunt; manent tamen in  
diuina acceptatione, quod sufficit, vt mo-  
raliter possint causare gratiam mouendo  
diuinam voluntatem, vt eam conferat eis,  
qui talia sacramenta susceperunt, post re-  
motionem impedimenti, & fictionis, ob  
quam eis fuerat negata.

*Dubium quartum. An vt Sacra-  
menta causent gratiam, sit neces-  
saria aliqua dispositio ex parte  
suscipientis illa.*

**P**Ars negans probatur primò. Quia vt  
dicitur in Concil. Florent & Trident.  
Sacramenta nouę legis conferunt gratiam  
non ponentibus obicem: sed non ponere  
obicem non est aliqua dispositio, sed solum  
non repugnare effectui Sacramenti; er-  
go, &c. Confirmatur, vt sacramenta etiam  
viuorum causent gratiam, sufficit suscipien-  
tem esse in gratia; ergo non requiritur alia  
dispositio.

Secundo. Si requireretur aliqua dispositio,  
secundum quantitatem illius maiorem, aut  
minorem gratiam causarent Sacramenta:  
sed hoc est falsum; ergo, &c. Minor proba-  
tur:

## ARTICVLVS I. 99

tur: Tum quia Sacramentum operatur quantum potest in eo, qui non ponit obicem; ergo non magis operatur, nec maiorem gratiam causat in eo, qui est melius dispositus, nam quamuis alius non sit ita dispositus; non tamen ponit obicem. Tum etiam, quia alias Sacramentum haberet virtutem infinitam ad causandum gratiã sine termino maiorem, & maiorem, cum dispositio non habeat terminum, sed melior, & melior in infinitum sine termino esse possit: at hoc est falsum; ergo, &c. Tum deinde, quia Sacramentum minus perfectum posset causare maiorem, & perfectiorem gratiam, quam Sacramentum magis perfectum v.g. Sacramentum Confirmationis, quam Sacramentum Eucharistiæ, si ad illud quis accederet cum maiori dispositione, quam ad istud; sed hoc est falsum, nam Sacramentum magis perfectum debet habere perfectiorem effectum; ergo, &c. Tum denique, quia Sacramentum cum reuiuiscit, non confert maiorem gratiam melius disposito; ergo nec cum actu suscipitur.

Dicendum tamen est primo. Vt in his qui mortaliter peccauerunt, & eorum peccatum nondum est remissum, Sacramenta causent gratiam, necessariam esse in eis aliquam dispositionem. Primum dictum est propter paruulos nondum habentes vsum rationis; de quibus constat, nullam dispositionem in illis requiri, vt Sacramenta, quorum sunt capaces, eis gratiam confe-

rant: unde si baptizentur, vel confirmen-  
tur, gratiam per huiusmodi Sacramenta  
recipiunt, etiam si nullam habeant dispo-  
sitionem.

Secundum dictum est propter eos, qui  
remisso iam peccato, & in gratia existen-  
tes ad Sacramenta accedunt: quâvis enim  
non sit omnino certum, probabilissimum  
tamen est, in his etiam si absque alia dispo-  
sitione accedant, Sacramenta gratiam  
causare, nam nullum obicem ponunt, &  
Sacramenta non ponentibus obicem gra-  
tiam conferunt; de quo vide. quæ dicemus  
infra q. 79. ar. 8.

Conclusio vero, ut proposita, certissima  
est, & colligitur ex Conc. Trid. Sess. 6. c. 5.  
& 6. ex illoque ibi adducto ex Act. 2. v. 38.  
*Pœnitentiam agite, & baptizetur unusquisque  
vestrum.* &c. ubi S. Petrus pœnitentiæ actû  
tanquam dispositionem ad Baptismum re-  
quirat in his, qui mortaliter peccauerant.  
De Sacramento etiam Pœnitentiæ docet  
Concil. Trident. Sess. 14. cap. 4. in illo con-  
tritionis motum, qui quovis tempore fuit  
necessarius ad impetrandam veniam pec-  
catorum, præparare ad peccatorum remis-  
sionem, & quamvis attritionis actus sit,  
disponere ad Dei gratiam impetrandam,  
salutemque proinde esse, *Sacramentum Pœni-  
tentia absque bono motu suscipientium gratiam  
conferre.* De Sacramento quoque Eucha-  
ristiæ Sess. 13. Can. 11. diffinit idem Conci-  
lium Tridentinum ad illud non esse suffi-  
cientem præparationem solam fidem, sup:

pe-

ponens dispositionem requiri. De omnibus deniq; Sacram. nouę legis diffinit idē Conc. Sess. 7. Can. 6. & 7. gratiam conferre non pōnentibus obicicem, & ritē suscipere Sacramenta, est ea recipere cū debita dispositione; ergo hæc requiritur, vt gratiā causeant.

Dicendum est secundo. Iuxta quantitatem dispositionis maiorem, aut minorem gratiam causare Sacramenta in suscipientibus illa. Probatur primò ex Conc. Trident. Sess. 6. cap. 7. vbi agens de iustificatione, cuius causam instrumentalem esse docet Sacramentum Baptismi, ait: *Iustitiam in nobis recipientes unusquisque suam secundum mensuram, quam Spiritus Sanctus partitur singulis, prout vult, secundum propriam cuiusque dispositionem, & cooperationem.*

Secundò. Quando Deus extra sacram. confert gratiā, cōfert illā æqualiter, vel inæqualiter, maiorem, vel minorem iuxta dispositionem eam suscipientis; ergo idem erit, quando Deus confert gratiam per Sacramenta. Vnde D. Thom. infra q. 69. art. 81. inquit: *Quia omnes pueri æqualiter se habent ad Baptismum (quia non in fide propriā, sed in fide Ecclesie baptizantur) omnes æqualem effectum percipiunt in Baptismo. Adulci vero, qui per propriam fidem ad Baptismum accedunt, non æqualiter se habent ad Baptismum: quidā enim cum maiori, quidam cum minori deuotione ad Baptismum accedunt; & ideo quidam plus, quidam vltius de gratia nouitatis accipiūt.*

Ex quo patet falsam esse sententiā Paludani in 4. dist. 4. q. 1. dicentis, parulos;

qui cum solo baptismo morituri sunt, recipere inæqualem gratiam virtute Baptismatis, quia prædestinati sunt ad gloriam inæqualem, qualis fuisset gloria Angelorum, qui ceciderunt, quorum loca supplent. Hoc enim, & contra D. Thom. est, & absq; vlló prorsus fundamento asseritur: unde enim constat ita reparandas esse ex hominibus ruinas Angelorum, vt gloriam inæqualem debeant habere omnes homines, sicut habuissent Angeli mali si non cecidissent? quin potius oppositum conuincit æqualitas meritorum, quæ est in pluribus iustis adultis: æquales enim in meritis, pares esse debent in gloria.

Si quæras, an secundum quantitatem dispositionis Sacramenta possint conferre maiorem, & maiorem gratiam sine termino? Respondent quidam non posse: quia habent virtutem determinatam: sicque licet intra latitudinem suæ virtutis possint maiorem, & maiorem gratiam conferre, non tamen maiorem, & maiorem in infinitum sine termino. Sicut ignis intra latitudinem suæ virtutis potest producere maiorem, & maiorem calorem iuxta quantitatem dispositionis subiecti, non tamen maiorem, & maiorem in infinitum sine termino; quia non potest producere maiorem calorem quàm vt octo v.g. Sed communis, & vera sententia est, sacramenta secundum quantitatem dispositionis maiorem, & maiorem gratiam in infinitum sine termino posse causare: nam agunt virtute



tute diuina, quæ maiorem, & maiorem gratiam sine termino causare potest, non solum per se ipsam immediate, vt patet ex dictis 2.2. q. 24. ar. 7. dubio vnico. con. 1. sed etiam per quælibet instrumenta à Deo assumpta. Vnde non est eadem ratio designe: nam hic per propriam virtutem producit calorem, talisque virtus cum sit à forma determinata, & finita, determinationem habet ad producendum calorem, vt octo v.g. & non maiorem.

Dicendum est 3. Vt sacramenta fictè suscepta reuiuiscant, & causent gratiam non sufficere eandem dispositionem, quæ sufficit, vt gratiam causent, quando ritè absque fictione recipiuntur. Probatur, vt sacramenta ritè, & absque fictione recipiantur, & gratiam causent, sufficit attritio etiam cognita, si sint sacramenta mortuorum, vel attritio existimata contritio, si sint viuorū sacramenta, sed nec attritio cognita, nec existimata contritio sufficit, vt Sacramenta fictè suscepta reuiuiscant, & gratiam causent; ergo, &c. Probatur minor, Sacramenta fictè suscepta non reuiuiscunt, nec causant gratiam, nisi fictio remoueatur: sed nulla ex prædictis attritionibus est sufficiens, vt remoueatur fictio; ergo nec, vt Sacramenta fictè suscepta reuiuiscant, & gratiam causent. Minor probatur, fictio non remouetur per Sacramentum fictè susceptum, sed per pœnitentiā subsequentem, vt docet D. Thom. infra q. 69. ar. 10. ad 2. at attritio cognita, vel existimata.

contritio non sufficit ad remouendam fictionem, quia non sufficit ad tollendum peccatum mortale, quod suscipiendo Sacramentum fuerat commissum; ergo, &c.

Si quæras an quando fictio, & obex non est positus, & cum peccato mortali commissio in ipsa susceptione Sacramenti, sed negatiuus, quia scilicet indispositus, quis accedit ad Sacramentum, hoc tamen inuincibiliter, ignorat, ut contingit in accessu neutro, cum quis scilicet accedit cum sola attritione naturali existimās tamen inuincibiliter esse supernaturalem; aut cum affectu actuali ad aliquod peccatum mortale, ignorans tamen inuincibiliter id sibi esse illicitum, quia rusticus est, & vir doctus licitum sibi esse dixit; tunc saltem sufficiat attritio supernaturalis, ut Sacramentum reuiuifcat, & gratiam causet? Respondent multi, sufficere: nam peccata commissa ante susceptionem Sacramenti, v.g. Baptismi, respectu suscipientis non habent rationem obicis, nisi quatenus permanent habitualiter siue interpretatiuè voluntaria, & eorum remissio pertinet ad Sacramentum ipsum Baptismi receptum; ergo cum hæc ratio voluntarij sufficienter tollatur per attritionem, hæc sufficiet, ut Sacramentum receptum reuiuifcat, & gratiam causet. Mihi tamen nō sufficere probabilius videtur: nam sicut attritio supernaturalis, quam quis habuit multo ante susceptionem Baptismi, non sufficit, ut sine obice negatiuo suscipiatur, si in ipsa susceptione  
actua-

## ARTICULVS I. 105

Actuali Baptismi sola attritio naturalis inueniatur: ita post Baptismum cum obice negatio susceptum non sufficit ad tollendum talem obicem sola attritio, quia eum sola ipsa non sufficiat ad iustificationem, nec etiam sufficit ad auferendam omnino rationem voluntatis quam habent peccata, ac per consequens nec sufficit ad tollendum obicem negatiuum, sed ad hoc necessaria est contritio, aut attritio cum alio Sacramento, sicut requiritur ad tollendum obicem positiuum.

Dicendum est quarto. Quando Sacramenta fide suscepta reuiuiscunt, licet causent gratiam, non tamen maiorem in habente maiorem contritionem, aut dispositionem, qua fectio auferitur. Probatur, Contritio, qua auferitur obex, vel fectio, se habet, ut remouens prohibens, ut colligitur ex D. Thom. hic ad 2 Sed remouens prohibens, siue magno, siue exiguo impetu prohibens remoueat, non propterea maior, aut minor est velocitas motus lapidis v. g. deorsum descendens, sed eadem, ac si motus nunquam fuisset prohibitus; ergo similiter siue contritio, qua remouetur fectio vel obex prohibens collationem gratiae, magna aut parua sit, non propterea maior, aut minor erit gratia, quae causatur per Sacramentum reuiuiscens, sed per illud semper causatur minima gratia, qualis est, quae confertur infantibus, qui baptizantur: quia non confertur ob aliquam dispositionem, sed quia obex ab-

V. E

latus

latus est, & obicis carentia latitudinem non habet, sed consistit in indiuisibili. Confirmatur, Sacramentum, dum confertur, applicat merita Christi ad effectum non vagum, & incertum, sed determinatum, & certum: at si postea in habente maiorem contritionem maiorem gratiam causeret, & minorem in habente minorem contritionem, non ad effectum certum, sed ad incertum applicaret merita Christi, cū quantitas contritionis futuræ indeterminata, & incerta sit; ergo, &c.

Ad primum autem factum in principio respondetur illos, qui peccauerunt, si eorum peccatum nondum est dimissum, eo ipso ac ad Sacramentum, accedunt absque vlla dispositione, obicem ponere. positium, quidem si talis peccati conscientiam habent; negatiuum verò, si illius ignorantiam habent inuincibilem; sicque dispositionem aliquam necessariam esse, vt Sacramentum gratiam causet in illis. Ad confirmationem, dico, antecedens non esse omnino certum, cum eius oppositum teneant Caietanus infra qu. 79. art. 1. & alij. Sed illo admissio, nam verum esse dicemus infra quæst. 79. art. 8 consequentia non est contra nos: nam propterea in 1. concl. dictum est, & eorum peccatum nondum est dimissum, vt ibi notauimus.

Ad secundum respondetur negando minorem iuxta dicta con. 2. Ad 1. probationem negandum est antecedens; si enim verum esset, non maiorem gratiam confer-

ferret Baptismus adultis, quam paruulis.  
 Vnde in nō ponentibus obicem sine dispo-  
 sitione propria actuali Sacramentum non  
 operatur quantum potest, sed potius mi-  
 nimum quod potest. Ad 2. probationem  
 dico, virtutem instrumentalem, quam ha-  
 bent Sacramenta ad causandam gratiam  
 maiorem, & maiorem sine termino, licet  
 ex hac parte aliquam infinitatem habeat;  
 nō tamen esse simpliciter infinitā, sicut nec  
 simpliciter infinita est virtus suscipientis,  
 quāuis meliorem, & meliorem dispositionem  
 sine termino possit habere. Ad 3. probatio-  
 nem dico, quāuis Sacramentum minus  
 perfectum possit causare maiorem gratiam  
 intensiue, quam Sacramentum magis per-  
 fectum, si maiori dispositione ad illud ac-  
 cedat homo, quam ad istud, nunquam ta-  
 men gratiam causatam per Sacramentum  
 minus perfectum peruenire ad perfectio-  
 nem gratiæ causatæ per Sacramentum ma-  
 gis perfectum: nam hæc est superioris or-  
 dinis, & rationis. Ad 4. probationem pa-  
 ret ex dictis con. 4. negandam esse conse-  
 quentiam,



## ARTICVLVS II.

*Vtrum gratia Sacramentalis aliquid addat supra gratiam virtutum, & donorum.*

**Conclusio est affirmans.**

**Q**uid addat, explicat D. Thom. dicens : *Gratia Sacramentalis addit super gratiam communiter dictam, & super virtutes, & dona quoddam diuinum auxilium ad consequendum Sacramenti finem.* Quod non ita intelligendum est; vt nihil intrinsecum in ipsa gratia existens addat; habet enim gratia sacramentalis modum quendam, & perfectionem intrinsecam, ratione cuius dicit ordinem, & habitudinem ad habendam diuinum auxilium, & quodammodo ius ad illud confert: vnde virtute gratiae confirmationis v.g. Deus est noua lege paratus ad opitulandum homini in publica confessione fidei inter eius hostes. Sicque gratia sacramentalis quodammodo se habet ad gratiam iustificantem communiter dictam, vt species ad genus, vt hic ad 3. ait D. Th. & gratia causata ab vno Sacramento specie distinguitur à gratia causata ab alio, vt docet idem S. Thom. infra q. 72. art. 7. ad 3. Quamuis enim omnes secundum substantiam, seu essentiam gratiae eiusdem speciei sint, secundum modum tamen, & perfectionem.

## ARTICVLVS II. 109

ctionem intrinsecam, quam superaddunt gratiæ communiter dictæ, specie distinguuntur saltem accidentali.

Circa articulum tertium nihil se offert dicandum.

## ARTICVLVS IV.

*Vtrum in Sacramentis sit aliqua virtus gratiæ causatiua.*

*Dubium. An hac virtus causatiua gratiæ, quæ est in Sacramentis, sit aliqua qualitas, an solum motio, qua moueatur à Deo.*

**D**Væ sunt de hac re discipulorum S. Th. sententiæ. Prima est Capreoli in 4. dist. 1. q. 1. Paludani ibidem, & aliorum. hanc virtutem esse qualitatem. Probatur primò, nam D. Thom. hic ad 3. ait: *Virtus instrumentalis acquiritur instrumento, ex hoc quod mouetur ab agente principali.* Vbi cum motum causam virtutis instrumentalis esse dicat, sentis virtutem instrumentalem distinctam esse à motu instrumentis, ac per consequens qualitatem quandam.

Secundo, Sacramenta, cum sint cause efficientes instrumentariæ, priusquam operentur, debent constitui in actu primo, cū  
actus

## 110 QVAESTIO LXII.

actus secundus præsupponat actum primum, virtutemque ad agendum habere, cum non possit actio emanare ab agente principali, vel instrumentali, in quo non sit virtus sufficiens, in qua actio, & effectus contineantur, nam agens sine virtute nullum est agens: sed motio Dei sola non potest hæc Sacramentis præstare; ergo non est virtus, qua eleuantur ad causandam gratiam. Minor probatur, nam talis motio aliquem debet habere terminum: vel ergo habet pro termino qualitatem aliquam constituentem sacramentum in actu primo, & sic non interuenit in eleuatione sacramenti sola motio, sed etiam qualitas, quam intendimus: vel actionem ipsam præcisè, & hoc non est conferre virtutem, sed facere, ut faciat, quod non habet virtutem, quod est impossibile; ergo, &c.

Confirmatur, motio ad agendum nihil est aliud, quam applicatio ad agendum: sed applicatio non potest esse virtus, aut ratio agendi, sed est sola conditio, & virtutem, quæ ad agendum applicatur, præsupponit; ergo, &c.

Tertiò. Alia instrumenta constituuntur in ratione instrumenti per qualitatem præuiam motui, quæ mouentur à principali agente; ergo, & sacramenta. Antecedens probatur, nam Sacerdos constituitur in ratione instrumenti ad consecrandum, & ad remittenda peccata per characterem, qui qualitas quædam est; & ut ait D. Thom. intra q. 63. art. 2. *Potentia est instrumentalis,*  
*sicut*



# ARTICVLVS IV. 111

sicut etiam supra dictum est de virtute, quæ est in Sacramentis. Graui etiam, & leui per veras qualitates, gravitatem scilicet, & leuitatem, à motu realiter distinctas constituuntur instrumenta generantis. Semen quoque constituitur in ratione instrumenti ad generandum animal per qualitatem impressam ipsi distinctam à quocunque motu; ergo, &c.

Secunda sententia est Caiet. hic, & supra q. 13. art. 2. Mag. Soto in 4. dist. 1. q. 3. ar. 4. & aliorum, virtutem hanc non esse qualitatem aliquam, sed motionem ipsam, qua sacramenta mouentur à Deo ad gratiam producendam. Probatur primò, nam D. Thom. hic artic. 1. ait: *Causa instrumentalis non agit per virtutem sue forme, sed solum per motum, quo mouetur à principali agente.* At in hoc articulo: *Instrumentum (ut dictum est) non operatur, nisi in quantum est motum à principali agente.* Ergo non per qualitatem aliquam distinctam à motu.

Secundò. Quia nequit intelligi, quæ qualitas sit ista, distincta à motione Dei, & quando illam habeant sacramenta, non enim illam habent, antequam moueantur à Deo, nam tunc præter diuinam institutionem, qua instituta sunt ad causandam gratiam, & ut moueantur à Deo ad hunc effectum, ex qua provenit Deum esse paratum ad producendam gratiam per sacramenta, nihil amplius habent quam res ceteræ, quæ à Deo assumi possunt ad hunc effectum; neque dum mouentur à Deo,  
nam

nam non est terminus talis motus, cum nō moueantur à Deo Sacramenta ad aliquam qualitatem in ipsis recipiendam, sed ad gratiam in animabus suscipiendi illa producendam; ergo, &c. Confirmatur; uaria qualitas ex se habet esse petmanens; & nō transiens ex vno in aliud, hoc enim proprium est motus, qui est actus imperfectus ab agente in patiens: sed sacramentorum, vt hic ait D. Thom. *Virtus instrumentalis habet esse transiens ex vno in aliud; & non potest esse, nisi dum motus, qui est à principali agente, durat; ergo, &c.*

Tertio. In alijs instrumentis non est virtus aliqua, quæ sit qualitas distincta à motu, quo mouentur, à principali agente; ergo nec in sacramentis. Antecedens probatur, nam ferra mota per artem non recipit aliam virtutem fabricandi lectum, quàm modum ferrandi hoc vel illo modo, & id est de calamo; & de fidibus citharæ motis ad scribendum, vel citharizandam; ergo, &c.

Dicendum tamen est. Vtramque sententiam esse probabilem; secundam tamen probabiliorē. Primam partem ostendunt argumenta facta pro vtraque sententia, & auctoritas Doctorum, qui primam & qui secundam tenent.

Secunda pars præter dicta probatur, nā D. Thom. q. 27. de verit. artic. 4. ad 6. ait: *Motum instrumenti esse causam formæ inducitur à principali agente: sed non nisi vt virtus instrumentalis; ergo, &c.*

## ARTICVLVS IV. 113

Secundo. Eo ipso ac sacramenta mouentur a Deo ad producendam gratiam, habent virtutem instrumentalem; ergo hæc non est aliqua qualitas, sed solum motio, qua mouentur a Deo. Antecedens probatur. Talis motus, seclusa quacunque qualitate recepta in sacramentis, virtuosus est, nam non habet esse virtuosum a tali qualitate, sed a Deo, a quo est; ergo sacramenta constituit in esse virtuosus, quod est ipsis conferre virtutem. Vnde simul ea constituit in actu primo præbendo eis virtutem, & simul ea reducit de actu primo ad actum secundum: sicut, & auxilium actuale, quo sæpè eleuantur potentiz ad eliciendos actus supernaturales, antequam habeant habitus, illas simul in actu primo constituit, & simul reducit de actu primo ad actum secundum, nam non opus est ad hæc duobus auxilijs.

Ad argumenta autem primæ sententiæ respondetur. Ad 1. per virtutem instrumentalem, quam acquirit instrumentum, ex hoc, quod moueatur a principali agente, non intelligere D. Thom. virtutem distinctam a motu, sed ipsum motum: *Quoniam sermo Auctoris est formalis, tam de virtute; quam de motu, vt hic ait Caiet. Vnde, sensus est: ex hoc, quod instrumentum mouetur ab agente principali, acquiritur, & recipitur in illo ipsa motio, quæ est virtus instrumentalis.*

Ad secundum respondetur negando minorem: nam cum talis motio sit virtuosa,  
prius

prius sacramenta constituit in actu primo, eisque virtutem instrumentalem præbet, & postea facit, ut operentur, sicque ea reducit de actu primo ad actum secundum. Ad probationem dico, talem motionem aliquem habere terminum; non tamen in ipsis sacramentis existentem, sed in suscipientibus illa: pro termino enim habet gratiam, quam in animabus suscipientium sacramenta producit. In sacramentis autem duo præstat: nam quatenus est motio virtuosa, seu participatio diuinæ virtutis, sacramentis virtutem præbet: & quatenus est applicatio sacramentorum ad causandam gratiam, facit, ut faciant, non quidem sine virtute, sed per virtutem, quā prius illis præbuit. Ad confirmationem respondetur negando antecedens, motio enim ad agendum virtuosa in instrumento non solum est applicatio ad agendum, sed etiam virtus, & ratio agendi, cum sit participatio virtutis principalis agentis.

Ad tertium respondetur negando consequentiam: nam illa instrumenta commemorata in argumento habent virtutem instrumentalem permanentem; sacramenta vero habent virtutem instrumentalem, quæ cum motu, quo à Deo mouentur, transit, & non durat, nisi dum motus durat, immo nihil aliud est quam motus.

Circa art 5. & 6. præter dicta circa art. 1. nihil se offert scribendum.

115  
QVÆSTIO LXIII.

*De effectu Sacramentorum, qui  
est character.*

ARTICVLVS I.

*Utrum Sacramentum imprimat  
characterem in anima.*

*Conclusio est affirmans.*

**Q**UÆ non de omnibus Sacramentis in-  
telligenda est, sed de aliquibus, sicque  
intellecta de fide est definita in cap. *Maio-  
res*, De Baptismo, & in Conc. Florent. in  
Decreto vnionis, & Trident. Sess. 7. Can.  
vbi sic dicitur: Si quis dixerit in tribus Sacra-  
mentis, Baptismo scilicet, Confirmatione, & Or-  
dine, non imprimi characterem in anima, hoc  
est, signum quoddam spirituale, & indelebile,  
unde ea iterari non possunt: Anathema sit.



AR-

## ARTICVLVS II.

*Utrum caractere sit spiritualis  
potestas.*

**Conclusio est affirmans.**

*Dubium. An character verè, &  
proprie sit potentia physica con-  
tenta sub secunda specis quali-  
tatis.*

**P**Artem negantem tenent multi, tam antiqui, quàm recentiores. Probant illam recentiores i. de caractere baptismali: si enim esset potentia physica, maxime passiuæ: sed non est potentia physica passiuæ; ergo &c. Probatur minor, potentia physica passiuæ in re ipsa recipit formam vel actum; ad quem ordinatur, illisque verè actuatur, & perficitur: sed character baptismalis non est huiusmodi, nam nec recipit alia sacramenta, ad quæ præsupponitur, nec gratiam sacramentalem causatam ab alijs sacramentis, nec characteres, quos imprimunt alia sacramenta, vt patet; ergo, &c.

Secundò probant de Ordinis caractere: si enim esset potentia physica, maxime actiuæ: sed non est potentia actiuæ, nam

## ARTICVLVS II. 117

nam non efficit alia sacramenta, cū actiones sensibiles, & materiales, quas important alia sacramenta non efficiantur à characterē spirituali, sed à membris externis; nec producit gratiam, nam Sacerdos non causat gratiam per characterem, sed per sacramentum ministrat, vnde etiam non Sacerdos, immò nō baptizatus potest causare gratiam per sacramentum Baptismi, & quamuis character sacerdotalis eleuaretur diuina virtute ad producendam gratiam, hoc non sufficeret, vt esset potentia actiua, cum omnis creatura possit hoc modo eleuari ad producendam gratiam, quin dicatur habere potentiam actiuā respectu gratiæ, nec denique conficit Sacramentum Eucharistiæ, quia nulla qualitas potest esse ex natura sua confectiua conuersionis panis in corpus Christi, sicut nulla creatura ex sua natura potest facere miracula; ergo &c.

Tertio probant de characterē Confirmationis: quia si esset potentia physica, quodā modo esset actiua, respectu scilicet protectionis fidei, & quodammodo passiuā, respectu scilicet sacramenti Ordinis: non esse autem talem probatur, quia potentia datur ad simpliciter posse; character autē Confirmationis non datur ad simpliciter recipiendum, vel operandum, cum non confirmatus possit simpliciter recipere Sacramentum Ordinis, & profiteri fidem, & character Confirmationis solum requiratur ad firmius profitendam fidem, & melius

ſuſcipiendum ſacramentum Ordinis &c.

Dicens tamen eſt: Characterem vo-  
re & proprie eſſe potentiam phyſicam cō-  
tentam ſub ſecunda ſpēcie qualitatis. Hu-  
jus oppoſitum docent primò Durandus in  
4. d. 4. q. 1. num. 11. aſſerens characterem  
non eſſe niſi ens rationis. Contra quod eſt  
quod hic, & art. præced. ait D. Thom. &  
definiunt Concilia, characterem imprimi  
in anima; ens enim rationis non imprimi-  
tur, ſed conſequitur operationem intelle-  
ctus.

Secundò. Scotus in 4. d. 6. q. 10. dicens  
characterem eſſe quidem aliquid reale,  
non tamen niſi relationem realem. Con-  
tra, quod etiam militat, quod contra Durā-  
dum obiecimur: nam cum ad relationem  
non ſit per ſe motus, vt dicitur 5. Phyſic.  
tex. 10 non poteſt eſſe aliquid impreſſum,  
aut productum in anima. Vnde D. Thom.  
hic ad 3. docet, Characterem non eſſe in  
genere relationis, ſed ſuper quem funda-  
tur relatio.

Tertiò, Richardus in 4. d. 5. anti. q. 2. pu-  
tans characterem eſſe quidem aliquid ab-  
ſolutum, & qualitatem; non tamen con-  
tentam in prædicamento qualitatis; quia  
eſt qualitas ſupernaturalis. Contra, quod  
objicit Mag. Soto in 4. d. 1. qu. 4. artic. 2. nam  
eſſi Deus non ſit in prædicamento, quia eſt  
ens infinitum; qualitates tamen ſuperna-  
turales, cum ſint entitates finitæ, in prædi-  
camento poni necesse eſt. Verum eſt, cha-



## ARTICVLVS IV. 119

raclerem, vt hic ait D Thom. non poni in prædicamento qualitatis, aut aliqua eius specie directe, & per se, sed solum reductiue, quia est aliquid imperfectum, & incò-pletum, sicut & virtus instrumentalis, quæ est in Sacramentis. Vide quæ diximus 1. 2 q. 23. art. 3. dub. 2.

Quartò. Alensis 4. p. 19. membro 1. ar. 2. affirmans characterem esse in prima specie qualitatis tanquam habitum, vel dispositionem. Contra quod hic in argument. Sed contra arguit Diuus Thomas: Nullus habitus est, qui se possit ad bene, & malè habere: character autem ad vtrumque se habet, vtuntur enim ea quidam bene, alij verò malè. Quod in habitibus non contingit, nam habitu virtutis nullus vitur malè, & habitu malitiæ, nullus bene.

Quintò. Alii, quos hic ad 2. suppresso nomine refert D. Tho. dicentes, characterem esse in tertia specie qualitatis. Contra quos est, quod ibidem asserit D. Thom. In tertia specie qualitatis non sunt nisi sensibiles passionēs, vel sensibiles qualitates: character autem non est tamen sensibile, & ideo non est in tertia specie qualitatis. Quod etiam in arg. Sed contra dicit: Passio cito transiit, character autem inlelebilis est.

Sextò. Alij, quos etiam suppresso nomine refert D. Thom. hic ad 1. quos sequutus est Marsilius in 4. q. 4. art. 1. con 7. ponentes characterem in quarta specie qualitatis. Contra quos D. Thom. dicit: Figura est quadam terminatio quantitatis, unde propriè  
lo.

loquendo non est nisi in rebus corporeis, in spiritalibus autem dicitur metaphoricè. Non autem ponitur aliquid in genere, vel specie, nisi per id quod de eo proprie predicatur. Et ideo character non potest esse in quarta specie qualitatis.

Septimò: Nonnulli recentiores asserentes characterem non esse verè, & propriè potentiam physicam, sed solum habere rationem potentiae, aut potestatis secundum moralem quandam considerationem, quia videlicet est signum ex diuina ordinatione ad hoc destinatum, vt qui illo insignitus fuerit, aptus sit ad tale ministerium. Contra quod est doctrina D. Thomae hic dicentis: *Diuinus cultus consistit in recipiendo aliqua diuina, vel in tradendo alijs. Ad utrumque autem horum requiritur quadam potentia; nam ad tradendum aliquid alijs, requiritur potentia actiua, ad recipiendum autem requiritur potentia passiuæ. Et ideo character importat quandam potentiam spirituales ordinatam ad ea, quae sunt diuini cultus.* Ad quod licet quis respondere possit, D. Thom. intellexisse characterem esse potentiam improprio modo, scilicet moraliter; praedictis tamen recentioribus non satisfacit hæc responsio, & iure quidem, nam D. Thom. verbis, & intentioni contradicit. Vnde ingenue fatentur se à sententia D. Thom. discedere, quia ad hoc eos cogunt argumenta facta in principio huius dubij.

Sed contra illos præter auctoritatem D. Thom. est argumentum: character sa-  
cer-

## ARTICULVS II. 121

cerdotalis est potētia verè, & propriè physica; ergo & alij characteres. Antecedens probatur: Tum quia, potentia quam importat longe diuersa est à potestate iudicis, & prætoris, quæ moralis est. Tum quia, physicè instrumentaliter concurret ad cōuersionem panis in Corpus Christi, non minus quam verba consecrationis, quæ illum præsupponunt, & sine quo nihil efficiunt. Tum denique, quia, vt patet ex artic. seq. est quædam participatio Sacerdotij Christi, quod physicam potentiam importare, colligitur ex D. Thom. supra q. 22. art. 3. dicente: *Virgute ipsius gratia nobis datur.* Confirmatur, non repugnat characteri esse potentiam verè, & propriè physicā; ergo cū hoc ad eius dignitatem pertineat, non est illi denegandum. Antecedens patebit ex solutionibus argumentorum, quæ facta sunt in principio.

Ad primum respondetur negando minorem. Ad probationem dico, non esse de ratione potentia physica passiuæ in se recipere formam, vel actum, ad quem ordinatur, sed satis esse, vt faciat subiectum, capax talis receptionis. Huius exemplum est mollities, quam ad secundam speciem qualitatis pertinere docet Arist. in prædic. cap. de qualitate, quæ in cera est potentia passiuæ ad recipiendam figuram sigilli, quæ tamen in se ipsa non recipit, sed ceram capacem facit, ad illam recipiendam, nequit enim imprimi in cera indurata quamuis possit retineri ab ea. Grauitatem etiam

in terra potentiam passiuam esse dicit D. T. lib. 5. Metaph. lect. 14 in princip. quæ tamen in se non recipit motum. quo terra mouetur deorsum. Denique, ut patet ex his quæ diximus 1. p. q. 78. art. 1. potentiam motiuam secundum locum, quæ est in animalium corporibus, multi dicunt non actiuam, sed passiuam esse, quæ tamen non recipit in se motum, sed solum est, ut ait D. Thoma 1. par. quæst. 79. art. 3. ad 3. *Per quam membrum adducitur habilitas ad obediendum appetitui.* Vnde quia character baptismalis, etiam si non recipiat in se alia sacramenta, hominem capacit, & habilem faciat ad illa recipiendâ, potentia passiuâ physica erit respectu illorum. Et idem est respectu aliorum characterum, & respectu gratiæ sacramentalis, quamuis enim hæc ecumeni, quando iustificantur gratiam recipiant, non tamen sacramentalem, sed hanc soli baptizati recipiunt, quando recipiunt sacramenta, ijque soli illius capaces sunt sicut, & sacramentorum, quæ illam causant.

Ad secundum respondetur negando minorem. Est enim character Ordinis potentia actiua instrumentalis physica, & ut talis efficit alia sacramenta, nam quamuis hæc consistant in actionibus sensibilibus, & materialibus, quæ fiunt à membris externis, possunt nihilominus esse à caractere Ordinis tanquam à potentia physica instrumentali. Tum quia tales actiones factæ à membris externis non essent sacramen-

## ARTICULVS II. 123

menta, nisi illi, quorum membris fiunt haberent characterem Ordinis. Tum etiam, quia mediante characterē Ordinis illis actionibus dat Deus virtutem sacramentalem. Tum denique, quia licet character Ordinis sit spiritualis; potest tanquam instrumentum diuinæ virtutis concurrere ad actiones sensibiles, vt habent rationem sacramenti: non minus quam res materiales, vt Dei instrumenta possunt efficere res spirituales. Gratiam etiam producit: quāvis enim Sacerdos per Sacramentum, quod ministrat, gratiam causet, etiam illam causat per characterem tanquam per virtutē, & potentiam instrumentalem, quæ ab Auctore gratiæ instituta est ad producendam gratiam: vnde non est eadem ratio de illa, & de quacumque alia creatura, cum non omnis creatura instituta sit ad producendam gratiam. Denique sicut alia sacramenta, ita etiam sacramentum Eucharistiæ conficit character sacerdotalis. Nec est inconueniens, qualitatem aliquam supernaturalem, qualis est character, esse ex natura sua virtutem instrumentalem in ordine ad illam mirabilem conuersionem panis in Corpus Christi, sicut & in ordine ad productionem gratiæ.

Ad tertium respondetur, cum dicitur potentias dari ad simpliciter operandum, vel recipiendum, sensum esse dari ad operandum, vel recipiendum abstrahendo à benè, vel malè, per hoc enim distinguuntur ab habitibus, non quia dantur ad ope-

rationem, quæ sine ipsis fieri non potest; nam hoc modo etiam habitus supernaturales dantur ad simpliciter operandum; de quo vide quæ diximus 1. part. quæst. 12. artic. 5. dubio 2. Vnde cum cuiuscumque sacramenti, etiam confirmationis, character ad utrumque se habeat, ut hic ait D. Thom. deturque ad recipiendum, vel operandum, abstrahendo à bene, vel male; potentia esse poterit, etiam si absque illo possit recipi *Sacramentum Ordinis*, & fides profiteri. Vel dic characterem confirmationis habere rationem potentie actiue respectu protestationis fidei, & potentie passivæ in ordine ad perferendas iniurias, & labores propter fidem: nam cum tali modo, & ex officio non potest illa fieri, nec possunt hæc perferri, nisi ab habente characterem confirmationis.

Circa articulum 3. nihil se offert dicendum.



## ARTICVLVS IV.

*Vtrum Character sit in potentijs  
anima sicut in subiecto.*

**Conclusio est affirmans.**

*Dubium. In qua potentijs  
animæ sit character.*

**Q**uidam recentiores cum Marfilio in 4.  
q. 4. ar. 1. dicunt, characterem in nullo  
potentijs animæ subiectari, sed imme-  
diatè in essentia animæ. Probatur primò,  
character imprimitur animæ ad significan-  
dum ipsam destinatum esse ad cultum Dei;  
ergo in essentia animæ debet poni, & non  
in aliqua ex eius potentijs. Probatur con-  
sequentia, quia quando aliquid imprimi-  
tur alicui rei, vt signum manifestans illam,  
debet poni in illo, quod est notius in tali  
re: sed essentia animæ est notior, quàm  
eius potentia; ergo &c.

Secundò. Character non est principiū  
alicuius actus intellectus, aut voluntatis;  
ergo non est in intellectu, aut voluntate.  
Antecedens probatur, nam licet tam in  
intellectu, quàm in voluntate exigit aliquos  
actus, omnes tamen illi habent sufficien-  
tia principia in intellectu, & voluntate sine

charactere, virtutes scilicet à quibus eliciuntur, si supernaturales sint, si autem naturales potentias ipsas; ergo character non est principium alicuius actus intellectus, aut voluntatis.

Tertio. Character est dispositio ad gratiam: sed gratia est immediate in essentia animæ, ergo & character, dispositio enim debet esse in eodem subiecto, in quo est forma. Confirmatur, Character, ut patet ex dictis art. 2. non est habitus, sed potentia: at subiectum potentiae est essentia animæ, & non in aliqua potentiarum eius, nam hæc solum sunt subiectum habitus ergo, &c.

Quarto probatur, Characterem non esse in intellectu. Character ordinatur ad ea, quæ sunt diuini cultus: sed diuinus cultus magis pertinet ad voluntatem, quam ad intellectum; ergo & character. Confirmatur primò, Character est signum obligationis animæ ad Deum: sed obligari Deo pertinet ad voluntatem; ergo & character. Confirmatur secundò, actus, qui perficitur, & ordinatur per characterem, non est actus intellectus, sed potentiae executivæ, ponitur enim character ad exequendum aliquid, v.g. ad recipiendum, vel ministrandum sacramentum; ergo in potentia exequente, & non in intellectu character constituendus est.

Dicendum tamen est 1. Characterem non esse immediate in essentia animæ. Docet hoc D. Thom. hic concludens. Cha-



*character non est sicut in subiecto in essentia animæ,  
sed in eius potentia.*

Secundò probatur ratione S. D. Character insignitur anima ad actus, in quibus consistit diuinus cultus: sed ad actus propriè ordinantur potentia animæ, non eius essentia, nam hæc ordinatur ad esse; ergo character non est in essentia animæ, sed in eius potentia.

Tertiò: Nullus est actus qui sit ab anima, vt antecedit intellectum, & voluntatem, & non medijs his potentijs; ergo actus, ad quos insignitur anima caractere, ab anima sunt medijs his potentijs, aut altera earum, ac per consequens character in tali potentia est, eius enim subiectum esse debet, quod actus, ad quos ordinatur; elicit. Antecedens probatur, nam vel esset anima immediatè operatiua, quod est impossibile: vel esset operatiua, & non medijs intellectu, & voluntate, sed media alia potentia ipsi superaddita, quod etiam est impossibile: nam non potest esse operatiua medio solo lumine gloriæ, quod nonnulli potentiam esse affirmant, vt vidimus 1. p. q. 12. art. 5. dubio 2. nec media sola aliqua virtute infusa sine intellectu, aut voluntate; ergo nec media sola aliqua potentia instrumentali, cuius actus, licet vt est ab illa, non supponat aliquod posse etiam radicale in anima, supponit tamen illud secundum suam substantiam, qualis est character. Actus enim ad quem ordinatur character, in quo diuinus cultus consistit,

secundum substantiam est à virtute fidei ;  
 vt dicemus con. sequent. sicque posse ar-  
 dicale supponit in anima, quod non habet,  
 nisi media potentia naturali , qua ablata  
 non est operatiua talis actus .

Dicendum est secundo . Characterem  
 immediatè subiectari in intellectu . Docet  
 hoc D. Thom. hic ad 3. dicens : *Et ideo op-  
 portet, quod character sit in cognoscitiua poten-  
 tia anime, in qua est fides .*

Secundo probatur ratione Sancti Do-  
 ctor . Actus, ad quem ordinatur chara-  
 cter, est actus intellectus ; ergo character  
 est in intellectu, principium enim actus in-  
 tellectus in intellectu esse debet . Antece-  
 dens probatur , *Character ordinatur ad ea,*  
*qua sunt diuini cultus . Qui quidem est que-*  
*dam fidei protestatio per exteriora signa .* Sed  
 huiusmodi fidei protestatio est actus intel-  
 lectus ; ergo & actus, ad quem character  
 ordinatur . Si dicas, characterem ordinari  
 ad prædictum actum, non per modum ef-  
 ficientis, aut cōficientis ipsum actum ; sed  
 præcisè per modum signi, quo deputatur ,  
 & consignatur homo ad cultum Dei ; ac  
 per consequens non esse necessarium, vt  
 pertineat ad eandem potentiam, ad quam  
 pertinet ipse actus, sed posse esse in quocū-  
 que alio subiecto, in quo sit commodius  
 ad significandum : sicut militiæ signum in  
 pectore ponitur, & tamen militia manibus  
 exercetur Contra hoc est , Character or-  
 dinatur ad prædictum actum , vt potentia  
 physica, quamuis enim fidei habitus, sit  
 prin-

principium protestationis fidei absolute, & secundum substantiam, adhuc tamen cum tali modo, & quasi ex officio character ordinatur, vt principium efficiens, à nullo enim alio, vt sic efficitur; ergo &c.

Ad primum autem factum in principio respondetur negando consequentiam.

Ad probationem distinguo minorem: Essentia animæ est notior secundum se, concedo minorem: quoad nos nego illam, sic enim potentia sunt notiores: character autem debet poni in eo, quod est nobis notius, vt nobis designet. Vel dic, characterem non solum poni in anima, vt signum designatum illius, sed etiam, vt veram potentiam physicam instrumentalem; atque adeo debere constitui in potentia intellectiva, quæ est principium elicitiuum proprii actus. Nam vt ait D. Thom. in 4 dist. 4. q. 2. art. 3. quæstiunc. 1. *Natura proportionabiliter spiritualitati subternitur, sicut perfectibile perfectioni. Unde sicut gratia, quæ est spiritualis vitæ principium, est in essentia animæ sicut in subiecto: ita & character, qui est spiritualis potentia, est sicut in subiecto in naturali potentia animæ.*

Ad secundum respondetur negando antecedens. Ad probationem dico, actum, quem exigit character in intellectu secundum suam substantiam, habere sufficiens principium in intellectu, virtutem scilicet fidei, à qua elicitur: secundum modum tamen, quo à characterem producit, & ad externum cultum ordinatur, à nullo alio

### 130 **QVÆSTIO LXIII.**

elici posse. Character enim illi imprimit quemdam modum realem non causabilem ex fidei virtute: hæc namq; prolationi verborum consecrationis, qua protestatur fides, communicare non potest esse transubstantiationam panis in Corpus Christi, sicut hunc modum; ac virtutem habet à characterē Sacerdotali, vt potentia instrumentali.

Ad tertium respondet D. Thom. in 4 d 4. q. 2. a. 3. quæstiunc. 1. ad 1. *Quod d. dispositionem esse in eodem cum eo, ad quod disponit, non est necesse, nisi quando dispositio postea sit perfectio, sicut scientia dispositio, & scientia habitus sunt in eodem subiecto proximo: non autem hoc oportet, quando dispositio, & perfectio differunt per essentiam, sed possunt esse in diuersis subiectis, & præcipue quando illa diuersa habent ordinem ad inuicem: sicut operatio sensibilis est dispositio ad intelligibilem operationem, & similiter character est dispositio ad gratiam: Ad confirmationem respondet idem S. D. ibidem ad 2. *Quod illa obiectio procedit de potentijs naturalibus, sed potentijs spirituales oportet fundari in naturalibus. Vbi per potentijs spirituales intelligit supernaturales, quas in potentijs naturalibus fundari oportere dicit, quando scilicet actus earum secundum substantiã supponunt aliquod posse saltē radicale respectu eorum in subiecto, qualem esse diximus characterem. Si enim non supponerent tale posse, non opus esset, eas in naturalibus potentijs fundari, vt patet si Deus ad aliquem effectum assumeret, vt*  
in.*

## ARTICVLVS IV. 131

instrumentum essentiam animæ, vt præ-  
intelligitur potentijs naturalibus, illique ad  
hunc effectum potentiam aliquam instru-  
mentalem conferret.

Ad quartum respondetur, diuinum cul-  
tum, sub ratione tamen veri, ad intellectū  
pertinere, sicque ad illum ordinari chara-  
cterem: nam ordinatur ad illū, vt est quæ-  
dam fidei protestatio per exteriora signa,  
vt hic ad 3. dicit D. Thom. Vnde sicut ora-  
tio licet ordinetur ad diuinū cultum, quia  
tamen illum respicit sub ratione veri, per-  
tinet ad intellectum; ita & character. Ad  
primam confirmationem dico, characterē  
esse signum obligationis animæ ad Deum,  
non quidem factæ per aliquem actum vo-  
luntatis, cum hic in multis recipientibus  
characterem non sit; vt patet in pueris, sed  
quæ consequitur ad rem acceptam ex na-  
tura rei. Posse etiam aliquid pertinens ad  
intellectum esse signum obligationis perti-  
nentis ad voluntatem, vt patet in proposi-  
tione, qua consensus voluntatis manifesta-  
tur. Ad secundam confirmationem dico,  
actus exteriores, quos ordinat, & perficit  
character, pertinere quidem ad potentiā  
executiua, vt motam tamen ab intelle-  
ctu, sicque in hoc, & non in potentiā  
executiua constituendum esse caracte-  
rem: sicut & virtutes non constituentur in  
membris exterioribus, à quibus exercen-  
tur actus earum exteriores, sed in intelle-  
ctu, aut voluntate, à quibus mouentur

membra exteriora, & ordinantur ad proprios fines virtutum.

Circa art. 5. & 6. nihil se offert scribendum.

## QVÆSTIO LXIV.

*De causa Sacramentorum.*

### ARTICVLVS I.

*Utrum Deus operetur interiorius ad effectum Sacramenti.*

**Conclusio est affirmans.**

**I**ntelligenda est per modum principalis agentis; per modum enim instrumenti inquit D. Thom. *Homo potest operari ad interiorum effectum Sacramenti, in quantum operatur per modum ministri, nam eadem est ratio ministri, & instrumenti.*

Non solum esse ministrum causam, seu conditionem sine qua non effectus sacramenti, eo modo, qui applicat ignem ad comburendum, est causa combustionis, sed etiam habere potestatem ministerialem ad remittenda peccata, & conferendam gratiam, certissimum est, ut colligitur

rum

tur ex illo Ioan. 20. vers. 23. *Quorum remis-  
seritis peccata, remittuntur eis: & ex formis  
sacramentorum. Ego te baptizo, &c. Ego te  
absoluo, &c.* quæ verificari non possunt, nisi  
Sacerdos, aut minister haberet prædictam  
potestatem.

Est tamen difficultas, an minister ha-  
beat distinctam virtutem, & distinctum  
influxum ad remittenda peccata, & pro-  
ducendam gratiam, ab ipso sacramento?  
In qua partem negantem tenent multi:  
quia vt verificetur, ministrum absoluerē,  
& abluerē à peccatis, satis est, vt hoc fa-  
ciat per influxum sacramenti, quod confi-  
cit, ac ministrat. Mihi tamen probabilius  
videtur quod hic asserunt Caiet. & com-  
muniter discipuli D. Thom. Sicut in rebus,  
& verbis sacramentalibus est vnica virtus  
instrumentalis, quæ partialiter est in rebus,  
& partialiter in verbis: ita vnicam effi-  
cē virtutem instrumentalem totalem in sa-  
cramento, & ministro; Sacramenti tamen  
ministrum distinctam virtutem partialem  
habere ab ipso sacramento, & consequen-  
ter distinctum influxum partialem. Cum  
enim sacramentum sit aliquid omnino di-  
stinctum à ministro, si minister dicitur re-  
mittere peccata, & gratiam producere,  
hoc per distinctam virtutem, & influxum  
saltem partialem debet efficere, & non so-  
lūm per virtutem, & influxū Sacramenti.  
Quod maximè verificatur in ministro cōse-  
crato speciali cōsecratione, ad conferenda  
sacram. Sacerdos enim, qui est minister sa-  
cra-

cramentorū habet characterem, qui est potentia physica permanens, in ordine ad remissionem peccatorum, & productionem gratiæ, quam non habet sacramentū ipsum, sed solum habet virtutem productiuam gratiæ per modum fluxus, & transeuntis, & a virtute characteris sacerdotalis procedit ac dimanat, illique subordinatur; ac per consequens virtus, quæ est in tali ministro distincta est ab illa, quæ est in sacramento. Virtus quæ est in ministro nō sic consecrato, vt in non baptizato conferente baptismum, etiam si distincta sit a virtute, quæ est in sacramento, non tamen est habitualis, & potentialis, sed solum actualis, vnde maxima est differentia inter ministrum consecratum, & non consecratum. Nomine autem ministri hic intelligendus non est, qui solum, & præcisè porrigit sacramentum, sed qui conferendo sacramentum conficit. Vnde, qui sacramentum Eucharistiæ iam confectum alijs porrigit, non confert gratiam per se ipsum, sed solum sacramentum gratiam causat, & illud applicans tantum est pura conditio sine qua non.

Circa solutionem secundi aduertendum est, quod in ea docet D. Thom. *Effectus Sacramenti non datur melior per meliorem ministrum*, doctrinam esse Sancti Augustini tract. 5. in Ioann. & lib. 3. contra Cresconium, cap. 11. vbi ait: *Baptisma Christi non esse nisi eius, cuius nomine datur, & ideo non fieri melius, cum per meliorem datur, nec deterius*



*terius per deteriorem. Ex quo inferitur, quod ibidem cap. 6. dixerat, & refertur Canon. Si inter, de consecrat. distinct. 4. Et ideo per ministros & spares Dei munus aequale est: quia non illorum, sed eius est. Vnde non rectè Scotus in quarto dist. 4. quæst. 7. & Gabriel ibidem quæst. 2. dixerunt, à meliori ministro maiorem gratiam conferri paruulo baptizato. Cui sententiæ non fauet Caietanus hic: nam quamuis dicat, posse ministrum impetrare maiorem gratiam recipienti Sacramentum, quam sit illa, quæ regulariter per Sacramentum datur, hanc tamen subdit non habere rationem effectus Sacramenti, sed rationem annexi, sicut rationem annexi haberet, si eam impetraret extra ministerium Sacramenti; sicq; nihil aliud asserit, quam quod D. Thom. subdens: *Aliquid tamen annexum impetrari potest recipienti Sacramentum per deuotionem ministri.**



## ARTICVLVS II.

*Vtrum Sacramenta sint solum ex  
institutione diuina.*

**Conclusiō est affirmans.**

**Q**uam secundum fidem certam esse  
constat ex Concil. Trid. Sess. 7. Can. 1.  
de sacramentis in genere, vbi sic dicitur :  
*Si quis dixerit sacramenta noua legis non fuisse  
omnia à Iesu Christo Domino nostro instituta ;  
anathema sit .* Vnde opinio, quam refert  
D. Thom. in 4. d. 23. q. 1. art. 1. quæstiun-  
cula 3. Christum non instituisse per se Sa-  
cramenta Extremæ Vnctionis, & Confir-  
mationis, sed Apostolis instituenda dimissis-  
se, nunc iam sustineri non potest. Magi-  
strum autem ibi asserentem, *Sacramentum  
Vnctionis infirmorum ab Apostolis institutum  
legitur*, explicat S. Doctor ibidem ad 2.  
*Quod Magister dicit ab Apostolis institutum :*  
*quia per doctrinam Apostolorum nobis promul-*  
*gata est eius institutio .* Iuxta quam explica-  
tionem idem asserit Magister, quod Conc.  
Trid. Sess. 14. cap. 1. *Instituta est autem sa-*  
*cræ hæc Vnctio infirmorum, tanquam verè, &*  
*proprie sacramentum noui testamenti à Christo*  
*Domino nostro, apud Marcum quidem insinua-*  
*tum, per Iacobum autem Apostolum, ac Do-*  
*minifratrem fidelibus commendatum, ac pro-*  
*mul-*

## ARTICVLVS II. 137

*mulgarum*. Quæ est etiam sententia D.Th.  
loco citato.

Circa articulum tertium, & 4. nihil se  
offert dicendum.

## ARTICVLVS V.

*Vtrum per malos ministros Sacra-  
menta conferri possint.*

**Conclusio est affirmans.**

**C**erta est secundum fidem, vt colligitur  
ex Conc. Trid. Sess. 7. Can. 12. de Sa-  
cramentis in genere, vbi diffinitur: Si quis  
dixerit *ministrum in peccato mortali existen-  
tem, modo omnia essentialia, quæ ad sacramen-  
tum conficiendum, aut conferendum pertinent,*  
*seruauerit, non conficere, aut conferre sacra-  
mentum; anathema sit.* De ministris hære-  
ticis idem colligitur ex cap. *Si quis baptismum,*  
& cap. *Hanc regulam*, 1. q. 1. De paganis  
etiam ex Can. *A quodam Iudæo*, De conse-  
crat. dist. 4.



A R.

*Virum mali ministrantes sacramenta peccent .*

**Conclusio est affirmans :**

*Dubium I. An sit peccatum mortale ministrare Sacramenta in mortali peccato .*

**P**ars negans probatur primò . Bonitas ministri non est de necessitate Sacramenti , se solum pertinet ad decentiam illius , vt docet D. Thom. art. præced. ad 3. sed defectus eius , quod solum pertinet ad decentiam , non constituit peccatum mortale , nam hoc non constituit defectus conditionis requisitæ ad bene esse , sed defectus circumstantiæ necessariæ , non enim peccat , qui operatur non secundum quod melius , aut quando melius , &c. sed qui operatur non secundum quod oportet , aut quando oportet , aut sicut oportet , quia illud , oportet , necessitatem denotat ; ergo ministrare sacramenta sine bonitate , & in peccato mortali , non est peccatum mortale .

Secundò . Qui in articulo necessitatis baptizat , non peccat , etiam si sit in peccato mortali , vt docet D. Thom. hic ad 3. ergo nec qui extra talem necessitatis articulum baptizat . Probatur consequentia ,  
nam

nam etiam qui baptizat in casu necessitatis, baptizat vt minister agentis principalis, qui est Christus, & non minus potest statim conteri, si vult, & transire de malo in bonum, quam qui extra casum necessitatis baptizat.

Dicendum tamen est: ministrare sacramenta in peccato mortali peccatum mortale esse ex suo genere. Docet hoc D. Tho. hic; & probat peccatum quidem esse: *Quia ministri debent Deo conformari, secundū illud Leuit. 19. Sancti eritis, quoniam ego Sanctus sum.* Peccatum vero mortale esse ex suo genere. *Quia hoc peccatum pertinet ad irreuerentiam Dei, & contaminationem sacramentorum, quantum est ex parte ipsius peccatoris.* Sicque sacrilegium est, quod ex suo genere est mortale.

Aduertit tamen Caiet. hic ad finem cōmentarij: *At tale sacrilegium non sufficit, quod sit administratio ab homine malo, sed exigitur, quod sit etiam à ministro ex officio, ut sic: & ratio est assignata in littera: quia sanctis ministerijs non nisi sanctus conuenit minister, qui per se loquendo non est nisi minister ex officio.* Est autem minister ex officio, qui speciali consecratione deputatus est ad illud officium, qualis est Sacerdos. Vnde si laicus extra casum necessitatis baptizet, peccabit quidem, quia usurpat alienum officium: *Nulla enim cogente necessitate si fiat, alieni muneris usurpator est, vt dicitur Can. Quod quidam, l. q. i.* non tamen peccabit, quia ministrat in peccato mortali, cum non sit minister

ex

ex officio. Idem est de ministris Sacramenti Matrimonij: sunt enim ipsi contrahentes, qui cum non sint speciali consecratione consecrati ad conficiendum illud sacramentum non sunt ministri ex officio, sicque etiam si illud sacram. ministrent in mortali non propterea mortaliter peccāt, quamvis peccent mortaliter, quia illud sacramentum recipiunt in mortali, ut docet Mag. Soto in 4. dist. 1. q. 5. art. 6. in fine. Sacerdos tamen, qui celebrat in mortali, duplici titulo peccat mortaliter peccato sacrilegij, quia scilicet ex officio conficit sacramentum in mortali, & quia in mortali sacramentum suscipit.

Aduertit etiam Caiet. hic. 9. *Circa utrumque*, ad peccatum mortale non sufficere, ut ministrans exhibeat se ministrum, seu minister ex officio fit, ex D. Thom. namque colligit. *Requiri, ad hoc quod huiusmodi peccatum sit mortale, duo. Primò, quod exhibeat se ministrum. Scòundò, quod tale ministerium sit actio sacramentalis. Ita quod si alterum horum defuerit, non habes hinc mortale peccatum in ministerijs sacris.* Quæ doctrina communiter recipitur à discipulis D. Tho. quamvis non conueniant, quid per actionem sacramentalem sit intelligendum. Mihi tamen cum plerisque afferendum videtur, per actionem sacramentalem intelligendam esse eam, qua conficitur sacramentum.

Ex quo colligo primò. Illum, qui ministrat sacramentum iam confectum, ut

Sacerdos, qui alios communicat hostiam consecratam eis conferendo ; non peccare mortaliter, etiamsi in peccato mortali id faciat : quia tale ministerium non est actio sacramentalis, hoc est consecratiua sacramenti, immo nec propriè, & in rigore constituit ministerium Dei, cum sic ministrans non sit causa instrumentalis gratiæ, sed solum se habeat, vt conditio, & vt applicans sacramentum ad conferendam gratiam ; vt diximus art. I. Idem potiori iure asserendum est de Sacerdote transferente hostiam sacram de loco, ad locum, aut eam eleuante dando benedictionem. Non est etiam verosimile, inquit Mag. Soto vbi supra, parum post initium articuli, quod asserit Adrianus, peccatum mortale esse eleuare hostiam consecratam de terra, aut luto in peccato mortali. *Quare potius credo illud esse opus religionis, atque adeo virtutis, si non adsit Sacerdos alius, qui dignius possit illam eleuare. Et idem asserunt alij, si hoc fiat à laico in absentia Clerici.*

Secundò colligo, Nec etiam diachonū, & multo minus subdiaconum, & alios inferiores ministros sacris non initiatos peccare mortaliter exercendo sua officia in peccato mortali : quia nullius horum ministerium est actio sacramentalis, id est consecratiua sacramenti. Et præterea, Nam ( vt ait Mag. Soto vbi supra ) etsi gratiam ad hoc recipiant, tamen imperfectio actionis admonere videtur, non esse tam strictam obligationem quàm in Sacerdote ; siquidem per lectionem Euangelij

& suam administrationem nullam operantur  
sanctitatem, nisi imperfecte. Idem dicendū  
est de prædicatore in peccato mortali præ-  
dicante, dum tamen eius peccatum non  
sit publicum, ob quod vituperebatur illius  
ministerium, & prædicatio contemnatur;  
quamvis enim huius oppositum teneat  
Caiet. hic §. *Hanc doctrinam*; illud tamen  
communiter docent Theologi.

Tertiò colligo, exercere actus iurisdictionis spiritualis, vt iudicare, excommunica-  
re, &c. item benedicere aquam, Virgines,  
& Abbatissas, consecrare loca, vestes, &  
vasa sacra non esse peccatum mortale,  
etiam si fiat in mortali. De consecratio-  
ne chrismatis; aut olei infirmorum qui-  
dam oppositum tenent. Sed eadem est  
ratio de omnibus: nam nulla haram actio-  
num est sacramentalis, hoc est consecra-  
ua sacramenti. Quibusdam tamen vide-  
tur, tam hæc, quam prædicta in corolla-  
ris præced. exercere in mortali, esse pec-  
catum veniale, idque eo grauius, quo mi-  
nisterium est excellentius, & magis sacrum.  
Quod sic vniuersaliter non approbo: nam  
vt dixi 1.2. q. 60. art. 2. absque peccato etiā  
veniali potest iudex in peccato mortali exi-  
stens iudicare; & idem de peccatore oc-  
culto prædicante: durum etiam videtur,  
benedicere aquam in mortali, esse ve-  
niale.

Denique aduertit Caiet. in prædicto §.  
*Circa utrumque*, consulto dixisse D. Thom.  
tale peccatum esse mortale non quomo-  
do.



dolubet, sed ex suo genere: nam de facto, & in individuo potest à mortali excusari ex imperfectione actus. Sic idem Caiet. *9. Ad 3. dubium*, excusat Sacerdotem baptizantem in articulo necessitatis in mortali: quia operatio sua imperfectum quid est in genere administrationis sacramentorum, non ex parte obiecti, hoc est sacramenti, sed ex parte agentis, hoc est ministri: non enim exit operatio tunc à ministro ex officio, sed à nudum ministerium præbente. Unde verum est quod hic ad 3. dicit D. T. *In articulo necessitatis non peccaret baptizando in casu, in quo etiam posset laicus baptizare.* Si quæras, An qui ministrat sacramentum ex officio, teneatur sacramentaliter confiteri peccatum mortale, in quo est? Respondetur, id non esse necessarium, sed sufficere contritionem de tali peccato habere. Attritio non sufficeret: nam quamuis hæc sufficiat ad recipiendum sacramentum Poenitentiae, quia virtute sacramenti fit ex attrito contritus; non tamen ad illud ministrandum, quia qui ministrat sacramentum, non fit virtute illius ex attrito contritus, nec per illud iustificatur, sed præsupponitur iustificatus, & in gratia. Si tamen habens attritionem inuincibiliter existimaret se contritionem habere, à peccato excusaretur.

Ad primum autem factum in principio respondetur cum Caietan. hic *9. Ad hoc actio.*

actionem sacramentalem posse sumi dupliciter. Primò secundum rationem operis operati, & sic non exigit bonitatem ministri; nisi secundum quandam decentiam, & propterea siue bonus, siue malus sit minister, sacramentum verum, & efficax est. Secundò, quantum ad rationem operis operantis, & sic exigit necessario bonitatem in ministro, vt recta sit, alias enim indecens est, & cum Dei irreuerentia; & contaminatione sacramenti.

Ad secundum quidam relati à Durando in 4. d. 5. q. 2. num. 6. negabant antecedens, sed illo admissò, responderetur negando consequentiam. Ad probationem dico, cum Caiet. hic §. *Ad euidentiam*, qui baptizat in casu necessitatis, esse quidem ministrum Christi; non tamen esse ministrum ex officio, de quo solo dictum est, iustum esse oportere: necessitatemque excusantem malum ministrum, non esse impossibilem contritionis, cum in instanti possit haberi de infinitis peccatis, sed necessitatem cogentem ad exhibendum se, vt ministrum non ex officio.



*Dubium secundum . An sit licitum  
recipere sacramenta à malis mini-  
stris, eaque ab illis petere .*

**P**ars negans probatur primò : Non  
est licitum petere ab aliquo , quod  
ipse licitè præstare non potest : sed mali  
ministri non possunt licitè ministrare sa-  
cramenta , cum peccent ea administran-  
do ; ergo non est licitum alicui petere ab  
illis , vt ea sibi ministrent . Confirmatur,  
si minister esset scandalizandus ex audien-  
tia confessionis , concitandus scilicet ad li-  
bidinem, si mulier illi confiteretur , non li-  
ceret ab illo petere , vt eius confessionem  
audiret; ergo neque licitum est à malo mi-  
nistro petere , vt sacramentum ministret ,  
cum non minus peccet illud ministran-  
do , quam libidinose mulierem appeten-  
do .

Secundò . Quamuis licitum sit vti pec-  
cato alterius, nō tamen licet, illum ad pec-  
catum inducere : sed qui petit à malo mi-  
nistro non parato ad administrandum , vt  
sibi ministret sacramentum , illum inducit  
ad peccandum ; ergo non est licitum id ab  
eo petere . Confirmatur, si minister est ex-  
communicatus, vel suspensus, quantumuis  
conteratur de peccatis, & faciat quod in se  
est , non potest licitè ministrare Sacram.  
ergo ille, qui ab eo petit Sacramentū petit,

i. G

quod

quod ille licite præstare non potest, ac proinde peccat petendo.

Dicendum tamen est primò. A ministro malo tolerato ab Ecclesia licitum esse Sacramentum accipere. Docet hoc D. T. hic ad 2. dicens: *Ille, qui ad Sacramentum accedit, suscipit sacramenta à ministro Ecclesie, non in quantum est talis persona, sed in quantum est minister Ecclesie. Et ideo quamdiu ab Ecclesia tolleratur in ministerio, ille qui ab eo suscipit sacramentum, non communicat peccato eius: sed communicat Ecclesie, qua eum tanquam ministrum exhibet. Ac per consequens non peccat: nam si peccaret, hoc ideo esset, quia peccato eius communicaret.*

Probatur etiam ex Can. *Sciscitantibus*, 15. quæst. 1. ubi Nicolaus Papa Bulgaris sciscitantibus, an à Sacerdote in adulterio comprehenso, vel de hoc infamato deberent communionem recipere, respondit. *Ab eo (quousque iudicio Episcoporum reprobetur) communio percipienda est: quoniam mali bona administrando se tantum ledunt: & cerea fax accensa sibi quidem detrimentum præstat, alijs vero lumen in tenebris administrat, & unde alijs commodum exhibet, inde sibi dispendium præbet. Sumite ergo ab omni sacerdote intrepide Christi mysteria.*

Si quæras, quis minister sit toleratus ab Ecclesia, & quando ab ea non toleretur? Respondet D. Thom. hic ad 2. non tolerari, *Cum degredatur, vel excommunicatur, vel suspensatur.* Tempore D. Thom. quicumque  
ex.

excommunicatus, vel suspensus non erat toleratus ab Ecclesia: post Concilium tamen Constan. & Bullam Martini V solum notoriè percussores Clericorum, & nominatim excommunicati, vel suspensi, aut alia censura innodati non sunt ab Ecclesia tolerati, vt docent Caiet. hic §. *In eadem*, Mag. Soto in 4. d. 1. q. 5. a. 6. & d. 22. q. 1. a. 4. & alij communiter. Vnde à quibuscunque alijs licitum est sacramenta recipere, quam cumuis mali ministri sint; etiam si sint publici concubinarij, quicquid dicat Nauarrus c. 25. n. 79. & seq. & notoriè excommunicati, quicquid dicat Syluester, verbo *Excommunicatio* §. not. 4. immo, & irregulares. Ad irregulares enim extendendam esse Constit. Martini V. patet: Tum quia facta fuit in fauorem fidelium: quibus tamen parum, aut nihil commodi afferret, si ab irregularibus non possent suscipere sacramenta, cum constet excommunicatos, si celebrant, aut exercent officium Ordinis, statim effici irregulares. Tum etiam, quia multi docent irregularitatem, quæ contrahitur propter culpam, censuræ rationem habere: & extra controuersiam sententia est à iure lata; ergo cum (vt refert Mag. Soto vbi supra ex S. Antonino) Martinus V. indulgeat, *Quod nemo deinceps à communione alicuius in sacramentorum administratione, vel receptione, aut alijs quibuscunque diuinis, vel extra, pretextu cuiuscunque sententiæ, aut censura Ecclesiasticæ à iure, vel ab homine generaliter promulgatæ, teneatur abstinere, vel. li.*

qua vitare, nisi sententia, aut censura huiusmodi fuerint in, vel contra personam, nominatim scilicet expressam; nullus tenebitur abstinere à receptione Sacramentorum ab irregularibus, sicut nec ab excommunicatis, & suspensis, nisi nominatim tales sint.

Dicendum est secundò. Licitum etiam esse, petere sacramenta à malo ministro tolerato ab Ecclesia; si tamen ille ad ea conferenda paratus sit, aut teneatur, & petenti ex hoc aliqua utilitas proveniat. Mali ministri nomine ille intelligendus est hic, de quo moraliter constat male administraturum: si enim id non constaret, presumendum esset bonum futurum: nam, quamvis scirem eum recens lapsum in peccatum, credere possem, vel iam habuisse contritionem, vel habiturum antequàm conferat Sacramentum. Hoc supposito.

Prima pars conclusionis probatur, quod sine peccato fieri potest, licitum est exigere ab altero, etiam si sciam illum peccaturum; licitum est namque exigere iuramentum ab infideli ad contractus firmandos, etiam si sciam illum per falsos Deos iuraturum, licitum est etiam ab usurario mutuum petere, etiam si sciam illum non daturum, nisi cum usura, & dando peccaturum, ut patet ex dictis 2. 2. quæst. 78. ar. 4. Sed ministrare sacramenta fieri potest sine peccato à quolibet ministro, si velit; ergo quamvis sciam illum ex sua malitia male administraturum, illa ab eo petere possum.

Se-

Secunda pars probatur: nam petere sacramenta à malo ministro non parato, est illum inducere ad peccandum; si verò ipse paratus sit, non est illum ad peccandum inducere, sed vti eius malitia; ergo sicut propter hoc nō licet petere mutuum sub vsuris à non parato; licet tamen petere à parato sic illud conferre, vt constat ex dictis loco cit. ex 2. 2. idem erit de petitione sacramentorū à malo ministro.

Tertia pars probatur: nam qui ex officio tenetur sacramenta conferre, qualis est proprius parochus, semper debet esse paratus ad ministranda sacramenta subditis; ergo sicut licet petere à ministro parato, ita & ab eo, qui tenetur conferre. Nec propter hoc petens inducit illum ad peccandum, sed iure suo vtens illum solum inducit ad id, quod ex iustitia tenetur.

Quarta pars probatur: quia sine utilitate, neque malitia alterius vti licitum est: nam contra legem diuinæ amicitiae est, nō vitare offensam Dei; si possumus absque villo incommodo, aut detrimento nostro. Vnde si commodè posset, quis sacramenta percipere ab alio non minus docto, & utili, qui sine peccato ea conferat, ex charitate id facere teneretur, vt vitet alienum peccatum, quamuis non teneatur ex iustitia, si alter ex officio obligatur ad conferendum.

Dicendum est tertio. In casu magne necessitatis licitum esse, inducere ad conferenda Sacram. ministrum quantumuis malū

non incurratur, nisi propter culpam, & peccatum. Secus esset, si antequam ministraret sacramenta, posset impetrare absolutionem ab excommunicatione, aut licite repellere petitionem fidelium: nam tunc in excommunicatione ministrando peccaret; cum posset, si vellet; aut non ministrare, aut ministrare sine excommunicatione; & sua culpa ministraret in excommunicatione.

Dicendum est quartò. Si necessitas sit extrema, licitum esse recipere à ministro etiam non tolerato ab Ecclesia, quantumvis infideli, hæretico, vel apostata, sacramenta illa, quæ ex diuino præcepto necessarium est, recipere in tali necessitate; alia verò minimè. Prima pars colligitur ex D. Thom. in quarto distinctione quinta, quæstione secunda, artic. 2. quæstiunc. 5. dicente: *Malus minister, si sit præcisus ab Ecclesia, tunc peccat ab eo recipiens sacramentum, nisi in necessitate, in qua posset etiam à pagano, vel à Iudæo suscipere.* Afferitur etiam à Caiet hic 9. In eadem, à Mag. Soto in 4. d. 1. quæst. 5. ar. 6. circa finem, & communiter a discipulis D. Thom. qui Doctorem hic ad 2. dicentem, Si vero ab Ecclesia non toleratur (scilicet minister) peccat, qui ab eo accipit Sacramentum, quia communicat peccato ipsius, exponunt, locutum fuisse extracolum extremæ necessitatis.

Probatum etiam, quia quando in extrema necessitate, aut articulo mortis instat diuinum præceptum recipiendi sacramenta,



ta, Ecclesia nulli ministro aufert potestatem conferendi illa, nec prohibet fidelibus ea ab illo recipere, vt Canon. *Si quem*, 24. quæst. prima, & ex Concil. Tridentin. Sess. 14. cap. 7. ergo licitum est illa à quolibet ministro recipere. Immo, & ipsi ministro licet ea conferre: quia Ecclesia, vt ait Magister Soto vbi supra, *Permittens nobis in extrema necessitate Baptismum à praeis suscipere, subinde permittit ipsi illum conferre.*

Secunda pars probatur. Ecclesia absolute prohibet nobis cum ministris non toleratis ab ea communicare in rebus sacris; ergo nisi instet diuinum præceptum suscipiendi aliquot Sacramenta, quod reueretur, semper etiam in articulo mortis vult suum præceptum obligare, maxime cum casum mortis, seu extremæ necessitatis nullibi excipiat. Vnde quando prædictorum sacramentorum non est nisi minister praeis, perinde est, ac si nullus adesset.

Non desunt tamen, qui dicant, si aliquis esset sibi conscius peccati mortalis, & non possent sibi alia sacramenta conferri, quam ea, de quibus recipiendis nullum est diuinum præceptum, posse ea suscipere in extrema necessitate à ministro non tolerato, vt possit per ea iustificari, & fieri ex attritio contritus, si forte solam attritionem habeat: credendum est enim id merito placere Ecclesiae, vt tali necessitati subueniatur.

## ARTICVLVS VI.

*Vtrum mali ministrantes sacramenta peccent .*

**Conclusio est affirmans .**

*Dubium 1. An sit peccatum mortale ministrare Sacramenta in mortali peccato .*

**P**ars negans probatur primò . Bonitas ministri non est de necessitate Sacramenti , se solum pertinet ad decentiam , illius , vt docet D. Thom. art. præced. ad 3. sed defectus eius , quod solum pertinet ad decentiam , non constituit peccatum mortale , nam hoc non constituit defectus conditionis requisitæ ad bene esse , sed defectus circumstantiæ necessariæ , non enim peccat , qui operatur non secundum quod melius , aut quando melius , &c. sed qui operatur non secundum quod oportet , aut quando oportet , aut sicut oportet , quia illud , oportet , necessitatem denotat ; ergo ministrare sacramenta sine bonitate , & in peccato mortali , non est peccatum mortale .

Secundò . Qui in articulo necessitatis baptizat , non peccat , etiam si sit in peccato mortali , vt docet D. Thom. hic ad 3. ergo nec qui extra talem necessitatis articulum baptizat . Probatur consequentia ,  
nam

nam etiam qui baptizat in casu necessitatis, baptizat vt minister agentis principalis, qui est Christus, & non minus potest statim conteri, si vult, & transire de malo in bonum, quam qui extra casum necessitatis baptizat.

Dicendum tamen est: ministrare sacramenta in peccato mortali peccatum mortale esse ex suo genere. Docet hoc D. Tho. hic; & probat peccatum quidem esse: *Quia ministri debent Deo conformari, secundū illud Levit. 19. Sancti eritis, quoniam ego Sanctus sum.* Peccatum vero mortale esse ex suo genere. *Quia hoc peccatum pertinet ad irruerentiam Dei, & contaminationem sacramentorum, quantum est ex parte ipsius peccatoris.* Sicque sacrilegium est, quod ex suo genere est mortale.

Aduertit tamen Caiet. hic ad finem cōmentarij: *At tale sacrilegium nō sufficit, quod sit administratio ab homine malo, sed exigitur, quod sit etiam à ministro ex officio, vt sic: & ratio est assignata in littera: quia sanctis ministerijs non nisi sanctus conuenit minister, qui per se loquendo non est nisi minister ex officio.* Est autem minister ex officio, qui speciali consecratione deputatus est ad illud officium, qualis est Sacerdos. Vnde si laicus extra casum necessitatis baptizet, peccabit quidem, quia usurpat alienum officium: *Nulla enim cogente necessitate si fiat, alieni muneris usurpator est, vt dicitur Can. Quod quidam, l. q. 1. non tamen peccabit, quia ministrat in peccato mortali, cum non sit minister*  
ex

ex officio. Idem est de ministris Sacramenti Matrimonij: sunt enim ipsi contrahentes, qui cum non sint speciali consecratione consecrati ad conficiendum illud sacramentum non sunt ministri ex officio, sicque etiam si illud sacram. ministrent in mortali non propterea mortaliter peccāt, quamuis peccent mortaliter, quia illud sacramentum recipiunt in mortali, ut docet Mag. Soto in 4. dist. 1. q. 5. art 6. in fine. Sacerdos tamen, qui celebrat in mortali, duplici titulo peccat mortaliter peccato sacrilegij, quia scilicet ex officio conficit sacramentum in mortali, & quia in mortali sacramentum suscipit.

Aduertit etiam Caiet. hic. §. *Circa utrūque*, ad peccatum mortale non sufficere, ut ministrans exhibeat se ministrum, seu minister ex officio sit, ex D. Thom. namque colligit. *Requiri, ad hoc quod huiusmodi peccatum sit mortale, duo. Primò, quod exhibeat se ministrum. Sccondò, quod tale ministerium sit actio sacramentalis. Ita quod si alterum horum defuerit, non habes hinc mortale peccatum in ministris sacris. Quæ doctrina communiter recipitur à discipulis D. Tho. quamuis non conueniant, quid per actionem sacramentalem sit intelligendum.* Mihi tamen cum plerisque asserendum videtur, per actionem sacramentalem intelligendam esse eam, qua conficitur sacramentum.

Ex quo colligo primò. Illum, qui ministrat sacramentum iam confectum, ut

## ARTICVLVS VI. 141

Sacerdos, qui alios communicat hostiam, consecratam eis conferendo, non peccare mortaliter, etiamsi in peccato mortali id faciat: quia tale ministerium non est actio sacramentalis, hoc est confectiua sacramenti, immo nec propriè, & in rigore, constituit ministerium Dei, cum sic ministrans non sit causa instrumentalis gratiæ, sed solum se habeat, vt conditio, & vt applicans sacramentum ad conferendam gratiam, vt diximus art. I. Idem potiori iure asserendum est de Sacerdote transferente hostiam sacram de loco, ad locum, aut eam eleuante dando benedictionem. Non est etiam verosimile, inquit Mag. Soto vbi supra, parum post initium articuli, quod asserit Adrianus, peccatum mortale esse eleuare hostiam consecratam de terra, aut luto in peccato mortali. *Quare potius credo illud esse opus religionis, atque gree virtutis, si non adsit Sacerdos alius, qui dignius possit illam eleuare. Et idem asserunt alij, si hoc fiat à laico in absentia Clerici.*

Secundò colligo, Nec etiam diaconum, & multo minus subdiaconum, & alios inferiores ministros sacris non initiatos peccare mortaliter exercendo sua officia in peccato mortali: quia nullius horum ministerium est actio sacramentalis, id est confectiua sacramenti. Et præterea, Nam ( vt ait Mag. Soto vbi supra ) *etsi gratiam ad hoc recipiant, tamen imperfectio actionis admonere videtur, non esse tam strictam obligationem quàm in Sacerdote; siquidem per lectionem Euangelij*

& suam administrationem nullam operantur  
sanctitatem, nisi imperfecte. Idem dicendū  
est de prædicatore in peccato mortali præ-  
dicante, dum tamen eius peccatum non  
sit publicum, ob quod vituperetur illius  
ministerium, & prædicatio contemnatur;  
quamvis enim huius oppositum teneat  
Caiet. hic §. *Hanc doctrinam*; illud tamen  
communiter docent Theologi.

Tertio colligo, exercere actus iurisdictionis spiritualis, vt iudicare, excommunicare, &c. item benedicere aquam, Virgines, & Abbatissas, consecrare loca, vestes, & vasa sacra non esse peccatum mortale, etiam si fiat in mortali. De consecratione chrismatis; aut olei infirmorum quidam oppositum tenent. Sed eadem est ratio de omnibus: nam nulla harum actionum est sacramentalis, hoc est consecratiua facramenti. Quibusdam tamen videtur, tam hæc, quam prædicta in corollaris præced. exercere in mortali, esse peccatum veniale, idque eo grauius, quo ministerium est excellentius, & magis sacrū. Quod sic vniuersaliter non approbo: nam vt dixi 2.2. q. 60. art. 2. absque peccato etiā veniali potest iudex in peccato mortali existens iudicare; & idem de peccatore occulto prædicante: durum etiam videtur, benedicere aquam in mortali, esse veniale.

Denique aduertit Caiet. in prædicto §. *Circa utrumque*, consulto dixisse D. Thom. tale peccatum esse mortale non quomodo.

dolubet, sed ex suo genere: nam de facto, & ipso indiuiduo potest à mortali excusari ex imperfectione actus. Sic idem Caiet. 9. *Ad 3. dubium*, excusat Sacerdotem baptizantem in articulo necessitatis in mortali: quia operatio sua imperfectum quid est in genere administrationis sacramentorum, non ex parte obiecti, hoc est sacramenti, sed ex parte agentis, hoc est ministri: non enim exit operatio tunc à ministro ex officio, sed à nudum ministerium præbente. Unde verum est quod hic ad 3. dicit D. T. *In articulo necessitatis non peccaret baptizando in casu, in quo etiam posset laicus baptizare.* Si quæras, An qui ministrat sacramentum ex officio, teneatur sacramentaliter confiteri peccatum mortale, in quo est? Respondetur, id non esse necessarium, sed sufficere contritionem de tali peccato habere. Attritio non sufficeret: nam quamuis hæc sufficiat ad recipiendum sacramentum Poenitentiae, quia virtute sacramenti fit ex attrito contritus, non tamen ad illud ministrandum, quia qui ministrat sacramentum, non fit virtute illius ex attrito contritus, nec per illud iustificatur, sed præsupponitur iustificatus, & in gratia. Si tamen habens attritionem inuincibiliter existimaret se contritionem habere, à peccato excusaretur.

Ad primum autem factum in principio respondetur cum Caietan. hic 9. *Ad hoc actio.*

actionem sacramentalem posse sumi dupliciter: Primò secundum rationem operis operati, & sic non exigit bonitatem ministri; nisi secundum quandam decentiam, & propterea sine bonus, siue malus sit minister, sacramentum verum, & efficax est. Secundò, quantum ad rationem operis operantis, & sic exigit necessario bonitatem in ministro, ut recta sit, alias enim indecens est, & cum Dei irreuerentia; & con-  
 raminatione sacramenti.

Ad secundum quidam relati à Durando in 4. d. 5. q. 2. num. 6. negabant antecedens, sed illo admissio, responderetur negando consequentiam. Ad probationem dico, cum Caiet. hic §. *Ad euidenciam*, qui baptizat in casu necessitatis, esse quidem ministrum Christi; non tamen esse ministrum ex officio, de quo solo dictum est, iustum esse oportere: necessitatemque excusantem malum ministrum, non esse impossibilis contritionis, cum in instanti possit haberi de infinitis peccatis, sed necessitatem cogentem ad exhibendum se, ut ministrum non ex officio.





*Dubium secundum . An sit licitum  
recipere sacramenta à malis mini-  
stris, eaque ab illis petere .*

**P**ars negans probatur primò : Non est licitum petere ab aliquo , quod ipse licitè præstare non potest : sed mali ministri non possunt licitè ministrare sacramenta , cum peccent ea administrando ; ergo non est licitum alicui petere ab illis , vt ea sibi ministrent . Confirmatur , si minister esset scandalizandus ex audientia confessionis , concitandus scilicet ad libidinem , si mulier illi confiteretur , non liceret ab illo petere , vt eius confessionem audiret ; ergo neque licitum est à malo ministro petere , vt sacramentum ministraret , cum non minus peccet illud ministrando , quàm libidinose mulierem appetendo .

Secundò . Quamuis licitum sit vti peccato alterius , nō tamen licet , illum ad peccatum inducere : sed qui petit à malo ministro non parato ad administrandum , vt sibi ministret sacramentum , illum inducit ad peccandum ; ergo non est licitum id ab eo petere . Confirmatur , si minister est excommunicatus , vel suspensus , quantumuis conteratur de peccatis , & faciat quod in se est , non potest licitè ministrare Sacram. ergo ille , qui ab eo petit Sacramentū petit ,

i. G

quod

quod ille licite præstare non potest, ac proinde peccat petendo.

Dicendum tamen est primò. A ministro malo tolerato ab Ecclesia licitum esse Sacramentum accipere. Docet hoc D. T. hic ad 2. dicens: *Ille, qui ad Sacramentum accedit, suscipit sacramenta à ministro Ecclesie, non in quantum est talis persona, sed in quantum est minister Ecclesie. Et ideo quamdiu ab Ecclesia tolleratur in ministerio, ille qui ab eo suscipit sacramentum, non communicat peccato eius: sed communicat Ecclesie, quæ eum tanquam ministrum exhibet. Ac per consequens non peccat: nam si peccaret, hoc ideo esset, quia peccato eius communicaret.*

Probatur etiam ex Can. *Sciscitantibus*, 15. quæst. 1. ubi Nicolaus Papa Bulgaris sciscitantibus, an à Sacerdote in adulterio comprehenso, vel de hoc infamato deberent communionem recipere, respondit. *Ab eo (quousque iudicio Episcoporum reprobetur) communio percipienda est: quoniam mali bona administrando se tantum ledunt: & cetera fax accensa sibi quidem detrimentum præstat, alijs verò lumen in tenebris administrat, & unde alijs commodum exhibet, inde sibi dispendium præbet. Sumite ergo ab omni sacerdote intrepidi Christi mysteria.*

Si quæras, quis minister sit toleratus ab Ecclesia, & quando ab ea non toleretur? Respondet D. Thom. hic ad 2. non tolerari, *Cum deo adatur, vel excommunicatur, vel suspenditur.* Tempore D. Thom. quicumque  
ex.

excommunicatus, vel suspensus non erat toleratus ab Ecclesia: post Concilium tamen Constan. & Bullam Martini V solum notoriè percussores Clericorum, & nominatim excommunicati, vel suspensi, aut alia censura innodati non sunt ab Ecclesia tolerati, vt docent Caiet. hic §. *In eadem*, Mag. Soto in 4. d. 1. q. 5. a. 6. & d. 22. q. 1. a. 4. & alij communiter. Vnde à quibuscunque alijs licitum est sacramenta recipere, quam cumuis mali ministri sint; etiam si sint publici concubinarij, quicquid dicat Nazarus c. 25. n. 79. & seq. & notoriè excommunicati, quicquid dicat Syluester, verbo *Excommunicatio* §. not. 4. immo, & irregulares. Ad irregulares enim extendendam esse Constit. Martini V. patet: Tum quia facta fuit in fauorem fidelium: quibus tamen parum, aut nihil commodi afferret, si ab irregularibus non possent suscipere sacramenta, cum constet excommunicatos, si celebrant, aut exercent officium Ordinis, statim effici irregulares. Tum etiam, quia multi docent irregularitatem, quæ contrahitur propter culpam, censuræ rationem habere: & extra controuersiam sententia est à iure lata; ergo cum (vt refert Mag. Soto vbi supra ex S. Antonino) Martinus V. indulgeat, *Quod nemo deinceps à communione alicuius in sacramentorum administratione, vel receptione, aut alijs quibuscunque diuinis, vel extra, pretextu cuiuscunque sententiæ, aut censura Ecclesiastica à iure, vel ab homine generaliter promulgatæ, teneatur abstinere, vel li.*

## 148 QVAESTIO LXIV.

qua vitare, nisi sententia, aut censura huiusmodi fuerint in, vel contra personam; nominatim scilicet expressam; nullus tenebitur abstinere à receptione Sacramentorum ab irregularibus, sicut nec ab excommunicatis, & suspensis, nisi nominatim tales sint.

Dicendum est secundò. Licitum etiam esse, petere sacramenta à malo ministro tolerato ab Ecclesia; si tamen ille ad ea conferenda paratus sit, aut teneatur, & petenti ex hoc aliqua utilitas proveniat. Mali ministri nomine ille intelligendus est hic, de quo moraliter constat male administraturum: si enim id non constaret, presumendum esset bonum futurum: nam quamvis scirem eum recens lapsum in peccatum, credere possem, vel iam habuisse contritionem, vel habiturum antequàm conferat Sacramentum. Hoc supposito.

Prima pars conclusionis probatur, quod sine peccato fieri potest, licitum est exigere ab altero, etiam si sciam illum peccaturum; licitum est namque exigere iuramentum ab infideli ad contractus firmandos, etiam si sciam illum per falsos Deos iuraturum, licitum est etiam ab usurario mutuum petere, etiam si sciam illum non daturum, nisi cum usura, & dando peccaturum, ut patet ex dictis 2. 2. quæst. 78. ar. 4. Sed ministrare sacramenta fieri potest sine peccato à quodlibet ministro, si velit; ergo quamvis sciam illum ex sua malitia male administraturum, illa ab eo petere possum.

Se-

Secunda pars probatur: nam petere sacramenta à malo ministro non parato, est illum inducere ad peccandum; si verò ipse paratus sit, non est illum ad peccandum inducere, sed vti eius malitia; ergo sicut propter hoc nō licet petere mutuum sub vsuris à non parato; licet tamen petere à parato sic illud conferre, vt constet ex dictis loco cit. ex 2. 2. idem erit de petitione sacramentorū à malo ministro.

Tertia pars probatur: nam qui ex officio tenetur sacramenta conferre, qualis est proprius parochus, semper debet esse paratus ad ministranda Sacramenta subditis; ergo sicut licet petere à ministro parato, ita & ab eo, qui tenetur conferre. Nec propter hoc petens inducit illum ad peccandum, sed iure suo vtens illum solum inducit ad id, quod ex iustitia tenetur.

Quarta pars probatur: quia sine vtilitate, neque malitia alterius vti licitum est: nam contra legem diuinæ amicitiae est, nō vitare offensam Dei; si possumus absque villo incommodo, aut detrimento nostro. Vnde si commodè posset, quis sacramenta percipere ab alio non minus docto, & utili, qui sine peccato ea conferat, ex charitate id facere teneretur, vt vitet alienum peccatum, quamuis non teneatur ex iustitia, si alter ex officio obligatur ad conferendum.

Dicendum est tertio. In casu magnæ necessitatis licitum esse, inducere ad conferenda Sacram. ministrum quantumuis malū

toleratum tamen, etiamſi non ſit proprius parochus, nec paratus. Probatur, licitum eſt petere ab alio, etiam inducendo illum, id quod lex charitatis pro illo poſtulat: ſed in caſu magnæ neceſſitatis lex charitatis poſtulat pro petente ſacramentū, ergo. &c. Confirmatur, in tali caſu alienus Sacerdos tenetur ex miſericordia ad illud, ad quod tenetur proprius parochus ex iuſtitia; ergo ſicut licet inducere proprium parochum, ita & alium Sacerdotem, licitum enim eſt inducere alterum ad id, ad quod tenetur, ſive teneatur ex iuſtitia, ſive ex miſericordia.

Si quæras, an in caſu, in quo licet inducere miniſtrum malum toleratum ab Eccleſia ad miniſtranda ſacramenta, liceat ipſi ea miniſtrare in peccato mortali? Reſpondetur non eſſe ei licitum: nam hoc ut diximus dubio præcedente eſt peccatū mortale ex ſuo genere. Licere tamen illi, ſi contritionem habeat de peccato ſuo, etiamſi excommunicatus ſit, aut alia cenſura innodatus, ſacramenta miniſtrare. Docet hoc Mag. Soto in 4. d. 1. q. 5. a. 6 contra Adrianum, & colligit ex Concil. Conſtant. & Martini V. conſtitutione. *Cum enim conſulendo timoratis conſcientiis in bonis petentium conceſſit illam communicationem, eum excommunicatis, ex rei conſequentia conceſſit ipſis excommunicatis, ut ſacramenta præberent, quando alias tenebantur: Alioqui non ſatisfeciffet petentibus conſultum: nam tunc illi miniſtri perplexitate complicarentur, utrinque ſci-*

*f*cilicet, siue Sacramentum praberent, siue secus, peccatum timentes. Immo possent se iusto defendere, allegante, se non posse id facere sine scelere, quod nulla prorsus causa ulli fas est committere. Cum etiam nulli sit licitum petere ab aliquo, quod ipse sine peccato prestare non potest, non liceret fidelibus petere à suo paracho excommunicato, ut eis ministraret Sacramenta, si hæc ministrando peccaret, inducerent enim illū ad peccandum. Nec est eadem ratio, si peterent ab eo sacramenta solum in peccato sine excommunicatione existente: nam tunc ipse potest se à peccato liberare, contritionem de illo habendo, sicque non induceretur ad peccandum, sed ad id, quod sine peccato facere possit, si vellet. At quando est excommunicatus, ipse non potest se ipsum ab excommunicatione eripere, sicque induceretur ad peccandū, nam nō posset sine peccato ministrare sacramenta. Aduertendum est ergo, quoties licitum est fidelibus petere sacramentum à Sacerdote excommunicato tolerato, si hic petitionē eorum repellere non potest, sed tenetur ex iustitia, si est proprius parochus, aut ex misericordia, si est alienus Sacerdos, eorum petitioni consentire, & alias non potest absolutionem ab excommunicatione impetrare, quia est reseruata superiori, quem adire non potest; non peccare ministrando eis Sacramenta in excommunicatione; ac per consequens illa sic ministrando non fieri irregularem, cum irregularitas tunc

non incurratur, nisi propter culpam, & peccatum. Secus esset, si antequam ministraret sacramenta, posset impetrare absolutionem ab excommunicatione, aut licite repellere petitionem fidelium: nam tunc in excommunicatione ministrando peccaret; cum posset, si vellet; aut non ministrare, aut ministrare sine excommunicatione, & sua culpa ministraret in excommunicatione.

Dicendum est quartò. Si necessitas sit extrema, licitum esse recipere à ministro etiam non tolerato ab Ecclesia, quantumvis infideli, hæretico, vel apostata, sacramenta illa, quæ ex diuino præcepto necessarium est, recipere in tali necessitate; alia verò minimè. Prima pars colligitur ex D. Thom. in quarto distinctione quinta, quæstione secunda, artic. 2. quæstiunc. 5. dicente: *Malus minister, si sit præcisus ab Ecclesia, tunc peccat ab eo recipiens sacramentum, nisi in necessitate, in qua posset etiam à pagano, vel à Iudæo suscipere.* Afferitur etiam à Caiet. hic 9. In eadem, à Mag. Soto in 4. d. 1. quæst. 5. ar. 6. circa finem, & communiter à discipulis D. Thom. qui Doctorem hic ad 2. dicentem, *Si vero ab Ecclesia non toleratur (scilicet minister) peccat, qui ab eo accipit Sacramentum, quia communicat peccato ipsius*, exponunt, locutum fuisse extracausam extremæ necessitatis.

Probatur etiam, quia quando in extrema necessitate, aut articulo mortis instat diuinum præceptum recipiendi sacramenta,



ta, Ecclesia nulli ministro aufert potestatem conferendi illa, nec prohibet fidelibus ea ab illo recipere, vt Canon. *Si quem*, 24. quæst. prima, & ex Concil. Tridentin. Sess. 14. cap. 7. ergo licitum est illa à quolibet ministro recipere. Immo, & ipsi ministro licet ea conferre: quia Ecclesia, vt ait Magister Soto vbi supra, *Permittens nobis in extrema necessitate Bapt. suum à præsitis suscipere; subinde permittit ipsis illum conferre.*

Secunda pars probatur. Ecclesia absolute prohibet nobis cum ministris non toleratis ab ea communicare in rebus sacris; ergo nisi inestet diuinum præceptum suscipiendi aliquot Sacramenta, quod reueretur, semper etiam in articulo mortis vult suum præceptum obligare, maxime cum casum mortis, seu extremæ necessitatis nobis excipiat. Vnde quando prædictorum sacramentorum non est nisi minister præcisis, perinde est, ac si nullus adesset.

Non desunt tamen, qui dicunt, si aliquis esset sibi conscius peccati mortalis, & non possent sibi alia sacramenta conferri, quam ea, de quibus recipiendis nullum est diuinum præceptum, posse ea suscipere in extrema necessitate à ministro non tolerato, vt possit per ea iustificari, & fieri ex attritio contritus, si forte solam attritionem habeat: credendum est enim id merito placere Ecclesie, vt tali necessitati subueniatur.

Ad primum vero factum in principio respondetur negando minorem: licet enim mali ministri peccent administrando sacramenta in peccato, possunt tamen desinere esse mali, & per contritionem à peccato exire, & se in gratia constituere. Ad confirmationem neganda est consequentia, si minister malus paratus erat, ad ministrandum in peccato, talis enim à petente non scandalizatur, nam iam ipse lapsus erat in peccatum per talein animi præparationem, & petens solum vititur eius peccato ad propriam utilitatem, vt diximus concl. 2.

Ad secundum respondetur negando minorem: qui enim in casu 3. con. petit à ministro non parato, vt sibi administret sacramenta, non inducit illum ad peccandum, sed vt præstet id, ad quod tenetur ex iustitia, aut ex misericordia. Ad confirmationem patet ex dictis con. 3. falsum esse antecedens.

**Circa art. 7. nihil se offert dicendum.**



## ARTICVLVS VIII.

*Vtrum intentio ministri requi-  
ratur ad perfectionem  
Sacramenti.*

**Conclusio est affirmans.**

*Dubium. Quanam intentio mini-  
stri requiratur, vt validum sacra-  
mentum conferatur.*

**D**E hac re fuit opinio aliquorum, quam refert Paludanus in 4. d. 6. q. 2. a. 3. asserentium non esse necessariam intentionem interiorē ministri, qua intendat cōficere sacramentum, aut facere, quod facit Ecclesia, sed sufficere exteriorē prolationem verborum, & materiæ applicationem cum sola intentione talia verba, seu formam proferendi, & talem materiam applicandi.

Probari potest hæc opinio, primò ex D. Thoma hic ad 2. vbi non approbat primā opinionem, quam refert, asserentem, *Quod requiritur mentalis intentio in ministro.* Sed secundam dicentem. *In verbis, quæ proferuntur, exprimitur intentio Ecclesiæ, quæ sufficit ad perfectionem sacramenti, nisi contrarium exterius exprimitur ex parte ministri.*

Secundò. Cum Episcopus confert Ordines multis, inter quos est aliquis excommunicatus, vel non habens facultatem.

156 **QVÆSTIO LXIV.**

à prælato suo, hic verè manet ordinatus, cum iura decernant huiusmodi suspensum esse, licque pro certo habeant esse ordinatum: sed Episcopus non intendit hunc ordinare, cum antequam ordines conferat, protestetur se nolle ordinare excommunicatum, aut non habentem facultatem à prælato suo; ergo, &c.

Tertiò. Qui ludo, aut ioco profert verba, & applicat materiam, verum conficit sacramentum; vt colligitur ex cap. *Spiritus Sanctus* 1 qu. 1. vbi approbatur Baptismus ab Anastasio puero ludo, & ioco collatus alijs pueris: sed non habet intentionem interiorem conferendi sacramentum, & faciendi, quod facit Ecclesia; ergo hæc intentio non requiritur.

Quartò. Ebrius potest conferre sacramenta, vt colligitur ex Canon. *De lit.* 1. quæst. 1. vbi ex S. August. dicitur. *Quos baptizat ebrius. Christus baptizat*: sed ebrius non habet prædictâ intentionem ergo, &c.

Dicendum tamen est 1. Vt validum sacramentum conferatur, necessariam esse interiorem intentionem ministri, qua intendit facere, quod facit Ecclesia. Probatur primò ex Concil. Florent. in Decreto vniõis, vbi sic dicitur: *Hæc omnia sacramenta tribus perficiuntur: videlicet rebus tanquam materia, verbis tanquam forma, & persona ministri conferenti sacramenta cū intensione faciendi, quod facit Ecclesia, quorum si aliquid desit, non perficitur sacram.*

Secundo Ex Conc. Trid. Sess. 7. Can 11. de

Sa-

## ARTICVLVS VIII: 157

Sacram. in genere, vbi definitur: *Si quis dixerit in ministris, dum Sacram. conficiunt, & conferunt, non requiri intentionem saltem faciendi, quod facit Ecclesia; anathema sit.*

Ex quibus petet, certissima esse nostram conclusionem. Quidam tamen existimāt, eius oppositum solum esse errorem: quia in prædictis diffinitionibus non dicitur expressè, requiri interiorē intentionem, sed hoc solum colligatur per euidentem consequentiam, quia scilicet sola intentio interior est verè intentio. Alij hæresim esse affirmant: nam in re conuertuntur intentio, & interior intentio, & argumentatio, quæ ex prædictis diffinitionibus colligitur nostra conclusio, solum est maior explicatio similis illi, quæ ex illo, *Et homo factus est*, colligitur Christum non solum esse apparenter, & phantasticè hominem, quia talis non est verus homo.

Aduertit tamen Mag. Soto in 4. d. 1. q. 5. ar. 6. *Sufficit generalissima intentio faciendi, quod Christus instituit, vel orthodoxa Ecclesia, quacumque illa sit. Quare licet hæreticus errer, sitne sua Ecclesia, vel alia, verè baptizat. Immo nec requiritur, vt formaliter dicat, quod facit Ecclesia, sed satis est, si intendat talem ceremoniam in remissionem peccatorū facere, vel quod per illam Deo sit ille dedicatus. Immo satis est intendere, id facere, quod facit Episcopus, vel Sacerdos: hæc enim omnia eandem habent virtutē.*

Dicendum est secundo. Ad valorem sacramenti non sufficere habitualement intentionem, neque requiri actualement, sed satis esse

esse virtualem. Primam partem videtur negare D. Thom. hic ad 3. dicens: *Licet ille, qui aliud cogitat, non habeat actualem intentionem, habet tamen intentionem habituales, qua sufficit ad perfectionem sacramenti.* Sed, ut aduertit Cafet intentionem habituales appellauit S. Doctor, non ut distinguitur à virtuali, ut colligitur ex his, quæ subiungit, sed ut distinguitur ab actuali comunicas in vocabulis communi sui temporis vsui, quo quælibet intentio non actualis vocabatur habitualis.

Loquendo autem de intentione habituali, ut distinguitur à virtuali, non sufficere ad conficiendum sacramentum, probatur: nam habitualis intentio est, qua quis aliquid facit ex habitu absque aduertentia, & deliberatione, ut cum quis habens habitum misericordiae nihil de eleemosyna cogitans, immo fortè dormiens, pecuniā ponit, ubi eleemosynæ colliguntur: sed hæc non sufficit, ut conferatur sacramentum, nam actio sacramentalis debet esse humana, & deliberata; ergo, &c.

Secunda pars probatur: nam ut hic ad 3. ait D. Thom. *Quamuis studiosè curare debeat sacramenti minister, ut etiam actualem intentionem adhibeat: sed hoc non est totaliter possumus in hominis potestate, quia præter intentionem, cum homo vult multum intendere, incipit alia cogitare.* Cum ergo Deus non obliget ad impossibile, non requiritur actualis intentio ad sacramenti valorem.

Aduertit etiam Cafet. actualem intentionem.

tionem, quā D. Th. consulit, non debere esse in actu signato, ita vt minister semper in mente actualiter habeat hoc, ego intendo conficere, sed in actu exercito, ita vt postquam actum intentionis conficiendi sacramentum habuit, attendat ad ea, quibus conficitur, puta ad distinctam prolationem formæ, & ad reuerentem contrectationem materiae.

Tertia pars sequitur ex dictis: nam si habitualis non sufficit, & actualis non semper requiritur, fit vt sufficiat virtualis intentio, vt colligitur ex D. Thom. hic ad 3: quæ licet actu transferit, virtute manet ratione primi propositi, quo quis se ad agendum applicuit humano modo. *Putæ cum Sacerdos accedens ad baptizandam intendit facere circa baptizandam, quod facit Ecclesia. Unde si postea in ipso exercitio actus cogitationis eius ad alia rapiatur, ex virtute primæ intentionis perficitur sacramentum.*

Ad primum autem factum in principio respondetur cum Caiet. non ideo D. Tho. reprobasse primam opinionem, quia diceret ad perfectionem sacramenti requiri mentalem intentionem ministri, sed quia subdebat, hunc defectū suppleri à Christo in pueris, & in adultis per fidem, & deuotionem accedentis, ita vt quamuis non recipiant sacramentum, eius effectum suscipiant, sicque posse habere certitudinem suæ salutis. Secundam verò opinionem non approbat, quia putet solam intentionem, quam verba exprimunt, sine intentione.

tentione interiori ministri sufficere ad sacramentum, sed quia cum illa sit signum, huius, sufficit ad certificandum suscipientē de susceptione sacramenti, eiusque effectu ea certitudine, quæ haberi potest, quæ nō est nisi moralis, & per signa, & coniecturas, sicut, & quam habere potest homo se in gratia Dei esse.

Ad 2. respondetur negando minorem; protestatio enim illa fit ad terrorem, & ut significet Episcopus se nolle excommunicatos admittere, aut cum illis habere communionem. Verum post factam sufficientem diligentiam, nullum adesse excommunicatum, intentionem habet, & habere tenetur illum ordinādi, quem habet præsentem, idem est cum error personæ interuenit in intentione ministri, ut si intendens ordinare Petrum ordinat Ioannem, aut intendens baptizare masculum, baptizat feminam: talis enim error non tollit veram rationem sacramēti: quia minister licet illud ex errore intendat, hic tamen, & nunc intentionem habet, & habere tenetur ministrandi sacramentum illi personæ, quæ sibi proponitur. In Sacramento Matrimonij dispar est ratio: quia matrimonium est quidam contractus consistens in traditione corporum in particulari, & in individuo, & ita error personæ sufficit ad deridendum matrimonium.

Ad 3. respond. dupliciter posse ludo, aut loco proferri verba, & applicari materiā. Primo, ita ut nihil serio agatur, & sic non con-



# ARTICVLVS VIH. 161

cōficitur sacram. vt colligitur ex Can. *Solet De consecr. d.4. Secundo*, ita vt serio illud fiat, quamuis ad ludum, & iocum, ac animum recreandum ordinetur, & sic verum sacram. conficitur. Sicque iudicatum est, puerum Anastasium verum Baptisma contulisse: quia quamuis ludens cum alijs pueris illud fecerit, reuera tamen intendebat facere, quod viderat Episcopum facientem, quod perinde valebat, ac si habuisset intentionem faciendi, quod facit Ecclesia.

Ad 4 resp. neg. min. Ad Can. citatum dico exponi ibi à Glossa: *Ita tamen quod sentiat, quid faciat: quia intentio baptizati, & baptizantis, exigitur.* S. Aug. ex quo Canon ille desumptus est, tract. 5. in Ioan. circa finem non habet *obrius*, sed *ebriosus*, hoc est vino deditus, qui quandoque potest lumen rationis habere, & sentire quid faciat. Ebrium autem sicut, qui rationis usu caret, & dormientem, & amentem non posse sacramētum conferre defectu intentionis certissimum est. Nec obstat posse illud recipere, si ante habuisset propositum illud recipiendi, vt colligitur ex cap. *Maiores*, De Baptismo: differentiam enim assignat Mag. Soto vbi supra: *Quoniam recipiens non est agens, cui ideo hoc dumtaxat est necessarium, vt obicem non apponat, vt illic ait Innocentius: conferens est agens, qui ideo tenetur per operationem humanam sacramenta ministrare.* Vide quæ diximus 1.2.q.71.ar.5.dub.5. ad 1. Circa art.9.& 10 nihil se offert scribendum. Nec circa Quæst.65.

QVAE.

## QVAESTIO LXVI.

*De pertinentibus ad Sacramentum  
Baptismi.*

## ARTICVLVS I.

*Vtrum Baptismus sit ipsa  
ablutio.*

*Dubium. An rectè diffiniatur Ba-  
ptismus. Ablutio corporis exterior  
facta sub forma praescripta ver-  
borum.*

**P**ars negans probatur 1. Quælibet res  
per suum genus est diffinienda: sed  
genus Baptismi non est ablutio, sed sacra-  
mentum; ergo per sacramentum, & non  
per abluionem diffiniri debet.

Secundo. Christus Baptismum aquam  
appellauit Ioan. 3. v. 5. dicens, *Nisi quis re-  
natus fuerit ex aqua, & Spiritu Sancto. &c.*  
ergo non per abluionem, sed per aquam  
diffiniendus est, vt illam diffinit Hugo de  
Sancto Victore citatus à D. Thom. hic in  
2. argum.

Dicendum tamen est: Optimam esse  
diffinitionem prædictam. Probatur primo  
au-

# ARTICVLVS I. 163

auctoritate Mag. sent. D. Thom. & S. Aug. illam enim Mag. sent. assignat in 4. d. 3. D. Thom. eam approbat hic, & in 4. dist. 3. q. 1. art. 1. quæstiunc. 1. eandem esse dicit cum ea, quam ponit S. Aug. tract. 15. in Ioan. *Lauacrum aque in verbo*, colligitque ex illo ad Ephes. 5. vers. 26. *Mundans eam la- uacro aque in verbo*.

Secundò probatur, hac enim diffinitione, diffinitur Baptismus, quantum ad id quod est sacramentum tantum, vt D. Tho. hic, & in 4. d. ubi supra ad 1. expressè dicit; ergo cū sacramentum tantum sit aliquid visibile exterius existens, vt hic asserit S. D. in eius diffinitione, vt recta sit, sat est, ea constituere, quæ sensibilia sunt in Baptismo: sed hæc in prædicta diffinitione ponuntur, *Continet enim materiam in hoc quod dicit, ablutio exterior; & innuit efficientem in hoc, quod dicit, facta: & ponit formam, in hoc, quod dicit, sub forma verborum*, vt D. Thom. in 4. ubi supra docet, tam autem materia, nempe ablutio, quam efficiens scilicet persona ministri, quam forma verborum sunt aliquid sensibile, & ad Baptismum requiruntur; ergo licet ad maiorem eius explanationem addi possit in prædicta diffinitione, ad regenerandum hominem in vita spirituali gratiæ, quod pertinet ad rationem finis in quem Baptismus ordinatur; prædicta tamen sufficiunt; sicut & ad rectam diffinitionem damus, quatenus est aliquid visibile exterius existens, sat est dicere esse, parietes, & recta facta ab artifice sub tali forma

forma, quamuis ad maiorem explicatio-  
nem addi possit, vt nos ab inclementijs cœ-  
li defendant.

Diffinitur autem Baptismus per ablutio-  
nem, hæcque in eius diffinitione ponitur  
loco generis, quia se habet ad modum en-  
tis artificialis: *Sicut autem* (ait D. Tho. in 4.  
vbi supra ad 3) *Artificialia non ponuntur in*  
*genere ex forma simpliciter, sed ex materia* (nō  
enim dicimus, quod domus sit in genere quali-  
tatis, nisi in quantum est artificiale figuratum,  
sed dicitur esse in genere substantiæ) ita etiam  
est de sacramentis: Baptismus enim simplici-  
ter est in genere abluionis: Cū autem ablu-  
tio sit motus quidam, & motus sit idem  
realiter cum actione, & passione; Baptis-  
mus, & motus, & actio, & passio dici posse  
videtur. Sed Mag Soto in 4. d. 3. q. vnica, a. 1.  
asserit: *Baptismus potius est ablutio, quatenus*  
*passio recepta in homine, qui abluitur, quando-*  
*quidem in ipso recipitur Sacramentum.* Vide  
quæ dicemus art. 3.

Non esse vero Baptismum diffiniendum  
per aquam, quæ est eius materia remota;  
probat optimè D. Thom. hic contra Hugo-  
nem de Sancto Victore: nam diffiniendus  
est per id, in quo perficitur sacramentum:  
sed sacramentum Baptismi non perficitur  
in aqua, sed in applicatione aquæ ad ho-  
minem, quæ est ablutio; ergo, &c. Minor  
probat, ibi perficitur sacramentum, vbi  
perficitur sanctificatio: sed sanctificatio nō  
perficitur in aqua, nam sanctificationis vir-  
tus instrumentalis non est permanens;  
sed

sed fluens in hominem, atque adeo non est in aqua, nisi dum per abluionem applicatur ad hominem: ac per consequens in ipsa abluione perficitur sanctificatio, quæ fit per talenti virtutem, & ante abluionem non sanctificatur homo; ergo nec sacram. perficitur in ipsa aqua, sed in abluione, quæ est applicatio aquæ ad hominem. Caiet. aliter hanc rationem explicat. Vide illum.

Ad primum autem factum in principio respondetur, Baptismum utroque modo posse diffiniri, nempe, & per suum genus, quod est sacramentum, & per eius materiam, quæ est ablutio; aptius tamen per materiam diffiniri, quia se habet ad modum entis artificialis, & pro materia supponit, & in genere in quo illa est, ponitur, ut diximus cum D. Thom. eodem modo respōdet Mag. Soto ubi supra. Vide illum.

Ad 2. repond. Baptismum appellari aquam à Christo, vel quia, ut hic a. 2. ait D. Tho. *Aqua est materiale Baptismi principium*; vel quia, ut idem S. Doctor dicit in 4. d. 3. q. 1. a. 1. quæstiunc. 2. ad 3. *Baptismus materialiter consistit in aqua, secundum quod est ablucens*, Ex quo non sequitur Baptismum diffinendum esse per aquam, sed potius per abluionem; nisi forte illum per eius causam velimus diffinire eo modo, quo ita diffinitur, Accensio sanguinis circa cor.

## ARTICVLVS II.

*Vtrum Baptismus fuerit institutus post Christi passionem.*

**Conclusio est negans.**

*Dubium. Quando fuerit Baptismus institutus à Christo.*

**Q**uidam recentiores cum Scoto in 4. d. 3. q. 4. ar. 2. con. 6. & Gabriele ibidē q. 1. ar. 3. dub. vltimo existimant, Baptismū fuisse quidem institutum ante passionem Christi: non tamen quando Christus baptizatus est à Ioanne, sed paulò post, cum discipulos collegit, ritumque Baptismi præscripsit. Probatur primo, quia quando Christus baptizatus est, non instituit baptismum in actu exercito suo Baptismate quemquam baptizando, quia solum fuit baptismate Ioannis baptizatus: neque in actu signato ritus eius præscribendo, quia ibi nihil præscripsit, neque Pater apparuit, vt aliquid præscriberet, sed vt Christo testimonium perhiberet, ergo nullo modo.

Secundò, Instituire sacramenta est formaliter actus legislatoris sed tunc Christus non sustinuit personam legislatoris, sed potius

ius poenitentis; ergo tunc non instituit Baptismum.

Dicendum tamen est primò. Baptismū fuisse institutum à Christo ante eius passionem. Docent hoc communiter Theologi cum D. Thom. hic, & Mag. sent. in 4. d. 3. Primò, nam Ioan. 3. v. 22. dicitur. *Post hæc venit Iesus, & discipulis eius in Iudeam terrā, & illic demorabatur cum eis, & baptizabat.* At non baptizabat baptismate Ioannis, vt ex præcedentibus, & subsequētib; aperte colligitur; ergo proprio iam ab ipso instituto. Vide S. Aug. tract. 5. in Ioan. circa finem, & tract. 15. & 16. & epist. 108.

Secundò. Nam Patres communiter nostram conclusionem docent, immo eorū nonnulli affirmant, Christum aliquos baptizasse. Euodius Episcopus Antiochenus apud Nicephorum libro 2. hist. cap. 3. ait: *Christus manibus suis Petrum tantummodo baptizauit, Petrus vero Andream, & filios Zebedei.*

Clemens apud Sophronium in Prælo spir. cap. 76. inquit: *Christus dicitur Petrum solum baptizasse, Petrus, Andream, Iacobum, & Ioannem.* Euthimius, Ioan. 3. dicit: *Scribunt Apostolorum temporibus proximi, quod Christus Petrum, ac Virginem matrem baptizauerit.*

Denique S. Vincentius Ferrerius serm. ferix 6. post Indica ait: *Ioan. Baptista, & Virgo Maria voluerunt baptizari à Christo.* Si qui vero significare videntur baptismum non fuisse institutum à Christo ante eius passionem, exponendi sunt, cum obligatio-

ne,

ne, & efficacia, aperiendi ianuam regni coelestis.

Tertiò. Apostoli fuerunt ordinati Sacerdotes, & susceperunt sacram Eucharistiam in coena Domini; ergo cum secundum legem ordinariam nemo possit suscipere alia sacramenta, nisi sit baptizatus, nam Baptismus est ianua omnium Sacramentorum, iam antea erant baptizati, nullum est enim fundamentum asserendi Christum illis dispensasse.

Dicendum est secundo. Fuisse Baptismum institutum, quando Christus in Iordane est baptizatus. Docet hoc D. Thom. hic. Idem prius docuerat Mag. sent. in 4. d. 3. ubi de institutione Baptismi loquens ait: *Commodius dicitur institutio facta, quando Christus à Ioanne baptizatus est, &c. Tunc ergo inuocato nomine Trinitatis institutus est Baptismus Christi, in quo Trinitas, cuius mysterium ibi innotuit, interius homines baptizat.* Quibus verbis indicat tunc Baptismum fuisse institutum non solum quoad materiam, sed etiam quoad formam. Cuius oppositum non docet D. Thom. ibi q. 1. a. 5. quæst. 2. solū enim intendit, tunc formam non fuisse institutam expressione illius, sed solum quasi in figura per præsentiam trium personarum in signo visibili.

Secundo probatur ratione D. Thom. hic. *Tunc videtur aliquod sacramentum institutum, quando accipit virtutem producendi suum effectum. Hanc autem virtutem accepit Baptismus, quando Christus est baptizatus. Unde*  
tunc



tunc verè Baptismus institutus fuit, quantum ad ipsum sacramentum. Vbi aduertendum est, virtutem producendi suum effectum, quam accipit sacramentum, quando instituitur, non esse physicam, & permanentem, nec aliquid distinctum ab ipsa institutione; solum enim est designatio, & consecratio materię ad talem effectum, per illam, & non per aliam rem producendum. Hanc aurem virtutem accepisse materiam Baptismi, quando Christus baptizatus est, communis est doctrina Patrum asserentium, tunc Christum suę mundissimę carnis contactu aquas sanctificasse, & eis vim regenerationis contulisse. Subdit verò Diu. Thom. *Sed necessitas utendi hoc sacramento indicta fuit hominibus post Passionem, & Resurrectionem.* De qua vide, quę diximus I. 3. quęstione 103. artic. 3.

Tertiò probatur, Tunc sacramentum instituitur, cum eius materia designatur, & tali sacramento consecratur, sed vt ait D. August. serm. 1. Dominica infra Octauā Epiphanię. *Ex quo Saluator in aqua se merisit, ex eo omnium gurgitum tractus, cunctorumque fontium venas mysterio Baptismatis consecrauit. Et quisquis ibi in nomine Domini baptizari voluerit, non tam illum mundi aqua diluit, quam Christi vnda purificat.* Ergo ex quo Christus in aqua se merisit, quando baptizatus est, ex eo ab illo Baptismus institutus est, ita vt ex tunc, etiam si quis sequenti die baptizaretur in nomine Do-

H

mi-

mini, purificaretur, & à peccato originali mundaretur.

**Quartò.** Cum Iesu baptizato, & orante apertum est cœlum, & descendit Spiritus Sanctus corporali specie sicut columba in ipsum, impletum est, quod Ioanni Deus dixit. Ioan. I. v. 33. *Super quem videris Spiritum descendantem, & manentem super eum, hic est, qui baptizat in Spiritu Sancto.* At hoc non aliter verificatur, nisi quia Christus baptismum instituit, sicut de institutore Religionis ad redimendum captivos, post eius institutionem verum est dicere, hic redimit captivos, etiam antequam ad redimendum vadat, aut alios mittat, ergo, &c. Et certè si quando Christus baptizatus est, non instituisset Baptismum, Evangelistæ non tacuissent tempus, in quo postea instituit: & instructio discipulorum de ritu Baptismi, illum iam institutum supponit.

Ad primum autem factum in principio respondetur Christum, quando baptizatus est, suum baptismum instituisse, non quidem suo baptismate quemquam baptizando, aut illum suscipiendo, sed vim regenerationis aquis præbendo, & virtutem producendi suum effectum Baptismo suscepto in nomine Trinitatis conferendo modo explicato. Vnde simul baptismum Ioannis, quo non indigebat suscepit, & suum baptismum, quo homines indigebant, instituit.

Ad secundum respondetur negando maius.

io.

iolem ; solum enim condere leges est formaliter actus legislatoris : vnde licet præcipere Baptismū fuerit formaliter actus legislatoris : nō tamen Baptismū instituere : sed hic formaliter actus fuit institutoris sacramentorum. Quæ duo munera distincta esse pater , si Deus vni homini tribueret facultatem instituendi sacramenta, aut ritus eorum , & alteri præcipiendi obseruationem talium rituum , aut susceptionem talium sacramentorum ab alio institutorum . Sed data maiori, nego minorem : sicut enim Christus in sua passione , in qua factus est pro nobis maledictum, & peccatum, vt patet ex 2. ad Corinth. 5. v. 21. & ad Galatas 3. v. 13. fuit legislator , qui nos redemit de maledicto legis , & eam abrogauit , cum dixit, *Consummatum est* : ita & cum baptismum Ioannis , qui erat baptismus poenitentiae, suscepit, potuit personam legislatoris sustinere. Vnde D. Thom. supra q. 39. ar. 1. ait . *Baptizari voluit, sicut Aug. dicit in serm. Epiphania : quia voluit facere , quod faciendum omnibus imperauit .*



*Vtrum aqua sit propria materia  
Baptismi.***Conclusio est affirmans.**

**O**ppositum huius docuerunt Manichei, & Seleuciani, qui teste S. August. lib. de hæresibus, hæresi 48. & 59. Baptismum in aqua non accipiebant, & nihil salutis asserre perhibebant. Pauliciani etiam, qui vt refert Euthim. 2. p. Panopl. tract. 21. solis verbis baptizabant. De Iacobitis quoque refert Sanderus lib. 7. de visib. monarch. hæresi 113. sensisse materiam Baptismi esse ignem. Sed conclusio articuli certa est secundum fidem, vt constat ex cap. *Firmiter*, de Sum. Trinit. ex Conc. Florent. in Decreto Eugenij, & ex Conc. Trid. Sess. 7. Can. 2. cuius verba referam art. seq. & ex loco Ioan. 3. hic in arg. Sed contra adducto a D. Thom. *Nisi quis renatus fuerit ex aqua, &c.*

Est autem aqua materia Baptismi remota, non proxima; hæc enim ablutio est, vt omnes Theologi fatentur. Inter quos solū est difficultas, in quo huiusmodi ablutio consistat. Quidam, tam in actione, quam in passione consistere existimant. Mihi tamen cum Mag. Soto in 4. d. 3. q. vnica, a 1. & alijs discipulis D. Thom. in sola passione

con.

consistere videtur: nam certum est Baptismum, ac per consequens materiã eius proximam, scilicet ablutionem, pro qua supponunt, & per quam diffinitur, esse in baptizato: sed non est certum actionem abluendi esse in baptizato, cum probabilis opinio sit, actionem etiam transeuntem non esse in passo, sed in agente; ergo, &c. Confirmatur ablutio, quæ est materia proxima Baptismi, non baptizantem, sed baptizatum denominat; ergo cum actio, etiamsi sit in passo, non denominet formaliter passum, sed agens, ablutio, vt materia proxima Baptismi non consistet in actione, sed in passione, vt actio vero solum erit causa talis materiæ, & Baptismi, sicut, & minister, cuius est actio, & hoc indicant verba illa *Ego te baptizo*.

Vt autem huiusmodi actio per ministrũ fiat, & passionem inferat in abluto, non est necessaria sordium absterfio, nam hæc talis actionis, & passionis effectus est, & impediri potest magna sordium adhesionem, aut non esse, quia sordes non sunt. Requiritur tamen, vt minister moueat, aut aquã solam eam infundendo super baptizandi corpus, aut aquam simul, & corpus baptizandi, illud in aquam immergendo; baptizato enim quieto in aqua omnino immota consistente, verificari non possunt verba ministri *Ego te baptizo*, & quamuis illa proferat, non perficitur Baptismus. Predicta vero motio, quamuis, vt præcisè motio localis est, non sit ablutio, tamen

ablutio est, quatenus per illam aqua corpori baptizandi applicatur, hocque aquam in se recipit, & recipiendo abluitur tactu aquæ, vt termino prædictæ motionis.

## ARTICVLVS IV.

*Virum ad Baptismum requiratur aqua simplex.*

**Conclusio est affirmans.**

**S**implicis aquæ nomine eam intelligit D. Thom. quæ composita non est, admista, vel transmutata, ita vt solvatur species aquæ veræ, & naturalis. Aquam enim veram, & naturalem requiri ad baptismum, diffinitur in Conc. Florent. in decreto Eugenij, & in Trid Sess 7. Can. 2. de baptismo, vbi sic dicitur: *Si quis dixerit aquam veram, & naturalem non esse de necessitate baptismi, anathema sit.*

Hinc inferitur primò. Baptismum fieri non posse in luto, nec in vino limphato, vt docet D. Thom. in corp. art. quia inquit, *Lutum magis est terra, quàm aqua, & limphatum vinum magis est vinum, quàm aqua.* Si tamen ex luto exprimeretur aqua, in illa baptismum fieri posse dicit ad 2.

Secundò. Quod ibidem ait, S. Doctor, in aqua calefacta à Sole (& idem est de calefacta ab igne) & in aqua fluminis turbida

bida posse fieri baptismum: quia per transmutationem calefactionis, & per mistionem terrestrium partium turbidâ aquam efficientem non soluitur species aquæ.

Tertiò. Quod dicit ad primum, *Transmutatio in aqua maris facta*, & etiam in alijs aquis, quæ penes nos sunt (salz scilicet, aut amaræ) non est tanta, quod soluat speciem aquæ. Et ideo in huiusmodi aquis potest fieri baptismus.

Quartò. In aqua Chrismate admista, & in iure posse fieri baptismum: quia vt ad 2. dicit D. Thom. *Admixtio Chrysmatis nõ soluit speciem aquæ, sicut nec etiam aqua decoctionis carniũ, aut aliorum huiusmodi. Nisi fortè sit facta tanta resolutio corporum lixatorũ in aqua, quod plus liquor habeat de aliena substantia, quam de aqua, quod ex spissitudine perspicitur potest.*

Quintò. In humore flemmatico, sicut nec in sanguine animalis, aut vino, vel quo cumque liquore alicuius plantæ non posse fieri baptismum, vt dicitur ad 3. Nec obstat, quod obijcit argumentum, aquam fluentem de latere Christi pendentis in cruce fuisse signum baptismi, ait namque S. Doctor. *Aqua fluens de latere Christi pendentis in cruce non fuit humor flemmaticus, vt quidam dixerunt. Fuit autem aqua pura miraculosè egrediens de corpore mortuo. Veramque aquam fuisse diffiniuit Innocentius III. cap. In quadam, De celebratione missarum. In salua baptismum non valere constat ex cap. Non ut apponeres. De Baptismo. Eadem*

dem est ratio de sudore, & lacrimis.

*Sexto. Quod in lixiuio, & in aquis sulphureorum balnearum potest fieri baptismus: quia tales aquæ non incorporantur per artem, vel naturam aliquibus corporibus mistis, sed solum alterationem quandam recipiunt, ex hoc quod transeunt per aliqua corpora. Ita D. Thom. hic ad 4. Quidam tamen dicunt, de lixiuio hoc non esse ita certum, & idcirco debere iterari sub conditione baptismum factum in lixiuio. Sed nullam huius rationem reddunt.*

*Septimo. Quod dicit ad 5. Aqua resacca est liquor rose resolutus. Vnde in ea non potest fieri baptismus: & eadem ratione nec in aquis alchimicis. Nec est eadem ratio de aquis pluuiialibus. De ceruisia expressa ex pomis eadem est ratio, ac de vino. De ea, quæ fit ex ordeo, dicunt aliqui, si non sit crassa, & multum decocta, sed tenuis, posse comparari aquæ lutulentæ, & in illa posse fieri baptismum. Sed cum hoc sit dubium, iterandum esse existimo.*

*Denique, In gelu, grandine, aut niue nõ valere baptismum, quia non sunt complete aquæ, & ideo nec lotioni aptæ; bene tamen in aqua resoluta ex ipsis, vt omnes Theologi docent. De aqua resoluta ex sale inquit Sum. Ang. in illa posse fieri baptismum, sicut & ex aqua resoluta ex gelu: Syluester tamen verbo *Baptismus* 2. q. 7. oppositum tenet.*



## ARTICVLVS V.

*Vtrum hac sit conueniens forma  
Baptismi, Ego te baptizo in  
nomine Patris, & Filij,  
& Spiritus Sancti.*

**Conclusio est affirmans.**

*Dubium. An omnia ista verba sint  
de essentia formæ Baptismi.*

**T**ot continet presens dubium difficultates, quot sunt verba in prædicta forma (quam conuenientem, & optimam esse, nullus fidelium negare potest, cū eam tradat Ecclesia, vt constat ex vsu, & ex Concil. Flōrent.) quas omnes sequentibus conclusionibus explicamus.

Dicendum est primò. Personam ministri debere exprimi in Ecclesia Latina per pronomen *Ego*; hoc tamen non esse de essentia formæ Baptismi. Primam partem docet D. Thom. hic, vbi cum dixisset duplicem esse causam baptismi, principalem scilicet, quæ est S. Trinitas, & instrumentalem, quæ est minister, subdit: *Et ideo oportet in forma baptismi de vtraque fieri mentionem. Minister autem tangitur, cum dicitur, Ego te baptizo.* Verbum *Oportet*, necessitatem, & debere fieri significat, non quidem

dem apud omnes, sed apud eos, qui formā, quam explicat, vtuntur, quales sunt fideles Ecclesiæ Latinæ. Quos personam ministri debere exprimere per pronomen *Ego*, præterea ostenditur: nam alias discederent à communi vsu Latinæ Ecclesiæ, quem obseruare tenentur.

Si quæras, quæ nam culpa sit baptizare sine expressione pronominis *Ego*? Respondet Mag. Soto in 4. d. 3. q. vnica, art. 3. *Censetur non esse mortalem, nisi fortasse graue suboretur scandalum, quod nunquam arbitror posse tam magnum oriri.* Quid si pronomini *Ego*, minister adderet proprium nomen, vel officium? Respondet idem Magister inferius: *Additio, Ego Petrus, vel ego Sacerdos te baptizo nihil culpe, aut quam minimum affert.*

Sed nonnullam quamuis minimam culpam esse, patet ex dictis supra quæst. 60. artic. 8.

Secunda pars patet, ex forma græcæ Ecclesiæ, quam approbat Conc. Florent. in qua persona ministri per tale pronomen non exprimitur, & vt hic ad i. dicit. D. Th. *Quod additur, Ego, in forma nostra, non est de substantia formæ, sed ponitur ad maiorem expressionem intentionis.*

Neque huic obstat, quod ait Alexand. III. cap. 1. De Baptismo: *Si quis puerum ter in aqua immerferit in nomine Patris, & Filij, & Spiritus Sancti, amen: & non dixerit, Ego baptizo te in nomine Patris, & Filij, & Spiritus Sancti, amen: non est puer baptizatus.* Respondetur enim, id non dixisse propter pro:

pronomen, *Ego*, sed propter verbum, *Baptizo*, quod actum baptizandi exprimit, sine cuius expressione non est baptismus. Innocentius in prædictum caput existimat, licet Græci sua forma vtentes absque expressione ministri per pronomen *Ego*, verè baptizent; si quis tamen apud latinos vteretur illa forma, non verè baptizare. Sed merito reprehenditur ab Adriano in 4. q. 3. & impugnatur à Mag. Soto vbi supra. Nam vbiunque seruantur omnia, quæ sunt de essentia sacramenti, fit sacramentum: sed in illa Græcorum forma seruantur omnia, aliàs nec à Græcis fieret sacramentum; ergo & etiam si quis apud latinos illa vteretur forma, verè baptizaret: Ecclesia namque non potest formas apud diuersas nationes variare, quantum ad suam essentiã, nec facere, vt teneant in vno loco, & non in alio. Addit vero Mag. Soto, secus esse quantum ad culpam baptizantis, si non seruat formam Ecclesiæ: nam si latinus apud nos vteretur forma Græcorum grauius peccaret: *Quamuis fortasse secluso scandalo in secreto non esset grauius quàm veniale.* Græci vero vtendo sua forma non peccant: *Immo forsàn peccarent vtendo nostra forma propter scandalum, quod apud illos oriretur.*

Aduertendum tamen est, quamuis in forma Græcorum non subintelligatur persona ministri: ipsi enim non intendunt dicere, Baptizetur seruus Christi à me (alias pariter dicerent, *Ego te baptizo*) sed baptizetur seruus Christi ab ipso; tamen vt

180 **QVAESTIO LXVI.**

ait Mag Soto ubi supra, *Illic virtualiter subnotatur minister*. Sicque saltem hoc modo ad essentiam formæ baptismi spectat, personam ministri significare, quod est illius significare quasi remotè, & indirectè, ac virtualiter.

Dicendum est secundo. Actum baptizandi, qui per ministrum exercetur, necessario exprimendum esse, hocque de essentia formæ esse, sine quo inualidum esset Baptismi Sacramentum. Colligitur hoc ex D. Thom. hic ad 1. dum loquens de forma Græcorum ait: *Et quia exprimitur actus exercitus per ministrum cum invocatione Trinitatis, verum perficitur sacramentum. Quæ causa etiam redditur à Conc. Florent. in Decreto unionis dicente: Si exprimitur actus, qui per ipsum exercetur ministrum, cum Sanctæ Trinitatis invocatione, perficitur sacramentum*. Ergo si talis actus non exprimeretur, inualidum esset sacramentum.

Rationem etiam optimam huius assignat D. Thom. hic ad 2. dicens: *Quia ablutio hominis in aqua propter multa fieri potest. oportet, quod determinetur in verbis formæ aliquid fiat*.

Si quæras, quomodo si verum est, quod hic ad 1. ait D. Thom. *Græci non attribuunt actum baptizandi ministris*, in forma Græcorum exprimaturs actus exercitus per ministrum? Respondetur, quia non attribuendo actum baptismi ministris, non intendunt Græci, talem actum non exerceri per ministros, sed solum ministros non baptizare

zare propria, sed Christi auctoritate, illisq;  
non esse tribuendam sanctitatem baptismi  
sed Christo. Si Græci in sua forma dice-  
rent, baptizetur seruus Christi à Christo, &  
nullatenus à me, excluderent actionem  
Christi, idque Ecclesia non toleraret, & nō  
baptizarent. Sed subticendo nomen mi-  
nistri, etiamsi solum Christum exprimant,  
non excludunt ministri actionem, sed hæc  
illic intelligitur, cum Christus intelligatur  
per suum ministerium baptizare, sicque ve-  
rè baptizant. Nam sensus formæ illorum  
est, baptizetur seruus Christi à Christo per  
ministerium meum.

Hinc infert Magister Soto vbi supra verè  
etiam baptizare, qui diceret, baptizet te  
Christus. *Nam si per passiuam quis dicere  
potest, baptizetur seruus Christi à Christo Iesu,  
ut intelligunt Græci, cur non poterit verbum  
verti in vocem actiuam?*

Aduertendum tamen est, quamuis non  
sit licitum mutare verbum *Baptizo*, in alia  
æquipollentia, vt patet ex dictis supra q. 60  
art. 7. illis tamen, cum exprimant eundem  
actum, & effectum, verum confici baptis-  
mum. Sunt autem verba æquipollentia,  
Abluo, Lauo, Intingo, & idem sentit de  
verbo Mergo Mag. Soto vbi supra. Vbi &  
subdit verum esse baptismum, si Episco-  
pus pro baptizo diceret, baptizamus: sicut  
etiam si pro Ego diceret Nos, & si Regem  
baptizaret, pro Te diceret Vos.

Dicendum est tertio. Personam bap-  
tizandam etiam exprimi debere. Docet  
hoc

hoc D. Thom. hic ad 3. & 4. colligiturque ex verbis Christi Matth. ultim. v. 19. *Baptizantes eos* : & ex natura ipsius sacramenti , quæ consistit in usu , & applicatione materię ad subiectum. Vnde sicut ad sacramentum Confirmationis , & Pœnitentiæ non sufficit dicere, Christo , vel Absoluo : ita nec ad baptismum dicere , baptizo in nomine Patris, &c.

Exprimitur autem persona baptizanda per pronomen *Tu* , quod est in nostra forma, quæ semper observanda est. Si tamen quis diceret Vos ob dignitatem baptizandi, aut Maiestatem vestram , quia est Rex, aut Hunc, aut Petrum , validum esset baptismus , quia sufficienter persona baptizanda exprimitur, sicut & cum Græci dicunt, baptizetur seruus Christi . Quidam tamen putant, si minister diceret , baptizetur seruus Christi Petrus , & apponeretur forte Paulus, baptismum esse dubium, & iterandum sub conditione. Sed Mag. Soto ubi supra oppositum docet. *Quicumque enim sacerdos arbitretur baptizare, semper in illo virtute manet intentio Ecclesiæ , quæ est baptizare hunc, siue dicat hunc , siue te , siue Ioannem .* Si plures simul baptizarentur, inquit D. Th. hic ad 4. *Tunc oportebit dicere . Ego baptizo vos . Nec erit mutatio forma , quia nihil aliud est, quam te, & te .*

Dicendum est quartò . De essentia formæ baptismi esse dicere, *In nomine*; ita, ut si diceretur *In nominibus* , nullum esset sacramentum. Propositionem *In* non esse de essen-

essentia formæ ; improbable non est : nam idem omnino est sensus , siue dicatur *In nomine* , siue *nomine Patris* , &c. Et idem est de coniunctione *Et* , sicque si quis omittendo propositionem *In* , & coniunctionem *Et* , diceret , *Ego te baptizo nomine Patris, Filij, Spiritus Sancti* , validum sacramentum conficeret , quamuis peccaret , non quidem mortaliter , quia materia est levis , sed venialiter , sicut etsi pronomen *Ego* omitteret. Probabile tamen non est , de essentia forme non esse dicere in singulari *Nomine* , & non in plurali *Nominibus* ; sic enim omnes asserunt . Et quamuis Marsilius dicat , se non audere definire , non esse sacramentum , si quis ex ignorantia , vel lapsu linguæ diceret , *Nominibus* : hoc tamen optime impugnat Mag. Soto ubi supra . Quia qui sciens , & prudens id diceret , non perficeret sacramentum : ergo neque si ex ignorantia proferret : ignorantia enim non supplet id , sine quo à scienter non fit baptismus ; alias qui ignoranter baptizaret in aqua rosacea , verum efficeret sacramentum .

Rationem huius conclusionis insinuat D. Thom. hic ad 6. dicens : *Virtus divina , qua operatur in baptismo , ad essentiam pertinet , & ideo dicitur in nomine , & non in nominibus* . Si enim diceretur in nominibus , significaretur non esse eandem essentiam , & virtutem omnium Personarum : sicut autem in forma baptismi exprimenda est Personarum Trinitas , ita & essentiæ unitas , ad quam pertinet virtus divina , quæ operatur in  
ba-

baptismo. Hęcque explicatur eum dici-  
 tur *In nomine* : nam idem est, ac virtute,  
 potestate, auctoritate Patris &c. vt D. Th.  
 insinuat, & Mag. vbi supra dicit, vbi & ad-  
 dit : forsan verum esse, quod ait Innocen-  
 tius in cap. 1. De Baptismo, si quis non di-  
 ceret in nomine, sed in virtute Patris, &c.  
 non perficeret sacramentum : quia virtus  
 non dicit totum, quod, nomen, cupi hoc,  
 fidem sonet, & virtutem, & auctoritatem,  
 & potestatem; siquē pręter crimen, quod  
 committeret, deberet sacramentum sub  
 conditione iterari. Si tamen quis diceret,  
 in nomine Patris, & in nomine Filij, & in  
 nomine Spiritus Sancti, Sacramentum per-  
 ficeret : quia non affereret plura nomina,  
 esse, sed idem essenziale Dei nomen repe-  
 teret commune tribus Personis : sicut et-  
 si diceret, in nomine Dei Patris, & Dei Fi-  
 lij &c.

Dicendum est quinto. Ad essentialiam  
 Baptismi necessarium esse in forma eius  
 exprimere Personas Trinitatis ; & quam-  
 uis probabilius sit exprimendas esse per  
 hæc nomina Patris, & Filij, & Spiritus San-  
 cti, vt validum sit sacramentum : probabi-  
 le tamen esse, validum confici baptismum,  
 si exprimantur his nominibus, Genitoris,  
 Geniti, & Procedentis. Prima pars colli-  
 gitur ex verbis Christi Matth. ultim. v. 19.  
*Baptizantes eos in nomine Patris, & Filij, &  
 Spiritus Sancti.* Pater etiam in Conc. Flor.  
 in Decreto vnionis.

Secunda pars probatur, nam D. Thom.  
 hic



hic ad 7 dicit: *Nec in alijs nominibus perficitur sacramentum.* Quod licet Caiet. exponat, non perficitur licitè, quia contra præceptum Ecclesiæ est vti alijs nominibus; communior tamen intelligentia est, idem esse, ac validum sacramentum non fieri: sicut è contra cum ad 1. ait S. Doctor *Verum perficitur sacramentum, in forma scilicet Græcorum, idem est, ac validum sacramentum fieri.*

Præterea, forma baptismi virtutem habet ex institutione Christi: sed Christus instituit formam huiusmodi in his nominibus Patris &c. ergo in quacumque lingua vtendum est necessario nominibus significantibus Patrem, &c. Cõfirmatur, quia sicut ad materiam baptismi necessario assumenda est aqua, quia eius vsus est communior ad abluendum, ita ad formam baptismi assumenda sunt illa nomina, quibus communius consueuerunt nominari Personæ diuinæ in qualibet lingua: sed in qualibet lingua communius consueuerunt nominari his nominibus Patris &c. ergo hæc sunt necessario assumenda.

Nec obstat nomina Genitoris, &c. esse synonyma cum nominibus Patris, &c. non minus quam verba abluo, lauo, sunt synonyma cum verbo baptizo; sicque sicut in his verbis perficitur baptismus, ita & in illis nominibus. Respondetur namque negando nomina Genitoris &c. esse synonyma cum nominibus Patris &c. nam hæc significant relationes, quibus constituentur di-  
ui-

ninæ Personæ; illa verò non relationes, sed actus notionales, qui sunt fundamenta relationum, significant; sicque non sunt synonyma, sicut nec nomen albedinis, est synonymum cū homine similitudinis, cuius illa est fundamentum. Non obstant etiam argumenta Caietani hic: nam ad illa respondet Mag. Soto vbi supra, quem vide.

Tertia pars communis est inter Theologos; nullus est enim, qui neget probabilem esse opinionem Caiet. hic asserentis validum esse baptismum in nomine Genitoris, &c. Quam ipse Caiet quinque rationibus satis probabilibus probat, & ait: *Saluator instituens formam baptismi in nomine Patris, & Filij, & Spiritus Sancti non est intelligendus adesse virtutem formæ ad formalia significata ex vi nominum per hæc nomina sed ad significata illa, ad quæ significata hæc nomina accommodata sunt.* Ex quo responderi potest ad rationem factam pro secunda parte conclusionis: nam nomina Genitoris, &c. diuinas Personas significant, & illis sanctam Trinitatem inuocamus, laudamus, & confitemur.



## ARTICVLVS VI.

*Vtrum in nomine Christi possit dari  
Baptismus.*

**Conclusio est negans.**

*Dubium. An Baptismus in nomine  
Christi, aut Trinitatis valeat.*

**P**Artem affirmantem tenet Caiet. hic ad finem commentarij. Probat primò ex cap. *A quodam*, De consecrat. dist. 4. vbi Nicolaus Papa respondens Bulgaris consultantibus, quid esset agendum de multis à quodam Iudæo baptizatis ait: *Si in nomine Trinitatis, vel tantum in nomine Christi, sicut in Actibus Apostolorum legitur, baptizati sunt* (unum quippe idemque est, ut S. Ambr. exponit) *quia non illorum, sed eius est, rebaptizati non debent. At rebaptizari deberent, si baptismus in nomine Christi, & in nomine Trinitatis non esset validus; ergo &c.*

Secundò. Nam Actuum 8. v. 12. dicitur: *In nomine Iesu Christi baptizabantur viri & mulieres.* At talis baptismus tunc erat validus; ergo & nunc: alias enim non esset vnum baptisma.

Tertiò. Ad essentiam baptismi sufficit, ut verbis formæ implicite significantur tres diuinæ Personæ: sed hæ implicite significantur.

gnificantur tam nomine Christi, quam nomine Trinitatis; ergo, &c. Maior probatur, nam nec hæc nomina Pater, & Filius significant divinas Personas explicitè, pater enim non significat divinum Patrem, sed patrem absolute, & filius non significat divinum Filium, sed filium absolute; ergo sufficit, ut verbis forma implicitè significantur divine Personæ.

Dicendum tamen est 1. baptizmus in nomine Trinitatis, nisi tres divinae Personæ exprimantur, nullum esse. Colligitur hoc ex D. Thom. hic, illudque expressè docet in 4. d. 3. q. 1. a. 2. quæstione 2. ad 4. his verbis: *In nomine Trinitatis non exprimiuntur ipse Personæ, sed solus numerus Personarum; & ideo non sufficit dicere, in nomine Trinitatis, nec esset Baptizmus, si diceretur.*

Probatur deinde ex cap. In Synodo, De consecrat. d. 4. ubi Zacharias Papa approbat decretum Synodi Anglorum, & ait: *Perfectus Christianus non est, nisi in nomine Patris, & Filij, & Spiritus Sancti fuerit baptizatus.* Et subdit: *Qui vel unam de Trinitate personam in Baptismo non nominaret, illud Expressè esse verum non posset.* At qui baptizaret in nomine Trinitatis, nullam Personam nominaret, nullius enim nomen exprimeret, sicut & qui solius Patris nomen exprimeret, non nominaret Filium; ergo non esset verum baptizma.

Dicendum est 2. Nec baptizma in nomine Christi validum esse. Docet D. The. hic, & optime probat, & inter alia in arg. Sed

*Sed contra*, auctoritate Pelagij Papæ, qui, vt refertur Can. Si reuera, De consecrat. dist. 4. Gaudentio dixit: *Qui solummodo se in nomine Domini baptizatos fuisse forsitan contentuer, sine cuiusquam dubitationis ambiguo eos in Sanctæ Trinitatis nomine baptizabis*. Nec valet solutio Caiet. aliud esse baptizare in nomine Domini: & aliud baptizare in nomine Christi, & Pelagium solum irritum decreuisse baptismum in nomine Domini, non vero in nomine Christi. Contra hoc enim est, nam Pontifex pro eodem accipit in nomine Domini, & in nomine Iesu Christi, mos enim antiquus fuit ex Apostolis deriuatus, Christum appellare Dominum, & nullus vnquam fuit vsus baptizandi in nomine Domini precise, sed semper in nomine Iesu Christi. Quod & ex Can. Multi, De consecrat. d. 4 colligitur: nam idem Pelagius, eidem Gaudentio, in eadem epistola dixit: *Multi sunt, qui in nomine solummodo Christi vna etiam mentione se afferunt baptizare: Euangelicum vero præceptum, ipse Deus & Domino Salvatore nostro Iesu Christo dicente, & tradente, nos admonet, in nomine Trinitatis, trina etiam mentione sanctum Baptisma unicuique tribuere*.

Secundo probatur, quia vt patet ex auctoritate Zachariæ Pape adducta in 1. con. & ex testimonio Didimi relato à D. Th. hic in arg. *Sed contra*, qui in Baptismo præmitteret vnum ex nominibus diuinarum Personarum, & vel vnam de Trinitate Personam non nominaret, non esset verum be.

peissima: sed qui solum in nomine Christi baptizat, pratermittit nomen duarum Personarum, duasque Personas de Trinitate non nominat; ergo nullum efficit Baptismi Sacramentum. Si dicas in nomine vnus Personę intelligi aliam. Contra hoc est, quod hic in corp. artic. ait S. Doctor. *Sicut ad Sacramentum requiritur materia sensibilis, ita & forma sensibilis. Vnde non sufficit intellectus, vel fides Trinitatis ad perfectionem sacramenti, nisi sensibilibus verbis Trinitas exprimatur.*

Ad primum vero factum in principio respondet D. Tho. hic ad 3. *Quod Nicolaus Papa dictum suum confirmat ex duabus premisis. Et ideo eius responsio patet ex primis duabus solutionibus. Quę responsio difficultatē habet, quam tamen optimē explicat Mag. Soto in quarto dist. 3. quęst. vnica, artic. 6. Videtur enim dicere, quod postquam Nicolaus soli vsui Apostolorum, & auctoritati Ambrosij, subnixus est, noluit Papa maiorem sibi arrogare fidem, quam habuit Ambrosius: & ideo licet reuera arbitratus fuerit Pontifex, quod tempore suo valeret Baptismus in nomine Christi, non hoc decreuit tanquam articulum fidei, sed solum tanquam opinionem, quam putauit esse Ambrosij.*

Ad secundum Mag. Soto vbi supra dicit, sibi semper verosimillimū visum esse, numquam Apostolos baptizasse in nomine Iesu, sed in nomine Patris &c. & solum dici baptizasse in nomine Iesu, quia baptizabāt in fidem eius, aut quia nomen Iesu Christi ipsi

ipsi formæ solemnī immiscebant dicentes,  
 Baptizo te in nomine Patris, & Filij Iesu  
 Christi, &c. Alij dicunt, Apostolos bapti-  
 zasse in nomine Christi, hoc est auctorita-  
 te Christi, & baptismo à Christo ministra-  
 to, non baptismate Ioannis. Sed D. Thom.  
 hic ad 1. aliter respondet. *Quod ex speciali*  
*reuelatione Apostoli in primitiua Ecclesia in*  
*nomine Christi baptizabant: ut nomen Chri-*  
*sti (quod erat odiosum Iudeis, & Gentilibus)*  
*honorabile redderetur per hoc, quod ad eius in-*  
*uocationem Spiritus Sanctus dabatur in baptis-*  
*mo. Et in 4 dist. 3. q. 1. a 2. quæstione 2. ad 3.*  
*addit: Et quia illius mutationis causa fuit cō-*  
*ueniens illi tempori, ideo cessante causa cessat*  
*effectus: & modo non esset baptismus, si quis in*  
*Christi nomine baptizaret. Neque huic ob-*  
*stat quod ait S. Aug. lib. 3. contra Maximi-*  
*num cap. 17. de baptizatis tempore Apo-*  
*stolorum Act. 2. In nomine Iesu Christi iussi*  
*sunt baptizari: & intelliguntur non baptizati,*  
*nisi in nomine Patris, & Filij, & Spiritus San-*  
*cti. Respondetur namque illud intelligun-*  
*zur, solam implicitam inuocationem triū*  
*Personarum denotare, Quia in Christi nomi-*  
*ne tota Trinitas intelligitur, ut cum Mag. sen-*  
*tent. inquit D. Thom. in 4. vbi supra. Vnde*  
*S. Aug. immediatè subdit: Cur non sic audis*  
*de Filio Dei omnia per ipsum facta sunt; ut &*  
*non nominatum intelligas ibi Spiritum Sanctū?*  
 Ex quo patet sentire, illos, qui iussi sunt ba-  
 ptizari in nomine Christi, eodem modo in-  
 telligi baptizatos in nomine Patris &c. quæ  
 Spiritus Sanctus intelligitur in illis verbis  
 Ioan.

Ioan. 1. v. 3. *Omnia per ipsum facta sunt*: ac proinde solum implicite. Illa enim verba expressè de solo Verbo loquuntur, implicite tamen in illis intelligitur Spiritus Sanctus, quia æqualis, & eiusdem virtutis est cum Verbo, seu Filio, sicque ut ibidem subdit S. Aug. *Quod de uno dicitur, & de altero tacetur, de utroque intelligitur*. Non obstat etiam solutioni D. Thom. vnum esse baptismum, ut patet ex Symbolo fidei, & ad Ephes. 4. v. 5. plura autem essent, si Apostoli in nomine Christi baptizassent, cum illa forma diuersa sit ab ea, qua nunc baptizamus in nomine Patris, &c. Respondetur namque, Baptisma dici vnum, ut colligitur ex D. Thom. hic art. 9. quia iterari non potest, & nequit nisi semel suscipi. Vel quia, ut alij exponunt, licet sint plures ministri baptizantes exterius, vnus est, qui interius baptizat scilicet Christus. Et quamuis forma qua utebantur Apostoli baptizantes in nomine Christi diuersa sit materialiter ab ea, qua nunc utimur baptizantes in nomine Patris, &c. formaliter tamen eadem est: sicut enim, qui ex dispensatione, seu privilegio in quadragesima ieiunant, oua, & lacticia comedentes, formam ieiunij seruare dicuntur, quam non seruarent sine tali dispensatione: ita Apostoli baptizantes in nomine Christi ex Dei privilegio, & dispensatione formam Baptismi seruauerunt, quia implicite idem significabat illa forma, ac ea, qua nunc utimur, & solum ab ea differt per implicitam, & explicitam significationem,



# ARTICVLVS VI. 193

nem, quam formam non seruassent sine tali dispensatione: nam ad vnitatem formalem illius vtrumque requiritur, nempe implicita significatio Personarum diuinarum, & Dei dispensatio, quæ dispensatio, quia cessante causa cessauit, qui modo baptizaret in nomine Christi, non seruaret formam Baptismi, etiamsi tota Trinitas implicitè intelligatur in nomine Christi.

Ad tertium respondetur negando maiorem: nam cum forma instituta sit à Christo nominibus tres diuinas Personas expressè significantibus, non erit forma sufficiens, quæ solo vno nomine implicitè, illas significat, nisi adsit diuina dispensatio, qualis fuit in primitiua Ecclesia tempore Apostolorum. Ad probationem dico, nomina illa Pater, & Filius ex accommodatione vsus non solum Christi fidelium, sed etiam ipsius Christi per autonomasiam significare diuinas Personas in forma Baptismi, cum semper ad eas significandas illis Christus sit vsus.



*Vtrum immersio sit de necessitate  
Baptismi.*

**Conclusio est negans.**

**A**D Baptismum necessaria est ablutio : quia tamen hæc fieri potest non solum per modum immersionis, sed etiam per modum asperisionis, vel effusionis, immersio non est de necessitate Baptismi. Tutius tamen, inquit D Thom. esse baptizare per modum immersionis, quia hoc habet communior usus. Quod intelligendum est absolutè, & ubi non est determinatus consuetudine, aut constitutione Synodali, alius modus baptizandi, in praxi enim seruandus est modus in quacumque Diocesi pro tempore vsitatus; quem modo communioem esse puto per modum effusionis, licet tempore S Thom. communior fuerit per modum immersionis.

An vero sufficiat, quamlibet partem corporis aqua perfundi, explicat D Thom. hic ad 3. dicens : *Principalis pars corporis præcipue quantum ad exteriora membra est caput, in quo vigent omnes sensus, & interiores, & exteriores. Et ideo si totum corpus aqua non possit perfundi propter aque paucitatem, vel propter aliam causam, oportet caput perfundere, in quo manifestatur principium animalis vitæ.*

Mag.

# ARTICVLVS VII. 195

Mag. Soto in 4. d. 5. q. vnica art. 7. existimat  
verbum illud *Oporteret*, solum demonstrare,  
peccatum esse, absque causa prætermittere  
caput intingere; non tamen non esse inte-  
grum sacramentum: nam si capite nõ per-  
fuso pectus, vel scapulæ aqua infunderen-  
tur, certus esset Baptismus, & nec etiam,  
sub conditione iterari deberet. Sed hoc  
non videtur D. Thomæ certum, cum infra  
q. 68. ar. 11. ad 4. dicat: *Quia in nulla exte-  
riorum partium integritas vult, ita consistit sicut  
in capite, videtur quibusdam, quod propter du-  
bium quacumque alia parte corporis abluta,*  
*puer post perfectam natiuitatem sic baptiz in-*  
*duc sub hac forma, si non es baptizatus, ego te*  
*baptizo.* Quam opinionem S. Doctor non  
reprobat, immo in 4. d. 6. q. 1. artic. 1. quæ-  
stiuncula prima, eam approbare videtur,  
nam ait: *Non est baptizandus secundum ques-*  
*dam: scilicet si nihil periculi accidit, si ad maiorem*  
*cautelam baptizetur sub hac forma, si non es ba-*  
*pizatus, ego te baptizo.* Quia propter hoc  
tunc esse existimo: nam licet demerso  
capite certum sit hominem mergi, ac pro-  
inde ablui, & baptizari, vt colligitur ex  
Can. *Postquam*, De consecrat. d. 4. demerso  
tamen brachio, aut alia parte etiam prin-  
cipali, dubium esse potest, an sit homo  
mersus, vel ablutus.

Si autem partibus principalibus intinctis  
hoc dubium esse potest, quanto magis  
erit, si solum aqua perfundantur aliæ par-  
tes minus præcipuæ. Afferunt qui-  
dem multi, ad baptismum sufficere, vt

ablutio fiat in digito, aut vna gutta aquæ. Sentit Mag. Soto vbi supra, baptismum esse, si soli capilli aqua perfundantur, quia sunt partes corporis. Afferit Syluester verbo *Baptismus* 4. q. 1. si puer in pelle secundina inuolutus baptizetur, validum esse baptismum, quia hæc pellis est quædam pars corporis. Sed hæc opiniones ad hoc valent, vt si aliter nequimus, in necessitate sic possumus baptizare: non tamen, vt qui sic baptizantur, non debeant rebaptizari saltem sub conditione.

Si aqua non pertingeret aliquam partem corporis, sed solum ad vestes, vel aliud in quo baptizatus est inclusus, certissimum est, nullum esse baptismum, iterandumque esse absolute, & sine conditione. Cui non obstat, quando tot millia hominum baptizati sunt vna die. Act. 2. & 4. asperzione vtiq; verosimile esse aquam solas vestes multorum attigisse. Respondetur namque, non esse credendum, ita temerè fuisse aspersos, vt vnus solus aspergeret, sed plures designatos fuisse ministros, qui coram eis traiecentes baptizandos, ita aspergerent, vt aqua capita eorum intingeret.

In casu quo quis proijceret infantem in puteum animo illum baptizandi, & suffocandi simul, Mag. Soto in 4. d. 3. q. vnica, ar. 8. Syluester verbo *Baptismus* 4. q. 10. & alij existimant, puerum non manere baptizatum. Alij cum Panormitano citato a Syluestro, verè baptizatum manere dicunt, sicut et si cum prædicto animo bapti-

## ARTICVLVS VII. 197

ptizaretur aqua bullienti, & nimis calida .  
Omnes tamen conueniunt; si superuieret  
rebaptizandum esse puerum sub conditio-  
ne . Afferunt etiam sic baptizantem tan-  
quam homicidam manere irregularem. Et  
idem dicunt, si, quamuis non animo occi-  
dendi, quis puerum baptizaret infirmum ,  
& suo baptismo eius mortem acceleraret ;  
nisi forte minima esset acceleratio , quia  
iam nulla spes esset vitæ pueri ; de quo vi-  
de Mag. Soto vbi supra .

## ARTICVLVS VIII.

*Vtrum trina immersio sit de necessi-  
tate Baptismi .*

**Conclusio est negans .**

**P**elagius Papa Can. Multi, De conse-  
crat. d. 4. significare videtur , trinam  
immerfionem à Christo præceptam  
esse , nam ait : *Euangelicum præceptum, ipso*  
*Deo, & Domino nostro Iesu Christo tradente ,*  
*nos admonet, in nomine Trinitatis, trina etiam*  
*mersione sanctum Baptisma unicuiq; tribuere .*  
Sed respondet D Thom. hic ad 2. *Quod Pe-*  
*lagius Papa intellegit, trinam immerfionem esse*  
*de mandato Christi in suo simili .* Cuius solu-  
tionis sensus est , trinam immerfionem  
esse de mandato Christi, non quidem tan-  
quam præceptum, sed tanquam deductum

ab illo, vt à simili. Præceptum enim Euan-  
gelicum traditum à Christo, quod nos ad-  
monet præcipiendo, vt baptizemus in no-  
m ne Trinitatis, etiam nos admonet, vt  
trina immersione baptismum tribuamus:  
non tamen eodem modo, scilicet præci-  
piendo, sed quasi simile, & exemplum  
proponendo Trinitatis Personarum. Quo  
simili, & exemplo permoti in primitiua  
Ecclesia Apostoli trinam immersionem  
præceperunt; vt colligitur ex verbis Ca-  
nonum Apostolorum hic relatis à D. Tho.  
Postea tamen in Conc. Tolet 4. Cap. 5. in  
detestationem erroris quorundam hære-  
ticorum statutum fuit, vt vna sola fieret  
immersio. *Sed cessante causa* (inquit D. T.)  
*communiter obseruatur trina immersio. Et ideo*  
*grauiter peccaret aliter baptizans, quasi ritum*  
*Ecclesiæ non obseruans.* Quod dixit S. Doct.  
(vt Mag. Soto vbi supra notauit) quia suo  
tempore vsus semper celebrabatur trinæ  
immersionis, qui quidem iam rarissimus  
est. Et ideo modo ritus vsitatus in quali-  
bet Diocesi obseruandus est, saltem sub  
veniali: mortale enim esset, illum non  
obseruare, si esset scandalum, aut speciale  
præceptum, maxime sub pœna excom-  
municationis.

Circa solutionem tertij, dubitat Caiët. an  
trina immersione intenta à ministro, si ali-  
qua omittatur, sit verus baptismus? Cuius  
resolutio est: si ita intenderet minister, tri-  
nam immersionem, vt absolutè intende-  
ret, non baptizare sine tribus immersio-  
bus,

bus, & ante tertiam formam absolueret, inualidè baptizaret. Si tamen trinam immersionem intenderet, sicut eam intendit Ecclesia, non quidem, vt aliquid substantiale sacramenti, sed vt ceremoniale, etiã si ex obliuione aliquam omitteret, verum conficeret sacramentum. Immo si formã absolueret in prima immersione, statim perficeretur baptismus, & reliquæ immersiones superflue essent.

## ARTICVLVS IX.

*Vtrum Baptismus possit iterari.*

**Conclusio est negans.**

**Q**Uæ certa est secundum fidem, vt constat ex Conc. Trident. Sess. 7. Can. 12. Florentino in Decreto vniõis, Later. cap. *Firmiter* & Carthag. 4. vt refertur Can. *Non licet*, de consecrat. dist. 4. & ex illis verbis Leonis Papæ relatis Can. *Cum* itaque, De consecrat. d. 4. *Scimus inexpiabile esse facinus, quoties iuxta hæreticorum dogmata, contra SS. Patrum instituta cogitur aliquis lauacrum, quod regenerandis semel tributum est, bis subire, Apostolica reclamante sententia, qua nobis vnã prædicat in Trinitate Deitatem, vnã in fide confessionem, vnum in baptisma sacramentum.* Ex quo patet, quam rectè  
iv l D. Thom.

D. Thom. suam conclusionem probauerit ex illo ad Ephes 4. v. 5. *Vnus Dominus, una fides, unum Baptisma.* Rationes etiam optime defendit Caiet. ab impugnationibus Scoti.

Si est dubium de aliquo, an verè baptizatus sit, iterum baptizandum esse dicit D. Thom. ad 4. & probat ex decretali Alexandri III. quæ refertur cap. *De quibus, De Baptismo*, vbi dicitur. *De quibus dubium est, an baptizati fuerint, baptizentur his verbis, si baptizatus es non te baptizo, sed si nondum baptizatus es, Ego te baptizo in nomine Patris, &c.* Vbi aduertendum est, si dubium sit iuris, quia scilicet quamuis certum sit aliquem esse baptizatum, incertum est an Baptismus fuerit validus cum hac, vel illa forma, aut materia, aut applicatione ad talem partem corporis, absque dubio sic baptizatum rebaptizandum esse, propter periculum damni spiritualis, quod incurreret, si non esset baptizatus. Si verò dubium sit facti, quia dubitatur, an aliquo modo aliquis sit baptizatus, vel an minister vsus fuerit debita forma, vel materia, aut debitam habuerit intentionem, diligenter hoc inuestigandum est. Vnde in Can. *Cum itaque, De consecrat. d. 4.* de eo qui dubitat an sit baptizatus ait Leo Papa. *Quoties persona talis inciderit, solita primum examinatione discutite, & longo tempore ( nisi forte supremus finis imminet ) indigite, utrum nemo penitus sit, qui testimonio iurare possit ignorantiam nescientis.* Ex quibus ultimis verbis colligitur, quod  
di.



diximus 2.2. q. 70. art. 2. dubio vnico, vt quis non rebaptizetur, sufficere testimonium vnus dicentis, baptizatum esse. Quod & colligitur ex Can. *Paruulus*, De consecrat. d. 4. vt Glossa notauit, Nec obstat quod in Can. *Placuit* sequente dicitur: *Placuit de infantibus, quoties non inueniuntur certissimi testes, qui eos baptizatos sine dubitatione testentur, neque ipsi sunt per aetatem idonei de traditis sibi sacramentis respondere, absque ullo scrupulo eos esse baptizandos.* Nam illud *certissimi testes*, exponendum est respectiue pro diuersis testimonijs, & temporibus, non quod pro baptismo cuiuslibet infantis plures testes requirantur, sicut nec illud, *De traditis sibi sacramentis*, denotat unicuique infanti tradita fuisse plura sacramenta.

Si autem facta sufficienti diligentia adhuc dubium manet de prædictis, & non sola inanis suspicio, aut levis scrupulus, baptizandus est is, de cuius baptismo est dubium, sub conditione, seruandaque est forma præscripta ab Alexandro Tertio. Quod nonnulli intelligendum esse dicunt, quando est publicè baptizandus: nam in priuato baptismo sufficeret conditionem illam, *Si baptizatus es, &c.* in intentione retinere, quamuis ob reuerentiam baptismi melius esset semper eam exprimere.

Quando certum est omnino, aliquem esse baptizatum, illum scienter rebaptizando non solum incurritur peccatum mortale, sed etiam poena irregularitatis, tam à rebaptizante, quam à rebaptizato. De

rebaptizato constat ex Can. *Qui his, & Can. Eos quos, De consecrat. d. 4. & Can. Confrmandum, d. 50. ubi dicitur. Neque unquam permittendum est, ut rebaptizati ad clericatus gradum promoueantur*: ubi Glossa: *Rebaptizati scienter. De rebaptizante colligitur ex cap. Ex litterarum, De apostatis, ubi de acolito quodam, qui ministerium prestitit scienter presbytero rebaptizanti dicitur: Ad superiores Ordines promoveri (si publicum est quod proponitur) non valebit. Si enim propter ministerium, & cooperationem ad rebaptizationem condemnatur acolitus irregularitatis, multo magis irregularis erit ipse rebaptizans*: sicut si irregularis decerneretur, qui ad homicidium cooperatus fuisset, dando occisori arma, quibus occideret, etiam decerneretur occisorem ipsū irregularem esse. Vnde in Codice Ne sanctum baptismum iteretur. L. 1. irregularem esse supponitur Antistitem rebaptizantem, cum de illo dicatur: *Sacerdotio indignum esse censemus.*

Dicunt tamen nonnulli recentiores, probabile esse, non incurrere irregularitatem eum, qui rebaptizat, aut rebaptizatur sub conditione: quia odia sunt restringenda; sicque lex imponens poenam irregularitatis propter rebaptizationem ad absolutam, quæ simpliciter rebaptizatio est restringi debet, & nō ampliari ad rebaptizationem conditionalem. Addunt etiam, qui exterius fingit se rebaptizare, vel rebaptizari, & tamen interius non habet talem intentionem.

## ARTICVLVS IX. 203

tionem, non incurrere irregularitatem : sicut & qui solum exterius negat fidem, nō incurrit excommunicationem latam contra hæreticos. Vnde si quis cogeretur ab hæreticis Anabatistis rebaptizari, aut aliū rebaptizare, quamuis mortaliter peccaret id faciendo; si tamen non haberet intentionem rebaptizandi, aut conditionem apponeret, vel interius retineret, si non sum, aut si nō es baptizatus, nō maneret irregularis. De ignorantia excusante ab hac irregularitate & alijs, vide quæ diximus l. 2. q. 76. ar. 3. dubio 2.

## ARTICVLVS X.

*Vtrum ritus, quo Ecclesia in baptizando utitur, sit conueniens.*

**Conclusio est affirmans.**

**P**Atet ex Concil. Trid. Sess 7. Can. 13. de Sacram. in genere, vbi definitur. *Si quis dixerit receptos, & approbatos Ecclesiæ Catholice ritus in solemnibus sacramentorum administratione adhiberi consuetos, aut contemni, aut sine peccato à ministris prohibito emitti, aut novos alios per quamcumque Ecclesiæ suarum pastorem mutari posse; anathema sit.*

Quando sine huiusmodi ritibus, & solemnibus cæremonijs baptismus valide

fuit collatus puero in casu necessitatis ab obstetrice, aut alio, certum est, tales cæremonias supplendas esse, vt ex vsu Ecclesiæ constat. Si tamen fuisset collatus cum debita solemnitate, sed secundum substantialia inualidè ob defectum intentionis, aut formæ, vel materiæ debitæ, difficultas est, an repeti debeant cæremoniæ simul cum substantialibus? in qua recentiores quidam negantem partem tenent, scilicet non esse repetendas cæremonias semel adhibitas. Sed S. Antoninus 3. part. tit. 14. cap. 13. § 12. affirmantem partem docet, ait namque: *Si constat aliquid de substantialibus defuisse, tunc omnia substantialia, quæ simul oportet concurrere, sunt iteranda, quæ iam fuerant adhibita, & etiam alia, quæ sunt de solemnitate secundum Theologos.* Has tamen duas sententias in concordiam reuocari posse existimo; & primam, quam Iuristas tenere refert S. Anton. vbi supra, veram esse, quando baptismus non est solemniter, & publicè reiterandus, sed solum in secreto, quia defectus illius substantialis non est publicus. Secundam vero, quando baptismus in Ecclesia publicè, & solemniter reiterandus est, quia defectus substantialis est publicus: nam generaliter ait Conc. Trid. vbi supra, in solemnè administratione sacramentorum non posse omitti ritus receptos, & approbatos Ecclesiæ, & adhiberi consuetos.

*Vtrum conuenienter describat ur  
tria baptismata.*

**Conclusio est affirmans :**

**A**sertio trium baptismatum, scilicet  
aquæ, sanguinis, & fluminis solem-  
nis est inter Doctores præsertim Sco-  
lasticos. Illam explicat D. Thom. in quar-  
to d. 4. quæst. 3. ar. 3. & hic, ubi ad 2. dicit,  
alia baptismata non esse sacramenta, sed  
solum Baptismum aquæ. Ex cuius do-  
ctrina in utroque loco constat, assertionem  
hanc non pugnare cum unitate baptisma-  
tis, quam in symbolo Nicæno confitemur,  
& docet Paulus ad Ephes. 4. ver. 5.



## ARTICVLVS XII.

*Vtrum Baptismus sanguinis sit potissimus inter alia Baptismata.*

**Conclusio est affirmans.**

*Dubium. An baptismus sanguinis conferat gratiam, & faciat ex attrito contritum.*

**P**ars negans probatur 1. ex illo 1. ad Corinth. 13. ver. 3. *Si tradidero corpus meum, ita ut ardeam, charitatem autem non habuero: nihil mihi prodest.* At multum prodesset, si baptismus sanguinis conferret gratiam, & faceret ex attrito contritum, nam præstaret attritio non habenti charitatem; ergo &c.

Secundò, causare gratiam, & facere ex attrito contritum, est proprium sacramentorum nouæ legis: sed baptismus sanguinis non est sacramentum, vt docet D. Tho. hic, & artic. præced. ad 2. & patet, nam alias plura, quam septem essent Ecclesiæ sacramenta, quod est contra Conc. Trident. sess. 7. can. 1. de Sacramentis, in genere; ergo, &c.

Tertiò, Baptismus sanguinis susceptus ex inani gloria non confert gratiam, aut eius

eius augmentum; ergo quando confert, non habet illam conferre, nisi vt opus operantis. & per modum meriti. Consequentia patet, quia effectus eorum, quæ aliter habent conferre gratiam, non impeditur per peccatum veniale, vt patet in sacramentis, qui enim ex inani gloria reciperet baptismum aquæ cum attritione, vel contritione, aut primam gratiâ, aut eius augmentum reciperet. Antecedens probatur ex S. Hieron. ad Galatas 3. circa finem dicente: *Martyrium ipsius, si ideo fiat, vt admirationi, & laudi habeatur à fratribus, frustra sanguis effusus est.*

Quartò, nullus actus virtutis moralis habet conferre gratiam, & facere ex attrito contritum, nec est meritorius gloriæ, aut augmenti gratiæ, nisi sit informatus charitate: sed martyrium (quod est baptismus sanguinis) est actus cuiusdam virtutis moralis, scilicet fortitudinis; ergo, &c.

Quintò, quia alias, qui ducitur ad martyrium, si non esset baptizatus baptismo aquæ, nõ teneretur baptizari, etiam si posset: si vero esset baptizatus, etiam si conscientiam peccati mortalis haberet, non teneretur illud confiteri coram Sacerdote, quamuis illius copiam haberet, sufficeret enim illi baptismus sanguinis: sed hæc falsum sunt; ergo, &c.

Dicendum tamen est baptismum sanguinis, vt est imitatio Passoris Christi, gratiam conferre, & facere ex attrito contritum. Probatur ex D. Thom. hic enim ait

ait baptismata sanguinis, & flaminis efficere effectum baptismi aquæ, nempe gratiam; non tamen eodem modo; nam baptismus aquæ illum efficit, vt quædam figuræ representatio passionis Christi sicque, vt signum quoddam à Deo institutum, & vt instrumentum, quod eleuatum diuina virtute, quatinus habet latentem; baptismus verò flaminis, vt quædam affectio, & cordis commotio, sicque vt opus operantis: baptismus autem sanguinis, vt quædā imitatio operis, scilicet passionis Christi, quæ fuit excellentissimæ charitatis opus, & summæ dilectionis affectus. Ex quo inferuntur q. 87. art. 1. ad 2. Passio pro Christo suscepta (sicut supradictum est) obtinet vim baptismi. Et ideo purgat ab omni culpa, & veniali, & mortali, nisi actualiter voluntatem peccato inuenerit inhærentem. Sed hoc est conferre gratiam, sine qua peccatum mortale remitti non potest, & facere ex attrito contritum, cum attritio non excludat culpam mortalem, facit tamen, vt voluntas non inhæreat actualiter peccato per complacentiam; ergo &c. Confirmatur ex eodem S. Doctore in 4. d. 4. q. 3. a 3. quæstiunc. 3. ubi sic habet: Sicut in baptismo aqua liberatur homo ab omni culpa præcedente, & poenâ, ita in baptismo sanguinis. Et ad 1. Baptismus sanguinis non habet hoc tantum ex opere operantis. Sed hoc habet ex imitatione passionis Christi. Et ideo pueri quamuis liberum arbitrium non habeant, si occidantur pro Christo, in suo sanguine baptizati saluantur. Et quæstiunc. 4.

Quod



Quod quidam dicunt, quod in baptismo sanguinis gratia non confertur, apparet falsum esse in pueris, qui pro Christo occiduntur, & etiam in adultis, quibus potest in ipso actu passionis gratia dari, sicut in baptismo aque, si se ad eam disposuerint, & obicem non imponant Spiritui Sancto.

Secundò probatur ex S. August. lib. 13. de Ciuit. cap. 8. vbi sic scribit: Quicumque, etiam non precepto regenerationis lauacro, pro Christi confessione moriuntur, tantum eis valet ad dimittenda peccata, quantum si abluerentur sacro fonte baptismatis. Qui enim dixit, nisi quis renatus fuerit ex aqua, & Spiritu Sancto, non intrabit in regnum cælorum; alia sententia istos facit exceptos, vbi non minus generaliter dixit, Qui me confessus fuerit coram hominibus, confitebor, & ego eum coram Patre meo, qui in cælis est: & alio loco, Qui perdidit animam suam propter me, inueniet eam. Quibus verbis non solum nostram conclusionem docet, sed etiam optimis scripturæ testimonijs confirmat sumptis ex Matth. 10. v. 32. & 39. in quibus aliquid speciale promittit Christus pro se morientibus, quod commune non est, quodcumque aliud bonum opus ex charitate operantibus: hoc autem nihil aliud est, quam maior gratia, & gloria supra eorum meritum, quam baptismus sanguinis illis confert; ergo &c.

Tertiò. Baptismus sanguinis paruulis vsum rationis adhuc non habentibus confert gratiam, si eam antea non habebant, aut gratiæ augmentum, si erant iam in  
gra-

210 *QVABSTIO LXVI.*

gratia ; ergo & adultis , si se ad eam disposuerint , & obicem nō ponant Spiritui Sancto . Antecedens patet in paruulis ab Herode propter Christum occisis : nam vt dicitur Matth. 2 v. 16. *Herodes occidit omnes pueros , qui erant in Bethlehem , & in omnibus partibus eius à dimatu & infra .* Inter quos quidam erant circumcisi , sicque iam in gratia , & his baptismus sanguinis contulit augmentum gratiæ : alij verò circumcisi adhuc non erant , quia nondum peruenerant ad diem octauum , & his contulit primam gratiam . Quod enim asserunt Arnachanus lib.8 cap.37. & Adrianus q.3. de baptismo ad 3. infantes ab Herode pro Christo occisos virtute effusi sanguinis nullam recepiſſe gratiam , & eos , qui non fuerant circumcisi , per iſſe , plusquam falsum esse dicit Mg. Soto in 4. d.3. q. vnica , art. 11. Alij verò temerarium , & errori proximum esse affirmant , cum Ecclesia omnes absque illo discrimine pro sanctis ducat , & vt Martyres colat , omniumque martyrium celebret in die Sanctorum Innocentiū . Quod etiam dicunt alij , Innocentes ab Herode occisos gratiam , & salutem fuisse omnes consequutos speciali priuilegio , quod ad alios non licet extendere ; falsum esse docent communiter Theologi : vnde enim constat tale priuilegium distinctum a martyrio ? Consequentia vero probatur , quia nulla est maior ratio de paruulis , quam de adultis ; si tamen ij gratiæ , quam confert baptismus sanguinis , obicem nō posuerint , sed

sed ad illam se disposuerint, vt ait D. Thom.  
vbi supra. Et quidem si sint in gratia, hoc  
absque alia dispositione actuali sufficit, vt  
per baptismum sanguinis augmentum gra-  
tiae consequantur: si enim iustus, qui nihil  
cogitauit de martyrio, dormiens occide-  
retur in odium fidei, verè martyr esset, &  
effectum martyrij, vel baptismi sanguinis  
consequeretur. Si verò fiat in peccato  
mortali, vt per baptismum sanguinis pri-  
mam gratiam consequantur, non sufficit  
actus non peccare sine detestatione præce-  
denti peccati, vnde si hæreticus occidere-  
tur, quia non vult negare Christum, non  
esset verè martyr, nisi hæresis peccatum  
detestaretur, & idem est de alijs peccato-  
ribus, alias enim sine poenitentia iustifica-  
rentur, quod est contra Conc. Trid. sess. 14.  
c. 2 sufficit tamen detestatio peccati præte-  
riti per attritionem; nam hæc facit, vt non  
habeant voluntatem inhærentem pecca-  
to, sicque sufficienter disponit, vt gratiam  
consequantur, & baptismus sanguinis eos  
purget à culpa mortali, iuxta doctrinam  
D. Thom. infra qu. 87. artic. 1. ad 2. à nobis  
in prima probatione conclusionis addu-  
ctam.

Hinc sequitur, si Turca in odium Chri-  
sti castrum aliquod incenderet, omnes ibi  
concrematos in Dei gratia decedere, & ve-  
rè martyres esse, etiam si adulti peccatores  
solum attritionem suorum peccatorum  
haberent, & paruuli non essent baptizati:  
*Immo & fortasse existentes in maternis uteris,*  
vt

212 **QVAESTIO LXVI.**

ut ait Mag. Soto vbi supra . Quod sic quasi dubitando dixit , quia aliqui negant martyrem esse puerum in matris utero occisum , si qui occidit matrem propter Christum , nescit esse gravidam . Sed communior sententia est , martyrem esse , quia vere occiditur propter Christum , eiusque mors in odium fidei saltem virtualiter , aut concomitanter intenta est . Vnde in casu posito absolute asserendum esse existimo , paruos in maternis uteris existentes martyres esse ; alias nec martyres essent , aliqui , quos si Turca in predicto castru adesse novisset , forsan abstinuisset ab incendio castrum in odium Christi .

Neque his obstat , quod dicitur in Concilio Trid. sess. 6. cap. 4. de iustificatione impiorum : *Sine lauacro regenerationis , aut eius voto fieri non potest* . Nam ibi est sermo de adultis , qui si non sint baptizati , iustificari non possunt sine voto baptismi , saltem virtuali , incluso in actu contritionis , vel attritionis , etiam si pro Christo occidantur . Vel si ad paruulos etiam extendatur , loquitur Concilium de iustificatione , quae fit per media ordinaria , sicque non excludit medium extraordinarium , quale est martyrium in his , qui nec baptismum aquae , nec eius votum habere possunt , quales sunt paruuli .

Si queras , quando conferatur baptismi sanguinis gratia , & effectus ? Respondetur , de hac re varias esse sententias . Quibus omissis dico : talem gratiam , & effectum conferri instanti , in quo , quamvis physice

## ARTICVLVS XII. 213.

non sit actu subsequuta mors, cursus tamen vitæ, ac certaminis, seu agonis iam moraliter consummatus intelligitur, quia parum distat à mortis instanti. Sicut enim Christus ante mortis instans dixit *Consummatum est*, nam hoc dicto caput inclinavit, & inclinato capite, tradidit spiritum: ita & de quolibet martyre verificari potest ante mortis instans breuissimo tempore mediante, consummatum esse cursum vitæ certaminis: & agonis eius: quia quamuis physice non sit consummatus: moraliter tamen consummatus intelligitur.

Ad 1. autem factum in principio respondetur, testimonium illud esse intelligendū, quando nec in principio, nec in termino illius traditionis corporis habet homo charitatem: talis autem traditio non est baptismus sanguinis, nam vt hic ad 2. ait D. Thom. *Effusio sanguinis non habet rationem baptismi, si sit sine charitate*. Vnde non sequitur illam traditionem corporis, de qua loquitur Apostolus, multum prodesse, si baptismus sanguinis conferret gratiam, & faceret ex attrito contritum.

Ad 2. Maior in 4.d.4. q.3. respondet negando minorum: existimat enim martirium, seu baptismum sanguinis verè esse sacramentum, quia confert gratiā ex opere operato. Ad impugnationem dicit, martirium connumerari baptismo, sicque nō esse plura, quam septem Ecclesiæ sacramenta, sicut nec plura sunt, quamuis sint plures ordines. Hanc solutionem latè impugnat

Mag. Soto ubi supra, & alij recentiores, qui & dicunt sententiam Maioris temerariam esse, ac proximam errori Contra illam est: Tū quia quāvis baptis̃us sanguinis aliquo modo includatur in baptis̃mo aquæ, vt docet D. Thom. art. præced. ad 1. tamen vt idem S. Doct̃ ait in 4. d. 4. q. 3. a. 3. quaestiu- cula 1. *Proprie loquendo vnum est tantum ba- ptisma, quod in aqua celebratur*. Alia autem baptis̃mata sunt solum secundum propor- tionem ad eundem effectum; ergo cum baptis̃mus sanguinis non sit proprie baptis̃- ma, non potest vnum sacramentum cum baptis̃mo aquæ efficere, sicut vniū sacra- mentum Ordinis efficiunt omnes Ordines, quia verè, & proprie sunt Ordines Tum etiam, quia martyrium eius tẽrã rationis erat, & eodem modo conferebat gratiam in lege veteri, ac modo in lege noua: sed tunc non erat sacramentum; ergo neque modo. Vnde hic solutione om̃issa respon- detur ad 2. propriam esse sacramentorum nouæ legis conferre gratiam, tanquam signa practica illius à Deo instituta, & instru- imenta diuinæ virtutis, quam participant, & per eam ad talem effectum producen- dum eleuantur. Nihil autem horum con- uenit baptis̃mo sanguinis; nam vt art. præ- ced. ad 2. docet D. Thom. baptis̃mus san- guinis non conuenit cum baptis̃mo aquæ, quantum ad rationem signi, quia reuera non est signum gratiæ, aut rei sacræ sancti- ficantis nos: nec est à Deo institutus ad no- stram sanctificationem significandam, aut

cau.

## ARTICVLVS XII. 215

causandam; sed solum dicitur conferre gratiam, tanquam imitatio passionis Christi: quia hanc imitantibus vult Deus, & promissit gloriam, ac proinde gratiam conferre, vt patet ex locis adductis in secunde probatione conclusionis: sicque non vt sacramentum, aut instrumentum diuine virtutis, sed vt conditio, qua posita, Deus causat gratiam, habet gratiam conferre, & facere ex attrito contritum.

Ad 3. respondetur negando antecedens, si inanis gloria solum sit peccatum veniale: nam sic effundens sanguinem pro Christo, non habet voluntatem peccato mortali inhærentem, si absque illo fit, aut eius, in quo est, attritionem habeat; sicque passio pro Christo suscepta illi gratiam confert, aut primam, aut eius augmentum, iuxta doctrinam D. Thom. infra q. 87 art. 1. ad 2. vbi & Caiet. ait: *Si quis inisset dormitum cum proposito dicendi male mendacium officiosum, & interim dormiens occideretur pro Christo: crediderim ego ex diuina largitate etiam illius peccatum plenissimam remissionem per martirium consequi, quamuis per baptismum illius remissionem non consequeretur.* Quod licet Mag. Soto in quarto d. 15 q. 2. art. 1. ad finem, & alij non credant: hinc tamen constat, peccatum veniale non magis impedire effectum baptismi sanguinis, quam baptismi aquæ. Ad probationem dico; S. Hieronym. loqui de martyrio, vt est actus quidam fortitudinis: & frustra san-

gati-

guinem effusum esse dicit, quantum ad rationem meriti spectat; quantum enim attinet ad impletionem praecepti, quod forte tunc instat, non frustra sanguis effusus est, cum illo actu, etiam facto ex inani gloria, tale praeceptum impleatur, sicut & collatione eleemosynae ex inani gloria impletur praeceptum dandi eleemosynam. Si verò consideretur martyrium, ut quaedam passio pro Christo suscepta, & imitatio passionis Christi, non frustra sanguis effusus est: nam sic absque merito susipientis habet conferre gratiam modo iam dicto, non solum paruulis, sed etiam adultis peccatoribus attritionem solam habentibus. Unde quantum ad hoc idem dicendum est de baptismo sanguinis, ac de baptismo aquae.

Ad quartum respondetur probare, quod diximus, praedictum effectum non conferri à martyrio, ut est actus fortitudinis. Confertur tamen ab illo modo explicato, ut est quaedam passio pro Christo suscepta, & realis imitatio passionis Christi.

Ad quintum respondetur negando sequentiam: nam ut ait D. Thom. in 4 d. 4. q. 3. a. 3. quaest. i. ad 1. *Baptismus sanguinis non valet ad regenerationem, nisi ei, qui habet baptismum aquae in proposito. scilicet et quando articulus necessitatis, non contemptus religionis, sacramentum excludit.* Unde si ille, qui ducitur ad martyrium non est baptizatus, tenetur baptizari, si potest: Si verò est ba-



## ARTICVLVS I. 217

baptizatus, & conscientiam habet peccati mortalis, illud confiteri tenetur, si copiam habet sacerdotis. Nam per martyrium non deobligatur à præcepto baptismi, & confessionis, quod tunc instante morte per se obligat.

## QVÆSTIO LXVII.

*De Ministris, per quos traditur  
Baptismi Sacramentum.*

### ARTICVLVS I.

*Vtrum ad officium Diaconi perti-  
neat baptizare.*

**Conclusio est negans.**

**Q**uamuis in Diaconorum ordinatione dicatur: Diaconum oportet ministrare ad Altare, baptizare, & prædicare; non inde fit, ad officium Diaconi pertinere baptizare: nam vt hic ait Caiet. hoc intelligendum est diuersimodè; ita vt ad Diaconum pertineat ex proprio officio ministrare ad Altare; baptizare verò, & prædicare solum ex commissione Episcopi, vel Presbyteri. Habet autem Diaconus

j K

ex

ex sua ordinatione posse ex commissione baptizare, non solum absque solemnitate, sed etiam solemniter. Quod Mag. Soto in 4. dist. 4. quæst. vnica, art. 2. intelligendum esse dicit, vbi est raritas magna Sacerdotū, vt erat in primitiua Ecclesia; si enim magna sit copia Sacerdotum, Diaconis committi non licet, vt solemniter baptizent. Quidam ex recentioribus existimant, licet grauis necessitas, qualis est penuria Sacerdotum, adhuc non compellat, posse baptismum committi Diacono ex iusta, & rationabili causa. Sed non video ad hoc posse esse huiusmodi causam, si est sufficiens copia Sacerdotum. Nisi forte dicas, affectum baptizandi, aut parentum eius erga Diaconum esse ad hoc iustam, & rationabilem causam. Quod falsum videtur, alias enim similis affectus rationabilis esset causa, vt præsentē Sacerdote Diaconus, & præsentē Diacono inferior clericus, & præsentē clerico laicus, & præsentē viro mulier baptizaret non solemniter in mortis periculo: cuius oppositum colligitur ex D.Th. hic art. 4.

Alij clerici inferiores Diacono in nullo casu possunt solemniter baptizare; si verò baptizent, irregularitatem incurrunt, vt patet ex cap. *Si quis*, de clerico non ordinato ministrante. Purè laicum solemniter baptizantem non fieri irregularem dicunt multi, quia caput citatum solum loquitur de clerico. Alij cum Nauarro c. 27. n. 242. oppositum docent; nam licet titulus sit de cle-

clerico, tamen caput citatum de non ordinato generaliter loquitur, sic enim habet. Si quis baptizauerit, aut aliquod diuinum officium exercuerit non ordinatus, propter temeritatem abijciatur de Ecclesia, & nunquam ordinetur. Sed quia odia, & pœnæ non ampliari, sed restringi debent, mihi primum probabilius videtur, cum quod dicitur in prædicto capite, ex titulo non sine fundamento ad clericum restringi possit.

An vero Sum. Pontifex possit dispensare, vt Subdiaconus, vel alius inferior solemniter baptizet, non est concors omnium sententia. Quidam posse affirmant: quia cū solemnitas sit iure Ecclesiastico introducta, nulla videtur esse ratio, cur Papa non possit concedere facultatem inferioribus clericis, vt solemniter baptizent. Alij posse negant: quia hoc nunquam factum est in Ecclesia, & pertinere videtur ad potestatem Ordinis Sacerdotis, & Diaconi, & iure diuino ipsis solis competere solemniter baptizare, quauis hæc, vel illa solemnitas sit de iure Ecclesiastico.



*Vtrum baptizare pertineat ad officium Presbyterorum.*

**Conclusio est affirmans.**

**P**Atet ex diffinitione Conc. Florent. in Decreto vnionis, *Minister huius Sacramenti est Sacerdos, cui ex officio competit baptizare.* Quod eodem modo intelligendum est, quo dicimus, Sacerdotem esse ministrum Sacramenti Pœnitentiæ, cui ex officio competit absoluerè à peccatis, nempe quantum ad potestatem ordinis; licet ei quantum ad potestatem iurisdictionis hoc non competat ex officio, nisi curam animarum habeat, sed solum ex commissione Episcopi, vel alterius superioris, quando ei ad hoc conceditur facultas. In quo maxime differt Sacerdos à Diacono; huius enim nec quantum ad potestatem iurisdictionis, nec quantum ad potestatem ordinis competit baptizare ex officio, sed solum ex commissione: nam ex potestate Ordinis solum habet posse baptizare, ut minister Episcopi, vel Presbyteri, ac per consequens ex eius commissione. Sacerdos autem sicut ex potestate Ordinis habet consecrare, non ut minister superioris Prælati: ita & baptizare (sicut & à peccatis

## ARTICVLVS II. 121

catis absoluere) ac per consequens hoc non habet ex commissione superioris, sed ex officio proprio. Vt tamen actu licitè baptizet, quia non habet iurisdictionem, necesse est, vt hoc sibi committatur ab habente iurisdictionem, sicque vt minister illius agat, sicut & Diaconus: nam vt ait S. Hieronym. contra Luciferanos, *Sine Episcopi iussione neque Presbyteri, neque Diaconi ius habent baptizandi*; ob defectum scilicet iurisdictionis. Adhuc verò quantum ad hoc est differentia inter Sacerdotem, & Diaconum: quia Sacerdoti simplici sine aliqua causa, sed sola voluntate proprii Sacerdotis committi potest, vt baptizet, Diacono autem non nisi magna urgente causa.

## ARTICVLVS III.

*Vtrum laicus possit baptizare.*

**Conclusio est affirmans.**

**I**dem dicit D. Thom. art. 4. de muliere, & art. 5. de non baptizato. Quorum trium articulorum conclusiones definitæ sunt in Concil. Floren. in decreto vnionis, vbi post verba relata artic. 2. subdit Concilium: *In causa autem necessitatis non solum Sacerdos, vel Diaconus, sed etiam laicus, & mulier, immo, & paganus, & hæreticus bapti-*

222 **QVAESTIO LXVII.**

*zare potest, dummodo seruet formam Ecclesiæ,  
& facere intendat, quod facit Ecclesia.*

Aduertit tamen D. Thom. artic. 4. *Non debet mulier baptizare, si adsit copia viri: sicut nec laicus presente clerico, nec clericus presente Sacerdote, qui tamen potest baptizare presente Episcopo, eo quod hoc pertinet ad officium Sacerdotis.* Qui ordo si peruertatur, non est sine peccato. Ait tamen Mag. Soto in 4. d. 4. q. vnica, art. 2. mulierem in præsentia viri laici baptizare, nunquam esse mortale, sed solum esse quandam indecentiam venialem, & leuissimam, immo aliquando nullam, vt si obstetrix peritior sit baptizandi, quam rusticus, qui sorte adest, nam tunc viri competentis copiam non haberi censendum est. Pari etiam ratione non esse mortale, sed veniale solum, si laicus presente clerico etiam Diacono baptizet: si tamen in præsentia Sacerdotis, saltem illo renuente, alius non Sacerdos baptizaret, mortale peccatum esse. Alij etiam mortale esse existimant, si in præsentia Diaconi alij inferiores baptizent: quia quamuis Diacono non intumbat ex officio baptizare, sicut incumbit Sacerdoti, ex sua tamen ordinatione habet, posse ex commissione baptizare, sicque illum prætermittendo grauis irreuerentia fit, & ordini, & Sacramento. Si relicto fidei baptizato, assumeretur infidelis, aut non baptizatus, aliqui dicunt non esse mortale per se loquendo, quia hæc indecentia non videtur ita grauis; sed solum per accidens ratione

ican-

### ARTICVLVS III: 223

scandali, aut periculi, ne infidelis malè baptizet. Sed communior sententia est, etiã per se loquendo mortale esse, quia videtur grauis irreuerentia in ipsum sacramentum committi.

### ARTICVLVS VI.

*Vtrum plures possint simul vnum baptizare.*

**Conclusio est negans.**

*Dubium. An hac conclusio vera sit.*

**F**alsam esse probatur 1. Si plures vnum abluerent dicendo. Nos te baptizamus, validum esset sacramentum; ergo validè plures possunt simul vnum baptizare. Antecedens probatur: Tum quia si plures mulieres eidem viro simul nuberent, Deo in pluralitate vxorum dispensante, sicut in antiqua lege, & dicerent, Nos te accipimus in virum, validum esset sacramentum; ergo idem erit in Baptismo, si plures dicant, Nos te baptizamus. Tum etiam, quia ad Baptismum non requiritur, vt reuera sit vnicus minister, nam vt hic ait D. Thom. duo possunt concurrere ad vnum Baptismum; nec vt quilibet singulariter se ex-

ut ait Mag. Soto vbi supra . Quod sic quasi dubitando dixit , quia aliqui negant martyrem esse puerum in matris utero occisum , si qui occidit matrem propter Christum , nescit esse grauidam . Sed communior sententia est , martyrem esse , quia vere occiditur propter Christum , eiusque mors in odium fidei saltem virtualiter , aut concomitanter intenta est . Vnde in casu posito absolute asserendum esse existimo , paruulos in maternis uteris existentes martyres esse ; alias nec martyres essent , aliqui , quos si Turca in predicto castru adesse nouisset , forsan abstinuisset ab incendio castrum in odium Christi .

Neque his obstat , quod dicitur in Concilio Trid. sess. 6. cap. 4. de iustificatione impij : *Sine lauacro regenerationis , aut eius voto fieri non potest* . Nam ibi est sermo de adultis , qui si non sint baptizati , iustificari non possunt sine voto baptismi , saltem virtuali , incluso in actu contritionis , vel attritionis , etiam si pro Christo occidantur . Vel si ad paruulos etiam extendatur , loquitur Concilium de iustificatione , quae fit per media ordinaria , sicque non excludit medium extraordinarium , quale est martyrium in his , qui nec baptismum aquae , nec eius votum habere possunt , quales sunt paruuli .

Si queras , quando conferatur baptismi sanguinis gratia , & effectus ? Respondetur , de hac re varias esse sententias . Quibus omissis dico : talem gratiam , & effectum conferri instanti , in quo , quamuis physice  
non



## ARTICVLVS XII. 213.

non sit actu subsequuta mors, cursus tamen vitæ, ac certaminis, seu agonis iam moraliter consummatus intelligitur, quia parum distat à mortis instanti. Sicut enim Christus ante mortis instans dixit *Consummatus est*, nam hoc dicto caput inclinavit, & inclinato capite, tradidit spiritum: ita & de quolibet martyre verificari potest ante mortis instans brevissimo tempore mediante, consummatum esse cursum vitæ certaminis: & agonis eius: quia quamvis physice non sit consummatus; moraliter tamen consummatus intelligitur.

Ad 1. autem factum in principio respondetur, testimonium illud esse intelligendū, quando nec in principio, nec in termino illius traditionis corporis habet homo charitatem: talis autem traditio non est baptismus sanguinis, nam vt hic ad 2. ait D. Thom. *Effusio sanguinis non habet rationem baptismi, si sit sine charitate*. Vnde non sequitur illam traditionem corporis, de qua loquitur Apostolus, multum prodesse, si baptismus sanguinis conferret gratiam, & faceret ex attrito contritum.

Ad 2. Maior in 4. d. 4. q. 3. respondet negando minorum: existimat enim martyrium, seu baptismum sanguinis verè esse sacramentum, quia confert gratiā ex opere operato. Ad impugnationem dicit, martyrium connumerari baptismō, sicque nō esse plura, quam septem Ecclesiæ sacramenta, sicut nec plura sunt, quamvis sint plures ordines. Hanc solutionem latè impugnat

## 214 QVABSTIO LXVI.

Mag. Soto ubi supra, & alij recentiores, qui & dicunt sententiam Maioris temerariam esse, ac proximam errori. Contra illam est: Tū quia quāvis baptis̃mus sanguinis aliquo modo includatur in baptis̃mo aquæ, vt docet D. Thom. art. præced. ad 1. tamen vt idem S. Doct̃ ait in 4. d. 4. q. 3. a. 3. quæstioncula 1. *Proprie loquendo vnum est tantum baptis̃ma, quod in aqua celebratur*. Alia autem baptis̃mata sunt solum secundum proportionem ad eundem effectum; ergo cum baptis̃mus sanguinis non sit proprie baptis̃ma, non potest vnum sacramentum cum baptis̃mo aquæ efficiere, sicut vnum sacramentum Ordinis efficiunt omnes Ordines, quia verè, & proprie sunt Ordines. Tum etiam, quia martyrium eius tẽ rationis erat, & eodem modo conferebat gratiam in lege veteri, ac modo in lege noua: sed tunc non erat sacramentum; ergo neque modo. Vnde hic solutione om̃issa respondetur ad 2. propriam esse sacramentorum nouæ legis conferre gratiam, tanquam signa practica illius a Deo instituta, & instrumenta diuinæ virtutis, quam participant, & per eam ad talem effectum producendum eleuantur. Nihil autem horum conuenit baptis̃mo sanguinis; nam vt art. præced. ad 2. docet D. Thom. baptis̃mus sanguinis non conuenit cum baptis̃mo aquæ, quantum ad rationem signi, quia reuera non est signum gratiæ, aut rei sacræ sanctificantis nos: nec est a Deo institutus ad nostram sanctificationem significandam, aut cau.

## ARTICULVS XII. 215

causandam; sed solum dicitur conferre gratiam, tanquam imitatio passionis Christi: quia hanc imitantibus vult Deus, & promissit gloriam, ac proinde gratiam conferre, ut patet ex locis adductis in secunde probatione conclusionis: sicque non ut sacramentum, aut instrumentum diuine virtutis, sed ut conditio, qua posita, Deus causat gratiam, habet gratiam conferre, & facere ex attrito contritum.

Ad 3. respondetur negando antecedens, si inanis gloria solum sit peccatum veniale: nam sic effundens sanguinem pro Christo, non habet voluntatem peccato mortali inhzrentem, si absque illo fit, aut eius, in quo est, attritionem habeat; sicque passio pro Christo suscepta illi gratiam confert, aut primam, aut eius augmentum, iuxta doctrinam D. Thom. infra q. 87 art. 1. ad 2. vbi & Caiet. ait: *Si quis iuisset dormitum cum proposito dicendi mane mendacium officiosum, & interim dormiens occideretur pro Christo: crediderim ego ex diuina largitate etiam illius peccatum plenissimam remissionem per martyrium consequi, quamuis per baptismum illius remissionem non consequeretur.* Quod licet Mag. Soto in quarto d. 15. q. 2. art. 1. ad finem, & alij non credant: hinc tamen constat, peccatum veniale non magis impedire effectum baptismi sanguinis, quam baptismi aquæ. Ad probationem dico: S. Hieronym. loqui de martyrio, ut est actus quidam fortitudinis: & frustra sangu-

guinem effusum esse dicit, quantum ad rationem meriti spectat; quantum enim attinet ad impletionem praecepti, quod forte tunc instat, non frustra sanguis effusus est, cum illo actu, etiam facto ex inani gloria, tale praeceptum impleatur, sicut & collatione eleemosynae ex inani gloria impletur praeceptum dandi eleemosynam. Si verò consideretur martyrium, ut quaedam passio pro Christo suscepta, & imitatio passionis Christi, non frustra sanguis effusus est: nam sic absque merito susipientis habet conferre gratiam modo iam dicto, non solum paruulis, sed etiam adultis peccatoribus attritionem solam habentibus. Unde quantum ad hoc idem dicendum est de baptismo sanguinis, ac de baptismo aquae.

Ad quantum respondetur probare, quod diximus, praedictum effectum non conferri a martyrio, ut est actus fortitudinis. Confertur tamen ab illo modo explicato, ut est quaedam passio pro Christo suscepta, & realis imitatio passionis Christi.

Ad quantum respondetur negando sequentem: nam ut ait D. Thom. in 4 d. 4. q. 3. a. 3. quaestione. 1. ad 1. *Baptismus sanguinis non valet ad regenerationem, nisi ei, qui habet baptismum aquae in proposito. scilicet quando articulus necessitatis, non contemptus religionis, sacramentum excludit.* Unde si ille, qui ducitur ad martyrium non est baptizatus, tenetur baptizari, si potest. Si verò est ba-

## ARTICVLVS I. 217

baptizatus, & conscientiam habet peccati mortalis, illud confiteri tenetur, si copiam habet sacerdotis. Nam per martirium non deobligatur à præcepto baptismi, & confessionis, quod tunc instante morte per se obligat.

## QVÆSTIO LXVII.

*De Ministris, per quos traditur  
Baptismi Sacramentum.*

### ARTICVLVS I.

*Vtrum ad officium Diaconi perti-  
neat baptizare.*

**Conclusio est negans..**

**Q**uamuis in Diaconorum ordinatione dicatur: Diaconum oportet ministrare ad Altare, baptizare, & prædicare; non inde fit, ad officium Diaconi pertinere baptizare: nam vt hic ait Caiet. hoc intelligendum est diuersimodè; ita vt ad Diaconum pertineat ex proprio officio ministrare ad Altare; baptizare verò, & prædicare solum ex commissione Episcopi, vel Presbyteri. Habet autem Diaconus

j K

ex

ex sua ordinatione posse ex commissione baptizare, non solum absque solemnitate, sed etiam solemniter. Quod Mag. Soto in 4. dist. 4. quæst. vnica, art. 2. intelligendum esse dicit, vbi est raritas magna Sacerdotū, vt erat in primitiua Ecclesia; si enim magna sit copia Sacerdotum, Diaconis committi non licet, vt solemniter baptizent. Quidam ex recentioribus existimant, licet grauis necessitas, qualis est penuria Sacerdotum, adhuc non compellat, posse baptismum committi Diacono ex iusta, & rationabili causa. Sed non video ad hoc posse esse huiusmodi causam, si est sufficiens copia Sacerdotum. Nisi forte dicas, affectum baptizandi, aut parentum eius erga Diaconum esse ad hoc iustam, & rationabilem causam. Quod falsum videtur, alias enim similis affectus rationabilis esset causa, vt præsentem Sacerdote Diaconus, & præsentem Diacono inferior clericus, & præsentem clerico laicus, & præsentem viro mulier baptizaret non solemniter in mortis periculo: cuius oppositum colligitur ex D. Th. hic art. 4.

Alij clerici inferiores Diacono in nullo casu possunt solemniter baptizare; si verò baptizent, irregularitatem incurrunt, vt patet ex cap. *Si quis*, de clerico non ordinato ministrante. Purè laicum solemniter baptizantem non fieri irregularem dicunt multi, quia caput citatum solum loquitur de clerico. Alij cum Nauarro c. 27. n. 242. oppositum docent: nam licet titulus sit de cle-

clerico, tamen caput citatum de non ordinato generaliter loquitur, sic enim habet: *Si quis baptizauerit, aut aliquod diuinum officium exercuerit non ordinatus, propter temeritatem abijciatur de Ecclesia, & nunquam ordinetur.* Sed quia odia, & pœnæ non ampliari, sed restringi debent, mihi primum probabilius videtur, cum quod dicitur in prædicto capite, ex titulo non sine fundamento ad clericum restringi possit.

An vero Sum. Pontifex possit dispensare, vt Subdiaconus, vel alius inferior solemniter baptizet, non est concors omnium sententia. Quidam posse affirmant: quia cū solemnitas sit iure Ecclesiastico introducta, nulla videtur esse ratio, cur Papa non possit concedere facultatem inferioribus clericis, vt solemniter baptizent. Alij posse negant: quia hoc nunquam factum est in Ecclesia, & pertinere videtur ad potestatem Ordinis Sacerdotis, & Diaconi, & iure diuino ipsis solis competere solemniter baptizare, quauis hæc, vel illa solemnitas sit de iure Ecclesiastico.



## ARTICVLVS II.

*Vtrum baptizare pertineat ad officium Presbyterorum.*

**Conclusio est affirmans.**

**P**ater ex diffinitione Conc. Florent. in Decreto vnionis, *Minister huius Sacramenti est Sacerdos, cui ex officio competit baptizare.* Quod eodem modo intelligendum est, quo dicimus, Sacerdotem esse ministrum Sacramenti Poenitentiae, cui ex officio competit absoluerè à peccatis, nempe quantum ad potestatem ordinis; licet ei quantum ad potestatem iurisdictionis hoc non competat ex officio, nisi curam animarum habeat, sed solum ex commissione Episcopi, vel alterius superioris, quando ei ad hoc conceditur facultas. In quo maxime differt Sacerdos à Diacono; huius enim nec quantum ad potestatem iurisdictionis, nec quantum ad potestatem ordinis competit baptizare ex officio, sed solum ex commissione: nam ex potestate Ordinis solum habet posse baptizare, ut minister Episcopi, vel Presbyteri, ac per consequens ex eius commissione. Sacerdos autem sicut ex potestate Ordinis habet consecrare, non ut minister superioris Prælati: ita & baptizare (sicut & à peccatis



## ARTICVLVS II. 121

catis absolueret) ac per consequens hoc non habet ex commissione superioris, sed ex officio proprio. Vt tamen actu licite baptizet, quia non habet iurisdictionem, necesse est, vt hoc sibi committatur ab habente iurisdictionem, sicque vt minister illius agat, sicut & Diaconus: nam vt ait S. Hieronym. contra Luciferanos, *Sine Episcopi iussione neque Presbyteri, neque Diaconi ius habent baptizandi*; ob defectum scilicet iurisdictionis. Adhuc verò quantum ad hoc est differentia inter Sacerdotem, & Diaconum: quia Sacerdoti simplici sine aliqua causa, sed sola voluntate proprii Sacerdotis committi potest, vt baptizet; Diacono autem non nisi magna urgente causa.

## ARTICVLVS III.

*Vtrum laicus possit baptizare.*

**Conclusio est affirmans.**

**I**dem dicit D. Thom. art. 4. de muliere, & art. 5. de non baptizato. Quorum trium articulorum conclusiones definitæ sunt in Concil. Floren. in decreto vnionis, vbi post verba relata artic. 2. subdit Concilium: *In causis autem necessitatis non solum Sacerdos, vel Diaconus, sed etiam laicus, & mulier, immo, & paganus, & hæreticus bapti-*

### ARTICVLVS III: 223

scandali, aut periculi, ne infidelis malè baptizet. Sed communior sententia est, etià per se loquendo mortale esse, quia videtur grauis irreuerentia in ipsum sacramentum committi.

### ARTICVLVS VI.

*Verum plures possint simul vnum baptizare.*

**Conclusio est negans.**

*Dubium. An hac conclusio vera sit.*

**F**alsam esse probatur 1. Si plures vnum abluerent dicendo. Nos te baptizamus, validum esset sacramentum; ergo validè plures possunt simul vnum baptizare. Antecedens probatur: Tum quia si plures mulieres eidem viro simul nuberent, Deo in pluralitate vxorum dispensante, sicut in antiqua lege, & dicerent, Nos te accipimus in virum, validum esset sacramentum; ergo idem erit in Baptismo, si plures dicant, Nos te baptizamus. Tum etiam, quia ad Baptismum non requiritur, vt reuera sit vnicus minister, nam vt hic ait D. Thom. duo possunt concurrere ad vnum Baptismum; nec vt quilibet singulariter se ex-

plicet, cum Græci dicentes, Baptizetur seruus Christi, non exprimant ministrum; ergo etiam si plures dicant, Nos te baptizamus, verum conficiunt sacramentum.

Secundò, si esset paruulus in articulo mortis, & adessent duo, quorum alter esset mutus, & alter sine brachijs, & carens brachijs verba proferret, & mutus ablueret, verè, ac validè baptizarent; ergo plures possunt simul vnum baptizare. Antecedens probatur: Tum quia licet proferēs verba non apponat materiam, potest forma esse conueniens, sicut in sacramento Pœnitentiæ etiam si proferens verba non apponat materiam, est forma conueniens: potest etiam verificari in hoc sensu, Ego tibi impendo sacramentum ablutionis, vel Ego te abluo spiritualiter; ergo & potest Baptismus esse, validus. Tum etiam, quia in can. *Quærun. lam*, dist. 23 insinuat validum fuisse Sacramentum Ordinis collatū ab Episcopo oculorum dolore laborante super ponente manus, & Presbytero benedictionem legente, sicque verba proferente, cum ibi dicatur de ordinatis, *Gradum, quem peruersi & leprosi sunt, amittant*; ergo validum etiam erit Sacramentum Baptismi collatum ab vno proferente verba, & alio abluyente.

Dicendum tamen est 1. Baptismum collatum alicui a pluribus simul abludentibus, & dicentibus, Nos te baptizamus nullum esse. Oppositum huius docet Durandus in 4. dist. 3. quæst. 3. num. 16. & Paludanus ibi.

ibidem q. 2. a. 1. Sed nostra conclusio probatur 1. ex D. Thom. hic enim ait: *Ex tali forma. Nos te baptizamus, exprimitur talis intentio, quod plures conueniant ad Baptismum conferendum. Quod quidem videtur esse contra rationem ministerij, &c. Et ideo contraria intentio videtur excludere Baptismi Sacramentum.* Et supra quæst. 66. art. 5. ad 4. dicit, vnum posse simul baptizare plures dicendo, Ego baptizo vos: non tamen plures vnum dicendo, Nos te baptizamus: nam in primo casu nulla esset mutatio formæ: Quia vos nihil aliud est, quam te, &c. Quod autem dicitur nos, non est idem dicere, quod ego; & ego, sed ego & tu: & sic iam mutatur forma.

Secundò probatur ratione sumpta ex prædictis verbis D. Thom. Vt baptismus sit validus, debet apponi forma legitima, & non exprimi intentio contraria intentioni Christi, & Ecclesiæ: sed quando plures simul abluunt, & dicunt, Nos te baptizamus, non apponitur legitima forma, & exprimitur intentio contraria intentioni Christi, & Ecclesiæ; ergo non est validus Baptismus, sed nullus. Minor probatur, forma legitima, & intentio Christi, & Ecclesiæ excludit pluralitatem ministrorum conuenientium ad baptismum conferendum; sicut enim vnus est Christus, tam ipse, quam Ecclesiæ vult, ac intédit, vt minister vicem gerens Christi, & ipsum representans sit vnus, forma etiam legitima, aut nullum exprimit ministerium, vt patet

in forma Græcorum, aut vnum solum exprimit, vt patet in forma nostra: sed ex hac forma, Nos te baptizamus, & ex vi verborum illius exprimitur pluralitas ministrorum conuenientium ad baptismum conferendum, & intentio talis pluralitatis; ergo qui illa vtuntur, intentionem contrariam intentioni Christi, & Ecclesiæ exprimunt, & non apponunt formam legitimam, forma enim, in qua exprimitur pluralitas ministrorum, non est synonyma, & eiusdem rationis cum forma legitima, sed alia, & diuersa ab ea, sicque illa apposita inutatur forma, & legitima non apponitur.

• Dicendum est 2. Si quando plures aliquem baptizant, seu abluunt, quilibet eorum dicit, Ego te baptizo, quamuis hoc illicite agant, & puniendi sint; qui tamen prius verba profert, verum Baptismi Sacramentum conficit; si vero omnino simul verba profert, & abluunt, omnes verè baptizant, & vnum tantum sacramentum efficiunt. Omnes huius conclusionis partes docet D. Thom. hic; Primam illis verbis, *Essent puniendi de inordinato modo baptizandi*. Quæ etiam probatur, baptizant contra modum baptizandi ordinatum ab Ecclesia, quæ ordinauit, vt vnus solus baptizet; ergo inordinate, & illicite agunt, sicque puniendi sunt.

• Secundam illis verbis: *Ille, qui prius verba profert, facit Baptismum Sacramentum*. Quæ etiam probatur, qui prius verba profert, legitimam formam, & materiam ap-

po-

ponit, ergo si intentionem baptizandi habet, verum baptisimi sacramentum conficit, & alter, qui postea verba pronuntiare præsumeret, nihil faceret, & tanquam re-baptizator puniendus esset.

Tertiam verbis illis: *Si autem omnino simul ambo verba preferrent, & hominem immergerent, aut aspergerent, &c. Vterque, quantum in se est, baptizaret.* Quæ etiam probatur, omnes sufficienter omnia requisita ponit; ergo sicut recenter ordinati Sacerdotes omnes simul cum Episcopo vere consecrant, si simul verba consecrationis præserunt, ita & in nostro casu omnes vere baptizant.

Quartam illis verbis: *Nec traderent aliud, & aliud sacramentum, sed Christus, qui est vnus interius baptizans, vnum sacramentum per vtrumque conferret.* Quæ etiam probatur contra quosdam recentiores illam negantes. Tum quia ideo dicitur vnum baptisma, quia vnus homo non potest nisi vnum suscipere. Tum etiam, quia tunc vna est ablutio ob vnitatem subiecti, etiã si vnus vnã partem baptizati abluat, & alter aliam, non secus, ac quando vnus solus baptizat, etiam si duas distinctas partes ablueret non contiguas, media non abluta, vna esset ablutio; ergo vnum Baptismi sacramentum, hoc enim pro ablutione supponit. Tum deinde, quia si qui à pluribus prædicto modo baptizaretur plura reciperet Baptismi sacramenta, maiorem gratiam reciperet, quam si solum baptiza-

retur ab vno, plura enim sacramenta maiorem gratiam conferunt, quam vnum solum. Sed hoc est falsum; ergo &c. Tum denique, quia sicut quando plures Sacerdotes eandem Hostiam consecrant, vnum solum Euchariæ Sacramentum efficiunt: ita quando plures eundem hominem baptizant, vnum Sacram Baptismi debent efficere.

Neque huic obstat pluralitas numerica verborum, formarum, & actionum. Respondetur namque, sicut quando vnus baptizat plures dicendo, Ego vos baptizo, sunt plura baptismata, quamuis forma, & actio ministri sit vna numero: ita quando plures vnum baptizant prædicto modo, est vnus baptismus, licet formæ, & actiones ministrorum sint plures: propter hoc enim plures baptizantes sunt plures causæ totales instrumentariæ eiusdem Sacramenti Baptismi, sicut plures Sacerdotes simul consecrantes eandem Hostiam, sunt plures causæ instrumentariæ totales eiusdem Sacramenti Euchariæ.

Dicendum est 3. Si vnus ablueret, & aliter proferret verba formæ Baptismi, nullum conficeretur Sacramentum. Oppositum huius tenet Marsilius in 4. q. 4. a. 4. dub. 11. cui & fauet Caiet. hic circa solutionem tertij. Nostri tamen conclusio communis est inter Theologos.

Probat 1. ex D. Thom. nam supra q. 66. a. 5. ad 4. ait: Si conuenirent duo, quorum vnus esset mutus, qui non posset proferre verba, & alius carens manibus, qui non posset exercere actum,

non

*non possent ambo simul baptizare, uno dicente verba, & alio exercente actum. Et hic ad 3. dicit: Nec illi, qui tantum verba proferat, baptizat, nec ille qui immergit.*

Secundo probatur ratione D. Thom. Si vnus verba proferat, & alius immergat, nulla forma poterit esse conueniens; ergo nec poterit esse validus baptismus. Antecedens probat S. Doct. *Nec enim poterit dici, Ego te baptizo, cum ipse non immergat, & per consequens non baptizet; nec etiam poterit dici, Nos te baptizamus, cum neuter baptizet.* Respondet Caietanus, posse dici, Nos te baptizamus, non quidem, vt baptizare sumitur pro ablucere, nam qui proferat verba non abluit, sed vt sumitur pro integro sacramento. Nam quamuis neuter per se seorsum baptizet, hoc est integrum sacramentum conferat: de vtroque tamen simul coniunctim verificatur, quod conferunt sacramentum Baptismi. Sicut iudices, quorum neuter sine altero posset iudicare, proferendo sententiam verè dicerent, Nos iudicamus. Hanc tamen solutionem optimè impugnatur Mag. Soto in 4. d. 4. q. vltima, a 4. quia sequeretur, valere baptismum, quem plures sic celebrarent, vt vnus mergeret, alius diceret, Nos te baptizamus, alius, In nomine Patris, alius, In nomine Filij, & alius, In nomine Spiritus Sancti: nam nō minus de omnibus his simul coniunctim verificaretur conferre Sacramentum Baptismi, quàm de illis, quorum vnus proferret formam, & alter ablueret: sed  
hoc



hoc concedi non potest ; ergo &c.

Ad 1. autem factum in principio respondetur negando antecedens . Ad 1. probationem neganda est consequentia cum Mag. Soto ubi supra : *Tum quod matrimonio non est certa verborum forma necessaria : tum quod verbum illic diuissime usurpant hoc est, ego te accipio, & ista te accipit, ob quod utraque verum dicit . In Baptismo verò dicentes, baptizamus, verbum hoc complexim accipiunt : nam intendunt baptizare, vt ministri partiales, quorum vnus ab alio pendet, quod falsum est . Si vterque per se intendat baptizare totaliter, tunc, inquit Mag. Soto, Per verbum plurale vterque vnā copulatiuam profert, scilicet ego te baptizo ; & iste baptizat . Quare licet prima pars sit legitima forma, adiungitur tamen altera impertinens : ac si dixisset . Ego te baptizo, & iste tenet librā . Quare si illud tanquam necessarium adiungeret, vitaretur forma, si autem adiungeretur tanquam impertinens, verus esset Baptismus . Sed hoc non videtur conforme D. Thomæ locis citatis in 1. con. huius dubij, nam ait, cum dicitur, Ego & tu, mutari formam, & ex tali forma, & ex vi verbi, baptizamus exprimi, plures conuenire, & concurrere ad baptismum conferendum, & non magis vnum, quam alterum . Vnde absolute asserendum esse existimo, etiam si vterque intenderet per se totaliter baptizare, nullū esse baptismum cum hac forma, Nos te baptizamus : nam ex tali forma, & ex vi verborum exprimitur pluralitas ministro-  
rum*

rum conuenientium ad baptismum conferendum, & intentio talis pluralitatis, quod & intentioni Christi, & rationi formæ legitimæ contrariatur, vt ostendimus in ratione facta pro prima conclusione. Nec est eadem ratio in matrimonio: nam ibi expressio pluralitatis contrahentium cum aliquo non contrariatur formæ legitimæ Matrimonij, sicut expressio pluralitatis ministrorum aduersatur formæ legitimæ baptismi: & ibi contrahentes non solum vicem gerunt Christi ipsum representantes, sicut hic minister: cum enim ibi sit ratio contractus, quilibet contrahens personam propriam representat, & vt talis se ipsum tradit alteri.

Ad 2. probationem dico, quamuis non requiratur ad baptismum vnius expressio ministri, requiri tamen, vt non exprimantur ex vi formæ, & verborum plures ministri: cumque ex vi huius formæ, Nos te baptizamus, plures ministri exprimantur, vt diximus cum D. Thom. non erit legitima talis forma, nec validus baptismus.

Ad 2. respondetur negando antecedens. Ad 1. probationem dico, non esse eandem rationem de Sacramento Pœnitentiæ: quia verba absolutionis, non significant, absoluentem apponere materiam, sed potius supponere illam iam appositam: verba autem formæ baptismi expresse significant, proferentem illa materiam apponere nempe aquam, & ablutionem. Ad 2. probationem Glossa ibi explicans verbum illud,

*Ami-*

232 **QVÆSTIO LXVII.**

*Amittant*, inquit: *Et tamen numquam eum receperunt*: & ita aliquis dicitur *amittere*, quod *numquam habuit*. Vnde negandum est antecedens, & dicendum, illud potius confirmare sententiam D. Thom. sed Mag. Soto ubi supra concedit antecedens, & negat consequentiam: quia illic non refertur, in ipsa actione, qua imprimitur character concurriffe Presbyterum cum Episcopo, alias nullum fuisset Sacramentum, sed in impositione manuum, per quam non imprimitur character, sed per traditionem materię, & potestatis. Vnde non est eadem ratio, ac de baptismo in nostro casu.

**ARTICVLVS VII.**

*Vtrum in Baptismo requiratur aliquis, qui baptizatum leuet de sacro fonte.*

**Conclusio est affirmans.**

**N**otandum hic est, non quemcumque posse baptizatum leuare de sacro fonte, susceptoremque, seu patrinum esse. Primò enim, talis esse non potest, *Qui nō est baptizatus*, vt dicitur in can. *In baptismo*, De consecrat. d. 4. Ex quo patet Cathecumenym, quamuis fidelis sit, non posse esse susceptorem, quia non est baptizatus. Hæreticum vero baptizatum, quamuis textus non

non excludat; ait tamen Mag. Soto in 4. d. 4. q. vnica, art. 5. non debere in susceptorem admitti. Si tamen admittatur, cognationem spiritualement contrahere dicit Glossa in can. *Peruenit*, 30. q. 1.

Secundò, *Non licet Abbati, vel Monacho de baptismo suscipere filios*, vt dicitur in can. *Non licet*, De consecrat. dist. 4. & idem dicitur can. seq. & can. *Placuit*, 16. qu. 1. & can. *Peruenit*, 18. q. 2. existimatque Mag. Soto vbi supra, forte peccatum mortale esse oppositum facere. An vero contrahat Monachus cognationem spiritualement, non conueniunt omnes. Quidam negant, quia nō est legitimus susceptor, sicut nec non baptizatus. Alij affirmant, quia verus susceptor est, nam quamuis sacrum prohibeatur, non tamen irritatur Monachorum, autem nomine quidam dicunt non comprehendendi Religiosos mendicantes, qui etiā alijs erudiendis vacant. Sed puto nec his etiam permitti susceptores esse, nisi forte in saecularium defectum, & de licentia suorum Prælatorum.

Tertiò, parentes nequeunt esse susceptores, seu patrini, vt colligitur ex can. *Peruenit*, 30. q. 1. Quod intelligendum est iuxta doctrinam D. Thom. art. seq. *Nisi necessitas contrarium exigat*. Vnde in necessitate vbi alius non potest haberi, parentes susceptores esse possunt. In quo casu non impediuntur a petendo debito, sicut impediuntur, quando sine necessitate id faciunt, vt constat ex dicto can. *Peruenit*. Vxorem simul

234 **QVAESTIO LXVII.**

simul cum marito filium alterius in baptismo suscipere, *Nulla auctoritate reperitur prohibitum*, ut dicitur in can. *Quod autem*, 30.q.4. Subditur tamen ibi: *Sed dignum esse decernimus, ut utrique in simul ad hoc aspirare minime presument.* Quod præterea quidam veniale peccatum esse existimant. Alij nullū peccatum esse dicunt, sed solum minus decens.

Notandum est etiam, quod statuit Conc. Trid. sess. 24. c. 2. De reformat. Matrimonij: *Ut unus tantum siue vir, siue mulier, iuxta Sacrorum Canonum instituta, vel ad summū unus & una baptizatum de baptismo suscipiant, &c.* Si Parochi culpa, vel negligentia secus factum fuerit, arbitrio ordinarij puniantur. Ex quo rectè colligunt aliqui, duos viros etiam solos, aut duas mulieres etiam solas non posse esse susceptores. Alij colligunt, Parochum contra hoc decretum facientem peccare mortaliter. Nonnulli tamen solum venialiter peccare existimant.

Circa art. 3. nihil se offert dicendum.



QVAE.

## QVÆSTIO LXVIII.

*De suscipientibus Baptis-  
mum.*

## ARTICVLVS I.

*Utrum omnes teneantur ad susce-  
ptionem baptismi.*

**Conclusio est affirmans.**

*Dubium. An de baptismi susceptio-  
ne sit diuinum præceptum obli-  
gans omnes.*

**P**Artem negantem tenuerunt Manichei  
qui vt refert S August. lib. de hæresibus  
cap. 46. Baptismum in aqua nihil cuiquam per-  
hibent salutis asferre, nec quamquam eorum,  
quos decipiunt, baptizandum putant. Eandem  
etiam tenuit Vvicles, vt refert Vvaldensis  
tom. 2. de Sacram. cap. 101. Probat, si tale  
præceptum esset, maximè colligeretur ex  
verbis illis Ioan. 3. v. 5. *Nisi quis renatus fue-  
rit ex aqua, & Spiritu Sancto non potest introire  
in regnum Dei.* Sed ex his non colligitur,  
alias enim ex tunc omnes ad baptismum

suscipiendum obligarentur, quod est falsū ;  
ergo &c.

Dicendum tamen est : de baptismi susce-  
ptione esse diuinum præceptum obligans  
omnes . Docet hoc D. Thom. hic conclu-  
dens : *Vnde manifestum est, quod omnes ad ba-*  
*p-tismum tenentur* . Quod nonnulli non solū  
de omnibus adultis, sed etiam de paruulis  
intelligendum esse putant : nam quamuis  
paruuli ob defectum ætatis excusentur, ve-  
ra tamen lege, ac præcepto baptismi obli-  
gari dicunt, eodem modo, quo inuincibili-  
ter ignorantes legem illa obligantur, licet  
ab eius transgressione excusentur . Sed Mag.  
Soto in 4. d. 5. q. vnica. ar. 1. parum post ini-  
tium oppositum docet, de paruulo enim  
ait : *Sine Sacramento gratiam non consequitur,*  
*licet illi ante usum rationis non sit in præcepto* .  
Non videtur enim esse capax obligationis  
præcepti huius sicut nec aliorum .

Secundò probatur cum D. Thom. hic in  
argum. *Scilicet contra*, ex verbis Christi Ioan.  
3. vers. 5. *Nisi quis renatus fuerit, &c.* In illis  
enim legitimam formam præcepti conti-  
neri, colligitur : nam sub simili forma mul-  
ta præcepta ponuntur Leuit. 20. v. namque  
3. dicitur, *Custodite præcepta mea, & v. 9. pri-*  
*imum ponitur sub hac forma, Qui maledixe-*  
*rit patri, aut matri, morte moriatur* . Similis  
autem forma seruetur in prædictis verbis  
Christi : nam idem est, ac si diceretur, *Qui*  
*non fuerit renatus, &c. excludetur à regno*  
*Dei* : Vide quæ diximus r. 2. q. 96. ar. 4. dub.  
2. con. 2. Et quamuis in prædictis verbis  
nulla

nulla esset forma præcepti, sed solum simplex assertio necessitatis baptismi, adhuc ex illis colligeretur præceptum de susceptione illius, vt patebit ratione sequenti.

Tertio probatur ratione D. Tho. in corp. art. At illud homines tenentur, sine qua salutem consequi non possunt: sed sine baptismo non potest esse salus hominibus; ergo, &c. Maior intelligenda est de illo, quod est in hominum potestate: quod enim tale non est, etiam si absque illo homines consequi non possint salutem, qualis est passio Christi, ad illud homines non tenentur, sed solum est necessarium necessitate medij, & finis: nam præcepta dantur de actibus virtutum, qui sunt in nostra potestate. Minor vero probatur: Tum ex verbis Christi, nam vt dicitur in Conc. Florent. in litteris vñionis: *Nisi ex aqua, & spiritu renascamur non possumus (inquit veritas) in regnum cœlorum introire.* Tum etiam ex Conc. Trident. sess. 7. can. 5. de baptismo, vbi diffinitur: *Si quis dixerit baptismum liberum esse, hæc est, non necessarium ad salutem, anathema sit.* Tum denique ratione D. Thom. nullus potest salutem consequi nisi per Christum: Sed per baptismum homines regenerati incorporantur Christo, & fiunt membra ipsius; ergo sine ipso, non potest esse salus hominibus, saltem in voto suscepto. Et hoc sufficit, vt ad realem susceptionem illius homines teneantur: nam ad hanc tale votum ordinatur, & ideo est necessarium, quia



quia realis susceptio, si haberi potest, est necessaria ad salutem. Vnde hic ad 3. ait D. Thom. *Si aliqui nunc sanctificarentur in utero, necesse esset eos baptizari, ut per suspensionem characteris alijs membris Christi conformarentur.*

Ad argumentum autem hæreticorum respondetur, colligi etiam tale præceptum ex alijs locis, ut ostendit Mag. Soto ubi supra; maximè tamen ex loco citato in argumento, unde neganda est minor. Ad probationem negandum est, ex tunc præceptum illud obligasse: nam præcepta non obligant ante sufficientem promulgationem. Quæ promulgatio, licet prædicatione Christi fuerit facta, non tamen fuit completa, & sufficiens ante mortem Christi, in qua dicente Domino, *Consummatum est*, lex vetus cessauit, & noua obligare cepit, ut diximus 1. 2. q. 103. art. 3. Ex quo inferas ex tunc solo baptismo à peccato originali fuisse mundatos, ac iustificatos infantes; respondemus ibi art. 4. quosdam id concedere; alijs verò hoc nimis rigidum videri. Contra quos non obstat, quod ait Concil. Trident. sess. 6. cap. 4. loquens de translatione impij ad gratiam: *Qua translatio post promulgatum Euangelium sine lauacro regenerationis, aut eius voto fieri non potest.* Nam ibi non loquitur Concilium de promulgatione, quæ requirebatur, ut lex Evangelica obligaret, & lex vetus mortua esset, sed de ea, quæ sufficeret, ut in omnium

no-

## ARTICVLVS II. 239

notitiā lex Euangelica veniret per prædicationem Apostolorum, & lex verus mortifera esset.

## ARTICVLVS II.

*Vtrum sine Baptismo aliquis possit saluari.*

**Conclusio est affirmans.**

**S**ermo hic est de baptismo actuali, & in re suscepto; sine illo enim posse aliquem saluari cū solo voto, ac desiderio illius procedente ex fide per dilectionē operante constat. Si vero loquamur de baptismo suscepto, aut in re, aut in voto certum est, nullum adultum vsum rationis habentem posse sine illo saluari. An vero ad salutem sufficiat votum implicitum baptismi, constabit ex his, quæ diximus 2. 2. q. 2. art. 7. de fide Christi explicita. Vide ibi.

De paruulis dictum est q. præd. artic. 12. saluare posse per martyrium, etiam si baptismum, aut eius votum habere nequeant. An vero saluari possint per Sacramentum Baptismi non in re, nec in voto proprio, sed in voto parentum suscepto cum aliqua benedictione prolis, seu oblatione ipsius ad eum cum inuocatione Trinitatis, difficultas est; In qua Caietanus hic de paru-  
lis

lis iam natis, & art. 11. de paruulis in maternis vteris existentibus, & periclitantibus, partem affirmantem tenet, & probat: quia rationabile est, vt diuina misericordia prouiderit homini in quocumque naturali statu de aliquo remedio salutis: & cum Christus dicat Ioan. 10. v. 10. *Ego veni, vt vitam habeant, & abundantius habeant*: & constat in lege veteri ita fuisse datam circumcisionem in remedium necessarium paruulorum, vt si casu aliquo eis applicari non posset, per Sacramentum, seu remedium legis naturæ, applicando scilicet eis fidem Christi aliquo signo externo, aut oblatione ipsorum ad Deum illis subueniri posset; id ipsum sufficere in lege gratiæ credendum est.

Hanc tamen sententiam latè impugnant Mag. Soto in 4. d. 5. q. vnica, art. 2. & alij, illamque vt minimum temerariam, & errori proximam esse dicunt, proptereaque merito iussu Pij V. fuisse expunctam à Cōmentarijs D. Thom. in Romana impressione. Vnde illam defendere non auderem; quamuis viderim nonnullos eam probabiliter esse affirmantes: tum ob rationem factam, quæ magni erat ponderis apud illos: tum etiam, quia loca Scripturæ, Conciliorum, & Patrum, quæ contra illam afferri solent, explicari possunt de baptismo suscepto in re, vel in voto, aut proprio in his, qui illud habere possunt, quales sunt adulti, aut parentum in his, qui proprium habere nequeunt, quales sunt paruuli. Sed quidquid sit.

## ARTICVLVS II. 241

fit de censura, hæc opinio est contra  
 Diu. Thom. infra quæst. 73. artic. 3. & in  
 quarto, distinctione 4. quæst. 3. art. 3. quæ-  
 stiuncula 2. ad 3. & quodlib. 6. art. 4. ubi sic  
 habet: *In pueris nondum habentibus usum ra-  
 tionis non potest esse motus fidei, & dilectionis,  
 aut propositum suscipiendi bapt. suum: & ideo  
 non possunt saluari nisi per baptismum aquæ, vel  
 per baptismum sanguinis, si propter Christum  
 occidantur. Et hoc nobis sufficit: alia enim  
 videri poterunt apud Magist. Soto ubi su-  
 pra.*

Ad argumentum autem factum pro sen-  
 tentia Caietan. respondetur, illud iam faisse  
 propositum, & solutum à Diu. Thom.  
 quodlibet. 6. artic. quarto, citat. quamvis  
 enim in lege veteri paruulis, qui circum-  
 cidi non poterant, subueniri posset per re-  
 medium legis naturæ; si tamen hoc re-  
 medium consistebat in aliqua protesta-  
 tione exteriori fidei per aliquod sensibile  
 signum, inquit Sanctus Doctor, *Nihil  
 differebat id, quod tunc requirabatur, ab eo,  
 quod nunc requiritur ad salutem, quantum  
 scilicet ad facilitatem applicandi illud par-  
 uulis: nam baptismus, tam facile appli-  
 cari potest illis, quam quodcumque aliud  
 signum sensibile, quod requirebatur in  
 lege naturæ: vnde casus, in quo paruulus  
 baptizari non potest, rarissimus est, &  
 tunc etiam accidere poterat casus, in quo  
 applicari non posset signum sensibile,  
 quod ad salutem requirebatur, quantum-*

uis esset indeterminatum . Et quaminus  
quantum ad hoc aliqua esset differentia ;  
quia tamen , inquit Div. Thom. *Qui nunc  
salvatur per Christum , statim introducitur  
in regnum caelorum , quod tunc non erat ,  
non est inconueniens , si ad hoc amplius re-  
quiratur , scilicet Baptismus .* Cum enim  
per aperitionem ianuae vitae aeternae aug-  
mentetur gradus salutis , & homines vi-  
tam abundantius habeant , non mirum si  
nunc requiratur aliquid , quod est ali-  
quantulum difficilius applicari . Quod at-  
tinet verò ad paruulos in maternis vteris  
existentes , non est singulare legis nouae ,  
non posse saluari , si ibi moriantur : quia  
sanctificatio , quae interdum facta est  
in aliquibus , semper existimata  
est fieri ex privilegio spe-  
ciali , ex quo etiam  
nunc fieri potest ,  
ut ait D. Tho.  
hic a. 11.  
ad 1.



## ARTICVLVS III.

*Vtrum Baptismus sit differendus.*

**Conclusio est negans.**

*Dubium. An differre Baptismum sit peccatum mortale.*

**M** Ag. Soto in 4. dist. 5. q. vnica. art. 3. dicit mortaliter peccare parentes, qui baptismum filiorum recentem natorum, differunt ultra octauum, aut ad summum duodecimū diem: quia mandatum ipsum baptismo adiuncto iure naturæ, quo vnusquisque suos liberos, & eos, quos sub cura sua alit, educare, instituereque tenetur, & in viam salutis dirigere, vniuersos mortales constringit, vt eosdem, qui sub sua tutela degunt, illo Sacramento intingant, sine quo salus esse non potest, hocque cito, & non ultra prædictum tempus; alias enim exponerent illos periculo damnationis, quā incurrerent, si absque Baptismo morerentur.

De adultis verò non baptizatis, subdit, peccare etiam mortaliter contra ius diuinum, si postquam nati fuerint opportunitatem, baptismum nō susceperint, sed absque vlla causa diutius distulerint illum sus-

scipere. Probat : Tum quia S. Chrysost. hom. 1. super Acta Apost. grauitè reprehendit eos, qui baptizari vsque ad finem vitæ differebant. Tum etiam, quia sine baptismo alia Sacramenta suscipere non possumus; ergo ne illorum beneficio frustremur, in primæua ætate caractere christiano insigniri debemus.

Dicendum tamen est 1. Laudabilius esse pueros baptizare ante adultam ætatem; non tamen esse peccatum mortale contra ius diuinum illorum batismum differre vsque ad talem ætatem, sed solum contra ius Ecclesiasticum, vbi est consuetudo illos recenter natos baptizare.

Primam partem docet D. Thom. in 4. dist. 4. quæst. 3. art. 1. quæstiunc. 2. dicens : *Magis laudabile est, quod pueri, quam citius poterint, baptizentur, commodè, non expectata perfecta ætate.* Quod probat tribus rationibus, quarum prima est : Quia propter imbecillitatem naturæ de facili mori possunt, & damnari : vnde vt damnationis periculum euitetur, debent baptismo præueniri.

Secundam partem docent, quam plures ex recentioribus, & probant : nam extra casum necessitatis, in quo infans sit in probabili mortis periculo, nullum extat diuinum præceptum, quod obliget ad baptizandos infantes ante vsum rationis : neque enim scriptura, vel traditione ostendi potest de hac re tale præceptum : quotidiana autem necessitas, & periculum, quod est in  
illa

illa tenera ætate, conuincit quidem, rem esse valde conuenientem, & magis laudabilem, vt patet ex ratione D. Thom. propria parte conclusionis à nobis adducta: non tamen esse simpliciter necessariam, cū illud periculum sit satis remotum, & ei ob facilitatem baptismi facile possit occurri.

Secundò probatur, nam D. Thom. quāuis hic dicat, non esse differendum baptismum paruulorum, nullibi tamen dixit, illum differre esse peccatum mortale, quin potius, vbi supra asserens esse magis laudabile non differre, significare videtur, differre solum esse minus laudabile, & non peccatum mortale attento solo iure diuino.

Tertiò, quia alias condemnare deberemus multos, vt transgressores diuini præcepti, qui olim filios suos non statim baptizabant: quamuis enim falsissimum sit, quod dixit Ludouic. Viues in c. 27. lib. 1. de Ciuit. Dei, olim neminem consueuisse baptizari, nisi adulta ætate, & qui per se peteret baptismum, negari tamen non potest, aliquos non nisi ea ætate fuisse baptizatos, vt patet in S. Ambr. cuius parentes fideles erant, & eos condemnare durū videtur.

Tertiam partem docent prædicti recentiores, & probant: nam quamuis de hac re nullum sit ius canonicum scriptum, tamen recepta Ecclesiæ consuetudo sufficiens videtur ad hoc ius introducendum. An vero hæc consuetudo sit totius Ecclesiæ mihi non constat, sed si verum est, quod fama sparfit, Ludouicum XIII. Galliarum Re-



gem morti proximum præcepisse baptizari Delphinum filium suum successorem, qui tunc iam septem, vel octo annos compluerat, suspicor in Gallia talem consuetudinem non extare; propter quod dixi in conclus. ubi est consuetudo. Olim non fuisse talem consuetudinem! sufficientem ad constituendum ius canonicum omnes fideles obligans, videtur; alias multos tanquam reos peccati mortalis condemnare deberemus, contra ea, quæ diximus in 2. parte con. Nam quamvis S. August. lib. 10. de Gen. ad lit. cap. 23. dicat: *Consuetudo matris Ecclesie in baptizandis parvulis nequaquam spernenda est; neque ullo modo superflua deputanda; nec omnia credenda, nisi apostolica esset traditio.* Illa tamen consuetudo non fuit inducta in vi præcepti, & cū intentione obligandi (quod requiri, ut cōsuetudo vim legis habeat, diximus 1. 2. q. 97. art. 3. dubio unico, con. 2.) sed in modum consilij. Modo verò, si non in tota Ecclesia, in pluribus tamen eius partibus ita inualluit, ut vix sit aliquis, qui audeat negare præceptum, & si non obseruetur ab aliquo fideles scandalizantur. Et ubi talis consuetudo est in Hispania, veram esse existimo sententiam Mag. Soto relatam in principio dubij, qui & addit: *Triam quatuorve dierum dilatio (ultra consuetus scilicet dies) delictum non affert.* Quod intelligendum est, nisi forte lege aliqua præcipiatur maxime sub pœna excommunicationis laicæ sententiæ, consuetudinem octo, vel duode-

eim dierum strictè obseruari, & ultra hos dies baptismum paruulorum non differri.

Dicendum est secundo. Adultis non baptizatis etiam sufficienter instructis, & idoneis, nisi periculum mortis immineat, nõ esse iure diuino determinatum tempus, ultra quod, si baptismum differat, peccent mortaliter: teneri tamen sub mortali baptismum non differre vsque ad mortem, & a te illam non differre, eum per multum tempus voluntariè, & absque sufficienti ratione. Primam partem docet D. Thom. in 4 d. 17. q. 3. art. 1. quæstio uncula 4. vbi sic habet: *Ad baptismum percipiendum non tenetur aliquis statim, postquam habet propositum baptismi, ita quod peccet mortaliter, nisi statim baptizetur: nec est aliquod tempus determinatum, ultra quod, si baptismum differat, peccatum mortale incurrat, &c.* Si periculum mortis immineat etiam per se loquendo obligatur aliquis ad baptismum suscipiendum.

Secundo probatur, nam quod est huiusmodi tempus? Si dicas esse primam opportunitatem, & occasionem, qua possunt commodè baptismum recipere. Contra hoc est, quod loco proxime citato: ait D. Thom. *Præcepta affirmatiua non obligant ad statim, sed ad tempus determinatum, non quidè ex hoc, quod tunc commodè impleri possunt, quia sic, si nõ daret aliquis elemosynam de superfluo, quan locumque pauper offertur, peccaret mortaliter, quod falsum est: sed ex hoc, quod tempus necessitatem urgentem adducit.* Ergo cum præceptum suscipiendi baptismum sit af-

firmatiuum, non obligat quam primum commodè recipi potest ( sicut nec præceptum diuinum confessionis sacramentalis, de quo ibi agit D. Thom. obligat statim oblata oportunitate ) sed quando tempus necessitatem urgentem adducit, quale est de quo loquitur 2. & 3. pars con.

Secundam partem probant argumenta Mag. Soto in principio huius dubij adducta, præsertim auctoritas S. Chrysost. qui hom. 1. in Act. Apost. circa finem sic habet: *Nec tempus expectemus, ne quando fiat, ut dum cunctamur, & recreamur, discedamus hinc inanes vacuique tantis bonis.* Et hom. 13 ad Hebræos in morali, & refertur can. *Quando quis, De consecrat d. 4. ait: Multos noui, qui hoc passi sunt, qui spe baptismatis multa peccabant: circa diem autem mortis discesserunt natiui.*

Secundò, nolle regenerari in Christo, & fieri membrum Ecclesiæ, & capacem aliorum sacramentorum toto vitæ tempore, vsque ad mortem, peccatum mortale est, cum sit contra propriam charitatem, qua tenetur homo consulere suæ salutis, & tam magna bona non respuere, & non expectare tempus, in quo incertum est, an illa consequatur, quale est tempus mortis; ergo cum baptismus hæc bona præstet tempus vitæ ante mortis articulum urgentem eius necessitatem adducit, sicque ad illum suscipiendum hoc tempore præceptum eius obligat.

Tertiam partem asserit Caiet. hic dicēs:

Si

### ARTICVLVS III. 249

*Si sine recta rationis arbitrio dilatio voluntaria sit, peccatum incurritur.* Probatur eodem modo quo secunda pars: Longum enim tempus necessitatem urgentem baptismi adducit. Est tamen differentia inter longum tempus, & tempus totius vitæ usque ad mortem: nam dilatio baptismi toto hoc vitæ tempore recte rationis arbitrium non admittit: dilationis vero per aliquod tempus etiam longum sufficiens ratio esse potest, cum constet Sanct. Martinum, & Ambrosium, longo tempore baptizari distulisse, & credendum non sit hoc absque sufficiente causa, & ratione fecisse. Unde recte infert Caietan. hic: *Potest ergo tandiu differre quis proprium baptismum, quandiu rationabiliter ad differendum monetur.*

Dicendum est tertio. Peccatum esse in eo, qui sufficienter instructus, & idoneus est, ultra tempus institutum ab Ecclesia differre susceptionem baptismi, nisi ex causa necessaria, & licentia Prælatorum Ecclesiæ. Docet hoc D. Thom. hic dicens: *Peccat autem si ultra tempus institutum ab Ecclesia differat accipere baptismum, nisi ex causa necessaria, & licentia Prælatorum Ecclesiæ.* Caietanus hic dicit se non inuenire in iure positio scripto tempus aliquod præfixum esse, gesta que Sanctorum præfixum non esse testari. Sed D. Thom. præfixum esse videtur supponere tempore Leonis Papæ, qui edidit can. *Duo tempora*, De consecrat. dist. 4. Sancti verò Martinus, & Ambrosius

Leonem multis annis præcesserunt, post quos potuit lex institui, præcapiens, ut petentes baptismum non differant illum ultra illa duo tempora, si essent plene instructi, & idonei.

Quomodo autem his, qui baptismum petebant id præcipi potuerit, difficultate non caret, *Cum Ecclesia in neminem iudicium exerceat, qui non prius in ipsam per baptismi ianuam suavis ingressus*, ut dicitur in Conc. Trident. Sess. 14. cap. 2. Sed explicari potest: nam ut ait D. Thom. in 4. dist. 17. q. 3. art. 1. quæstiuncula 1. *Aliquis per hoc quod baptismum petit, se ministris Ecclesiæ subijcit, ad quos pertinet dispensatio sacramenti.* Habet ergo Ecclesia potestatem, illi præcipiendi, ut certo tempore baptismum recipiat, sicut, & ut seruet alios ritus, & ceremonias ab ea institutos: non secus, ac iudex arbiter potestatem habet in eos, qui se ipsos illi subiecerunt, iudicium exercendi, eisque præcipiendi, quæ ad sententiâ ferendam necessaria sunt, de quo vide, quæ diximus 2. 2. quæst. 67. art. 1. dubio unico. Unde Mag. Sorò in 4. dist. 5. quæst. unica, art. 3. ait: *Ex pacto quod petentes Baptismum cum Ecclesiâ ineunt, iure ipso nature, & gentium perstringuntur statò tempore Ecclesiæ Sacramentum suscipere, nisi iudicio eiusdem Ecclesiæ tempus illud præuenire, vel dilatare expedierit.* Ex quo si inferas, posse Ecclesiam puerum Cathecumenum à fide retrocedentem, illumque ad baptismum cogere. Respondetur id negando, nam sicut iudex

ar.

### ARTICVLVS III. 251

arbitratur, si reuocetur ab his, qui se illi subiecerunt, non potest eos punire, nec cogere, vt sententiæ, quam tulerit, pareant: ita nec Ecclesia punire potest prædictum cathecumenum, nec ad baptismum cogere; eo enim ipso, ac retrocedit à fide, desinit petere baptismum. sicque se Ecclesiæ subijcere. Dum tamen baptismum petit, in Ecclesiæ subiectione perseverat, sicque Ecclesia potest illi præcipere, vt statim tempore baptismum suscipiat.

Aduertit autem Mag. Soto vbi supra, illorum Temporum obseruationem, iam exoleuisse. At tamen si in nouo orbe, vel alibi, vbi fides nunc primo diuulgaretur, ritus duorum temporum obseruaretur, eadem lex rigorem obtineret, vt eorum transgressio peccatum esset mortale. *Nunc autem, qui baptismum peteret, seruare teneretur tempus, quod Ecclesiæ illi constituerat.*

Circa articulum 4. 5. & 6. nihil se offert dicendum.



## ARTICVLVS VII.

*Vtrum ex parte baptizati requi-  
ratur intentio suscipiendi  
Sacramentum  
Baptismi.*

**Conclusio est affirmans.**

**Dubium.** *An ex parte baptizati ita  
necessaria sit intentio recipiendi  
Baptismum, ut si illa defit, ba-  
ptismus sit nullus.*

**D**E hac re Cietan. hic tres refert sen-  
tentias. Prima est, tam in adultis,  
quàm in paruulis requiri consen-  
sum, voluntatem, ac intentionem reci-  
piendi baptismum. Secunda est, nec in  
paruulis, nec in adultis exigi per se loquē-  
endo, sed solum per accidens in adultis,  
in quibus fuit contraria voluntas. Tertia  
est, in paruulis non requiri, in adultis ve-  
rò exigi.

Prima sententia, quæ est Durandi, non  
loquitur de voluntate propria, sed de alie-  
na, scilicet parentum, quæ sit interpretati-  
ua voluntatis paruulorum, contra quam  
agemus art. 10.

Secundam sententiam eligit Caietan. il-  
lamque D. Thom. esse dicit in 4. dist. 6. q. 1.  
art. 2. quaestiuacula 3. & probat 1. ex cap.

*Maie.*

## ARTICVLVS VII. 253

*Maiores*, De Baptismo; in cuius fine ait Innocentius: *Tunc ergo characterem sacramentalis imprimis operatio, cum obicem voluntatis contraria non inuenit obfistentem*. Ergo si in adulto non inuenit voluntatem contrariam, etiam si non inueniat intentionem recipiendi sacramentum, quia neuter, & merè negatiuè se habens baptizatur, characterem in eo imprimi, sicque verus est baptismus.

Secundò, quod non est de ratione Sacramenti in vno, non est de ratione sacramenti in alio: sed in paruulis intentio, & voluntas suscipiendi baptismum non est de ratione Sacramenti; ergo nec in adultis.

Tertiam sententiam eligit Mag. Soto in 4. d. 5. q. vnica, art. 7. illamque dicit esse D. Thom. hic, & probat r. ex can. *Cum pro paruulis*, De consecrat d. 4 vbi dicitur: *Cum pro paruulis alij respondent, vt impleatur ergo eos celebratio Sacramenti, valet utique ad eorum consecrationem: quia ipsi pro se respondere non possunt. At si pro eo, qui potest responderet alius respondeat, non itidem valet*. Sed hoc non est, nisi quia non constat de illius voluntate; ergo voluntas suscipiendi Baptismum ad eius valorem in adultis requiritur.

Secundò, si ille, qui nec assentiens, nec dissentiens baptizaretur, verum sacramentum susciperet, sequeretur, illum absque eius consensu posse ab Ecclesia compelli  
ad



ad christianam fidem seruandam : sed hoc est falsum; ergo, &c.

Dicendum tamen est : Vtramque opinionem esse probabilem. Iuxta opinionem Caietani conclusio huius articuli intelligenda est, talem intentionem requiri per accidens, ad remouendum scilicet contrariam voluntatem baptismum prohibentem, quæ in adultis esse potest. Si tamen nulla fuerit voluntas contraria, non suscipiendi scilicet baptismum, hoc sufficit, vt sacramentalis operatio imprimat characterem. Quod etiam dicitur ad 1. *In iustificatione, quæ fit per baptismum non est passio coacta, sed voluntaria*, ostendit requiri voluntatem, & intentionem, vt adultus per baptismum iustificetur, non tamen vt præcisè recipiat characterem. Quod denique dicitur ad 2. *Si in adulto deesset intentio suscipiendi sacramentum, esset rebaptizandus*, intelligendum est, si deesset talis intentio per contrariam voluntatem.

Ad can. *Cum pro paruulis*, responderi potest intelligendum esse, vt ibi Glossa exponit : *Quo ad presumptionem* : quia præsumi potest contrariam habere voluntatem. Vel non valere, quo ad cæremonialia; ritus enim ille interrogandi, & respondendi ad cæremoniam pertinet.

Ad rationem Mag. Soto dici potest, non esse inconueniens asserere, illum cogi posse ab Ecclesia ad fidem seruandum: quia licet ad hoc cogi non possit, qui contrariam voluntatem

luntatem habens baptizatur, vt colligitur ex cap. *Maiores*, de baptismo; bene tamen qui baptizatur non habens contrariam voluntatem, vt patet in his, qui baptizantur in pueritia, qui licet tunc non habuerint intentionem suscipiendi baptismum; quia tamen nec habuerunt contrariam voluntatem cogi possunt ad seruandam fidem, cum perueniunt ad adultam ætatem, & habent vsum rationis. Caiet. tamen ait illum non esse cogendum ad christianitatem, quia nunquam consensit.

Iuxta secundam sententiam, Mag. Soto, quæ communior est, dici potest D. Thom. loco cit. ex 4. sentent. nequaquam opinionem Caiet. docuisse. Solum enim ait intentionem ex parte recipientis non requiri, vt aliquid causans, hoc est concurrens actiue ad sacramentum, sed tantum, vt impedimentum remouens contrariam scilicet voluntatem: non quidem necessario, quæ fuit, sed quæ potuit esse; ex sua enim natura habet talis intentio remouere contrariam voluntatem impedientem baptismi susceptionem. Vnde quia in adultis potest esse contraria voluntas, in paruulis verò nequaquam, subdit S. D. in paruulis non requiri intentionem suscipiendi sacramentum, vt illud suscipiant; in adultis tamen requiri, quod per se intelligendum est, cum posse habere contrariam voluntatem per se conueniat adultis.

Ad auctoritatem Innocentij III responderi potest, sensum illius ex præcedentibus col.

256 **QVÆSTIO LXVIII.**

colligi diuersum esse ab eo, in quo illum intelligit Caiet. nam Pōntifex præmiserat, dormientes, & amentes, quando baptizātur, characterem suscipere, *Si prius habuissent propositum baptizandi.* Vnde cum subdit verba prædicta, nota illationis *Ergo*, indicat sensum esse, sacramentalem operationem imprimere characterem, cum non inuenit obstitentem obicem voluntatis contrariæ ratione propositi præcedentis, quo virtualiter permanente talis obex aufertur, idemque proinde est, ac si diceret, cum inuenit obicem remotum per propositum recipiendi baptismum, quod saltem in virtute remanet.

Ad rationem Caiet. responderi potest negando minorem: nam cum susceptio baptismi sit nouæ vitæ inceptio, requirit, ut ubi esse potest sit, si non actus humanus, saltem passio voluntaria. Et quia in adultis potest esse huiusmodi, nam etiā si dormientes baptizentur, susceptio baptismi, licet non sit actus humanus, potest esse passio voluntaria ob propositum præcedens; ideo in illis intentio suscipiendi baptismi est de necessitate Sacramenti per se loquendo: in parvulis verò non est de ratione Sacramenti, quia in illis susceptio baptismi, nec actus humanus, nec passio voluntaria esse potest.

**Circa art. 8. nihil se offert dicendum.**

# ARTICVLVS IX.

257

*Vtrum pueri sint baptizandi.*

**Conclusio est affirmans.**

**O**ppositum huins multi docuerunt hæretici, nostro sæculo Anabatistæ, tēpore S. Bernardi alij, de quibus ipse ait ser. 66. in cant. *Irrident nos, quia baptizamus infantes*, & tempore S. August. alij, contra quos definitum est in Conc. Millevit. 2. c. 2. *Placuit, ut quicumque paruulos recentes ab uteris matrum batizandos negat, anathema sit.* Idem contra hæreticos nostri temporis definitur in Conc. Trid. sess. 7. can. 13. & sess. 5. in Decreto de peccato originali. Vnde rectè ait D. Thom. in 4. d. 4. quæst 3. art. 1. quæstiuncula 1. *Diuinę misericordia contradicit, qui negat baptismum paruulis posse exhiberi, & propter hoc hæreticum est hoc dicere.*



A R.

## ARTICVLVS X.

*Vtrum pueri Iudaorum, vel aliorum infidelium sint inuitis parentibus baptizandi.*

**Conclusio est negans.**

*Dubium. An sit licitum pueros infidelium inuitis parentibus baptizare.*

**P**ars affirmans probatur 1. Licitum est voluntatem superioris facere inuito inferiore, vt voluntatem Regis inuito Prætoris: sed voluntas Dei Regis Regum est, vt infantes omnes baptizentur; ergo inuitis eorum parentibus possunt licite baptizari.

Secundò, parentes nolentes baptizari filios suos abutuntur iure suo, & contra ius diuinum faciunt, non minus quam si velent eos occidere, aut idolis immolare, filijque suis maximam iniuriam irrogant, & maximum inferunt nocumentum; ergo possunt saltem per publicam potestatem priuari iure suo.

Tertio, multi ex infidelibus sunt serui christianorum; ergo possunt ipsis inuitis eorum filij auferri, & ab eorum cura semoueri, sicque separati baptizari. Probatur con-

consequentiā, quia filij seruorum sunt serui, & in potestate dominorum, à quibus possunt vendi, & cui voluerint donari, sicquē à cura parentum semoueri, ita autem separati cur non poterunt baptizari?

Dicendum tamen est 1. Pueros baptizatos contra voluntatem quorumcumque parentum verē, ac validē baptizatos esse. Oppositum huius tenent Durandus in 4. d. 4. q. 7. num. 9. & sequentib. & alij. Sed nostram conclusionem, vt notat Caietan. supponit D. Thom. hic dicens, periculosum esse filios infidelium taliter baptizare: *Quia de facili ad infidelitatem redirent, propter naturalem effectum ad parentes.* Nisi enim verē baptismum susciperent, & cum illo fidem, quomodo ad infidelitatem, quam nunquam dimiserunt, redirent? Nec obstat quod prēmiserat S. Doctor: *Contra iustitiam naturalem esset, si tales pueri inuitis parentibus baptizarentur, sicut etiam si aliquis habens usum rationis baptizaretur inuitus.* Responderetur enim, hinc non rectē inferri, baptismum paruuli baptizati inuitis parentibus nullum esse, sicut nullus est baptismus habentis usum rationis, si baptizatur inuitus: nam quamuis in vtroque casu fiat iniustitia, in primo quidem paruuli parentibus, in secundo ipsi baptizato inuito; iniustitia tamen non tollit valorem baptismi, sed solum obex voluntatis contrariæ, qui non in primo, sed solum in secundo casu inuenitur in taliter baptizatis. Non obstat etiam, quod ait idem D. Thom. art. preced.

260 *QVAESTIO LXVIII.*

ad 1. etiam in paruulis requiri intentionem suscipiendi baptismum, non quidem per actum proprium, *Sed per actum eorum à quibus offeruntur.* Respondetur namque, illos, à quibus offeruntur, posse non esse parentes. Et quamuis pueri baptizantur inuitis parentibus infidelibus, possit nullus esse qui offerat eos baptismo: vt tamen ibi ait Caiet. oblatio eorum, qui pro paruulis dicunt velle baptizari, sicut & qui dicunt credere, solum requiritur ad solemnitatem baptismi, sicque sine illa baptismus factus valet.

Probatur deinde conclusio, ex parte baptizati nō magis requiritur intentio ad recipiendum baptismum, quam fides ad recipiendum effectum baptismi: sed si parentes infideles vellent quidem puerum baptizari, nollent tamen, vt crederet, quod credit Ecclesia, sed quod credit aliqua hæreticorum secta, hoc non obesset paruulo ad accipiendum effectum baptismi; ergo etiam si nollent puerum baptizari, hoc nō obesset puero ad recipiendum verum baptismum: vtrumque enim est, quid extrinsecum, & nolitio aliena. quæ paruulo obesse nequit. Confirmatur, nam vt optimè ait: Caiet. hic ar. 7. 9. *His excursis*, voluntas parentum solum se habet, vt approximans passum ad agens, baptizandum scilicet ad baptizantem; ergo non est necessaria, cum possit aliunde suppleri nempe ex approximatione agentis ad patiens, baptizantis scilicet ad baptizandum.

Di.

## ARTICVLVS X. 261

Dicendum est 2. Non esse licitum, pueros infidelium nondum habentes vsum liberi arbitrij inuitis parentibus baptizare, etiam si filij sint seruorum infidelium. Primam partem negat Scotus in 4. d. 4. quæst. vltima: illam tamen docet D. Thom. hic, & 2. 2. q. 10. artic. 12. vbi eam probat 1. ex Ecclesiæ vsu, & consuetudine: *Hoc Ecclesiæ vsus numquam habuit, quod Iudæorum filij inuitis parentibus baptizentur.*

Secundò probat duabus rationibus, quibus hic vtitur. Vna quidem propter periculum fidei. Si enim pueri nondum vsum rationis habentes baptismum susciperent, postmodum cum ad perfectam ætatem peruenirent, de facili possent à parentibus induci, vt relinquerent, quod ignorantes susceperunt, quod vergeret in fidei detrimentum. Alia vero ratio est, quia repugnat iustitia naturali. Filius enim naturaliter est aliquid patris, &c. Vnde contra iustitiam naturalem esset, si puer antequam habeat vsum rationis à cura parentum subtrahatur, vel de eo aliquid ordinetur inuitis parentibus. Respondet Scotus suam sententiam intelligendam esse, dum tamen pueri separentur a parentibus, & curetur, vt nutriantur religiosè. Sed hoc non euacuat vim rationum D. Th. nam eodem modo esset licitum pueros infidelium non habentes vsum rationis baptizare inuitis parentibus, quo & filios eorundem infidelium, iam habentes vsum rationis, & petentes baptismum, cum hos etiam oporteat separare à parentibus, vt constat ex decreto Concil. Toletani 4. quod  
re.



refertur can. *Iudaorum*, 28. q. 1. *Iudaorum* filios, vel filias, ne parentum ultra inuoluantur erroribus, ab eorum consortio separari decernimus. Præterea cum filius naturaliter sit aliquid patris, naturalique iure sit sub patris cura, dum usu rationis caret. (postea enim usum rationis habens iam incipit esse suus.) sicut non licet alia bona patri auferre, ita nec filios ab eis separare. Et sicut contra iustitiam naturalem esset, patrem inuitum baptizare, etiam separando illum à consortio aliorum infidelium: ita & baptizare filiū contra voluntatem patris, etiā si ab eo separaretur: quia sicut adultus naturaliter saxe curæ commissus est, ita & puer naturaliter commissus est curæ parentum.

Aduertendum tamen est 1. quod in cap. *Ex literis*, De conuersione infidelium, decreuit Greg. IX. Si ex parentibus infidelibus vir ad fidem conuertatur, & vxor in infidelitate permaneat, filium patre consentiente baptizandum esse, etiam si mater infidelis renuat, ait namque Pontifex: *In fauorem maxime fidei Christianæ respondemus patri eundem præsum assignandum.* Si e contra vxor ad fidem conuertatur, viro in infidelitate relicto, baptizandus quoque est filius matre consentiente, etiam si pater infidelis renuat: nam vt dicitur in Conc. Tolet. 4. & refertur in cap. *Iudæi*, 28. q. 1. *Fili, qui ex talibus nati sunt, fidem atque conditionem matris sequuntur.*

Secundò aduertendum est, quod ait Cæteran. 2. 1. quæst. decima, artic. 12. ad finem:

## ARTICVLVS X. 263

finem : Pueri infidelium, qui ad partes fidelium deferuntur, & venduntur christianis, quævis non constet de iusta ablatione eorundem à cura parentum : quia tamen sine parentum cura, conuersatione, & cognitione etiam in spe secundum humanum cursum sunt, absque parentibus censentur : & propterea Ecclesia consuevit eos baptizare. Sic videmus in Hispania baptizari pueros, qui ab Aethiopia adducuntur. Tertiò aduertendum est, quod ait Mag. Soto in 4. dist. 5. q. vnica, ar. 10. ad finem : Si Christianus quempiam infidelium infantulum moriturum, de quo nulla esset spes salutis. inueniret, eumque tunc baptizaret, &c. non auderem in tali casu factum condemnare. immo laudarem forte, & facerem, saltem si fortis, & clanculo parentibus inscijs baptizari posset. Immo etiam si illi scirent, nisi sic obstitarent, ve sine scandalo id fieri non posset. Quod, licet oppositum nonnulli teneant, valde piuni, & probabile esse existimo : tum quia nulla fidei irrogatur iniuria, cum nullum sit periculum relinquendi illam : tum etiam, quia talis puer sic morti proximus videtur quasi à cura parentum absolutus : tum denique, quia in casu tantæ necessitatis videtur ius paternum cessare.

Secundam partem conclusionis negat Durandus in 4. d. 4. q. 6. num. 11. Sed illam probat ex D. Thom. hic ad 2. dicente de seruitute civili. Non excludit ordinem iuris naturalis, vel diuini. Quod eisdem verbis asserit 2. 2. q. 10. artic. 12. ad 3. ergo cum hic ordo, vt ibidem ait Sanctus Doctor, sit

264 **QVAESTIO LXVIII.**

ut filius, antequam habeat usum rationis, sit sub cura patris tanquam aliquid patris, sicut patri nō potest auferri cura sui ipsius, & propter hoc non potest licitè baptizari inuitus: ita nec potest ei auferri cura filij; sicque nec eo inuito filius baptizari, quantumcumq; dominus illum alteri vendat, aut donet; per talem enim donationem, aut venditionem non auferitur à patre seruo ius paternum, ac proinde nec cura filij eius. nec ille, cui donatur, aut venditur pater, acquirit aliud ius in puerum, quam quod habebat ille, qui donauit, aut vendidit.

Sipuer per venditionem, aut donationem, ita separaretur à patre, ut in longinquam regionem deferretur, ibique tanquā sine parentibus censeretur, licitum esset illum ibi baptizare: hoc tamen non esset, quia filius serui infidelis, sed quia, ut parentibus destitutus haberetur, qua etiam ratione licitum est, filios aliorum infidelium non seruorum, quales sunt filij Aethyopum, qui hac deferuntur, baptizare, ut diximus cum Caietano. Licitum quoque esse existimo domino per donationem, aut venditionem separare puerum à patre praedicto modo cum intentione, ut longinqua regione baptizetur. Nec huius oppositum docet Caietan. hic: nam quamuis dicat dominum non posse ea ratione auferre filium à seruo, ut baptizet illum; hoc tamen intelligendum est, relinquendo illum ubi in notitiam patris possit venire, & non tanquam

quam sine parentibus habeatur, & sit.

Ad 1. verò factum in principio respondetur distinguendo maiorem, si voluntas superioris sit, vt id, quod præcipit absolute impleatur, non obstante contraria voluntate inferioris, concedo maiorem: si solum sit, vt impleatur, nisi inferior contradicat, nego maiorem: & talis est voluntas Dei, qua vult, vt omnes baptizentur, adulti quidem ipsis non inuitis, infantes vero non inuitis eorum parentibus. Cū enim Deus omnia suauiter disponat, & eius gratia non destruat, sed perficiat naturam, noluit vt contra naturalem ordinem, quo adultus sue curæ commissus est, & puer curæ parentum, illi, quibus Deus præcipit baptizare, adultos, aut paruulos baptizent.

Ad 2. respondetur simili argumento probari posse adultos inuitos baptizari posse, nam etiam abutuntur iure suo, & contra ius diuinum peccant nolentes baptizari. Afferendum est ergo, neminem posse priuari iure suo potestate aliqua humana etiam publica, nisi tali iure abutatur contra legem aliquam, ad quam seruandam talis potestas illum cogere potest: & quia infidelis non potest cogi ad seruandam legem baptismi, ita vt ipsum suscipiat, aut permittat filium suum baptizari, etiam si contra illam peccet pater infidelis, & iure suo abutatur, non potest licitè illo priuari. Potest tamen in alijs casibus memoratis in argumento puniri priuatione iuris

## 266 QVÆSTIO LXVIII.

fui, quia illo abutitur, & peccat contra legem naturæ, ad quam seruandam cogi potest.

Ad 3. respondetur negando consequentiam. Ad probationem patet ex dictis in secunda parte nostræ secundæ concl. quid sit respondendum: per donationem enim, aut venditionem prædictorum puerorum non aufertur à parentibus seruis infidelibus ius paternum, nec cura filiorum.

Circa articulum 11. & 12. nihil se offert scribendum.

## QVÆSTIO LXIX.

### *De effectibus Baptismi.*

Circa articulum 1. 2. 3. 4. 5. 6. 7. & 8. nihil se offert dicendum.



## ARTICVLVS IX.

*Vtrum fictio impediatur effectum  
Baptismi.*

**Conclusio est affirmans.**

*Dubium. Quanam dispositio requi-  
ratur, ut quis non accedat fictè  
ad baptismum, sed eius effectum  
recipiat.*

**N**on est hic sermo de effectu baptismi,  
qui est character, nam de hoc dixi-  
mus q. 68. art. 7. dubio unico, ad illum su-  
scipiendum sufficere voluntatem, ac in-  
tentionem recipiendi baptismum, immo  
& secundam sententiam Caietani negatio-  
nem contrariæ voluntatis: sed de effectu  
præcipuo, qui est gratia.

De quo est quorundam sententia, pro  
qua etiam referunt Scotum in 4. distin. 14.  
quæst. 4. artic. 3. & Caietanum infra q. 86.  
ar. 2. ad finem Coment. ad recipiendum  
hunc effectum nempe gratiam, ac proinde,  
ut quis non fictè accedat ad baptismum,  
non necessario requiri aliquam formalem  
detestationem peccatorum, quæ sit contritio,  
vel attritio, sed sufficere voluntatē recipien-  
di baptismum in remissionem peccatorum,  
in qua virtualiter continetur attritio.

ij M

Pro-

Pròbant primò . i. Ad effectum Baptismi minor dispositio requiritur, quam ad effectum Pœnitentiæ, nam quamuis, vtrumque sit Sacramentum mortuorum; tamen baptisumus, quia est regeneratio quædam spiritualis, ex sua ratione minorem dispositionem requirit, & in eo facilius est iustificatio, quam in Pœnitentia, vt colligitur ex Conc. Trid. sess. 6. cap. 14. sicut facilius est generatio hominis, quam eius resurrectio: sed ad effectum Pœnitentiæ sufficit attritio cognita; ergo ad effectum baptismi minor dispositio requiritur, quæ non est alia quàm prædicta voluntas.

Secundò. Quia & si ad remissionem peccati necessaria sit pœnitentia, sufficit tamen virtualis, vt patet, cum quis iustificatur per actum charitatis, qui non est formalis, sed solum virtualis pœnitentia: sed prædicta voluntas virtute continet pœnitentiam, & attritionem, qui enim vult baptizari in remissionem peccatorum, virtualiter illa detestatur; ergo illa sufficit ad iustificationem, non quidem extra Sacramentum, & sine illius susceptione, sed cum Sacramento suscepto.

Dicendum tamen est 1. Ad prædictum effectum recipiendum non sufficere attritionem naturalem, etiam si quis probabiliter existimet se habere ipsam supernaturalem. Prima pars patet ex Concil. Trident. sess. 6. can. 3. vbi diffinitur: *Si quis dixerit, sine præueniente Spiritus Sancti inspiratione, atque eius adiutorio hominem pœnitere posse sicut operetur,*

et, ut ei iustificationis gratia conferatur; anathema sit. At si attritio naturalis sufficeret ad prædictum effectum, posset homo sine tali inspiratione, & adiutorio poenitere sicut oportet, ut ei iustificationis gratia per baptismum conferretur, nam talis attritio sine huiusmodi inspiratione, & adiutorio haberi potest; ergo, &c. Si talis attritio naturalis quidem esset secundum substantiã, nempe de peccato propter eius naturalem turpitudinem; supernaturalis tamen secundum modum propter coniunctionem cum alijs actibus supernaturalibus, spei scilicet, ac timoris Dei, & propter motionem Dei, & auxilium speciale ad illam, nonnulli existimant sufficere ad prædictum effectum. Sed probabilius est non sufficere, sed debere esse supernaturalem ex parte obiecti, & secundum substantiam: nam cum peccatum mortale sit contra Deum auctorem gratiæ, detestatio illius, ut sit sufficiens dispositio ad eius remissionem, propter motum supernaturalem, & propter Deum auctorem gratiæ debet esse:

Secunda pars etiam manifesta est: nam quamuis quis probabiliter existimet se habere supernaturalem attritionem, non propterea illam habet; ergo cum hæc requiratur, illa non sufficit ad iustificationem etiam cum Sacramento. Unde licet cum illa accedens ad Sacramentum excusetur à peccato propter ignorantiã inuincibilem; non tamen recipit effectum Sacramenti, sique sic ad illud accedit, non quidem



contrariè, sed negatiuè. Et non est eadem ratio de eo, qui accedit ad aliquod Sacramentum viuorum cum attritione existimata contritione: nam hic iam habet dispositionem supranaturalem; ille vero non.

Dicendum est 2. Sufficere ad prædictū effectum attritionem supernaturalem etiā cognitā. Docent hoc cōmuniter Theologi afferentes hanc attritionem sufficere ad Sacramenta mortuorum, & eorum effectum suscipiendum. Probatur etiam, Sacramentum Baptismi directè, & per se institutum est, ad conferendam primā gratiam, & remissionem peccatorum; ergo licitè, & cum fructu potest, quis ad illud accedere cum ea intentione, vt hunc effectum consequatur, per hoc enim conformatur institutioni Christi: at solum potest accedere cum hac intentione, quando accedit cum attritione cognita, sciens adhuc non esse sibi remissum peccatum, nec habere primā gratiam, nam quando accedit existimans se habere contritionem, non intendit consequi primā gratiam, sed eius augmentum, cum nemo intendat absolutè consequi per aliquod medium, quod credit se iam habere, & qui existimat probabiliter se habere contritionem, iam credit se habere primā gratiam; ergo, &c.

Dicendum est tertiò, vt adultus, qui peccauit mortaliter, non fictè accedat ad baptismum, sed gratiam consequatur, non  
suf.

## ARTICVLVS IX. 271

sufficere voluntatem recipiendi baptismū in remissionem peccatorum. Si per voluntatem prædictam intelligatur quæcumque, certissima est nostra conclusio: nam talis voluntas naturalis esse potest; ad recipiendum autem effectum baptismi supernaturalis dispositio requiritur. Si verò per prædictam voluntatem intelligatur nō quæcumque, sed quæ procedit ex actu spei, probabilem esse dicunt nonnulli sententiā in principio dubij relata; dum tamen ei, qui accedit ad baptismū, non occurrat se peccasse: nam si memor sit suorum peccatorum, formalem pœnitentiam illorum habere debet saltem necessitate præcepti, & non sufficit virtualis; etiam, quæ habetur per actum charitatis: quia volenti admitti in amicitiam diuinam omnino conuenit formalem pœnitentiam habere suorum peccatorum, quorum memoria efficaciter impellit ad eorum detestationem.

Sed nostra conclusio probatur 1. ex illo Act. 2. v. 38. *Pœnitentiam agite, & baptizetur unusquisque vestrum in remissionem peccatorū.* Ibi enim præter voluntatem recipiendi baptismum in remissionem peccatorum, illiusque receptionem, expressè requirit S. Petrus pœnitentiam, estque ibi sermo de voluntate, & receptione baptismi procedente ex actu spei.

Secundò, ex Conc. Trid. Sess. 6. c. 6. vbi inter actus requisitos, vt peccatores disponantur ad iustificationē, nō solū ponuntur actus

i v M

spei

spei illis verbi. *In spem eriguntur, &c.* Et voluntas recipiendi baptismum in remissionem peccatorum, illis verbis: *Proponunt suscipere baptismum, inchoare novam vitam, &c.* Sed etiam actus Pœnitentiæ illis verbis, *Mouentur aduersus peccata per odium aliquod, & detestationem, hoc est per eam pœnitentiam, quam ante baptismum agi oportet.* Ergo ad consequendam justificationem, per Sacramentum Baptismi non sufficit actus spei, nec voluntas recipiendi baptismum in remissionem peccatorum procedens ab actu spei, sed præterea requiritur, vt necessaria dispositio actus pœnitentiæ, qui sit saltem attritio.

Tertiò, voluntas recipiendi baptismum in remissionem peccatorum, etiam si procedat ab actu spei, non continet virtutem actum pœnitentiæ etiam imperfectæ, qualis est attritio; ergo non sufficit ad effectum baptismi, qui est gratia consequendum, ad hoc enim saltem requiritur pœnitentia virtualis. Antecedens probatur actus spei, à quo talis voluntas procedit nō continet virtutem actum prædictæ pœnitentiæ, seu attritionis, alias sicut attritio non potest esse cum proposito peccandi mortaliter, neque cum illo esse posset actus spei, sicut cum illo esse non potest actus charitatis virtute continens actum contritionis, quod tamen falsum esse constat in peccatore fidei, qui quamuis proponat peccare, nō propterea amittit spem nec facultatem eliciendi actum illius; ergo

## ARTICVLVS IX. 273

gø nec illum continet virtute voluntas procedens à tali actu, cum sit illo imperfectior.

Quartò, maior dispositio requiritur ad recipiendum effectum baptismi in adulto, qui peccauit mortaliter, quam in adulto, qui solum haberet peccatum originale (quamuis hoc in sententia D. Thom. non sit possibile, vt patet ex dictis 1. 2. quæst. 89. artic. 6.) sed in hoc adminus requiritur voluntas recipiendi baptismum in remissionem peccati originalis procedens ab actu spei; ergo in illo maior dispositio requiritur nempe pœnitentia formalis, quæ sit saltem attritio. Vnde D. Thom. infra quæst. 86. art. 2. ad 1. ait: *Adulto, in quo sunt actualia peccata, quæ consistunt in deordinatione voluntatis, non remittuntur peccata etiam in baptismo sine actuali immutatione voluntatis, quæ fit per pœnitentiam.* Ex quo fit, qui immemor suorum peccatorum, quæ commisit, accederet ad baptismum cum sola voluntate recipiendi illum in remissionem peccatorum, sine illorum saltem attritione, gratiam non consequeretur.

Ad 1. verò oppositæ sententiæ responderetur ex loco Concilij Tridentini citato in eo colligi quo modo minor sit dispositio, quæ requiritur ad baptismum, quam quæ requiritur ad pœnitentiam, quia scilicet licet ad vtrumque Sacramentum requiratur cessatio à peccatis, & eorum detestatio saltem per attritionem; ad Pœniten-

v M

tiam

tiani tamen requiritur detestatio peccatorum cum proposito, & voluntate confitendi ea, & pro ipsis satisfaciendi per ieiunia, orationes, &c. quod non requiritur ad baptismum: nam peccata ante illum commissa non oportet confiteri, nec pro illis debent imponi opera satisfactoria, ut docet D. Thom. quæstione præcedente, articulo 5.

Ad 2. respondetur maiorem intelligendam esse in casu, in quo potest haberi poenitentia virtualis sine formali, quod non contingit, quando peccator accedit ad baptismum cum conscientia, & memoria peccatorum, quæ commisit: nam tunc tenetur habere formalem poenitentiam illorum, hæcque proinde tunc saltem requiritur, ut dicunt auctores citati in principio con. 3. Sed cum in ea nos generalius locuti fuerimus, neganda est minor; ostendimus enim ratione tertia eiusdem 3. con. prædictam voluntatem recipiendi baptismum non continere virtualiter actum poenitentiae etiam imperfectæ, qualis est attritio. Nec est verum, qui talem voluntatem habet, peccata virtualiter detestari, cum constet eum, qui actualem complacentiam habet de peccato, in quo est, posse habere voluntatem recipiendi baptismum in remissionem illius, non secus ac, qui actualiter peccat, potest habere voluntatem confitendi postea tale peccatum. Immo rusticus noviter ad fidem conversus,

## ARTICVLVS IX. 275

sus , cui Theologus diceret , affectum ad peccatum non impedire effectum baptismi. posset velle , & actualiter baptismum suscipere in remissionem peccatorum sine detestatione vlla , sed potius cum affectu illorum , qui licet propter ignorantiam excusaretur a peccato , non tamen iustificaretur .

Circa articulum 10. vide quæ diximus supra quæst. 62. artic. 1. dubio 2. ad 3. & dubio 3. & 4.

Circa Quæst. 70. nihil se offert dicendum .

## QVÆSTIO LXXI.

*De preparatorijs , quæ simul  
concurrunt cum Ba-  
ptismo .*

Circa articulum primum , & secundum , nihil se offert dicendum .



## ARTICVLVS III.

*Vtrum ea, quæ aguntur in exorcismo, aliquid efficiant.*

**Conclusio est affirmans.**

*Dubium. An id quod efficiunt ea, quæ aguntur in exorcismo, ex opere operato efficiant.*

**P**Artem negantem tenent quidam, & probant i. Quæ ex opere operato suū conferunt effectum, illum omnino infallibiliter conferunt: sed ea, quæ aguntur in exorcismo non infallibiliter conferunt id, quod efficiunt; ergo non efficiunt ex opere operato. Minor probatur, nam experiamur per exorcismos non semper pelli, aut impediri præstigias dæmonis: nec est ratio, cur magis dicamus alios effectus prædictorum sacramentalium esse omnino infallibiles, quam hos.

Secundò. Quia solus Deus potest immediate nobis infundere gratiam, solus ipse potest instituire Sacramenta eam ex opere operato conferentia; ergo similiter cum ipse solus possit nobis inspirare pios motus, quos conferunt ea, quæ aguntur in exorcismo, quibus aperiuntur sensus, & cōservatur gratia baptismalis, solus ipse poterit

terit instituire caremonias ex opere operato tales motus conferentes. At ea, quæ aguntur in exorcismo instituta sunt ab Ecclesia; ergo nõ conferunt baptizandis eiusmodi motus ex opere operato, sed tantum per modum impetrationis, quæ non habet omnino infallibilem effectum.

Tertiõ. Ecclesia in his, quæ aguntur in exorcismo non vtitur verbis assertiuis, quibus absolute effectum futurum significet, sed deprecatorijs, vt ostendat se id, quod efficiunt, tantum à diuina misericordia sperare, sicut alia quæ à Deo petit; quæ deprecatio, & si multum apud Deum valeat, & aliquod communiter, impetret, non semper obtinet totum, quod petit, sed prout diuinæ prouidentię pro loco, & tẽpore fuerit visum: sed in his, quæ ex opere operato cõferunt suum effectum verbis assertiuis vtitur, vt patet in Sacramentis; ergo, &c.

Dicendum tamen est: Ea quæ aguntur in exorcismo, quæ sunt quædam baptismi caremonię, & sacramentalia quædam, si aliquid efficiunt (vestem enim candidam, qua induitur baptizatus, nihil efficere, sed solum significare docet D. Tho. hic ad 3.) illud tanquam instrumenta Dei per eius virtutem eleuata efficere ex opere operato. Docent hoc Mag. Soto in 4. d. 6. q. 2. 2. 3. & alij discip. D. Thom.

Probatur 1. Nam D. Thom. hic docet, ea, quæ aguntur in exorcismo aliquem effectum habere, non tamen producere gratiam,



tiam, nam hanc solus baptismus efficit, sed excludere impedimentum gratiæ percipiendæ. Ex quo ad 2. respondens colligit : *Et ideo non sunt sacramenta, sed sacramentalia quædam* : quia vt prædixerat, *De ratione Sacramenti est, quod perficiat principalem effectum, qui est gratia.* Sentit ergo, id quod efficiunt, ex opere operato efficere, sicut baptismus gratiam efficit, alias etiam si causarent gratiam, eo modo, quo suos effectus producant, non essent Sacramenta. cum de ratione Sacramenti nouæ legis sit gratiam causare ex opere operato, & non solum per modum impetrationis.

Secundò. Nam idem D. Thom. hic tres effectus commemorat eorum, quæ aguntur in baptismo : nempe expulsionem demonis, quæ efficitur per exorcismos, & exultationes, apertionem sensuum, quæ efficitur per saluam typicam, & Sacerdotis tactum, & conseruationem gratiæ baptismalis, quam operatur unctio, quæ fit in vertice : sed ij effectus ex opere operato efficiuntur ; ergo, &c. Minor probatur, nam fiunt infallibiliter, vt indicant verba Cælestini Papæ à S. Doctore in argument. *Sed contra*, art. præced. relata : fiunt etiam ab illis diuina virtute, qua vt Dei instrumenta eleuantur, vt indicant verba Rabani hic à D. Thom. relata : & denique ab illis fiunt non mediante aliquo opere, aut actu baptizandi, nihil enim ipse agit, cum in vertice in ungitur ; ergo fiunt ex opere operato : ideo enim Sacramenta cōferunt gratiam

### ARTICVLVS III. 179

tiam ex opere operato, quia illam infallibiliter, vt instrumenta diuinæ virtutis ab ea eleuata, & non mediante fide, quam excitant, conferunt, vt patet ex dictis supra q. 62. ar. 1. dub. 1.

Non caret autem difficultate, quid sit intelligendum per hos tres effectus commemoratos à D. Thom. Per expulsionem dæmonis quidam intelligunt eam, quæ à corporibus hominum, in quibus est, arceatur dæmon virtute naturali exorcismorū. Sed hoc delirium esse ait Mag. Soto vbi supra, & ex dictis à nobis 1 p. q. 115. ar. 5. eius falsitas convinci potest. Immo nec hanc expulsionem virtute etiam supernaturali exorcismi efficiunt infallibiliter; nam ad illam per se non ordinantur: vnde quamuis arreptitius baptizaretur, non infallibiliter liberaretur à dæmone. Intelligenda est ergo per expulsionem dæmonis liberatio baptizandi ab eius potestate, & subiectione, à qua per exorcismos præcedentes baptismum liberantur baptizandi non totaliter, sed aliquo modo, vt scilicet, *Ne tantū possit in homine sicut ante*, vt docet D. T. in 4. d. 6. q. 2. ar. 3. quæstiunc. 2. Quam liberationem debilitando potestatem dæmonis infallibiliter efficiunt exorcismi.

Per apertionem sensuum Caiet. hic in principio quæst. dicit non esse intelligendam diminutionem interioris infectionis sensuum animæ, nam hæc sine gratia fieri non potest saltem in paruulis, sed cohibitionem potestatis dæmonis, ne scilicet ob  
in

### ARTICVLVS III. 181

instituenti, posse tamen illam Ecclesiæ communicare, & de facto communicauit: nam vt ait Mag. Soto vbi supra: *Quamuis Ecclesie Christus non traderit potestatem instituendi Sacramenta collatiua gratiæ, nihilominus facultatem commisit instituendi sacramentalia ad aliquos supernaturales effectus*, Non solum impetrandos, nam ad hoc commissione non indigebat, sicut nec ad orandum, sed efficiendos, ita vt virtute talium sacramentalium Deus singularem ferret opem, vt pij motus, & alij effectus supernaturales nobis conferrentur.

Ad 3. Respondetur, in illis etiam vti verbis imperatiuis, qualia sunt illa, *Maledicti diabo! exi ab eo, & Effeta*; quibus vt instrumento respondent effectus, vt ait Mag. Soto vbi supra, & indicat S. Ambros. lib. de Sacram. cap. 1. Et quamuis in aliquibus sacramentalibus solis verbis depræcatorijs vtatur; illa tamen, vel præcedunt, vel comitantur sacramentalia, sicut oratio Christi multa eius miracula: vel si ad sacramentalia pertinent, efficacia sunt ad eorum effectum, non solum per modum impetrationis, sed etiam efficientiæ, vt diuinæ virtutis instrumenta.

Circa art. 4. nihil se offert dicendum.

aliorum dicentium fuisse institutum ab Apostolis, iam tuto defendi non possunt, quamuis tempore D. Thom. vt probabiles haberentur.

Si quæras, quando hoc sacramentum fuerit à Christo institutum? Respondent quidam fuisse institutum ab illo post eius resurrectionem, cum Apostolis dixit Ioannis 20. v. 22 *Accipite Spiritum Sanctum, &c.* Nam tunc fecit Episcopos Apostolos suos, atque ita dedit eis potestatem conficiendi hoc Sacramentum. Contra hoc tamen est, nā vt latè probat Turrecremata lib. 2. summe de Ecclesia cap. 32 solus Petrus inter Apostolos fuit immediatè à Christo institutus Episcopus, cum ei dixit Ioann. 21. v. 18. *Pasce oues meas*; alij verò Apostoli à Petro mediatè, vel immediatè sunt Episcopi ordinati. Vnde asserendum est hoc Sacramentum fuisse à Christo institutum in die Cœnæ, nam vt ait S. Fabianus Papa epist. 2. cap. 1. tom. 1. Conciliorum: *In illa die Dominus Iesus postquam coenauit cum Discipulis suis, & lauit eorum pedes (sicut à sanctis Apostolis predecessores nostri acceperunt, nobisque reliquerunt) Crisma conficere docuit.* Cum autem Crisma sit materia Confirmationis, sicut aqua Baptismi, quemadmodum Baptismus fuit institutus, quando contactu suæ mundissimæ carnis aquas in Iordane sanctificauit, vt diximus supra q. 66. ar. 2. dub. vnico, con. 2. Ita Confirmationem instituit Christus, cum Crisma conficere docuit, in die scilicet Cœnæ.

Quod

Quod communiter docent discipuli D. T. præsertim Mag. Soto in 4. dist. 7. q. vnica, ar. 1. & colligitur ex S. Doct. hic ad 1. dicente : *Christus instituit hoc Sacramentum non exhibendo , sed promittendo secundum illud Ioan. 16. Si non abiero paracliticus non veniet ad vos , si autem abiero mittam eum ad vos .* Cum enim hæc verba dixerit in die cœnæ, aperte colligitur, tunc instituisse hoc Sacramentum .

## ARTICVLVS II.

*Vtrum Chrisma sit conueniens materia huius Sacramenti .*

**Conclusio est affirmans.**

*Dubium . An sine Chrismate possit confici hoc Sacramentum .*

**P**ars affirmans probatur primò . Quando Apostoli imponebant manus super baptizatos, & ij accipiebant Spiritum Sanctum Act. 8. v. 17. verè conficiebant Sacramentum Confirmationis ; sed non utebantur Chrismate , huius enim ibi nulla fit mentio ; ergo sine Chrismate potest confici hoc Sacramentum .

Secundò . Chrisma conficitur ex oleo, & balsmo, vt hic supponit D. Thom. sed  
fine

sine balsamo potest confici hoc Sacramentum; ergo & sine Chrismate. Minor probatur; Tum quia Innocentius III. cap. *Pastoralis*, De Sacram. non iteran. consultus, *Si Confirmationis Sacramentum in eo debeat iterari, qui per errorem fuit non Chrismate, sed oleo delinitus.* Respondit: *Non est aliquid iterandum, sed caute supplendum, quod incaute fuerat pratermissum.* Tum etiam, quia ballamum non ita facile haberi potest cum è remotis regionibus afferatur, & magni pretij sit, facile etiam adulteratur, & difficillimè cognoscitur, quod nam verum, & purum sit; ergo non est credibile, Christum voluisse ipsum essentialiter ad hoc Sacramentum requiri.

Dicendum tamen est: sine Chrismate non posse confici hoc Confirmationis sacramentum. Oppositum huius tenent Caiet. hic, Mag. Soto in 4. d. 7. q. vnica, art. 2. Nauar. cap. 22. num. 8. & alij. Sed nostram conclusionem fatetur: Mag. Soto loco citato esse vniuersalem fere omnium sententiam. Esse etiam D. Thom. patet: nam hic in corp. artic. inquit: *Chrisma est conueriens materia huius sacramenti.* Et in solutionibus argumentorum supponens, quod in primo argumento dicitur, *Materia est de necessitate Sacramenti*, respondet omnibus, quæ ob stare possunt cōsecrationi huius Sacramenti cum Chrismate, & negat exhibitū fuisse; aut exhiberi posse sine hac materia, sicut nec baptizmus sine aqua.

Secundò probatur ex Conc. Florent. in  
De-

Decret. Eugenij Papæ IV. vbi recensens materias essentielles, sine quibus confici nequeunt sacramenta, ait: *Secundum Sacramentum est Confirmatio, cuius materia est Chrisma confectum ex oleo, & balsamo per Episcopum benedictio.* Nec glossa Mag. Soto, *Quod intelligitur balsamum dumtaxat de precepto*, videtur verbis Concilij congruere: nam eodem modo loquitur de oleo, & balsamo; ergo sicut non potest intelligi oleum dumtaxat de precepto, ita nec balsamum. Si Concilium dixisset materiam Confirmationis esse oleum, cui balsamum admisceri debet, sicut de materia consecrationis calicis dixit esse vinum, cui aqua debet admisceri, posset hæc glossa adhiberi, asserens tamen esse Christum confectum ex oleo, & balsamo, illam videtur excludere.

Tertiò. Si quis sine chrismate cum solo oleo Confirmationem exhiberet, non verificaretur forma huius Sacramenti, *Confirmo te Chrismate salutis, &c.* ergo non verum conficeret Sacramentum. Nec satisfacit, quod hic ait Caiet. chrismatis nomen vñctionem significare, cui oleum sufficit. Contra hoc enim est, nam vñctioni non minus sufficit balsamum, cum sit vnguentum, quam oleum; ergo sicut si quis cum solo balsamo vngeret confirmandum, non verificaretur forma huius Sacramenti, ita nec si eundem vngeret solo oleo, chrismatis enim nomen non significat balsamum solum, nec oleum solum, sed

sed aliquid confectum ex oleo. & balsamo, ut ait Concilium Florent. vñctionemque illo factam.

Ad 1. vero factum in principio recentiores quam plures concedunt maiorem. Quorum nonnulli dicunt, Apostolos tunc Sacramentum Confirmationis contulisse sub eadem materia, & forma, qua nunc confertur: vnde negant minorem; quamuis enim ibi nulla fiat mentio chrismatis, non inde colligitur Apostolos illo non fuisse vsos: nam est argumentum ab auctoritate negatiuum, & ex communi modo loquendi Patrum constat impositionem manuum significare Sacramentum, quo chrismate inunguntur, qui confirmantur. Alij afferunt Apostolos, licet communiter vterentur chrismatis vñctione; aliquando tamen, quando scilicet apparebat signum visibile, ex Christi dispensatione confecisse Sacramentum Confirmationis sola manuum impositione loco materię, & aliquibus verbis, quę modo nesciuntur loco formę, sicut & ex Christi dispensatione aliquando baptizarunt in nomine Christi. Quę sententia, quam Paludani esse dicit, non displicet Mag. Soto in 4. d. 7. q. vnica, art. 2. ad finem. Sed D. Thom. sententia longē diuersa est ab his: nam hic ad 1. & art. 4. ad 1. docet Apostolos, quando tanquam ministri sacramentorum, hoc Confirmationis Sacramentum prębebant, semper chrismate fuisse vsos; quando tamen per ministerium, ac manuum impositio-



## ARTICVLVS II. 289

non distinguere ritum à ritu, sed modum loquendi, quia tunc communiter dicebatur hoc Sacramentum, impositio manus, nunc communiter Confirmatio: Contra hoc tamen est: nam paulo post verba citata Concilium ritum Confirmationis his verbis exponit: *In fronte confirmandus inungitur, signo Crucis signatur*. Hocque fit ab Episcopo summitate pollicis dextræ manus chrismate intincta, vt patet ex Pontificali Romano: sed hic ritus longè diuersus est ab illa impositione manus, per quã Apostoli Spiritum Sanctum dabant Act. 8. & 19. nam impositio non solum erat vnius manus, nec vnius digiti tactus in fronte, sed duarum manuum, super capita fidelium; ergo non solum nomen, & modum loquendi distinguit Concilium, sed etiam re à re, & ritum à ritu. Neque huic obstat, à Patribus, & in multis Canonibus de consecrat. d. 5. Sacramentum Confirmationis appellari manuum impositionem: nam non indicant, eam, quæ facta fuerat ab Apostolis locis citatis, fuisse Sacramentum, sed solum in primitiua Ecclesia hoc Sacramentum sic fuisse appellatum. Quod esse potuit, quia confectioni huius Sacramenti Confirmationis adiuncta fuit, vt cæremonia accidentalis manuum impositio: quæ tamen, quia imitatio erat facti Apostolorum, nomen præbere potuit ipsi Sacramento. Vnde S. August. tom. 7. lib. 3. de Baptismo, cap. 16. ait: *Manus impositio non sicut baptis-*

*mus repeti non potest. Quid est enim aliud nisi oratio super hominem? Si autem esset Sacramentum Confirmationis, & non cæremonia illi adiuncta, repeti non posset. Iuxta hanc ergo sententiam Diu. Thom. neganda est maior argumenti primi, sicque ad illud facillime respondetur.*

*Ad 2. respondetur negando minorem.*

*Ad 1. probationem dico, sensum verborum Pontificis esse: non esse iterandum Sacramentum Confirmationis publicè, & cum solemnitate, quia hoc modo iam per actum fuerat, quamvis inualidè, quo ad substantiam; sed supplendum esse, quod incautè fuerat prætermisum, quod est iterari priuatim, & sine solemnitate, quia quod fuerat prætermisum, nempe vinctio chrismatidis, ac per consequens veritas formæ, est de essentia, & de necessitate Sacramenti. Ad 2. probationem respondetur cum D. Tho. hic ad 4. non opus esse materiam Confirmationis, tam facile inueniri, & haberi posse, quam materiam baptismi, quia non est tantæ necessitatis Confirmatio, quam baptismus, & sufficere, vt quamvis è remotis regionibus ad omnia loca terrarum deferri possit. Et quamvis magni pretij sit, ad conficiendum chrisma non requiritur tanta quantitas eius, vt emi non potuerit balsamum, etiam quando Episcopi erunt pauperrimi, saltem ex eleemosynis fidelium. Et licet facile adulterari possit, & difficillè cognosci, quodnam sit omnino parum, non*

### ARTICVLVS III. 291

non defunt tamen periti, qui deprehendere possint, an saltem balsami essentiam retineat.

### ARTICVLVS III.

*Vtrum sit de necessitate huius Sacramenti, quod Chrisma sit prius per Episcopum consecratum.*

**Conclusio est affirmans :**

**Dubium. An hac conclusio vera sit.**

**P**ars negans probatur 1. nam in Concilio Tolet. 1. can. 1. sic dicitur: *Quamuis fere ubique custodiatur, ut absque Episcopo Chrisma nemo conficiat: tamen, quia in aliquibus locis, vel prouincijs Presbyteri dicuntur chrisma conficere; placuit ex hac die nullum alium nisi Episcopum conficere.* Ergo cum Concilium non irritet factum, sed solum prohibeat in posterum, censet chrisma posse confici, ac benedici à presbyteris, & non esse necessarium, ut ab Episcopo sit benedictum.

Secundò. Simplex Sacerdos ex commissione Papæ potest conferre Sacramen-

ij N tum

tum Confirmationis, ut patebit art. 11. ergo etiam ex commissione Papæ poterit conficere, & consecrare chrisma, siquæ non erit de necessitate huius Sacramenti, chrismi esse consecratum ab Episcopo.

Tertio. Consecratio chrismatis non est instituta à Christo, sed ab Ecclesia, quæ illam potest variare: non enim est credibile, ritum, quo nunc utitur Ecclesia in consecratione chrismatis, cum tot orationibus, & solemnitatibus, servatum fuisse ab initio; ergo non est de necessitate Sacramenti.

Dicendum tamen est: de necessitate huius Sacramenti Confirmationis esse, ut chrisma sit consecratum ab Episcopo. Docent hoc communiter Theologi cum D. Thom. hic. Probatur 1. Conc. Florent in Decreto Eugenij, ubi dicitur materiam huius Sacramenti esse, *Chrisma confectum ex oleo, & balsamo. per Episcopum benedictum*. Sed materia est de necessitate Sacramenti; ergo &c.

Secundo: Quia, ut patet ex verbis S. Fabiani artic. 1. relatis, Christus in die cœnæ Apostolos docuit, chrisma conficere: & ut constat ex can. *Uteris*, de consecrat. diut. 3. Consuetudo Ecclesiæ habet, ut illa die Episcopi quotannis chrisma consecrent; ergo consecratio chrismatis ab Episcopo est ex institutione Christi, siquæ de necessitate huius Sacramenti.

Si quis querat, an debeat chrisma esse benedictum eodem anno? Respondetur, id esse

se de necessitate præcepti, nam vt dicitur in prædicto canone: *Sancti chrismaſis confectio per ſingulos annos eſt agenda, & de anno in annum reponenda, & fidelibus eſt tradenda. Ita à ſanctis, Apoſtoliſ, & ſucceſſoribus eorum accepimus, & vobis tenenda mandamus.* Non eſſe tamen de neceſſitate Sacramenti, communiter docent Theologi, quia Conc. Florent. ſolum requirit, vt chriſma ſit ab Epifcopo benedictum; eſſe verò benedictum hoc, vel alio anno accidentarium videtur.

Ad primum verò factum in principio reſpondetur negando conſequentiam: Concilium enim non cenſet, illud ritè fuiſſe factum, ſed quia perperam, & irritè factum fuerat; prohibet, ne in poſterum fiat.

Ad 2. Caiet. hic concedit conſequentiã: & ait. *Qui poteſt maius, poteſt, & minus: maius autem eſſe conſtat, quod preſbyter confeſſat Confirmationis Sacramentum, quam confeſſat materiam Sacramenti, quanto maius eſt Sacramentum ſua materia.* Et propterea ſi Papa poteſt facere, quod ſimplex Sacerdos confirmet, poteſt etiam efficere, quod idem confeſſet materiam. Sed communiter Theologi cōſequentiam negant: non enim ſemper, qui poteſt conficere maius, poteſt minus conficere, nam minus eſt confeſſare Altare, quam confeſſare Hoſtiam; & tamen Sacerdos, qui poteſt hoc maius, non poteſt illud minus facere. Ratio autem cur Papa ex Chriſti voluntate poſſit conferre poteſtatem ſimplici ſacerdoti confirmandi, & nō

conficiendi chrisma . est : quia chrisma facile potest ad quouis loca transferri ; Episcopus verò non potest ita facile haberi : unde primum legitur aliquando ob necessitatem fuisse concessum , secundum vero nunquam , sed semper prohibitum , vt pater ex can. *Presbyter* , 26. quæst. 6. *Presbyter chrismam nunquam conficiat* .

Ad tertium respondetur , Christum solū instituisse in genere , vt chrisma consecraretur , & Ecclesiæ reliquisset , vt ritum consecrationis determinaret : sicut etiam instituit , vt matrimonium fieret inter legitimas personas , & Ecclesiæ reliquit , vt determinaret , quæ essent legitimæ personæ . Quidam existimant , si Episcopus aliquis consecraret chrisma alio modo , quam qui à Papa præscriptus est , peccaret quidem mortaliter , consecratio tamen valida esset . Alij id non admittunt : quia determinare formam consecrationis Chrismatis , non cuiilibet Episcopo , sed soli Papæ , vel Conc. Generali videtur commissum , sicut & determinare , quæ sint personæ legitimæ ad contrahendum matrimonium .



## ARTICVLVS IV.

*Vtrum hac sit conueniens forma huius Sacramenti Confirmatio te signo Crucis, &c.*

**Conclusio est affirmans ?**

**P**atet ex Conc. Florent. in Decreto Eugenij: *Forma autem est: Signo te signo Crucis, & confirmo te chrismate salutis, in nomine Patris, & Filij, & Spiritus Sancti.* Hac forma ex mandato Christi, à quo instituta est, vsos fuisse Apostolos, quando sicut ministri sacramentorum hoc Sacramentum præbebant, docet D. Thom. hic ad 1. Quod licet non contineatur in scriptura, per traditionem constare ostendit S. Dionysius auctoritate.

Triâ in hac forma contineri, quæ pertinent ad speciem Sacramenti, ad illudque necessaria sunt, dicit S. Doctor in corpor. art. De necessitate enim huius Sacramenti, sicut & Baptismi, est inuocatio Trinitatis, cuius fidei corroboratio est hoc Sacramentum: Confirmatio etiam cum Chrismate salutis robur præbens ad audacter confitendum nomen Christi: & consignatio Crucis signo ad non erubescendum Christum crucifixum.

Sicut autem pronomen, ego, non est de necessitate formæ Baptismi, quia intelligitur in verbo primæ personæ, non est etiam de necessitate formæ Confirmationis, propter quod in ea non apponitur, ut hic ad 3. notat D. Thom.

Si quis pro confirmo, diceret, corroboro, aut perficio, & loco chrismate diceret unguento, & loco salutis, diceretur sanctificationis; licet aliqua esset culpa, validum tamen esset Sacramentum, ut ait Mag. Soto in 4. dist. 7. quæst. vnica, art. 4. & colligit ex D. Thom. hic ad 2. Et idem dicit: *Si fieret per tertiam personam; ut in Decreto Constantini ipse legitur confirmatus sub hac forma; Signet te Deus sigillo fidei suæ.* Subdit tamen, licet in illo decreto non adhibeantur alia verba formæ Confirmationis; dicta tamen fuisse colligitur ex præcedentibus: nam dicitur Syluestrum chrismatis vñctione vexillum crucis in eius fronte linuisse. Aduertunt etiam alij, quamuis verum Sacramentum conficiatur dicendo, consignatur seruus Christi; non licere tamen modo, etiam Græcis, hoc modo confirmare: quia solum concessum est illis in Concil. Florent. baptizare sub hac forma, baptizetur seruus Christi; non tamen confirmare sub simili forma.

Quamuis autem duo verba contenta in forma confirmationis non possent simul proferri, sed prius dicatur, signo, & postea, confirmo, tamen actiones, quas significant, simul fieri debent, consignatio scilicet



# ARTICVLVS IV. 297

cet signo crucis, & Confirmatio, vel vnctio chrismate. Episcopus enim, vt habetur in Pontificali Romano, *Summitate pollicis dextra manus chrismate intincta dicit. Signo te Crucis; quod dum dicitur producit signum crucis in fronte.* Communiter vero asserunt Theologi, de necessitate Sacramenti esse, vt vnctio fiat in figura crucis, & crux formetur chrismatis vnctione. Quod autem hæc vnctio fiat immediate manu ipsius Episcopi, & non medio aliquo instrumento, non est ita certum esse de necessitate Sacramenti: nam quamvis multi hoc satis probabile esse dicant; alij tamen oppositum docent. Non esse verò de necessitate Sacramenti, sed solum præcepti, vt vnctio fiat pollice manus dextræ, asserunt omnes; sicque licet fieret alio digito etiam manus finistræ, verum esset Sacramentum.

(\*)

*Vtrum Sacramentum Confir-  
mationis imprimat  
characterem.*

**Conclusio est affirmans.**

**D**iffinita est in Conc. Trid. sess. 7. can. 9.  
de Sacram. in genere his verbis : *Si  
quis dixerit in trius Sacramentis Baptismo  
scilicet, Confirmatione, & Ordine, non im-  
primi characterem in anima, hoc est, signum quod-  
dam spirituale, & indelebile, unde ea iterari nō  
possunt; anathema sit.*

Aduerte tamen cum Mag. Soto in 4. d. 7.  
q. vnica, ar. 5. licet sacrilegium committat,  
qui bis confirmatur, aut qui bis eundem  
confirmat : neutrum tamen incurrere irre-  
gularitatem, quia nullo iure id expressum  
est.



*Vtrum character Confirmationis  
presupponat caracte-  
rem Baptismi.*

**Conclusio est affirmans.**

**P**Atet, nam Baptismus est ianua omniū sacramentorum, & vt dicitur canone *Omnes*, & can. *Novissimè*, de consecrat. d. 5. Confirmatio debet accipi post Baptismum, sicque huius character ad illius caracte-rem presupponitur, nam character semper comitatur Sacramentum imprimens illum. Et quamuis effectus præcipuus Cō-confirmationis, qui est plenitudo Spiritus Sancti, & robur spirituale ad confitendum publicè fidem Christi, aliquando fit à Deo collatus sine Sacramento, vt hic ad 1. & 3. dicit D. Tho. character tamen nunquam sine Sacramento confertur. Vnde de illis, qui Act. 10. v. 47. acceperunt Spiritum Sāctum ante Baptismum, ait M. Soto in 4. d. 7. q. vnica in fine, *Nihil vetabat, vt illi denuo post Baptismum Sacramento confirmarentur*.

Non caret tamen scrupulo, quod hic ad 1. dicit D. Tho. *Nullus consequitur effectum Confirmationis sine voto ipsius*. Quidam hoc intelligendum esse dicunt de voto explicito, quod, qui habet, recipit quendam modum firmitatis ad profitendam fidem, qui

300 **QVÆSTIO LXXII.**

est proprius effectus Confirmationis. Sed hæc explicatio non videtur conformis D. Thom. Tum quia non constat, illos, de quibus loquitur 1. arg. qui scilicet ante Baptismum sunt fidem Christi publicè confessi, & pro illa sanguinem fuderunt, habuisse omnes explicitam notitiam Cōfirmationis, atque adeo votum explicitum illius. Tum etiam, quia ut indicat D. Thom. in solutione illius arg. effectus confirmationis sine Sacramento non confertur nisi miraculosè, & ex speciali gratia; ergo non infallibiliter omnibus habentibus votum explicitum Confirmationis. Unde melior est expositio Mag. Soto ubi supra, hoc non esse intelligendum de voto speciali, sed sufficere votum Baptismi, in quo implicate includitur votum Confirmationis: nam quamvis hæc nō sit in præcepto, in voto tamen baptismi nō solum includitur voluntas adimplendi ea, quæ sunt in præcepto, sed etiam faciendi ea, quæ communiter in Ecclesia fiunt à fidelibus, maxime ut prouecti sint, qualis est Cōfirmatio. Et quamvis nō omnibus habentibus hoc votum implicitum Confirmationis detur effectus Confirmationis sine Sacramento, nullus tamen cōsequitur talem effectum sine tali voto implicito.

*Circa art. 7. præter dicta supra q. 62. a. 1. nihil se offert dicendum.*

## ARTICVLVS VIII.

*Vtrum hoc Sacramentum sit omnibus exhibendum.*

**Conclusio est affirmans.**

**Dubium.** *An omnes teneantur, saltem in aliquo casu, hoc Sacramentum suscipere.*

**P**ars affirmans probatur 1. nam in can. Omnes, De consecrat. d. 5. dicitur: *Omnes fideles per manus impositionem Episcoporum Spiritum Sanctum, post baptismum accipere debent, ut pleni Christiani inueniantur.* At verbum illud debent, significat preceptum: ergo, &c.

Secundò. Probatur saltem in casu persecutionis teneri fideles ad suscipiendam Confirmationem argumento Durandi in quarto, dist. 7. quæst. 1. numer. 6. Quando effectus est necessarius, & causa est necessaria: sed effectus Confirmationis scilicet confiteri fidem tempore persecutionis, est necessarius ad salutem cuiuslibet fidei; ergo, & Sacramentum Confirmationis est necessarium ad salutem in tali casu, si habeatur opportunitas conferentis.

Tertiò. Probatur ad id etiam teneri in casu, quo quis vult Ordines suscipere: nam  
in

in Conc. Trid. sess. 23. cap. 4. dicitur : *Primæ censura non initientur, qui Sacramentum Confirmationis non susceperunt.* Ergo tenentur Sacramentum suscipere Confirmationis antequam ordinentur.

Dicendum tamen est 1. Episcopos teneri ad confirmandos suos subditos. Probat, nam ad id eos obligat illorum officium. Sunt etiam ministri quasi stipendiati decimis, quæ illis solvuntur; sicque tenentur inter alia, non solum ad confirmandos suos subditos, quando hoc Sacramentum ab eis petunt, sed etiam ad procurandum, ut omnes confirmentur, & ita in bonum spirituale promoveantur. Cui tamen obligationi satisfaciunt, si in suis visitationibus, ad hoc admoneant subditos, & accedentibus Sacramentum hoc ministrent.

An verò debeant illud paruulis nondum habentibus usum rationis conferre, eorum prudentiæ relinquitur. Communiter id non expedit, ut docet Mag. Soto in 4. d. 7. q. unica, ar. 8. con. 2. & dicitur in Cathecismo Romano, p. 2. cap. 3. num. 14. si tamen adsit rationabilis causa, ut si putant non tam citò habituros occasionem confirmandi pueros, hosque diu sine confirmatione permansuros, aut sine illa morituros, possent, immo convenientius esset, illos ante usum rationis confirmare.

De amentibus, si lucidis gaudent intervallis, idem asserendum est, ac de paruulis: si enim adsit causa rationabilis confirmandi sunt, etiam in amentia; si vero talis

cau-

## ARTICVLVS VIII. 303

causa non adfit, expectandum est, vt lumine rationis fruantur. Si nati sunt perpetuo amentes, ait M. Soto vbi supra, non esse confirmandos, sicut nec infantes ante vsum rationis. Alij confirmandos esse dicunt, vt maiorem gratiam, & gloriam consequantur. Si aliquando habuerunt vsum rationis, nisi de eorum mala dispositione antequam inciderent in amentiam constet, confirmandi sunt.

De surdis, & mutis certum est confirmandos esse, cum possint fidem cognoscere, & profiteri saltem nutibus, & pro ea liberè fortiter pugnare, & vitam exponere.

Dicendum est secundo. Ad recipiendū hoc Confirmationis Sacramentum neminem teneri sub præcepto per se, & directè ad hoc obligante. Docent hoc communiter Theologi, præsertim Mag. Soto vbi supra post. 3. propo. vbi, & hoc colligit ex D. Thom. hic ad 4. glossat enim S. Doct. verbum Hugonis asserentis periculosum esse sine Confirmatione ab hac vita migrare, *Non quia damnaretur, nisi forte propter contemptum, sed quia detrimentum perfectionis pateretur.* Damnaretur autem, si sub præcepto teneretur.

Probatur secundo, auctoritate Melchias Pape, can. enim *Spiritus Sanctus*, De consecrat. d. 5. dicit: *Quamuis continuo transiis: sufficiant regenerationis beneficia: victuris tamen necessaria sunt Confirmationis auxilia.* At si de Confirmatione esset præceptum, non

non sufficerent morituris regenerationis beneficia, nam tale præceptum maxime obligaret in articulo mortis; ergo, &c.

Tertio. Ad recipiendam Confirmationem non teneantur fideles præcepto dinino, unde enim constat, cum in Evangelio non sit expressam, nec de hoc tradito extet? aut unde colligitur, cum Confirmatio non sit de necessitate salutis, ut Baptismus; & Pœnitentia, nec finis aliorum Sacramentorum, sicut Eucharistia? Nec præcepto Ecclesiastico, nam Ecclesia non cogit, nec determinat tempus ad Confirmationis suspensionem; ergo nullo.

Hinc sequitur, per se loquendo nullum esse peccatum etiam veniale nolle confirmari: nam ubi nullum est præceptum, nullum potest esse peccatum. Per accidens tamen peccatum mortale esse potest, si talis notitia esset ex contemptu, ut colligitur ex D. Thom. hic ad 4. Sed observa verum non esse, quod cum Paludano ait Sylvester verbo *Confirmatio*, quæst. 2. tunc esse aliquem contemptorem huius Sacramenti, *Quando, habita sufficienti oportunitate, sine rationabili causa illud non suscipit*. Nam si hoc esset verum, etiam esset contemptor Eucharistiae, qui nolle eam suscipere extra tempus paschatis, præsertim in aliqua magna solemnitate, in qua alij communiter eam suscipiunt; quod tamen falsum est. Tunc ergo censetur quis Confirmationem contemnere, quando illam nihil estimat, & rem puerilem, & parvi momenti esse



se iudicat, & propterea eam suscipere non dignatur.

Ad 1. autem factum in principio respondet Mag. Soto ubi supra: *Canon citatus, omnes fideles. non habet formam precepti, sed solum determinat ius diuinum, quod est, ut non sit simpliciter necessarium, sed utile.* Et hoc significat verbum illud, *debeant*, non preceptum. Quod & colligitur ex illo, quod subiungitur, *et pleni Christiani inueniantur*; quod non necessitatis, sed maioris perfectionis, & utilitatis est, ad quam nullus tenetur.

Ad 2. respondetur, effectum Confirmationis esse non quomodocunque confiteri fidem tempore persecutionis, sed particulari modo, *ut videlicet Christianus audacter Christi confiteatur nomen*, ut dicitur in Concilio Florentino in Decreto Eugenij. Quamuis autem non confirmatus non cum tanto robore, & audacia confiteatur fidem, ac si esset confirmatus: ad salutem tamen sufficit absolute confiteri, & non negari fidem tempore persecutionis. Si tamen quis omnino crederet sibi imminere periculum deficiendi à fide, nisi hoc Sacramentum susciperet; tunc per accidens ratione propriæ conscientiæ esset peccatum mortale illud non suscipere, si haberetur oportunitas conferentis.

Ad 3. nonnulli totum concedunt: existimant enim peccatum mortale esse, suscipere Ordines præsertim maiores ante Confirmationem; hocque certius esse, si quis

306 **QVÆSTIO LXXII.**

quis ordinaretur Episcopus: quia Episcopus tenetur alios confirmare, peccatum autem mortale est, ut non confirmatus alios confirmet. Sed M. Soto in 4. dist. 7. quæst. unica a. 6. inquit: *Licet, ubi commodò fieri potest, aliqua sit culpa aliud quippam Sacramentum sine Confirmatione suscipere non tamen est mortale, nisi ex contemptu fiat.* Et art. 8. ait: *Sacros Ordines conferre nullus debet Episcopus, nisi confirmatus.* Quamquam si oppositum fieret, assensere non auderem, esse peccatum mortale. Illum sequuntur Nauarrus cap. 22. num. 9. & alij recentiores, qui & dicunt Episcopum non peccare mortaliter ordinando non confirmatum, aut etiam antequam ipse confirmatus sit Confirmationem, aut Ordines conferendo. Et ad verba Concil. Trid. respondent, ibi nihil præcipi initiandis, sed præscribi Episcopis, quid facere debeant; quamvis nec stricta aliqua obligatio imponatur, quia nullum est verbum, quo strictum præceptum indicetur.

Circa artic. 9. & 10. nihil se offert dicendum.



## ARTICVLVS XI.

397

*Vtrum solus Episcopus hoc Sacramentum conferre possit.*

**Conclusio est affirmans.**

*Dubium. An simplex Sacerdos possit aliquando hoc Sacramentum conferre.*

**P**ars negans probatur i. ex verbis Eusebii Papæ, quæ habentur can. *Manus*, De consecrat. dist. 5. *Manus quoque impositionis Sacramentum magna veneratione tenendum est: quod ab alijs perfici non potest nisi à summis Sacerdotibus: nec tempore Apostolorum ab alijs quam ab ipsis Apostolis legitur, aut scitur peractum esse: nec ab alijs, quam, qui eorum tenent locum, unquam perfici potest, aut fieri debet: Nam si aliter presumptum fuerit irritum habeatur, & vacuum, & inter Ecclesiastica nunquam reputabitur Sacramenta.* Sed summi Sacerdotes, & qui Apostolorum tenent locum, sunt Episcopi, ergo nunquam nisi ab his potest perfici hoc Sacramentum.

Secundò. Non minus est de integritate Sacramenti minister, quam materia, & forma: sed sine materia, & forma institutis à Christo non potest perfici Sacramentum;

tum; ergo nec siue ministro instituto à Christo. At minister huius Sacramenti institutus à Christo est Episcopus; ergo non nisi ab ipso; & non à simplici Sacerdote; potest aliquando hoc Sacramentum conferri.

Tertiò. Si aliquando posset simplex Sacerdos hoc Sacramentum conferre, id esset ex commissione Papæ: sed ex hac non potest, ergo nullo modo. Minor probatur: Tum quia ex eadem commissione Papæ posset Diachonus Sacramentum hoc conferre. Tum etiam, quia Papa non habet maiorem potestatem in collatione Confirmationis, quam quilibet Episcopus: sed ex commissione proprii Episcopi non potest simplex Sacerdos Confirmationem conferre; ergo neque ex commissione Papæ.

Dicendum tamen est 1. Nunquam posse simplicem Sacerdotem ordinaria potestate hoc Sacramentum conferre, sed solum Episcopum. Oppositum huius docuit Vviclef, quem sequuntur hæretici nostri temporis. Sed nostra conclusio probatur 1. Ex Conc. Trid. sess. 7. can. de Confirmatione ubi diffinitur: *Si quis dixerit, Sanctæ Confirmationes ordinarium ministrum non esse solum Episcopum, sed quemvis simplicem Sacerdotem, anathema sit.*

Secundò. Ex Concil. Florent. in Decreto Eugenij, ubi de Confirmationis ministro dicitur: *Ordinarius minister est Episcopus. Et cum ceteris unctiones simplex Sacerdos*

# ARTICVLVS XI. 309

dos valeat exhibere, hanc non nisi Episcopus debet conferre.

Tertio. Ex D. Thom. hic dicente: Et ideo collatio huius Sacramenti Episcopis reseruat, qui obtinent summam potestatem in Ecclesia. Idem dicunt vniuersi Patres, & Theologi.

Dicendum est secundo. Aliquando, scilicet ex commissione Papæ, & per eius dispensationem, posse simplicem Sacerdotem hoc Sacramentum Confirmationis conferre. Probat ex verbis S. Greg. Papæ hic relatis à Diu. Thom. quæ habentur can. Pervenit, dist. 95. Pervenit quoque ad nos quosdam scandalizatos fuisse, quod Presbyteros tangere Chrismate eos, qui baptizati sunt prohibuimus: Et nos quidem secundum veterem consuetudinem Ecclesiæ nostræ facimus: sed si omnino de hac re aliqui contristantur: ubi Episcopi desunt, et Presbyteri etiam infantibus baptizatos Chrismate tangere debent, concedimus.

Durandus in 4. dist. 7. qu. 4. num. 9. insinuat S. Gregorium concedendo errasse. Sed hoc dici non potest, quia eius factum approbat Concil. Florent. in Decreto Eugenij dicentis: Legitur tamen aliquando per Apostolicæ Sedis dispensationem ex rationabili urgente admodum causa, simplicem Sacerdotem Chrismate per Episcopum confecto hoc administrasse Confirmationis Sacramentum. Ex quo sequitur, nec etiam posse dici Presbyteros illos, quibus illud concessum est, fuisse Episcopos constitutos, saltem quantum ad illud actum: Nam Concilium, simplicem

Sacerdotem hoc Sacramentum administrasse, asserit. Sequitur etiam, ut Pontifex licite concedat talem facultatem, requiri iustam causam; ideo enim Concilium eius meminit. Si tamen absque illa dispensaret, factum teneret, & facultas, si absoluta esset, non expiraret morte Pontificis: quia gratiae, & privilegia concessa à superioribus permanent etiam post illorum mortem, nisi à successoribus reuocentur.

Ad 1. autem factum in principio respondetur probare nostram primam conclusionem: solus enim Episcopus est ordinarius minister huius Sacramenti, sicque si simplex Sacerdos ordinaria potestate vellet illud conferre, nihil efficeret.

Ad 2. respondetur, Episcopum ex Christi institutione esse ministrum ordinarium huius Sacramenti; ex eadem tamen habere simplicem Sacerdotem, ut aptus minister illius effici possit per commissionem Papae: sicut, & per iurisdictionem ab Episcopo acceptam, efficitur idoneus minister Sacramenti poenitentiae.

Ad 3. respondetur negando minorem. Ad 1. probationem negandum est antecedens: quia nullum est fundamentum illud asserendi, & nunquam est id hoc cum non Sacerdote dispensatum, quod signum est, traditione acceptum esse, posse Pontificem cum Sacerdote dispensare, ideoque de facto dispensasse; non tamen posse cum Diacono, aut alio non Sacerdote. Ad 2. proba-

## ARTICVLVS XI. 311

bationem respondetur cum D. Thom. h'c ad 1. *Quod Papa in Ecclesia habet plenitudinem potestatis, ex qua potest quadam, que sunt superiorum Ordinum committere inferioribus: sicut quibusdam Presbyteris concedit conferre Ordines minores. quod pertinet ad potestatem Episcopalem. Et ex hac plenitudine potestatis concessit B. Greg. Papa, quod simplices Sacerdotes hoc Sacramentum conferrent, quandiu scandalum tolleretur. Hanc autem plenitudinem potestatis non habent alij Episcopi: & ideo ex commissione eorum non potest simplex Sacerdos hoc Sacramentum conferre. Si quæras, an Sum. Pontifex rite electus, non tamen sacerdos, possit hanc facultatem simplici sacerdoti committere? Respondetur posse: nam licet ipse non possit confirmare, quia confirmatio est actus ordinis; potest tamen potestatem confirmandi simplici sacerdoti committere: quia ista commissio est solum actus iurisdictionis. Sicut Episcopus electus, & confirmatus à Papa, nondum ordinatus sacerdos, potest sacerdoti dare facultatem audiendi confessiones, quas ipse audire nequit.*

Circa artic. 12. nihil se offert scribendum.

est proprius effectus Confirmationis. Sed hæc explicatio non videtur conformis D. Thom. Tum quia non constat, illos, de quibus loquitur 1. arg. qui scilicet ante Baptismum sunt fidem Christi publicè confessi, & pro illa sanguinem fuderunt, habuisse omnes explicitam notitiam Cōfirmationis, atque adeo votum explicitum illius. Tum etiam, quia vt indicat D. Thom. in solutione illius arg. effectus confirmationis sine Sacramento non confertur nisi miraculosè, & ex speciali gratia; ergo non infallibiliter omnibus habentibus votum explicitum Confirmationis. Vnde melior est expositio Mag. Soto vbi supra, hoc non esse intelligendum de voto speciali, sed sufficere votum Baptismi, in quo implicite includitur votum Confirmationis: nam quamuis hæc nō sit in præcepto, in voto tamen baptismi nō solum includitur voluntas adimplendi ea, quæ sunt in præcepto, sed etiam faciendi ea, quæ communiter in Ecclesia fiunt à fidelibus, maxime vt prouecti sint, qualis est Cōfirmatio. Et quamuis nō omnibus habentibus hoc votum implicitum Confirmationis detur effectus Confirmationis sine Sacramento, nullus tamen cōsequitur talem effectum sine tali voto implicito.

*Ca. Circa art. 7. præter dicta supra q. 62. a. 1. nihil se offert dicendum.*



## ARTICVLVS VIII.

*Vtrum hoc Sacramentum sit omnibus exhibendum.*

**Conclusio est affirmans.**

**Dubium.** *An omnes teneantur, saltem in aliquo casu, hoc Sacramentum suscipere.*

**P**ars affirmans probatur 1. nam in can. Omnes, De consecrat. d. 5. dicitur: *Omnes fideles per manus impositionem Episcoporum Spiritum Sanctum, post baptismum accipere debent, ut pleni Christiani inueniantur.* At verbum illud debent, significat preceptum: ergo, &c.

Secundo. Probatur saltem in casu persecutionis teneri fideles ad suscipiendam Confirmationem argumento Durandi in quarto, dist. 7. quaest. 1. numer. 6. Quando effectus est necessarius, & causa est necessaria: sed effectus Confirmationis scilicet confiteri fidem tempore persecutionis, est necessarius ad salutem cuiuslibet fidei; ergo, & Sacramentum Confirmationis est necessarium ad salutem in tali casu, si habeatur opportunitas conferentis.

Tertio. Probatur ad id etiam teneri in casu, quo quis vult Ordines suscipere: nam  
in

in Conc. Trid. sess. 23. cap. 4. dicitur : *Primæ censuræ non iniunguntur, qui Sacramentum Confirmationis non susceperunt.* Ergo tenentur Sacramentum suscipere Confirmationis antequam ordinentur.

Dicendum tamen est 1. Episcopos teneri ad confirmandos suos subditos. Probat, nam ad id eos obligat illorum officium. Sunt etiam ministri quasi stipendiati decimis, quæ illis solvuntur; sicque tenentur inter alia, non solum ad confirmandos suos subditos, quando hoc Sacramentum ab eis petunt, sed etiam ad procurandum, ut omnes confirmentur, & ita in bonum spirituale promoveantur. Cui tamen obligationi satisfaciunt, si in suis visitationibus, ad hoc admoneant subditos, & accedentibus Sacramentum hoc ministrent.

An verò debeant illud paruulis nondum habentibus usum rationis conferre, eorum prudentiæ relinquitur. Communiter id non expedit, ut docet Mag. Soto in 4. d. 7. q. unica, ar. 8. con. 2. & dicitur in Cathecismo Romano, p. 2. cap. 3. num. 14. si tamen adsit rationabilis causa, ut si putant non tam citò habituros occasionem confirmandi pueros, hosque diu sine confirmatione permanfuros, aut sine illa morituros, possent, immo convenientius esset, illos ante usum rationis confirmare.

De amentibus, si lucidis gaudent intervallis, idem asserendum est, ac de paruulis: si enim adsit causa rationabilis confirmandi sunt, etiam in amentia; si vero talis

cau-

## ARTICVLVS VIII. 303

causa non adfit, expectandum est, vt lumine rationis fruantur. Si nati sunt perpetuo amentes, ait M. Soto vbi supra, non esse confirmandos, sicut nec infantes ante vsum rationis. Alij confirmandos esse dicunt, vt maiorem gratiam, & gloriam consequantur. Si aliquando habuerunt vsum rationis, nisi de eorum mala dispositione antequam inciderent in amentiam constet, confirmandi sunt.

De surdis, & mutis certum est confirmandos esse, cum possint fidem cognoscere, & profiteri saltem nutibus, & pro ea liberè fortiter pugnare, & vitam exponere.

Dicendum est secundo. Ad recipiendū hoc Confirmationis Sacramentum neminem teneri sub præcepto per se, & directè ad hoc obligante. Docent hoc communiter Theologi, præsertim Mag. Soto vbi supra post. 3. propo. vbi, & hoc colligit ex D. Thom. hic ad 4. glossat enim S. Doct. verbum Hugonis afferentis periculosum esse sine Confirmatione ab hac vita migrare, *Non quia damnaretur, nisi forte propter contemptum, sed quia detrimentum perfectionis pateretur.* Damnaretur autem, si sub præcepto teneretur.

Probatur secundo, auctoritate Melchiadis Papæ, can. enim *Spiritus Sanctus*, De consecrat. d. 5. dicit: *Quamuis continuo transiuris sufficiant regenerationis beneficia: victuris tamen necessaria sunt Confirmationis auxilia.* At si de Confirmatione esset præceptum, non

### 304 QVAESTIO LXXII.

non sufficerent morituris regenerationis beneficia, nam tale præceptum maxime obligaret in articulo mortis; ergo, &c.

Tertio. Ad recipiendam Confirmationem non tenentur fideles præcepto divino, unde enim constat, cum in Evangelio non sit expressum, nec de hoc tradito extet? aut unde colligitur, cum Confirmatio non sit de necessitate salutis, ut Baptismus; & Pœnitentia, nec finis aliorum Sacramentorum, sicut Eucharistia? Nec præcepto Ecclesiastico, nam Ecclesia non cogit, nec determinat tempus ad Confirmationis susceptionem; ergo nullo.

Hinc sequitur, per se loquendo nullum esse peccatum etiam veniale nolle confirmari: nam ubi nullum est præceptum, nullum potest esse peccatum. Per accidens tamen peccatum mortale esse potest, si talis nolitio esset ex contemptu, ut colligitur ex D. Thom. hic ad 4. Sed observa verum non esse, quod cum Paludano ait Syluester verbo *Confirmatio*, quæst. 2. tunc esse aliquem contemptorem huius Sacramenti, *Quando, habita sufficienti oportunitate, sine rationabili causa illud non suscipit*. Nam si hoc esset verum, etiam esset contemptor Eucharistiae, qui nollet eam suscipere extra tempus paschatis, præsertim in aliqua magna solemnitate, in qua alij communiter eam suscipiunt; quod tamen falsum est. Tunc ergo censetur quis Confirmationem contemnere, quando illam nihil estimat, & rem puerilem, & parui momenti ef-

## ARTICVLVS VIII. 305

se iudicat, & propterea eam suscipere non dignatur.

Ad 1. autem factum in principio responderet Mag. Soto ubi supra: *Canon citatus, omnes fideles, non habet formam precepti, sed solum determinat ius diuinum, quod est, ut non sit simpliciter necessarium, sed utile.* Et hoc significat verbum illud, *debent*, non preceptum. Quod & colligitur ex illo, quod subiungitur, *ut pleni Christiani inueniantur*; quod non necessitatis, sed maioris perfectionis, & utilitatis est, ad quam nullus tenetur.

Ad 2. respondetur, effectum Confirmationis esse non quomodocunque confiteri fidem tempore persecutionis, sed particulari modo, *ut videlicet Christianus audacter Christi confiteatur nomen*, ut dicitur in Concil. Florent. in Decreto Eugenij. Quamuis autem non confirmatus non cum tanto robore, & audacia confiteatur fidem, ac si esset confirmatus: ad salutem tamen sufficit absolute confiteri, & non negari fidem tempore persecutionis. Si tamen quis omnino crederet sibi imminere periculum deficiendi à fide, nisi hoc Sacramentum susciperet; tunc per accidens ratione propriæ conscientiae esset peccatum mortale illud non suscipere, si haberetur oportunitas conferentis.

Ad 3. nonnulli totum concedunt: existimant enim peccatum mortale esse, suscipere Ordines præsertim maiores ante Confirmationem; hocque certius esse, si quis

quis ordinaretur Episcopus: quia Episcopus tenetur alios confirmare, peccatum autem mortale est, ut non confirmatus alios confirmet. Sed M. Soto in 4. dist. 7. quaest. unica a. 6. inquit: *Licet, ubi commodò fieri potest, aliqua sit culpa aliud quippam Sacramentum sine Confirmatione suscipere non tamen est mortalis, nisi ex contemptu fiat.* Et art. 8. ait: *Sacros Ordines conferre nullus debet Episcopus, nisi confirmatus.* Quamquam si oppositum fieret, asseuerare non auderem, esse peccatum mortale. Illum sequuntur Nauarrus cap. 22. num. 9. & alij recentiores, qui & dicunt Episcopum non peccare mortaliter ordinando non confirmatum, aut etiam antequam ipse confirmatus sit Confirmationem, aut Ordines conferendo. Et ad verba Concil. Trid. respondent, sibi nihil præcipi initiandis, sed præscribi Episcopis, quid facere debeant; quamuis nec stricta aliqua obligatio imponatur, quia nullum est verbum, quo strictum præceptum indicetur.

Circa artic. 9. & 10. nihil se offert dicendum.



## ARTICVLVS XI.

*Vtrum solus Episcopus hoc Sacramentum conferre possit.*

**Conclusio est affirmans.**

*Dubium. An simplex Sacerdos possit aliquando hoc Sacramentum conferre.*

**P**ars negans probatur i. ex verbis Eusebii Papæ, quæ habentur can. *Manus*, De consecrat dist. 5. *Manus quoque impositionis Sacramentum magna veneratione tenendum est: quod ab alijs perfici non potest nisi à summis Sacerdotibus: nec tempore Apostolorum ab alijs quam ab ipsis Apostolis legitur, aut scitur peractum esse: nec ab alijs, quam, qui eorum tenent locum, unquam perfici potest, aut fieri debet: Nam si aliter presumptum fuerit irritum habeatur, & vacuum, & inter Ecclesiastica nunquam reputabitur Sacramenta. Sed summi Sacerdotes, & qui Apostolorum tenent locum, sunt Episcopi, ergo nunquam nisi ab his potest perfici hoc Sacramentum.*

Secundò. Non minus est de integritate Sacramenti minister, quam materia, & forma: sed sine materia, & forma institutis à Christo non potest perfici Sacramentum;

308 **QVÆSTIO LXXII.**

tum; ergo nec siue ministro instituto à Christo. At minister huius Sacramenti institutus à Christo est Episcopus; ergo non nisi ab ipso; & non à simplici Sacerdote. potest aliquando hoc Sacramentum conferri.

Tertio. Si aliquando posset simplex Sacerdos hoc Sacramentum conferre, id esset ex commissione Papæ: sed ex hac non potest, ergo nullo modo. Minor probatur: Tum quia ex eadem commissione Papæ posset Diachonus Sacramentum hoc conferre. Tum etiam, quia Papæ non habet maiorem potestatem in collatione Confirmationis, quam quilibet Episcopus: sed ex commissione proprii Episcopi non potest simplex Sacerdos Confirmationem conferre; ergo neque ex commissione Papæ.

Dicendum tamen est 1. Nunquam posse simplicem Sacerdotem ordinaria potestate hoc Sacramentum conferre, sed solum Episcopum. Oppositum huius docuit Vviclef, quem sequuntur hæretici nostri temporis. Sed nostra conclusio probatur 1. Ex Conc. Trid. sess. 7. can. de Confirmatione ubi diffinitur: *Si quis dixerit, Sanctæ Confirmationis ordinarium ministrum non esse solum Episcopum, sed quemvis simplicem Sacerdotem, anathema sit.*

Secundo. Ex Concil. Florent. in Decreto Eugenij, ubi de Confirmationis ministro dicitur: *Ordinarius minister est Episcopus. Et cum ceteris unctionibus simplex Sacerdos*



# ARTICULVS XI. 309

dei valeat exhibere; hanc non nisi Episcopus debet conferre.

Tertio. Ex D. Thom. hic dicente: Et ideo collatio huius Sacramenti Episcopis reseruat, qui obtinent summam potestatem in Ecclesia. Idem dicunt vniuersi Patres, & Theologi.

Dicendum est secundo. Aliquando, scilicet ex commissione Papæ, & per eius dispensationem, posse simplicem Sacerdotem hoc Sacramentum Confirmationis conferre. Probat ex verbis S. Greg. Papæ hic relatis à Diu. Thom. quæ habentur can. Peruenit, dist. 95. Peruenit quoque ad nos quosdam scandalizatos fuisse, quod Presbyteros tangere Chrismate eos, qui baptizati sunt prohibuimus. Et nos quidem secundum veterem usum Ecclesiæ nostræ facimus: sed si omnino de hac re aliqui contristantur: ubi Episcopi desunt, et Presbyteri etiam infantibus baptizatos Chrismate tangere debent, concedimus.

Durandus in 4. dist. 7. qu. 4. num. 9. insinuat S. Gregorid concedendo errasse. Sed hoc dici non potest, quia eius factum approbat Concil. Florent. in Decreto Eugenij dicens: Legitur tamen aliquando per Apostolicæ Sedis dispensationem ex rationabili urgente admodum causa, simplicem Sacerdotem Chrismate per Episcopum confecto hoc administrasse Confirmationis Sacramentum. Ex quo sequitur, nec etiam posse dici Presbyteros illos, quibus illud concessum est, fuisse Episcopos constitutos, saltem quantum ad illum actum: Nam Concilium, simplicem

Sa.

### 310 QVAESTIO LXXII.

Sacerdotem hoc Sacramentum administrasse, asserit. Sequitur etiam, ut Pontifex licite concedat talem facultatem, requiri iustam causam; ideo enim Concilium eius meminit. Si tamen absque illa dispensaret, factum teneret, & facultas, si absoluta esset, non expiraret morte Pontificis: quia gratiae, & privilegia concessa à superioribus permanent etiam post illorum mortem, nisi à successoribus reuocentur.

Ad 1. autem factum in principio respondetur probare nostram primam conclusionem: solus enim Episcopus est ordinarius minister huius Sacramenti, sicque si simplex Sacerdos ordinaria potestate vellet illud conferre, nihil efficeret.

Ad 2. respondetur, Episcopum ex Christi institutione esse ministrum ordinarium huius Sacramenti; ex eadem tamen habere simplicem Sacerdotem, ut aptus minister illius effici possit per commissionem Papae: sicut, & per iurisdictionem ab Episcopo acceptam, efficitur idoneus minister Sacramenti poenitentiae.

Ad 3. respondetur negando minorem. Ad 1. probationem negandum est antecedens: quia nullum est fundamentum illud asserendi, & nunquam est id hoc cum non Sacerdote dispensatum, quod signum est, traditione acceptum esse, posse Pontificem cum Sacerdote dispensare, ideoque de facto dispensasse; non tamen posse cum Diacono, aut alio non Sacerdote. Ad 2. proba-

## ARTICVLVS XI. 311

bationem responderetur cum D. Thom. hic ad 1. *Quod Papa in Ecclesia habet plenitudinem potestatis, ex qua potest quadam, que sunt superiorum Ordinum committere inferioribus: sicut quibusdam Presbyteris concedit conferre Ordines minores. quod pertinet ad potestatem Episcopalem. Et ex hac plenitudine potestatis concessit B. Greg. Papa, quod simplices Sacerdotes hoc Sacramentum conferrent, quoadiu scandalum tolleretur. Hanc autem plenitudinem potestatis non habent alij Episcopi: & ideo ex commissione eorum non potest simplex Sacerdos hoc Sacramentum conferre. Si quæras, an Sum. Pontifex rite electus, non tamen sacerdos, possit hanc facultatem simplici sacerdoti committere? Responderetur posse: nam licet ipse non possit confirmare, quia confirmatio est actus ordinis; potest tamen potestatem confirmandi simplici sacerdoti committere: quia ista commissio est solum actus iurisdictionis. Sicut Episcopus electus, & confirmatus à Papa, nondum ordinatus sacerdos, potest sacerdoti dare facultatem audiendi confessiones, quas ipse audire nequit.*

Circa artic. 12. nihil se offert scribendum.

## QVAESTIO LXXIII.

## DE SACRAMENTO

*Eucharistia secundum se.*

## ARTICVLVS .I.

*Vtrum Eucharistia sit Sacramen-  
tum.*

Conclusio est affirmans.

*Dubium. Pro quo supponat, vel  
in quo essentialiter consistat Sa-  
cramentum Eucharistia.*

**Q**uidam existimant, hoc Sacramen-  
tum, non solum supponere pro spe-  
ciebus consecratis, sed etiam pro  
corpore, & sanguine Christi, in hisque om-  
nibus essentialiter consistere. Probant i.  
ex D. Thom. in 4. dist. 8. quaest. 1. ar. 1. qua-  
stionacula 1 ad 2. ubi ait: *Ex speciebus, & cor-  
pore Christi fit unum Sacramentum.*

Secundò. Hoc Sacramentum secundum  
se est adorandum vero cultu laetiae, ut  
docet Concil. Trident. sess. 13. cap. 5. atqui  
species, etiam cum habitudine ad corpus  
Christi praesens, consideratae, prout distin-  
ctae

Et à Christo, non debent adorari latria, quia, vt sepe docet 7. Synodus, hac nec imagines, nec crux Christi, nec res vlla distincta adorari potest, sed solus Deus: ergo species solę non sunt Sacramentum.

Tertiò. Hoc Sacramentum est verum conuiuium, & per modum refectionis causat in nobis gratiam: atqui hoc non possunt facere species, nisi quatenus includunt corpus Christi, quia scriptura omnem hunc effectum totaliter tribuit corpori, & sanguini Christi; ergo non constituunt hoc Sacramentum, nisi quatenus illud includunt.

Quartò. Hęc simul sumpta constituunt vnum perfectum signum causatiuum gratiæ; ergo vnum Sacramentum, quia hoc nihil aliud est, quam signum practicum gratiæ. Antecedens probatur, quia illa significant perfectè refectionem animæ, & vnionem cum Christo per gratiam, & reallē ipsius corporis susceptionem, hæcque significant per modum vnius, quia pendēt à se mutuo in essendo, & significando: nam nec species ibi ita à Deo conseruarentur, nec possent significare supradicta, nisi continerent corpus Christi: nec hoc ibi hoc modo potest persenerare, esse, aut habere rationem signi sensibilis, statim, ac species corrumpuntur.

Quinto. Hoc Sacramentum conficitur per verba consecrationis, & ex pane tantumquam ex materia: atqui neutrum conuenit solis speciebus, etiam ratione habitudi-

### 314 QVÆSTIO LXXIII.

nisi ad præsentiam Christi, nam ad relationem non datur actio, sed ipsa resultat posita præsentia Christi per consecrationem; ergo solæ species non constituent hoc Sacramentum, sed vna cum corpore, & sanguine Christi.

Dicendum tamen est 1. Corpus, & sanguinem Christi neque esse Sacramentum Eucharistiæ, neque partem intrinsecam, & essentialem illud componentem. Probatur 1. ex Concil. Trid. sess. 13 can. 1. & seq. ubi dicitur corpus, & sanguinem Christi contineri in Eucharistiæ Sacramento. sed quod continetur in Sacramento, non est ipsum Sacramentum, nec pars intrinseca illius; ergo, &c. Ad hoc dupliciter respondent prædicti auctores. Prius ibi accipit Sacramentum incompletè, & latiori modo, prout significat solum externum signum rei sacræ distinctum à re significata. Secundo corpus, & sanguinem Christi contineri in hoc Sacramento, sicut partem in toto, ut continetur anima in homine. Sed utraque solutio insufficiens, & falsa est. Prima quidem, nam ut ibidem c. 3 ait Conciliū, *Commune hoc est sanctissima Eucharistia cū ceteris Sacramentis, symbolum esse rei sacræ, & inuisibilis gratia formam visibilem*. At cætera Sacramenta, & Sacramentum in communi, cum accipiuntur pro signo externo rei sacræ distincto à re significata, non accipiuntur incompletè, & latiori modo, sed completè, & strictè, ac propriè; ergo, & Sacramentum Eucharistiæ. Secunda etiam, quia

quia pars in toto non continetur sacramentaliter, hoc enim modo non continetur anima in homine, nec materia, & forma Sacramenti in Sacramento: sed corpus, & sanguis Christi in hoc Sacramentaliter continentur, vt colligitur ex eodem Concilio ibidem can. 8. ergo non continentur in eo, sicut pars in toto.

Secundo. Omnia Sacramenta secundum se tota, & omnes eorum partes intrinsecas sunt quædam Dei instrumenta separata: sed corpus, & sanguis Christi non sunt instrumenta separata, sed coniuncta diuinitati; ergo neque sunt Sacramentum Eucharistia; neque pars intrinseca illius.

Tertio. Quia corpus, & sanguis Christi in Eucharistia sunt res, & Sacramentum simul, vt constat ex can. *Hoc est*, de consecratione dist. 2. & docet D Thom hic ad 3. & art. 6. sed in aliis Sacramentis, quod est res, & Sacramentum simul, est quid distinctum ab eo; quod est Sacramentum tantum, & non est pars intrinseca illius, vt patet in caractere Baptismi, Confirmationis, & Ordinis; ergo, & in Eucharistia.

Dicendum est 2. Sacramentum Eucharistia supponere pro speciebus consecratis. Docent hoc communiter discipuli D. Thomæ præsertim M. Soto in 4. d. 8. q. vnica, art. 14 ad cuius finem ait: *Sicut Sacramentum Baptismi supponit pro materiali ablutione determinata per formam, quatenus est in fieri: ita et Sacramentum Eucharistia supponit pro materialibus speciebus consecratis per formam, quatenus*

### 316 QVAESTIO LXXII.

*nus permanenter continent corpus, &c.*

Probatur 1. nam illam expresse docet D. Thom. hic ar. 6. dicens: *In hoc Sacramento tria considerare possumus, scilicet id, quod est Sacramentum tantum, quod est panis, & vinum &c.* Confirmatur, nam eadem docet M. Sent. in 4. dist. 8. dum ait: *Forma panis, & vini, quae ibi videtur, est Sacramentum.*

Secundò. Sacramentum est signum rei sacrae, species consecratae sunt huiusmodi, nam significant gratiam, ut cibantem hominem, & species panis significant corpus Christi, eiusque carnem, quae verè est cibus, & species vini significant Christi sanguinem, qui verè est potus, ut dicitur Io. 6. v. 55. ergo in ipsis consistit, & pro eis supponit hoc Sacramentum. Si dicas, sacramentum esse signum practicum efficiens, quod significat, & species consecratae non efficere corpus, & sanguinem Christi. Contra hoc est, nam de ratione Sacramenti non est efficere omne, quod significat; nam significat passionem Christi, quam tamen non efficit; sed satis est, ut causet id quod significat recipiendum in suscipiente tanquam in subiecto. Ut autem hic ad 3. ait D. Thom. haec est differentia inter Eucharistiam, & alia Sacramenta: *Nam in Sacramento Eucharistiae, id quod est res, & sacramentum, est in ipsa materia; id autem quod est res tantum est in suscipiente, scilicet gratia, qua confertur: in Baptismo autem utrumque est in suscipiente, scilicet character, qui est res, & Sacramentum, & gratia remissionis peccato-*



*rum, quæ est res tantum. Et eadem est ratio de alijs Sacramentis. Ergo licet Baptismus, & alia Sacramenta non solum causent, quod est res tantum, sed etiam quod est res, & Sacramentum: Eucharistia tamen non, causat, quod est res, & Sacramentum scilicet corpus, & sanguinem Christi, sed solum quod est res tantum, scilicet gratiam cibantem hominem. Cumque hæc causent species consecratæ, hoc sufficit, ut hæc sint Sacramentum Eucharistiæ, & non requiritur, ut causent corpus, & sanguinem Christi: nam ut ait D. Thom. in 4. d. 8. quæst. 1. art. 1. q. 1. ad 2. Sicut in alijs sacramentis materiale elementum non est causa virtutis, quæ in ipso est: ita in hoc sacramento species non sunt causa corporis Christi.*

Tertio. Sacramentum Eucharistiæ non supponit pro corpore, & sanguine Christi. ut patet ex præced. con. Nec pro verbis consecrationis, nam hæc transeunt, hoc verò sacramentum permanet. Nec pro ipsa consecratione, quæ in transubstantiatione consistit, ut ait D. Thom. infra q. 78. ar. 1. nam talis actio non est sensibilis. Nec pro sumptione, nam hæc supponit Sacramentum iam confectum, & solum est illius applicatio, & conditio, ut causet gratiam in homine. Supponit ergo pro speciebus consecratis, quæ eo ipso, ac tales sunt, ordinem dicunt continentis ad contentum ad corpus, & sanguinem Christi: sicque hæc licet non pertineant in recto ad hoc Sacramentum, pertinent tamen ad illud in ob-

318 **QVÆSTIO LXXIII.**

liquo, quatenus continentur in illo :

Ad 1. vero factum in principio responde-  
tur, Div. Thom. ibi solum asserere ex spe-  
ciebus, & corpore Christi fieri vnum  
Sacramentum : Sicut in alijs sacramentis  
ex elemento, & virtute quasi vnum effici-  
tur. Vnde sicut in alijs Sacramentis vir-  
tus, per quam eleuantur, non est sacra-  
mentum, nec pars intrinseca componens  
illud, nec ad illud pertinet in recto, sed in  
obliquo: ita & in hoc sacramento corpus  
Christi, solum enim ad hoc sacramentum  
pertinet, quatenus continetur in illo: sic-  
que non oportet, vt videatur: nam vt ibi-  
dem ad 3. inquit D. Tho. *Omne sacramen-  
tum est visibile, non tamen oportet, quod quicquid  
est in sacramento, sit visibile.* Quibus verbis  
indicat aperte S. Doctor corpus Christi, cū  
non sit visibile, non esse sacramentum, nec  
partem intrinsecam sacramenti.

Ad 2. respondetur 1. Cum dicitur in  
Concil. Trident. hoc sacramentum adorari  
cultu latriæ, ibi accipi continens pro con-  
tento, sacramentum scilicet pro Christo in  
eo contento. Vnde cum doctrina illa re-  
ducitur ad diffinitionem, sic proponitur  
can. 6. *Si quis dixerit in sancto Eucharistiæ Sa-  
cramento Christum unigenitum Dei Filium,  
non esse cultu latriæ, etiam externo, adorandum:  
anathema sit.* Respondetur secundo negan-  
do minorem: supra enim quæst. 25. artic. 3.  
& 4. ostendimus cum D. Tho. imaginem,  
& crucem Christi adorandas esse adoratio-  
ne latriæ, explicuimusque doctrinam septi-  
mæ

ma Synodi : & eadem est ratio de speciebus sacramentalibus, adorari enim possunt adoratione latræ, quia realiter continent Christum. De vase, in quo reſeruatur Sacramentum diuerſa eſt ratio, quia non immediate continet corpus Christi, ſed medijs ſpeciebus conſecratis.

Ad 3. reſpondetur cōcedendo maiorem, & minorem : nam vt ait D. Th. in 4. diſt. 8. q. 1. art. 1. quæſtiuncula 1. ad 2. *Species non ſunt cauſa alicuius effectus in anima ſpiritualis, niſi mediante corpore Chriſti vero.* Diſtinguendo tamen conſequens ; ergo, ſpecies non ſunt ſacramentum, niſi quatenus corpus Chriſti includunt, ſicut materia includit formam ; qua informatur, tanquam compartem, cum qua vnum componit Sacramentum, nego conſequentiam ; corpus enim Chriſti non eſt forma ſacramenti Eucharistiæ, ſed vt ait Concil. Florentin. in Decreto Eugenij, *Formæ huius ſacramenti ſunt verba ſaluatoris, quibus hoc conficitur Sacramentum.* Niſi quatenus includunt corpus Chriſti, vt continentes illud ſacramentaliter, concedo conſequentiam. Ex hoc tamen non ſequitur, corpus Chriſti pertinere ad hoc ſacramentum in recto tanquam componens illud, ſed ſolum in obliquo, quatenus ſacramentum, conſiſtens eſſentialiter in ſpeciebus conſecratis, dicit ordinem ad illud tanquam ſub eo contentum.

Ad 4. reſpondetur negando antecedens : nam Sacramentum debet eſſe ſignum viſi-

bile, aut sensibile: cum autem corpus Christi non sit in hoc sacramento sensibilibiter, non constituit cum speciebus vnum perfectum signum, quod sit Sacramentum tanquam pars intrinseca illius, nam quod non est sensibile, non potest esse pars signi sensibilis. Ad probationem dico, solas species consecratas significare illa tanquam signum simpliciter, quale est quod est sacramentum tantum; corpus verò, & sanguinem Christi illa significare tanquam signum secundum quid, quale est, quod est res, & sacramentum simul. Vnde sicut Baptismus non componitur ex ablutione, & characterē, qui est res, & sacramentum simul, sed solum supponit pro ablutione sub præscripta forma verborum, in eaque sola essentialiter consistit: ita Eucharistia non componitur ex speciebus, & corpore, ac sanguine Christi; sed solum supponit pro speciebus consecratis; in illisque essentialiter consistit dumtaxat. & ex illis, & corpore, & sanguine Christi solum vnum efficitur, sicut ex continente, & contento.

Ad 5. respondetur, hoc sacramentum confici per verba consecrationis, quia per illa convertitur substantia panis in corpus Christi, sicque hoc continent species panis, & fiunt species consecratę, ac proinde sacramentum. Vnde actio, qua conficitur hoc sacramentum, non terminatur per se ad relationem, sed ad consecrandas species per transubstantiationem, & efficiendas illas ex continente ut ibus substantiam panis continentem.

## ARTICVLVS II. 321

tinentes corpus Christi, ex quo resultat relatio ad corpus Christi præsens.

## ARTICVLVS II.

*Vtrum hoc Sacramentum sit vnum,  
vel plura.*

**C**onclusio est: Hoc Sacramentum multa quidem est materialiter, sed vnum formaliter, & perfectius.

*Dubium. Quam unitatem habeat  
hoc Eucharistiae Sacramentum.*

**Q**uidam non solam specificam, sed etiã numericam, & indiuidualem unitatem habere existimant, sicque in Ecclesia non esse nisi vnum numero Sacramentum Eucharistiae. Probant 1. quia multorum est opinio, non dari in Ecclesia nisi vnum numero sacrificium Eucharistiae: sed eadem est ratio de Sacramento eiusdem Eucharistiae; ergo, &c.

Secundò. Si filius Dei assumeret diuersas humanitates, vnus esset homo numero: & si idem homo esset in diuersis locis, & haberet diuersas albedines, esset idem album; ergo cum idem Christus subsistat sub diuersis speciebus sacramentalibus, idem erit sacramentum numero.

V O

Di,

### 322 *QVÆSTIO LXXIII.*

Dicendum tamen est 1. Sacramentum Eucharistiæ unitatem specificam habere; non tamen numericam, & indiuidualem, ita vt non nisi vnum numero sit in Ecclesia. Primam partem docent omnes Theologi, certam etiam esse constat, nam concilia, & Patres fidelesque vniuersi hoc Sacramentum vnum ex septem Ecclesiæ Sacramentis esse dicunt; ergo aliquam unitatem saltem specificam debet habere.

Secunda pars probatur 1. vbi sunt plures materiæ, & formæ Sacramenti numero distinctæ, plura numero Sacramenta esse oportet, idè namque sunt plura numero baptisinata, quia numero multiplicantur ablutiones, & formæ: sed in Ecclesia sunt plures numero materiæ, & formæ Eucharistiæ, vt patet quando plures Sacerdotes celebrant; ergo plura numero sacramenta Eucharistiæ.

Secundo. Sacramentum hoc supponit pro speciebus consecratis, in illisque essentialiter consistit, vt ostendimus art. præced. sed species consecratæ Valentia existentes non sunt eadem numero, cum existentibus Romæ, vt patet, alias eadem essent in duobus locis adæquatis, & in vno definirent esse, & in alio permanerent; ergo nec est idem numero Sacramentum Eucharistiæ.

Dicendum est secundo. Unitatem specificam Eucharistiæ sumi ex unitate refectionis spiritualis, quam respicit, & ad quā ordinatur; unitatem vero, aut diuersita-

tem numericam huius Sacramenti non solum sumi ab vnitatem, vel diuersitate numerica refectionis spiritualis, sed etiam consecrationis, qua conficitur. Primam partem docet D. Thom. hic dicens: *Hoc Sacramentum dicitur vnum: ordinatur enim ad spirituales refectionem.*

Probatur deinde, hoc Sacramentum licet sit multa materialiter, & incomplete, quia constat ex diuersis speciebus, panis, scilicet, & vini, quarum quaelibet est Sacramentum incomplete; est tamen vnum formaliter, & complete, vt hic docet D. Thom. quia completur, & integratur ex predictis speciebus quasi ex partibus integralibus, ex illisque fit vnum integrum, & totale Sacramentum, & componitur, quasi quoddam totum artificiale sicut domus integratur, & componitur ex suis partibus: sed vnitas specifica huius totius integralis, & compositi quasi artificialis non sumitur ex aliqua vnione partium in ratione actus, & potentie, nam nec species panis habent rationem actus, & potentie respectu specierum vini, nec species vini respectu specierum panis; ergo ex vnitatem refectionis spiritualis, quam respicit, & ad quam ordinatur. Quam licet species panis significant, & efficiant; non tamen totaliter, sed per modum cibi: & quamvis species vini significant, & efficiant tandem, non tamen totaliter, sed per modum potus. Integrum vero Sacramentum illam significat, & efficit totaliter, per modum

scilicet cibi, & potus, quæ sunt duo, quæ ad illam concurrunt, & requiruntur.

Secunda pars explicatur, & probatur: hoc enim sacramentum duobus modis considerari potest. Primò ex parte conficientis illud, & secundum se: & hoc modo unitatem, vel diuersitatem numericam habet ratione consecrationis, quæ conficitur: vnum enim Sacramentum, quod vna consecratione conficitur, cū sit in eo vnica materia, & forma; plura verò sacramenta numero sunt, quæ pluribus consecrationibus efficiuntur eiusdem, aut plurium Sacerdotum, cum in eis plures sint materiae, & formæ. Secundò ex parte suscipientis, & quantum ad vsum Sacramenti: & hoc modo unitatem, vel diuersitatem numericam habet ratione sumptionis, & refectionis; vnum enim numero Sacramentum est, quod semel sumitur ab vno, etiam si plures hostias consecratas à pluribus sumat; plura vero sacramenta, quæ à pluribus sumuntur, etiam si vna hostia in plures particulas diuidatur, diuisa namque, & sumpta à pluribus plura sacramenta efficitur; non secus, ac aqua contenta in aliquo vase, quamuis vna sit, eo tamen ipso, ac diuiditur, & in diuersis vasis collocatur, vel à pluribus sumitur, plures efficitur: & vna domus eo ipso, ac diuiditur, & à pluribus habitatur, plures domus efficitur. Est Sacramentum Eucharistiæ conuiuium, iuxta illud Isaia 25. vers. 6. *Faciet Dominus conuiuium* &c. & Coena, iuxta illud 1. ad Cor.



11. ver. 20. *Dominicam Cœnam manducare.*  
 Conuiuium autem, & cœna ex parte facien-  
 tis, & secundum se vnitatem, aut diuersi-  
 tatem numericam habet ratione conse-  
 crationis: cum enim semel fit, etiam si pluri-  
 bus fiat, vnum conuiuium, & vna cœna,  
 est; cum vero bis, aut pluries fit, siue fiat  
 vni, siue pluribus, plura conuiuia, & plures  
 cœnæ sunt. Ex parte autem suscipientis,  
 & quantum ad vsum illius vna cœna est,  
 quæ ab vno semel suscipitur, & qua vnus  
 semel reficitur; plures verò quas plures,  
 vel vnus pluries suscipiunt, & quibus plu-  
 ries reficiantur: non enim cœna, qua in  
 eodem principis conuiuium reficitur vnus, est  
 cœna, qua reficitur alius, sed ab ea diuersa.  
 Idem ergo est de Sacramento Eucharistiæ:  
 quamuis enim Sacerdos plures consecret  
 hostias, vnum sacramentum efficit, vnum-  
 que perseverat, quousque distribuuntur;  
 eo autem ipso, ac in plures suscipientes di-  
 stribuuntur, plura sacramenta efficiuntur:  
 idemque contingit, cum vna hostia in plu-  
 res particulas diuiditur, quæ a pluribus as-  
 sumuntur.

Ad 1. autem factum in principio respon-  
 detur, quicquid sit de illa opinione, de qua  
 infra q. 83. art. 1. dub. 1. ad 3. non esse ean-  
 dem rationem de Sacramento, ac de sa-  
 crificio: nam sacramentum supponit pro  
 materia determinata per formam; sicque  
 vbi sunt diuersæ numero materiæ, & for-  
 mæ, plura sacramenta esse debent: sacri-  
 fici-  
 cium

ciūm verò non supponit pro aliqua materia, & forma, sed pro oblatione, quæ licet materialiter sit diuersa propter diuersitatem sacerdotum offerentium, & modorum offerendi; formaliter tamen vna est propter vnitatem rei oblatæ, & principalis offerentis scilicet Christi.

Ad secundum respondetur negando consequentiam: quia in casibus antecedentis vnitas numerica sumeretur ab vnitatem suppositi, per cuius subsistentiam subsisterent illæ humanitates, & albedines; in casu vero consequentis species sacramentales non subsistunt per subsistentiam Christi, sicque ab vnitatem suppositi Christi, non potest sumi vnitas numerica sacramenti: sicut nec vnitas numerica loci sumeretur ab vnitatem existentis in illo, si per impossibile idem homo esset in diuersis locis.



## ARTICVLVS III.

*Vtrum Eucharistia sit de necessitate salutis.*

**Conclusio est negans.**

*Dubium. An Eucharistia, saltem in voto, sit medium necessarium ad salutem.*

**D**Væ sunt de hac re Doctorum sententia. Prima est negans, quæ probatur 1. Eucharistia non habet pro effectui primam gratiam, & remissionem peccatorum; sed hanc per se loquendo præsupponit; ergo non est medium necessarium ad salutem etiam in voto. Consequentia patet, nam id, sine quo potest haberi gratia, & remissio peccatorum, quale est illud, quod eam præsupponit, & non habet eam pro effectui, non est de necessitate salutis etiam in voto, nam ex tali voto solum habetur eius effectus, non id quod præsupponit. Antecedens probatur, prima gratia, & remissio peccatorum est effectus baptismi; ergo non Eucharistia, nam hæc baptismum præsupponit, & eundem effectum, non possunt duo sacramenta habere.

Secundò. Gratiam amissam post baptismum, & gloriam etiam potest aliquis ha-

habere sine Eucharistia, aut voto ipsius; ergo, & salutem, tam primam, quam secundam, ac proinde Eucharistia etiam in voto non erit medium necessarium ad salutem. Antecedens probatur, si quis mortui proximus post assumptum viaticum peccet mortaliter, etiam si non recipiat Eucharistiam, nec habeat voluntatem eam recipiendi, sed potius propositum non communicandi, ac recipiendi viaticum, cum quo non fiat votum etiam implicitum suscipiendi Eucharistiā, potest per sacramentum Poenitentiae iustificari, & gratiam habere, obtinereque gloriam post mortem; ergo, &c.

Secunda sententia est affirmans, quæ probatur 1. ex D. Thom. hic enim ait; *Ratio huius sacramenti est unitas corporis mystici, sine qua non potest esse salus.* Sed rem sacramenti nullus habere potest sine sacramento, aut voto ipsius; ergo nec salutem sine Eucharistia faciem in voto. Quod & asserit S. D. infra q. 79. art. 1. ad 1. dicens: *Hoc sacramentum ex se ipso virtutem habet gratiam conferendi, nec aliquis habet gratiam ante susceptionem huius sacramenti, vel nisi in aliquo voto ipsius, vel per se ipsum sicut adulti, vel voto Ecclesie sicut parvuli, sicut supradictum est.* Scilicet in hoc articulo.

Secundò, Eucharistia, ut hic docet D. Thom. est omnium sacramentorum finis, omniaque alia sacramenta sunt media respectu illius, ad illamque ordinantur, ut dignius suscipiatur, & excellentiori modo ha-

habeat suum effectum, vel conferatur illius effectus: sed finis est causa appositionis mediorum, & effectuum illorum, si nō in executione, saltem in intentione; ergo Eucharistia, saltem in voto, & intentione, in genere causæ finalis operatur omnium sacramentorum effectus, quos alia sacramenta in genere causæ efficientis causant; ac proinde, sicut nonnulla ex alijs sacramentis, propter effectus, quos causant, sunt simpliciter necessaria necessitate medijs ad primam salutem, vt patet in baptismo, & Poenitentia: ita & Eucharistia saltem in voto.

Dicendum tamen est primò. Realem susceptionem Eucharistiæ non esse medijs simpliciter necessarium ad salutem. In hoc omnes conueniunt. De paruulis patet ex diffinitione Conc. Trid. sess. 21. can. 4. *Si quis dixerit, paruulis antequam ad annos discretionis peruenierint, necessariam esse Eucharistiæ communionem; anathema sit.* Cuius ratio redditur ibidem cap. 4. *Siquidem per baptismum lauacrum regenerati, & Christo incorporati, adeptam iam filiorum Dei gratiam in illa ætate amittere non possunt.*

De adultis etiam probatur; nam quamuis gratiam baptismalem possint amittere, ante realem tamen susceptionem Eucharistiæ iustificari possunt per contritionem, & sacramentum Poenitentiae, qui si statim sic iustificati moriantur, antequam possint Eucharistiam recipere, absque dubio saluabuntur, & gloriam consequentur.

Di-

Dicendum est secundo. Neque votum realis susceptionis Eucharistiæ esse simpliciter medium necessarium ad salutem. Probant hoc argumenta primæ sententiæ, Nec satisfacit, quod aliqui ex auctoribus secundæ sentent. dicunt, in illo casu, si homo sit certus se peccasse mortaliter, sicuti tenetur iterum confiteri, ita teneri iterum sumere viaticum. excusari tamen ab isto præcepto regulariter, quia sequitur scandalum ex tali communiione. Contra hoc enim est: nam Ecclesia non solet morti proximis his viaticum conferre; etiam quocumque scandalo secluso, & nullus confessarius obligat huiusmodi, qui post viaticum peccauerunt, vt iterum sumant viaticum, si possunt sine scandalo.

Probatur deinde, quando aliquid non est simpliciter necessarium ad salutem, voluntas eius non est de necessitate salutis, vt patet in voluntate profitendi Religionem, & adimplendi consilia: sed talis susceptio Eucharistiæ non est simpliciter necessaria ad salutem, vt con. præced. probatum est: ergo neque votum, seu voluntas talis receptionis.

Dicendum est tertio. Receptionem mysticā, & spiritualem Eucharistiæ, eiusque votum esse de necessitate salutis. Probant hoc argumenta secundæ sententiæ, de ista enim loquitur D. Thom. hic namq. ad 1. de hac mystica, & spirituali receptione explicat verba Christi Ioan. 6. v. 53. *Nisi manducaueritis carnem Filij hominis. & biberitis*

ritis eius sanguinem, non habebitis vitam in vobis. Quæ etiam explicans in quarto, distinct. 9. quæst. 1. artio. 1. quæstiuncula 2. ad 1. ait: Dominus loquitur de manducatione spirituali, sine qua non potest esse salus: Vnde cum hic in corp. dicit, unitatem corporis mystici, sine qua non potest esse salus, esse rem huius sacramenti, intelligendus est de hoc sacramento non in re, & sacramentaliter suscepto efficienter producente suum effectum, qui est res illius, vt sic; sed mysticè, & spiritualiter suscepto, vt est finis omnium sacramentorum.

Consistit autem huiusmodi mystica, & spiritualis susceptio Eucharistiæ in incorporatione cum Christo. Vnde S. Aug. tract. 26. in Ioan. ait: *Hec est manducare illam escam, & illam bibere potum, in Christo manere, & illum manentem in se habere.* Cumque per Baptismum incorporemur Christo, realis susceptio baptismi: (& idem est de alijs sacramentis) spirituales susceptionem Eucharistiæ includit, & voluntas recipiendi baptismum in re, & sacramentaliter, siue sit propria, vt in adultis, siue sit Ecclesiæ, vt in paruulis, includit votum, seu voluntatem recipiendi Eucharistiam mysticè, & spiritualiter: nam est voluntas cuiusdam inchoationis, quæ ex sua natura ordinatur ad perfectionem, & finem, sicque includit voluntatem talis perfectionis, & finis, qui non est alius, quam Eucharistia spiritualiter sumpta per votum, & desiderium, sicut & finis habetur in desiderio, & intentione.

Ex quo fit, susceptionem spiritualem Eucharistiae, eiusque votum causam esse eiusdem effectus, cuius est causa susceptio sacramentalis Baptismi; non tamen eodem modo: nam baptismus in re susceptus est causa efficiens instrumentalis illius; Eucharistia vero spiritualiter suscepta est causa finalis, & vniuersalis illius.

Nec satisfacit, quod afferunt aliqui ex Auctoribus primæ sententiæ, cum dicitur Eucharistiam esse finem omnium sacramentorum, sicque necessariam in voto ad salutem, intelligendum esse de Christo contento in Eucharistia, non de ipso Eucharistiæ Sacramento in speciebus panis, & vini consecratis. Contra hoc enim est: nam eo ipso, ac Christus contentus in Eucharistia est finis sacramentorum, etiam ipsum sacramentum, ut continet realiter Christum, est eorundem sacramentorum finis. Est namque communis doctrina, cū Deus secundum se sit finis omnium, quodcumque in quo est speciali modo, habere etiam rationem finis respectu eorum, quæ ad Deū, ut est in illo, ordinantur tanquam ad finem. Vnde sicut, quia Deus erat in Christo homine speciali modo, per vñionem scilicet hypostaticam, Christus, ut homo finis est omnium, quæ ordinantur in Deum, ut est in natura assumpta, propter quod in Conc. Trid. sess. 6. cap. 7. dicitur causam finalem iustificationis nostræ esse gloriam Dei, & Christi: ita quia Christus Deus, & homo speciali modo est in Sacramento Eucharistiæ,



### ARTICVLVS III. 333

fit, hoc sacramentum, vt realiter continet Christum, finis est omnium sacramentorum, & vt spiritualiter susceptum, tanquam finis, necessarium est ad salutem, ad perseuerandum in gratia, & gloriam consequendam.

Ad argumenta primæ, & secundæ sententiæ non opus est respondere: nam argumenta primæ probant nostram 3. con. argumenta verò secundæ probant tertiam conclus.

Circa articulum 4. nihil se offert dicendum.

### ARTICVLVS V.

*Vtrum institutio huius Sacramenti fuerit conueniens.*

**Conclusio est affirmans.**

*Dubium. Quando instituerit Christus hoc Sacramentum.*

**I**N Coena, in qua Christus vltimo cum suis Discipulis fuit conuersatus, institutum fuisse hoc sacramentum, docet D. Thom. hic. asseriturque in Concil. Trident. sess. 13. cap. 1. & constat manifeste ex Euangelio Matth. 26. v. 26. Marci 14. v. 22. & Luc. 22. v. 16. Vnde de hoc non est dubium. Est

tamen magna diſceptatio inter Latinos, & Græcos de die, quo Chriſtus talem cœnam celebrauit.

Græci, vt ſuum ritum, & ſententiam de conſecratione Eucharistiæ in pane fermentato tueantur, aſſerunt, Chriſtum cœnam illam celebraſſe, non die, aut luna 14. primi menſis, nam tunc non licebat Iudæis comedere fermentatum, vt patet Exodi 12. v. 18. ſed die, aut luna 13. quo tempore Iudæi non azymis, ſed fermentatis panibus utebantur.

Probant 1. Chriſtus cœnam illam celebrauit, *Ante diem feſtum Paſchæ*, vt Ioan 13. v. 1. dicitur: ſed dies feſtus Paſchæ erat 14. menſis primi; ergo cœnam illam celebrauit Chriſtus, non die, aut luna 14. ſed ante illam, die ſcilicet, aut luna 13.

Secundo, Chriſtus hoc ſacramentum inſtituit pridie, quam pateretur: ſed paſſus eſt die, aut luna 14. ergo hoc ſacramentum, inſtituit die, aut luna 13. Minor probatur nam vt dicitur Ioan. 18. v. 28. in die Paſſionis Domini Iudæi: *Non intraverunt in prætorium, ut non contaminarentur, ſed ut manducarent Paſcha.* Hoc eſt, agnum paſchalem; ergo illa die à Iudæis manducabatur. At agnus Paſchalis ſi manducabatur à Iudæis die, aut luna 14. ad vesp̄am, iuxta præceptum Domini Exodi 12. v. 6. ergo Chriſtus die, aut luna 14. eſt paſſus.

Tertio, Chriſtus non eſt paſſus die, aut luna 15. ergo 14. ac proinde luna, aut die 13. hoc ſacramentum inſtituit. Antecedens

# ARTICVLVS V. 335

dens probatur, dies 15. erat solemnus, & festus, in quo nihil operis licebat facere. *Exceptis his, quæ ad voscendum pertinent, vt patet Exodi 12. v. 16.* Sed dies, in quo Christus est passus, non erat dies festus, nam in eo mulieres parauerunt aromata, & vnguenta post Christi mortem, vt dicitur, *Lucæ 23. v. 56.* quod non licuisset in die festo; ergo non erat dies, aut luna 15.

Dicendum tamen est, Christum, cœnam, in qua instituit hoc sacramentum Eucharistiæ, celebrasse die, seu luna 14. mensis primi ad vesperam. Pro huius explicatione aduertendum est, apud Hebræos menses fuisse lunares, & nouilunioque proinde incepisse, sicque siue dicatur dies 14. vel luna 14. idem prorsus tempus significatur. Erat autem apud illos primus mensis anni ille, in quo Deus eduxit populum Israel de Aegypto, vnde de illo dixit Dominus, *Exodi 12. v. 2. Mensis iste vobis principium mensium, primus erit in mensibus anni.* Vocabatur verò mensis ille Hebraicè *Abib*, sicque appellatur in Hebræo *Exodi 13. v. 4. & c. 23. v. 15.* Postea Chaldaicè dictus est mēsis ille *Nisan*, sicq; appellatur *Nehemiæ 2. v. 1. & Ester 3. v. 7.* Respondet autē Martio nostro, ex cuius nouilunio incipit; sicque iuxta id, quod diximus 1. p. q. 69. art. 2. ad finem, die 15. Martij mundum fuisse conditum, & Christum fuisse conceptum, & passum, dies, seu luna 14. mensis primi, *Abib* scilicet, vel *Nisan*, respondet diei 14 Martij.

Hoc supposito nostra conclusio, quæ cō-

mu-

inunis est Latinorum, illamque præsertim docet D. Thom. hic. & quæst. sequent. ar. 4. ad 1. & supra q. 47. art. 9. ad 1. & in 4. q. 11. q. 3. art. 2. q. 3. Probatur 1. nam Matth. 26. v. 17. dicitur: *Prima autem die azimorum accesserunt discipuli ad Iesum dicentes: Vbi vis paremus tibi comedere Pascha?* Et idem dicitur Marci 14. v. 12. & Lucæ 22. ver. 7. Sed dies illa non erat 13. quia tota die 13. comedebatur panis fermentatus, sed 14. in cuius vespera incipiebant comedi azyma, & non licebat comedere fermentatum, aut illud in domibus habere, vt patet Exodi 12. v. 18. ergo die 14. coenam, in qua comedit Pascha, id est agnum paschalem, & sacramentum Eucharistiæ instituit, celebravit Christus.

Secundò. Christus coenam, & pascha celebravit eadem die, & hora, qua lex præcipiebat, sed lex præcipiebat, vt pascha immolaretur die, seu luna 14. mensis primi; ergo tunc coenam celebravit, in qua hoc sacramentum instituit. Minor patet Exodi 12. v. 18. Leuit. 23 v. 5. Num. 28. v. 16. & Deut. 16. ver. 6. vbi præcipitur pascha immolari 14. die mensis primi ad vesperam. Maiorem probat optimè D. Thom. vbi supra, & patet, quia non venit soluere, vt ipsemet dixit Matth. 5. v. 18.

Est tamen difficultas, quid per vesperam diei, seu lune 14. intelligendum sit. Ad quam responderetur, intelligendam esse non eam, quæ præcedebat diem, seu lunam 14. ( vt quidam falso existimant ) sed quæ seque-

quebatur, quæ quamuis esset vespera  
 diei 14. iam tamen pertinebat ad diem 15.  
 Nam vt ait D. Thom. in quarto, dist. 11.  
 artic. 2. quæstionē. 3. ad 2. *Quamuis ante*  
*Christi resurrectionem dies à mane in mane cō-*  
*putarentur; tamen hoc erat speciale in solemni-*  
*tatibus legis, quod cōputabatur dies à vespera*  
*in vesperā.* Cum autem dies 14. non esset so-  
 lemnitas legis; sed dies 15. vt patet Leuit.  
 23. ver. 5. & 6. non potuit dies 14. incipe-  
 re à vespera præcedente. nec de illa verifi-  
 cari, quod de agno paschali dicitur Exodi  
 12. vers. 6. *Immolabit eum vniversa multitudo*  
*filiorum Israhel ad vesperam;* diei scilicet 14.  
 sed vesperā sequente, quæ licet esset diei  
 14. pertinebat ad diem 15. quæ erat solem-  
 nitas, & prima dies azymorum: immolan-  
 dus enim, & comedendus erat agnus pa-  
 schalis cum azymis panibus, & in vespera  
 pertinente ad solemnitatem, seu primam  
 diem azymorum. Quæ vespera non erat  
 post solis occasum, sed ab hora nona (quæ  
 tertiæ nostræ pomeridianæ respondet) vsq;  
 ad vndecimam, vt indicant verba illa Io-  
 sephi lib. 7. Belli, cap. 17. *Quando à nona*  
*quidem hora vsque ad vndecimam hostias ce-*  
*dunt.* Vnde cum Christus die, quo immo-  
 labatur pascha, *vespere facto*, vt dicitur  
 Matth. 26. vers. 20. & Marci 14. v. 12. discu-  
 buerit cum discipulis suis, & manducanti-  
 bus illis hoc Sacramentum Eucharistiæ  
 instituerit, manifestè sequitur, illud insti-  
 tuisse die, seu luna 14. ad vesperam, quæ  
 iam pertinebat ad diem 15. quæ erat so-  
 lem-

Iemnitas, & prima dies azymorum, ante solis occasum; post quem *Egressus est cum Discipulis suis trans torrentem Cedron, ubi erat hortus, vt dicitur Ioan. 18. vers. 1.* Cui non repugnat, quod dicitur in hymno Officij Corporis Christi: *In suprema nocte cena, &c.* Nam ibi nox sumitur pro vespera.

Ad primum autem factum in principio respondet D. Thom. in 4. dist. 11. q. 2. art. 2. q. 3. ad 1. *Quod dies festus pasche vocabatur prima dies de septem, qua erat celeberrima, & haec erat 15. luna, & in vespere precedente immolabatur agnus luna 14. cum azymis, & tunc Dominus cenam fecit cum Discipulis: & hanc diem dicunt alij Euangelistae primam diem azymorum, & Ioannes ante diem festum Pasche.*

Ad secundum respondetur negando minorem. Ad probationem respondet D. Th. loco proxime citato ad 3. *Quod Pascha accipitur ibi pro cibis paschalibus, qui per omnes septem dies comedebantur. Pro his enim etiam quandoque sumitur pascha (quod nomen Chaldaicum est, & Hebraicè dicitur phase) vt patet Deuteron. 16. v. 2. Immolabis quoque phase Domino Deo tuo de ovibus, & bobus, &c.*

Ad tertium respondetur negando antecedens. Ad probationem respondet D. Th. vbi supra ad 4. *Quod nulla dies erat adeo celebris, quantum ad vacationem ab operibus, sicut dies Sabati: vnde in prima die solemnitatis licebat coquere cibos, & alia huiusmodi facere.*

## ARTICVLVS V. 339

*tere, quod non licebat facere in Sabbatis. Et ideo mulieres feria sexta parauerunt aromata. Vel secundum quosdam opera misericordia non reputantur inter opera seruilia, unde in die solenni licebat aromata ad sepulturam preparare, quia hoc erat opus misericordia. Vide Caiet. supra quæstione 46. artic. 9. §. Ad obiectionem.*

*Circa articulum 6. nihil se offert. dicendum.*

## QVÆSTIO LXXIV.

*De materia Eucharistiæ quantum ad speciem.*

### ARTICVLVS I.

*Vtrum materia huius Sacramenti sit panis, & vinum.*

**Conclusio est affirmans.**

**Q**Uæ certa est secundum fidem, illamque probat D. Thom. contra tres errores, quos refert, quia Christus hoc Sacramentum sub specie panis, & vini instituit, vt patet Matth. 26. Diffinitur  
ij P tur

taretiam in Concil. Florentin. in Decreto Eugenij, vbi de Sacramento Eucharistiæ dicitur: *Cuius materia est panis triticus: & vinum de vite.*

Circa solutionem secundi quæri solet, an in aliquo casu sit licitum consecrare panem sine vino, aut è contra? In qua re certum est, si quis consecraret panem sine vino, aut è contra, validam esse consecrationem: vnde opinio, quam refert Innocentius lib. 4. de Officio Missæ cap. 23. oppositum asserens falsissima est; consecratio enim panis absoluta est non dependens à consecratione vini, vt patet ex forma, quæ absolutè enuntiat, *Hoc est corpus meum*, sine dependentia de futuro, & idem est, de consecratione vini, cuius forma absolutè enuntiat *Hic est calix sanguinis mei*, sine dependentia à consecratione panis præcedente.

Non esse tamen licitam, panem sine vino consecrare, docet D. Thom. nam hic ad 2. ait: *Licet non in omnibus terris nascatur triticum, vel vinum: tamen de facili ad omnes terras deferri potest, quantum sufficit ad usum huius Sacramenti. Nec propter defectum alterius est vnum tantum sine altero consecratum: quia non esset perfectum Sacramentum.* Et in 4. dist. 11. q. 2. art. 1. quæstiuncula 1. ad 4. de illo, qui in vna tantum specie consecraret, inquit: *Consecratum esset: peccaret autem grauitè, nisi post consecrationem corpori s ante consecrationem sanguinis occideret, vel alias præter culpam impediretur.* Vt si loque-

la m



## ARTICVLVS I. 341

lam amitteret, aut agritudine aliqua sensu priuaretur (in quo casu in can. *Nihil*, 7. q. 1. dispositum est, vt per alium Sacerdotem, si adsit, Sacrificium perficiatur) vel si ab alio vi separaretur ab Altari, aut si euident periculum mortis ei immineret, si detineretur, vt Calicem consecraret; cū tanto enim discrimine non teneretur, legem conficiendi integrum Sacramentum seruare; nisi forte in odium, & contemptum fidei, aut religionis metus mortis incuteretur, vt patet ex dictis 1. 2. q. 96. a. 4. dubio 5.

In casu, in quo aliquis comminaretur mortem sacerdoti, nisi consecraret Hostiā ad communicandum infirmum in articulo mortis, etiam si vinum haberi non posset; asserunt nonnulli, sine peccato id non posse facere Sacerdotem ad vitandam mortem: quia hoc esset formaliter intendere, vt mutilum fieret sacrificium: quod intrinsecè malum est contra præceptum negatiuum. Alij tamen id licitum esse facere Sacerdoti dicunt: quia metus non incuteretur in odium fidei, aut religionis, nec formaliter, & directè intenderetur, vt imperfectum fieret Sacramentum, sed solum, vt morienti succurreretur. Immo maior in 4. d. 9. q. 3. id licitum esse putat etiam extra mortis comminationem; quod tamen falsum est: quia perfectio Sacramenti maioris est ponderis, quam infirmi succursus, sine quo potest saluari.

Si in aliqua Prouincia vinum haberi non

iiij 2

pos-

posset, quia impossibile esset illuc deferre illud, aut quia illuc delatum statim corrumpetur, existimant Gabriel in can. Missæ lect. 53 & alij ex dispensatione Papæ posse panem sine vino consecrare, ne talis Provincia careret omnino Eucharistiæ Sacramento. Quam sententiam tenuisse B. Albertum Magnum in tract. Corp. Christi refert Turrecremata in cap. *Comperimus*, De consecrat. dist. 2. ¶ *Respondeo dicendum ratione 3. ait: De terris, ubi vinum haberi non potest, quod in tali casu debeat recurri ad Sedem Apostolicam, & dicit, quod videtur sibi cum talibus esse dispensandum, ut Corpus Christi sine calice haberent, & conficerent Sacramentum, ex quo Corpus Christi non est sine sanguine, & diuinitate, quamuis non sit ibi sanguis ex virtute consecrationis, & Sacramenti.*

Quam sententiam ipse Turrecremata approbare videtur, & illam probabilem esse fere omnes recentiores asserunt. Pro qua facit, quod Volateranus lib. 7. Geographiæ cap. de Saxonibus, & Onufrius in Chronico anno 1490. referunt Innocentiū VIII. dispensasse cum Noruegijs, ut Sacerdotes consecrarent panem sine vino ob difficultatem habendi, & conseruandi vinum in illa frigidissima regione. Quamuis hanc historiam multi falsam esse dicunt: quia in ea etiam dicitur, Pontificem dispensasse, ut calix sine vino consecraretur, quod non est credibile, cum Concil. Florent. definiat, vinum de vite esse materiam necessariam consecrationis calicis.

Sed

## ARTICVLVS I. 343

Sed communis Theologorum sententia est, Papam non posse dispensare, vt Sacramentum hoc in vnica tantum specie conficiatur. Nam præceptum conficiendi integrum Sacramentum non est Ecclesiasticum, sed diuinum, vt colligitur ex Concil. Trid. sess. 22. cap. 1. vbi de Christo dicitur: *Corpus & sanguinem suum sub speciebus panis, & vini Deo Patri obtulit, ac Apostolis eorumque in Sacerdotio successoribus, vt offerrent, præcepit per hæc verba: Hoc facite in meam commemorationem.* Papa autem non potest dispensare in iure diuino, vt dicitur can. *Sunt quidam*, & can. *Contra*, 25. q. 1. & pater, quia inferior non potest dispensare in lege lata à superiore. Quapropter etiam si daretur aliqua Prouincia, in qua non posset haberi, & conseruari vinum, minus inconueniens esset, talem Prouinciã carere omnino sacramento, quam confici Sacramentum imperfectum: quia vt hic ait Caiet. *Perfectio Sacramenti præponenda est reliquis necessitatibus.*



*Vtrum requiratur determinata  
quantitas panis. & vini  
ad materiam huius  
Sacramenti.*

**Conclusio est negans.**

*Dubium. An materia huius Sacra-  
menti debeat esse præsens Sacerdoti  
consecranti, & determinata quan-  
titatis.*

**D**E hac re variae sunt Doctorum sen-  
tentiae. Prima est Maioris in 4.d.11.  
q.2 art.2. vt validum fiat Sacramen-  
tum non opus esse materiam eius præsens-  
tem Sacerdoti, sed posse Sacerdotem ho-  
stiam, quam à tergo habet, & quæ tran-  
sparietem est, valide consecrare. Probat,  
Sacerdos potest consecrare hostiam, quæ  
sub alijs latet in aceruo hostiarum, & quæ  
sub corporali occultatur, & vinum, quod  
est in Calice cooperto; ergo, & hostiam,  
quam à tergo habet, & quæ est transpa-  
rietem. Confirmatur, etiam si Sacerdos  
à tergo habeat hostiam, si tamen eam  
manu contingat, aut in speculo videat, ve-  
rè dicere potest *Hoc*; ergo & illam validè  
consecrare.

se-

## ARTICVLVS II. 345

Secunda est aliorum, quos hic, & in 4. d. 11. q. 2. art. 1. quæstiunc. 3. refert D. Tho. materiam huius Sacramenti non solum, debere esse præsentem, sed etiam determinatè, ac moderatè quantitatis, sicque non posse Sacerdotem immensam, ac immoderatam quantitatem panis, & vini, puta totum panem, qui venditur in foro, aut totum vinum, quod est in dolio valide consecrare, quantumuis præsens esset illi. Probant, virtus nõ est data ministro, & verbis, nisi ad consecrandum panem, & vinum, sub ea quantitate, quæ possit deferuire ad vsum fidelium: sed hæc est determinata, ac moderata, nam si immoderata, & valde magna sit, qualis est totius panis, qui venditur in foro, & totius vini, quod est in dolio, nunquam poterit in vsum fidelium venire; ergo &c. Maior probatur, quia ex tali virtute agendo Sacerdos conformatur intentioni Ecclesiæ, quæ intendit consecrare ad vsum fidelium, & si data esset ad consecrandum immoderatam quantitatem, panis, & vini, quæ non posset deferuire ad vsum fidelium, non fuisset data ad venerationem Sacramenti, sed ad irrisionem.

Dicendum tamen est 1. vt validum fiat Sacramentum, materiam eius præsentem debere esse Sacerdoti consecranti. Docet hoc D. Thom. in 4. dist. 11. q. 2. art. 1. quæstiunc. 3. ad 1. ubi sic habet: *Ipse forma pronomine demonstratio utens ostendit, quod materia consecranda debet esse coram Sacerdote: unde Sacerdos existens in domo sua non posset*

### 346 QVAESTIO LXXIV.

*consecrare panem, qui est in altari.* Quibus verbis duas insinuat S. Doct. rationes pro nostra conclusione.

Prima fundamentalis est: quia scilicet pronomen *Hoc*, vel *Hic* contentum in forma consecrationis significat rem præsentem, & falsa esset forma, si materia esset absens; ergo, ut validum fiat sacramentum, materia eius Sacerdoti consecranti præsens esse debet. Ad quod non requiritur, ut actu videatur, nam oculis clausis potest fieri consecratio, & Sacerdos cæcus consecrare potest hostiam, quam non videt; sed ut sit coram Sacerdote, & ante eius oculos, hoc enim sufficit, ut fiat demonstratio per pronomen *Hoc*, & ut more, & usu hominum præsens censeatur, aut ratione totius, si existat in toto, etiam si ab eo separata non possit existere.

Secunda est ab inconuenienti: quia videlicet, si non deberet esse præsens, Sacerdos existens Valentiaë è domo sua posset consecrare hostias existentes in Ecclesia, immo, & quæ sunt Romæ, & in omnibus totius mundi ciuitatibus, quod absurdum, & falsum esse constat.

Aduertendum tamen, quod ibidem subdit D. Thom. *Quod etiam non potest de toto pane, qui est in foro, neque de toto vino, quod est in cellario*; scilicet consecrare illum, non esse contrarium doctrinæ huius articuli, in quo asserit, non esse verum, quod quidam dixerunt, *Quod Sacerdos non posset consecrare totum panem, qui venditur in foro, aut totum*

*vinum quod est in dolio*. Nam hic loquitur de pane, qui venditur in foro, & præsens est Sacerdoti; ibi vero de pane toto, qui est in foro, & præsens non est Sacerdoti, sed aliqua eius pars absens, & a tergo eius, & non coram illo, quod contingit, quando in foro panis venditur in diuersis locis oppositis.

Dicendum est secundo. Supposita materiae panis scilicet, & vini præsentia, non requiritur determinata, & certa quantitas eius, ut valida sit consecratio, & Sacramentum efficiatur. Docet hoc D. Thom. in 4. ubi supra, post verba enim relata con. 1. subdit: *Sed quantacumque sit quantitas panis, & vini, qua coram Sacerdote proponitur, credo quod possit consecrari ab ipso.*

Probat id ipsum hic in argument. Sed contra, quod est huiusmodi: *Multum opponitur paucis, & magnum paruo: Sed nulla est ita parua quantitas panis, aut vini, qua non possit consecrari, ergo nulla est ita magna, qua consecrari non possit.* Circa quod aduertendum est primo, consequens intelligendum esse de quantitate magna, supposita præsentia illius: si enim tanta esset magnitudo panis, ut per multa millaria protenderetur, non posset simul totus ab vno Sacerdote consecrari, quia non posset esse præsens illi.

Secundo aduertendum est, minorem intelligendam esse de parua quantitate panis, aut vini, non solum in qua separata à toto conseruatur substantia panis, aut vini, sed etiam in qua à toto separata con-

seruari non potest, qualis est medietas minimi naturalis, aut pars minor minima panis, aut vini: quamuis in ea separata à toto non possit fieri consecratio, quia in ea non potest conseruari substantia panis, aut vini; bene tamen in ea, dum est toti coniuncta, quia in ea substantia panis, & vini est, & præsens esse potest ratione totius, & ratione illius sensibilis, vnde quando Sacerdos consecrat hostiam, omnes eius partes etiam minores minima manēt consecratæ, & in illis vere est totus Christus. An vero pars minor minima possit esse materia consecrationis adæquata, ita vt si Sacerdos intendat consecrare medietatem minimi panis, illa maneat consecrata sine altera medietate, non est concursus omnium sententia. Quidam affirmantem partem tenent: quia in illa medietate, seu parte minore minima vere saluatur natura panis; ergo potest consecrari sine altera medietate, in qua etiam facta consecratione prioris conseruaretur substantia, & forma panis: nam quamuis hæc non possit conseruari sub quantitate medietatis minimi, vt separata a quantitate alterius medietatis; bene tamen, vt coniuncta, & continuata cum illa, & hoc modo remaneret facta consecratione prædicta: quia quantitas medietatis consecratæ non destrueretur, sed maneret sine subiecto, licque cum illa continuaretur quantitas medietatis non consecratæ, vnamque numero quantitatem cum illa efficeret.

Alij



Alii negantem partem tuerentur: nam per consecrationem vna pars separatur ab alia, cum in parte consecrata definat esse substantia panis, & vini: sed medietas minimi separata esse non potest; ergo nec sola consecrari, v t materia adequata. Alias posset panis consecrari in parte minore minima in infinitum, cum nulla sit pars minor minima, quæ non possit diuidi in alias partes minores, quod tamen absurdum, & falsum videtur.

Probatur deinde conclusio, supposita materię panis, scilicet, & vini presentia, non colligitur, requiri certam, & determinatam quantitatem illius, ita vt. in maiori fieri non possit consecratio ex natura panis, & vini, cum hæc in maiore saluetur, nec ex forma consecrationis, nam in ea, vt hic aduertit Caietanus, non fit mentio de quantitate, sed solum de presentia per pronomen *Hoc*, vel *Hic*; ergo ex nullo capite, sicque quæcumque quantitas panis, & vini, dummodo sit præsens, consecrari poterit. Si dicas, de quantitate vini fieri mentionem, in forma consecrationis illius, dum dicitur, *Hic est calix*; oportet enim vinum contineri in calice, ac per hoc quantitatem eius Calicem non excedere. Respondet Caiet. *Hoc non cogit, quoniam potest Sacerdos habere coram se multos calices plenos, & simul omnes consecrare, sicut simul consecrat multas hostias. Vnde ex quantitate Calicis non habetur determinata quantitas.* Dicit etiam potest, nec etiam Calicis esse determinatam quan.

350 **QVÆSTIO LXXIV.**

quantitatem, cum quocumque dato, possit dari alius maior, sicque ex nomine calicis non posse colligi determinatam quantitatem materiæ vini. Denique respondetur: cum dicitur, *Hic est calix* &c. esse figuratam locutionem, in qua continens sumitur pro contento, idemque significare, ac si solum diceretur, *Hic sanguis meus*, sicut Matth. 26. v. 28. & Marci 14. v. 24. habetur. Vnde etiã si vinum non esset in Calice, sed in terra diffusum, consecrari posset.

Dicendum est 3. Per intentionem Sacerdotis determinandam esse quantitatem tam continuam, quam discretam materiæ, panis, scilicet, & vini, vt valida sit consecratio illius. Probat, quia quantumcumque materia secundum se sit legitima, & consecrabilis, ac præsens sit Sacerdoti; si tamen hic non velit, aut intendat eam consecrare, etiam si proferat verba consecrationis, non manet consecrata, quia intentio ministri necessaria est ad confectionem Sacramenti, vt patet ex dictis supra q. 64. art. 8. ergo, vt valida sit consecratio, materiæ quantitas determinanda est per intentionem Sacerdotis, qua velit consecrare tantam, & talem quantitatem materiæ panis, & vini. Quod tripliciter fieri potest.

Primo intendendo consecrare totam materiam, quam habet coram se præsentem absolutè: & tunc tota illa cuiuscunque quantitatis sit, etiam si sit totus panis, qui vendidit in foro, & totum vinum, quod est in dolio, manet consecrata, vt patet

**ARTICVLVS II. 351**

tet ex Diu. Thom. hic & ex dictis conclus. præcedent. quamuis Sacerdos consecrans tam immensam, & immoderatam quantitatem grauitè peccet.

Secundò intendendo consecrare ex materia, quam habet præsentem, solam illam, quam habet in manibus, vel quæ est in corporali, vel in pixide, aut in calice, quæ secundum communem praxim Ecclesiæ est legitima, & optima celebrantium intentio: & tunc sola illa manet consecrata. Vnde si post consecrationem inueniat Sacerdos aliquas hostias extra corporale, aut aliquas guttas vini extra calicem, etiam calici adherentes in parte eius exteriori, immo, & intrinsecus circa extremum labrum, non debet eas reputare consecratas, quamuis consecrari possent, si ad eas Sacerdos intentionem dirigeret expressè. Ex hostiis vero, quæ sunt in corporali, vel in pixide, omnes manent consecratæ, etiam si ignoret quot sint, aut putet solum esse decem, quas ipse apposuit, & reuera sunt plures, quia ipso inscio aliæ sunt ibi à Sacrista appositæ. Cuius ratio sumitur ex Durando in 4. d. 11 q. 7. num 3. *Quia talis ignorantia se habet omnino per accidens ad Sacramentum, ex quo nihil variat de intentione ministri. Quæ non fertur in tot hostias determinatè, sed in omnes, quæ sunt in corporali, aut pixide, aut quas habet in manibus, propter quod in Ordinario Romano præcipitur, vt Sacerdos putans se vnā tantum hostiam habere in manibus, & consecrare, & inuolueniens*

niens post consecrationem duas, quia altera ei, quam ipse solam putabat consecrare, ipso inscio adhærebat, utramque iunat.

Tertio intendendo cōsecrare ex hostijs, quæ sunt in corporali, aut in pixide vnā tantum: & tunc si eam designat, ipsa sola manet consecrata; verò ipsam non designat, nulla manet consecrata, vt Durandus, vbi supra, & communiter Theologi docent. Et idem est si Sacerdos vellet consecrare medietatem vnus hostiæ non designando, quam ex duabus medietatibus. Si dimidia pars panis esset triticea, & altera ordeacea, vel si vna pars panis triticei esset præsens, & altera absens ob panis magnitudinem, & sacerdos totum consecrare intendet; quidam dicunt partem triticeam, vel præsentem manere consecratam; non secus, ac si votum fieret de aliqua totali materia, cuius vnâ pars esset bona, altera non, validum esset votum, quantum ad partem bonam, vt colligitur ex cap. *Quedam*, De conuersione coniugatorum. Alijs videtur non manere consecratam: quia forma consecrationis esset falsa, nam saceret hunc sensum, contentum sub his speciebus, tam absentibus, quam præsentibus, tam panis triticei, quam ordeacei, est corpus meum. Falsa autem existente forma, non manet materia consecrata.

Ad argumentum autem primæ sententiæ responderetur negando consequentiam: quia vt ait M. Soto in 4. d. 9. q. 1. ar. 2. *Dum con-*  
*geries*

geries hostiarum consecratur, tota illa multitudo reputatur præsens, ac perinde consecratio pertingit ad formulas, etiam, quæ subitus occultantur, etiam si aliquo operculo essent contextæ, diuino modo certus esset Presbyter illic subesse hostias. Neque opus est, ut numerum illarum nouerit. Et idem est de operculo calice: quare si presbyter putet vinum, quod ipse egregium posuerat, consecrare, non sit illud tamen, sed aliud, firma est consecratio: quia intentio non debet esse conditionalis, sed absoluta consecrandi hoc, ut forma sonat. At hostia, quam Sacerdos habet à tergo, & quæ est transparentem, non reputatur præsens, quia non potest fieri illius demonstratio per pronomen *Hoc*. Ad confirmationem negandum est, antecedens: quia etiam si Sacerdos manu contingat hostiam à tergo positam, licet aliquo modo, & cum addito possit dici hoc, scilicet hoc, quod manu contingo; non tamen ex vi pronominis absolute, & præcisè sumpti, ut in forma consecrationis sumitur, nam ex vi illius solum significatur, quod est coram, & ante oculos alicuius, & non quod est à tergo, vel procul positum etiam si de illo cum addito possit dici hoc, quod contingo, vel de quo loquor. Quamuis etiam Sacerdos hostiam à tergo positam videat in speculo, non potest illam demonstrare pronomine *Hec*, sed solum eius similitudinem relucentem in speculo, quæ non est materia huius Sacramenti, aut consecrationis.

Ad argumentum secundæ sententiæ respon-

spondetur cum D. Thom. & in 4. vbi supra;  
 licet materia huius Sacramenti determine-  
 tur per comparisonem ad usum fidelium:  
 & in ordine ad hunc finem sit data virtus  
 ministro, & verbis: non tamen fidelium,  
 qui nunc occurrunt: alioquin Sacerdos  
 paucos parochianos habens, aut in deser-  
 to existens non posset consecrare multas  
 hostias; sed per comparisonem ad usum  
 fidelium absolutè, quorum numerus inde-  
 terminatus est. Ad probationem dico, du-  
 plicem esse intentionem Ecclesiæ: vnā,  
 quæ ordinatur ad perfectionem Sacramen-  
 ti, vt scilicet validum conficiatur Sacra-  
 mentum: aliam, quæ ordinatur ad finem  
 Sacramenti, qui est vsus fidelium, qui ad  
 illud sumendum moraliter, & secundum  
 prudentiam iudicantur posse occurrere,  
 secundum quam in can. *Tribus gradibus*,  
*De consecrat. dist. 2.* dicitur: *Tanta in altari*  
*holocausta offerantur, quanta populo sufficere*  
*debeant.* Qui ergo immoderatam, & in-  
 gentem panis, & vini quantitatem conse-  
 crat conformatur primæ intentioni Eccle-  
 siæ, & sic validum conficit Sacramentum;  
 non tamen secundæ, & sic quamuis vali-  
 dè consecret, peccatum graue comittit,  
 propter maximam indecentiam, & quia  
 abutitur potestate sibi tradita consecrando  
 talem materiam, quæ ad irrisionem po-  
 rius, quam ad venerationem Sacramenti  
 faciat; sicut etiam peccat, qui libertate  
 sibi à Deo data abutitur malum eligendo;  
 quia licet data sibi fuerit, vt posset vtrum-  
 que

### ARTICVLVS III. 355

que bonum, scilicet, & malum eligere relictus in manu consilij sui; non tamen, vt eligeret malum, sed vt bonum eligeret potens eligere malum.

### ARTICVLVS III.

*Vtrum requiratur ad materiam huius Sacramenti, quod sit panis triticeus.*

**Conclusio est affirmans.**

*Dubium. An solus panis confectus ex tritico sit materia proxima Eucharistiae.*

**P**Artem negantem tenet Caiet. hic, & probat 1. Materia proxima Eucharistiae, quam ex Euangelio indubitanter habemus, est panis non determinatus ad talem, vel talem materiam remotam, qualis est triticum, spelta, far, &c. Sed panis absolutè, hoc est, sine determinatione aliqua, cuiusmodi non sunt, qui appellantur panes cum additione scilicet panis ordeaceus, panis millaceus panis castanaceus. & huiusmodi, qui ideo cum additione preferuntur, vt intelligantur non panes, sed panes tales; ergo ex quibuscumque tanquam ex materia transeunte panis conficiatur, dum.

### 356 QVAESTIO LXXIV.

dummodo sit verè panis absque determinatione aliqua, potest consecrari.

Secundò. Experientia probatum apparet ex tritico, & filigine, & spelta confici panem pro Sacramento, de tritico manifestum est, de filigine docet D. Thom hic ad 2. de Spelta Paludanus asserit in quibusdam Ecclesijs consecrari panem confectum ex illa, quod, & in secundo argum. articuli huius dicitur; ergo non solus panis confectus ex tritico est materia Eucharistiæ.

Tertio. Vna, & eadem res homogenea potest naturaliter ex diuersarum specierum rebus, vt materia transeunte generari, vt patet in sanguine, qui generatur ex cibis, & nutrimentis distinctarum specierum; ergo similiter substantia panis eiusdem speciei potest generari ex multis diuersarum specierum granis, tãquã ex materia transeunte, sicq. licet triticum sit principalis certa, & indubitata materia panis Sacramentalis; non tamen solum ipsum; sed etiam alia grana possunt esse talis panis materia.

Dicendum tamen est 1. Solum panem verum, & propriè dictum, qui simpliciter, & absolute est panis, esse materiam proximam Eucharistiæ. In hoc conueniunt omnes, & ita certum est, vt oppositum ad minus error in fide censeatur. Probatur ex facto Christi, qui, vt patet Matth. 26. v. 26. Marci 14. v. 22. Lucæ 22. v. 19. & 1. Corinth. 11. v. 24. panem consecrauit pro materia huius Sacramenti, & præcepit discipulis, vt idem facerant, ergo cum hoc no-

men



### ARTICVLVS III. 357

men panis propriè accipiendum fit; solus panis verus, & propriè dictus, qui simpliciter, & absolute est panis, erit materia proxima Eucharistiæ: sicut, quia ex Evangelio constat Baptismum debere fieri in aqua, rectè colligitur, aquam veram, & naturalem esse materiam Baptismi.

Ex hac conclusione infertur 1. quod docent Caietan hic, Mag. Soto in 4. dist. 9. artic. 3. & communiter Theologi, massam, crudam non esse materiam huius Sacramenti: nam talis massa, aut differt specie à pane; vt prædicti discipuli D. Thom. affirmant, & colligitur ex S. Doctore q. seq. artic. 6. ad 1. vel quamuis non differat specie à pane, sed solum accidentaliter, vt sentit Scotus in 4. dist. 1. q. 7. non est panis verus simpliciter, & absolute, immo, nec humanus cibus.

Secundo. Quod iidem asserunt, nec etià esse materiam huius Sacramenti massam, vtcumque coctam, sed vt talis sit, debere solo, & puro igne coqui, assari, vel torrerè in furno, aut sub cineribus, aut intra vas aliquod ferreum aut fictile: sola enim massa sic cocta est verus, & vinalis panis, non verò elixa, seu in aqua cocta, aut frixa, seu cocta in oleo, aut butiro. Vnde lagana materia huius Sacramenti non sunt, nec etiam pultes: quia quamuis forte non differant à pane, specie essentiali, non sunt tamen veri panes, simpliciter, & absolute, nec tales secundum communem loquendi vsum appellantur; carent enim ratione; & for.

forma panis constitutiva. siue hæc substan-  
tialis sit, siue accidentalis. Vnde Plinius li-  
bro 18. cap. 8. inquit, Romanos quodam  
tempore non pane, sed pulte usos fuisse, &  
Exodi 19. v. 2. & in Levitico sæpe panis à la-  
ganis distinguuntur.

Tertiò. Massam, vt ex ea fiat panis Sa-  
cramentalis, seu consecrabilis debere  
esse confectam ex farina, & aqua natu-  
rali; nam vt ait D. Tho. hic artic. 7. ad 3.  
*Si farine admisceatur aqua rosacea, vel qui-  
cumque alius liquor, quam vera aqua, non  
posset ex eo confici Sacramentum, quia non  
esset verus panis.* De quo, licet dubitet Caie-  
tan. ab aliis fere omnibus certum esse exi-  
stimatur; nisi tam modica esset permissio  
alterius liquoris, vt non solueret speciem,  
iuxta doctrinam eiusdem D. Th. hic ad 3.

Quartò. Amydum, & panem ex eo  
confectum non esse materiam huius Sa-  
cramenti: ait namque D. Thom. hic ad 4.  
*Quia amydum est ex tritico corrupto, non vi-  
detur, quod panis ex eo confectus possit fieri cor-  
pus Christi, quamvis quidam contrarium di-  
cant.* Quorum sententiam in 4. d. 11. qu.  
2. art. 2. quæstiuncula 2. ad 3. non repro-  
bat. vnde nonnullis videtur probabilis. Cer-  
tum tamen est, in eo pane non esse licitum  
consecrare, quia ad minus est materia  
dubia.

Dicendum est 2. Materiam huius Sacra-  
menti esse solum panem confectum ex tri-  
tico. Docet hoc D. Thom. hic, & in 4.  
d. 11. q. 2. ar. 2. quæstiuncula 1. vbi & ait:

*Cuius*

*Cuius Causa est diuina instituto, quia ipse ex hoc pane confecit.*

Secundò probatur ex Concil. Florent in Decreto Eugenii, vbi de hoc sacramento dicitur: *Cuius materia est panis triticeus, & vinum de vite.* sed panis triticeus est panis ex tritico confectus; ergo hic solus est materia huius sacramenti. Nec dici potest Concil. loqui de materia principali, non de omnino necessaria. Nam eodem modo dici posset, cum ibidem ait Concil. vinum de vite esse materiam huius sacramenti, & aquam naturalem esse materiam Baptismi, loqui de materia principali solum: sed hoc est falsum; loquitur enim de materia essentiali sacramentorum, sine qua sacramentum perfici non potest, vt patet ex 9. *Hac omnia sacramenta, ergo &c.*

Quæ nam autem grana triticum sint, de quibusdam certum est, de aliis dubiis. De ordeo, millio, auena, & leguminibus certum est non esse triticum, sicque ex illis non posse confici panem pro materia huius sacramenti.

De centeno seu typha mihi probabilius videtur esse triticum, & panem ex eo confectum posse esse materiam huius sacramenti. Nam vel est idem cum siligine, vt multi purant: vel etiam si diuersum sit, quia siligo significat triticum candidum, & selectum, eadem est ratio de alio, ac de siligine, cum constet in aliquibus regionibus nasci ex tritici seminato. & vt hic ad 2. ait D. Tho.

*ex semine tritici generari possunt (sicut ex grano tritici seminato in malis terris nascitur siligo) ex tali frumento panis confectus potest esse materia huius sacramenti. Cæterum quia multi existimant non esse triticum, & ex tritico seminato non nasci solum ob debilitatem terræ, quæ quandoque solet fructus eiusdem speciei melioris coloris, & saporis producere, sed etiam per corruptionem tritici, non esset licitum panem ex centeno confectum consecrare, iuxta ea quæ diximus 1. 2. q. 19. a 6. dubio 4. con. 2. Quidam recentiores hic existimant, consecrare panem ex centeno confectum, quamvis non sit licitum sine gravi necessitate; licitum tamen esse, ne homo moriatur sine sacramento, vel ut in die festo non maneat totus populus sine sacrificio: sed hoc ego non consulerem, sicut nec ut consecraretur panis fermentatus: quia sicut hoc est contra præceptum Ecclesiæ latinæ, ita, & consecrare materiā dubiā, & communicare infirmum, & populum audire Missam non est simpliciter necessarium ad salutem, & ab obligatione præcepti excusat carentia panis tritici.*

*De farre, & spelta ait D. Thom. hic ad 2. non posse confici panem, qui sit materia huius sacramenti. Alii cum Alberto Magno in 4. dist. 11. art. 3. contrarium asserunt, saltem de spelta. Nonnullis hæc controversia videtur de nomine: quia in quibusdam nationibus his nominibus appellantur quædam species veri tritici; in alijs*

alijs vero alia distinctæ à tritico .

Ad 1. autem factum in principio respondetur negando antecedens: ex Euangelio enim adiuncta consuetudine, & traditione Ecclesiæ, Concilijque Florent. determinatione habemus, materiam proximam Eucharistiæ esse panem triticeum. Immo, & ex ipsis Euangelij verbis: nam vt ait D. Thom. in 4. d. 11. q. 2. art. 2. quæstiuncula 1. *Panis simpliciter dictus intelligitur de tritico, sicut oleum de oliuis.*

Ad 2. in Prouincijs, in quibus consuevit fieri panis pro sacramento ex filigine, & spelta, existimasse has esse species veri tritici, si tamen reuera non erant, errasse, & sacerdotes nihil effecisse. Modo vero post Concil. Florentin. nullibi consecratur panis, nisi triticens.

Ad 3. respondetur, eodem argumento probari posse ex ordeo, & millio posse generari substantiam panis eiusdem speciei cum pane genito ex tritico. Vnde dicendum est, antecedens solum esse verum, quando in materia introducitur forma eiusdem rei homogeneæ, vt contingit, quando ex diuersis cibis generatur sanguis. Quando autem ex granis, quæ triticum non sunt, fit panis, non introducitur in materia talium granorum forma panis eiusdem speciei cum forma panis triticei, qui solus est panis simpliciter, & absolute, sed forma panis alterius speciei, qui non simpliciter, & absolute est panis, sed cum addito, sicut, & panis ordeaceus, & ideo

*talis panis non est materia huius sacramenti.*

## ARTICVLVS IV.

*Vtrum hoc Sacramentum debeat cōfici ex pane azymo.*

**Conclusio est affirmans.**

*Dubium. An cōficere hoc Sacramentum pane azymo, sit de necessitate Sacramenti, aut præcepti.*

**G**Ræci schismatici non solum dicunt, nō esse de necessitate huius Sacramenti conficere illud in pane azymo, sed etiam de necessitate illius esse, vt conficiatur ex pane fermentato: nam vt refert D. Thom. in 4. d. 11. q. 2. ar. 2. quæstiuncula 3. asserunt: *Non posse confici nisi de fermentato.*

Præcipuum illorum fundamentum est, quia Christus in pane fermentato hoc Sacramentum confecit; quod probant: tum quia illud instituit die, seu luna 13. mensis primi, in qua Iudæi non utebantur azymis, sed fermentatis panibus. Tum etiam quia Matth. 26. v. 27. ubi nos legimus, *Accipite Iesus panem*, in Græco dicitur *Arton*: sed hoc nomen *Arton*, significat panem fermentatum, quo communiter utimur; ergo  
Chri.

Christus in fermentato confecit .

Caluinus , & alij hæretici nostri temporis , quamuis asserant in vtroque panis , tam scilicet azy mo , quam fermentato posse confici Eucharistiam , sicut , & in vino albo , vel rubro ; dicunt tamen fermentatum panem conuenientiorem esse . Quod probant : tum quia vti azymis videtur sapere cæremonias iudaicas . Tum etiam , quia panis fermentatus est aptior ad cibandum hominem , & ideo magis vsualis , & communis .

Dicendum tamen est 1. Non esse de necessitate Sacramenti Eucharistiæ , conficere illud ex panis azy mo , aut fermentato , sed in vtroque confici posse . Docet hoc D. Th. hic dicens : *Necessarium quidem est , vt si panis triticeus (sicut dictum est) sine quo non perficitur Sacramentum . Non est autem de necessitate Sacramenti , quod sit azymus , vel fermentatus quia in vtroque confici potest .*

Secundò probatur ex Conc. Florent. vbi vt refertur in compendio §. 2. sic dicitur : *Item definimus in azy mo siue fermentato panis triticeo corpus Christi veraciter confici .*

Tertiò . Quia quauis in primitiua Ecclesia Apostoli celebrarent in azy mo , quem morem Romana Ecclesia ab Apostolis accepit , vt ait Innocentius III. libr. 4. de mysterijs Missæ cap. 4. *Sed postea , vt dicit Leo Papa (& refert D. Thom. vbi supra) imminente hæresi Hebionitarum , qui dicebant simul cum Euangelio legalia obseruanda , sancti Patres , ne eis consentire viderentur , voluerunt*

# 364 QVAESTIO LXXIV.

*ad tempus instinctu Spiritus Sancti ex fermentato confici Sacramentum . Postea cessante illa heresi Ecclesia Romana ad pristinum morem rediit . At si de necessitate huius Sacramenti esset, illud conficere in pane azymo, sancti Patres non decreuissent instinctu Spiritu Sancti, vt illud etiam ad tempus conficeretur ex fermentato : & si de necessitate Sacramenti esset conficere illud ex fermentato , non id decreuissent ad tempus , sed in perpetuum, & non rediissent ad pristinum morem ; ergo &c.*

Dicendum est 2. De necessitate præcepti esse, vt Latini conficiant hoc Sacramentum in pane azymo, & Græci in fermentato . Docet hoc Diu. Thom. hic subdens : *Conueniens autem est , vt unusquisque seruet ritum suæ Ecclesiæ in Sacramenti celebratione . Vnde sicut peccat Presbyter in Ecclesia Latino- rum celebrans de pane fermentato ; ita peccaret Presbyter Græcus celebrans de pane azymo, quasi peruertens Ecclesiæ suæ ritum ,*

Secundò probatur ex Concil. Florent. nam vbi supra subdit : *Sacerdotesque in alterutro ipsum Domini corpus conficere debere , unumquemque iuxta Ecclesiæ suæ sive occidentalis , sive orientalis consuetudinem .*

Ex his colligitur, falsas esse opiniones Scoti in 4. d. 11. q. 6. asserentis Græcos peccare consecrando in fermentato : & Paludani ibidem qu. 1. artic. 4. con. 2. dicentis Græcis liberum esse consecrare in azymo, aut fermentato . Nullus enim peccat seruando consuetudinem suæ Ecclesiæ à Concilio



cilio, & Romana Ecclesia approbatam, qualis est consuetudo Ecclesiæ Græcæ. Immo peccat eam non seruando, cum quisque teneatur suæ Ecclesiæ leges seruare, & prædicta consuetudo consecrandi in pane fermentato in Græca Ecclesia vim legis obtineat, nam in ea tantum, vt grauius obligans, recepta est, & ratione non caret, vt hic ait D. Thom.

Quibuslibet recentioribus rigurosum videtur dicere, Græcos peccare mortaliter, si suæ Ecclesiæ consuetudinem non seruent, sed nostræ: quia cum nostra consuetudo sit melior, non videtur res grauis, vt Græcus sequatur, vel non sequatur consuetudinem suæ Ecclesiæ. Sed ego mortaliter peccare existimo: Tum propter scandalum, quod inde in tali Ecclesia oriretur. Tum etiam, quia licet nostra consuetudo sit melior, consuetudo tamen Græcæ Ecclesiæ rationabilis est, & ibi vt grauius obligans recepta, & hoc sufficit, vt sub mortali obliget: sicut & consuetudo, & lex de operibus vitæ actiue in quibusdam Religionibus sub mortali obligat, etiam si absolutè melius sit vacare operibus vitæ contemplatiuæ. Tum denique, quia id insinuat D. Thom. hic dicens, ita peccare Presbyterum Græcum in Ecclesia Græcorum celebrantem de pane azymo, sicut peccat Presbyter Latinus in Ecclesia Latinorum celebrans de pane fermentato: sed hic peccat mortaliter; ergo & ille, quia vterque peruertit Ecclesiæ suæ ritum.

# 366 QVAESTIO LXXIV.

Si quæras, an Sacerdos Latinus transiens per Græciam possit celebrare in fermentato, & Sacerdos Græcus transiens per loca Latinorum in azymo? Respondetur, id licitum esse; conuenientius tamen esse, Latinum celebrare ritu Latino, & Græcū ritu Græco. Primum patet ex dictis 1. 2. q. 96. art. 5. dubio vnico, con. 2. vbi docuimus, peregrinos, & itinerantes non teneri legibus locorum, in quibus nō sunt, etiam si in eis domicilium habeant; sed posse se accommodare consuetudini locorum, per quæ transeunt. Secundum non repugnat dictis ibidem, peregrinos scilicet, & itinerantes teneri legibus locorum, in quibus reperiuntur. Nam quamuis hoc verum sit de legibus particularium locorum; non tamen de consuetudinibus generalibus totius Ecclesiæ Græcæ, aut Latine. Hæc enim seruari posse ab habentibus domicilium in qualibet earum Ecclesiarum, etiam dum peregrinantur in alia, approbat Sum. Pontifex, vt colligitur ex Epist. Leonis IX. ad Michaelē Episcop. Constantinop. Quod, & cōfirmat praxis, qua videmus Episcopos Græcos per loca nostra transeuntes Græco ritu celebrare. Ratio etiam suadet, quia nimis difficile esset Sacerdoti Græco ritum Latinum discere, & Latine celebrare, & Sacerdoti Latino discere Græcum, & Græcè celebrare.

Dicendum est 3. Rationabiliorem, ac meliorem esse consuetudinem Ecclesiæ Latine, quam Græcæ. Docet hoc D. Thom. hic

# ARTICVLVS IV. 367

hic dicens : *Tamen consuetudo de pane azymo celebrandi rationabilior est .*

Secundo probatur rationibus S. Doctoris quarum præcipua est : quia hæc consuetudo est cõformis institutioni, & factõ Christi, qui vt ostendimus quæst. præced. art. 5. hoc Sacramentum instituit die, seu luna 14. mensis primi ad vesperam, a qua incipiebat solemnitas azymorum, & in ea fermentatum comedere non lidebat Iudeis, sicque in azymo illud confecisse colligitur; ergo rationabilior, & melior est.

Ad fundamentum Græcorum scismaticorum responderetur, etiam si verum esset, non sequi de necessitate huius Sacramenti esse, vt conficiatur in fermentato : sicut licet verum sit Christum, in pane azymo confecisse hoc Sacramentum, vt nos asserimus, non inde sequitur de necessitate Sacramenti esse, vt conficiatur in azymo. Sed negamus tale fundamentum. Ad 1. probationem negandum est, Christum instituisse hoc Sacramentum die, seu luna 13. vt patet ex dictis q. præced. art. 5. Ad 2. probationem respondet D. Thom. in 4. dist. 11. quæst. 2. art. 2. quæstiuncula 3. ad 6. *Quod artos apud Græcos quandoque etiam pro azymo pane ponitur; & ideo Exodi 12. dicitur in Græco artos, ubi nos habemus panes azymos. Lucę etiam 24. vers. 30. ubi nos habemus Accepit panem, in Græco dicitur, Arton; talem autem panem fuisse azymum patet: nam id contigit post resurrectionem Christi*

# 368 QVAESTIO LXXIV.

fiti in Castello Emaus intra solemnitatem  
azymorum, & septem dies, quibus Iudæi  
azyma comedebant, & non licebat eis nec  
habere in domibus fermentatum, ut con-  
stat Exodi 12.v.19.

Ad Argumenta Caluini, & aliorum hę-  
reticorum nostri temporis respondetur.

Ad 1. cum D. Thom. hic ad 2. *Quod confi-  
cientes ex azymo non intendunt caeremonias  
legis seruare, sed confirmare se institutioni  
Christi, & ideo non iudaizant &c.*

Ad 2. respondetur ex eodem S. Doct. hic  
in corp. quamuis panis fermentatus sit ma-  
gis vsitatus, & aptior ad cibandum: azy-  
mum tamen aptiorem esse ad vsum huius  
Sacramenti: *Quia magis expedit sinceritati  
fidelium, qua requiritur ad vsum huius Sacra-  
menti: secundum illud 1. Corinth. 5. Pascha  
nostra immolatus est Christus, itaque episcopus  
in azymis sinceritatis, & veritatis.*



*Vtrum vinum vitis sit propria  
materia huius Sa-  
cramenti.*

**Conclusio est affirmans:**

**D**efinita in Concil. Florent. in Deere to  
Eugenij, vbi de hoc Sacramento dici-  
tur: *Cuius materia est panis triticeus, & vinum  
de vite.* Colligitur etiã ex verbis illis, quę  
Christus post consecrationem calicis dixit  
Matth. 26. ver. 29. *Non bibam amodo de hoc  
genimine vitis.* Vnde certa est secundum  
fidem.

Ex illa colligitur, non esse materiam hu-  
ius Sacramenti vinum malorum granato-  
rum, vel mororum, aut pomorum, vt do-  
cet D. Thom. hic ad 1. quia non est vinum  
de vite. Nec acetum, vt hic ad 2. ait S.  
Doctor, quia fit per corruptionem vini, &  
non est vinum nisi corruptum: Bene ta-  
men vinum aescens, quamuis peccet cõ-  
ficiens de illo, & graue, ac mortale pec-  
catum sit, si notabile dubium est, an sit ace-  
tum, ob periculum cui committitur Sa-  
cramentum: Nec agrestam, seu ompha-  
cium, vt hic ad 3. dicit D. Thom. quia est  
in via generationis, & nondum habet spe-  
ciem vini: bene tamen mustum, quia  
iam habet speciem vini, quamuis inde-

# 370 QVAESTIO LXXIV.

cens sit, & prohibitum in eo recenter ex  
vuis expreso fieri consecrationem ob eius  
impuritatem, fieri tamen posset in neces-  
sitate, etiam si botrus in calice prae-  
metur.

De vino congelato, quidam affirmant  
esse materiam sufficientem, alij negant:  
omnes tamen asserunt peccatum esse illud  
consecrare. Soluta congelatione, si ve-  
rum vinum esse constat, licite consecrari  
potest.

## ARTICVLVS VI.

*Vtrum aqua sit vino permi-  
scenda.*

**Conclusio est affirmans.**

**P**eccatum mortale esse, aquam vino nō  
permiscere colligitur ex Concil. Trid.  
sess. 22. cap. 7. vbi dicitur: *Præceptum esse ab  
Ecclesia Sacerdotibus, ut aquam vino in calice  
offerendo permiscerent.* Huius enim præce-  
pti transgressio non potest non esse morta-  
lis culpa. Nec dici potest, materiam esse  
leuem: nam quamuis permistio aque mo-  
dicissime secundum se absolute res parua,  
& leuis sit; in ordine tamen ad hoc Sacra-  
mentum res est grauissima, ob rationes ibi  
à Concilio, & hic à D. Thom. assignatas;  
ob

## ARTICVLVS VI. 371

ob imitationem scilicet Christi, quem in vino aqua permisto hoc Sacramentum instituisse creditur: & ob representationem passionis eius, in qua aqua simul cum sanguine à latere eius exijt: & ob significationem effectus huius Sacramenti, qui est vnio populi fidelis cum Christo capite.

## ARTICVLVS VII.

*Utrum permissio aquæ sit de  
necessitate huius Sa-  
cramenti.*

**Conclusio est negans.**

**O**ppositum huius tenet Armacanus lib. 9. de q. Armen. cap. 9. & probat ex verbis S. Cypriani Epist. 3. ad Concilium, quæ refertur de consecrat. dist. 2. nam can. Sic in sanctificando, dicitur: Sic calix Domini non est aqua sola, & vinum solum, nisi utrumque misceatur, quomodo nec corpus Domini potest esse sola farina, nisi utrumque adunatum fuerit, & copulatum. Et can. Scriptura, subditur: A Domino admoniti, & instructi sumus, ut calicem Domini cum vino mistum, secundum quod Dominus obtulit offeramus. Ergo sicut mistio aquæ cum farina est de necessitate huius Sacramenti, ita permissio aquæ cum vino: & sicut, quia Dominus obtulit,

& consecrauit vinum vitis, hoc est materialianecessaria; ita quia obtulit, & consecrauit vinum aqua permistum, aquæ permistio necessaria erit, vt validum sit Sacramentum.

Sed conclusio D. Thom. adeo certa est, vt opinio Armachani improbabilis censeatur. Est enim contra communem sententiam omnium scholasticorum asserentium, vinum solum validè consecrari, ex illoque hoc Sacramentum confici, etiam si Sacerdos aquam in calice apponere obliuiscatur. Quod colligitur ex verbis S. Cypriani, ex quibus D. Thom. hic conficit argum. *Sed contra*, & referuntur in prædicto can. *Scriptura*. Dicit enim simplicitati aliquorum prædecessorum, qui aquam vino non miscuerant, posse veniam concedi; quo indicat, male quidem fecisse, sed non inualidum Sacramentum consecrisse. Colligitur etiam ex Concil. Florent. In Decreto Eugenij, vbi materiam huius Sacramenti dicit esse vinum de vite; & quamuis aquam vino esse permiscendam subdat; huius tamen rationem nō assignat, quia sit de necessitate Sacramenti, sed quia hoc Ecclesia semper seruauit, & ne ab hac vniuersalis Ecclesiæ discrepent consuetudinem, illam Armenos debere imitari.

Ad 1. vero D. Cypriani auctoritatem respondet S. Thom. hic ad 1. Quod verbum Cypriani est intelligendum secundum quod dicitur, illud esse non posse, quod conuenienter esse non potest. Et sic similitudo illa attenditur;

quæ.



## ARTICVLVS VII. 373

*quantum ad id, quod debet fieri, non autem quantum ad necessitatem. Nam aqua est de essentia panis: non autem de essentia vini.*

Ad 2. auctoritatem respondetur, illam ad summum probare permissionem aquæ esse de iure diuino, quod multi concedunt cum Mag. Soto in 4. dist. 9. quæst. 1. art. 6. Sed alij nec etiam de permissione aquæ esse diuinum præceptum existimant. Quod & indicant Conc. Florent, in Decreto Eugenij, & Trident. Sess. 22. cap. 7. dum solius præcepti Ecclesiastici mentionem faciunt. Et ad verba S. Cypriani respondetur, illam admonitionem, & instructionem Domini, non significare necessitatem sacramenti, aut præceptum à Christo impositum, sed quod suo exemplo docuit, ex quo Ecclesia sumpsit occasionem illud præcipiendi. Nec factum Christi inducit necessitatem huiusmodi, aut præceptum diuinum: sicut nec, quia consecrauit in azymo, inferitur sacramentum non posse confici nisi in azymo, aut de hoc esse præceptum diuinum, cum Ecclesia Græcis concedat, vt in fermentato sacramentum conficiant.



*Utrum aqua debeat in magna quantitate apponi.*

**Conclusio est negans.**

*Dubiam. An aqua, qua in calice apponitur, debeat prius conuertere in vinum, ut in sanguinem Christi conuertatur.*

**P**Artem negantem tenent quidam recentiores, & probant primo. Patres dicunt, aquam offerri, benedici, consecrari, & consecratione mutari in sanguinem: sed hæc essent falsa, si necessario ante consecrationem verti deberet in vinum, quia non aqua, sed vinum consecraretur, & mutaretur in sanguinem; ergo, &c. Maior probatur, nam aquam offerri, & benedici dicunt Alexander I. S. Cyprianus, & Concil. Martini Papæ, quorum verba referuntur de consecrat. dist. 2. in primis quatuor Canonibus, Aquam consecrari, & consecratione conuertere in sanguinem, dicunt Paschasius lib. 1. de cor. Christi c. 11. his verbis: *Aqua consecratur, non quod aqua permaneat, sed vertatur in sanguinem &c.* *Constat igitur, & si tria prius ponantur, non nisi*

# ARTICVLVS VIII. 375

nisi caro, & sanguis postea creditur D. Algerus lib. 1. de Sacrament. corp. Domini, c. 16. vbi ait: Cum enim vino pro Christo, aqua sacrificatur pro populo, & utrumque unus sanguis fiat, &c. Sed licet in mensa Domini tria constituantur munera, sunt tamen duo, per quæ sacrificetur. Est aqua mista prius vino, sed quando sacratur, non nisi sanguis erit. S. Ambrosius lib. 4. de Sacram. cap. 5. inquit: Ante verba Christi, Calix est vino, & aqua plenus: vbi verba Christi operata fuerint, sanguis efficitur. S. Augustinus asserens: Aqua mittitur in calicem, & fit sanguis consecratione verbi celestis. D. Damasc. lib. 4. fidei, c. 14. vbi Christum ait, Panem suum ipsius corpus facere, & vinum, & aquam sanguinem. Et S. Iustinus Apologia 2. pro Christianis sub finem, vbi dicit: Diaconi dant unicuique eorum, qui adsunt percipiendum panem, vinum, & aquam, quæ cum gratiarum actione consecrata sunt.

Secundo. Multo certius est, totum, quod continetur in calice, per legitimam consecrationem conuerti in sanguinem, quam aquam prius conuerti in vinum: sed hoc esset falsum, si necessario deberet prius conuerti in vinum, quam in sanguinem, ut per se patet, ergo non est necessarium prius conuerti in vinum. Maior probatur, quia multi putant fidei dependum esse, totum liquorem contentum in calice, legitima facta consecratione, conuerti in sanguinem, quod, & colligitur ex Patribus præced. arg. citatis absolutè id asserentibus tanquam rem certam, & indubitatam; &

quis

376 **QVÆSTIO LXXIV.**

quia alias falsa esset forma calicis, sicut, & falsa esset forma corporis, si absolute pronuntiaretur super hostias, inter quas essent aliquæ hostiæ chartaceæ, aut forma calicis super calicem mistum vino, & oleo. Contra vero nunquam fuit in Ecclesia inditatum pertinere ad fidem, an aqua conuertatur in vinum, cum semper id plurimi negauerint, qui nunquam fuerunt in Ecclesia reprehensi.

Tertiò. Aqua mista vino nunquam conuertitur in vinum: sed quandoque conuertitur in sanguinem Christi; ergo ad hoc non est necessarium, ut prius conuertatur in vinum. Maior probatur 1. quia Arist. Plinius, omnesque medici, & chymici id affirmant. Secundò, quia potest aqua post mitionem iterum separari, quod non esset, si in vinum conuersa esset. Tertiò, quia corpora simplicia, qualis est aqua, non nutriunt, quia non possunt immediatè in mista conuerti, ac proinde, nec aqua in vinum. Quartò, quia aqua est tenacissimæ naturæ: vnde si eam iniicias in candentem ollam ferream, si vapores a lambico excipias, totam omnino integram recipies. Quintò, quia, nec viuientia totum cibum, aut potum possunt integrè in suam substantiam conuvertere, nec ignis totam materiam, quam comburit, cum relinquat cineres, & fuliginem; ergo, nec vinum totam aquam poterit in se conuvertere. Sextò, quia vinum semper proportionabiliter perdit virtutem suam pro multitudine aquæ.

quæ

quæ ei imponitur, & si guttatim, & per interualla imponas, cum tamen contrariâ contingat in ijs, quæ alias res in suam substantiam conuertunt. Septimo, quia, & si fortia valde vina possent paruam quantitatem aquæ in se conuertere, non tamen tenuia: & quamuis possent, non tamen, tam breui tempore, quale est communiter in priuatis Missis ab offertorio, vsque ad consecrationem, & multo minus, quando quis post consecrationem corporis recordatur se non imposuisse aquam calici, & secundû Rubricas Romanas statim eam imponit, & consecrat, ergo saltem tunc aqua immediate cõuertitur in sanguinem Christi, alias Ecclesia, in prædictis Rubricis iubens misceri aquam vino, exponeret Sacerdotem, periculo proferendi formam falsam, & offerendi populo adorandam aquam pro sanguine Christi.

Dicendum tamen est: vt aqua in calice apposita conuertatur in sanguinem Christi, prius debere conuertere in vinum. Docent hoc communiter Theologi, nec vllus præter prædictos recentiores oppositum dixit vnquam. Afferunt, quidem viri grauissimi, & scientia, & dignitate eminentissimi, aquâ simul, & vinum transubstantiari in sanguinem Christi, hocque semper credidisse sanctam Romanam Ecclesiam, hæresimque hoc sæculo obortam esse negantium aquam vino mistam mutari in sanguinem. sed hoc non opponitur nostræ conclusioni, quæ neque id negat, sed asserit, aquam vi-

no

bo mistam, quæ mutatur in sanguinem Christi, & quæ simul cum vino transubstantiatur in illum, esse aquam vinum factam, seu in vinum conuersam: neque est hæresis hoc sæculo oborta; hoc enim asserere manifesta insania est, quam nec somniarunt prædicti viri doctissimi.

Probatur ergo nostra conclusio I. cum D. Thom. hic ex cap. *Cum Martha*, De celebratione Missarum, ubi cum ab Innocentio III. quæsitum esset, vtrum aqua cum vino in sanguinem Christi conuertatur, respondit de hac re varias esse Scholasticorum opiniones: *Aliquibus enim videtur, quod cum de latere Christi duo præcipua fluxerint Sacramenta, redemptionis in sanguine, & regenerationis in aqua: illa duo vinum, & aqua, quæ commiscetur in calice, diuina virtute mutantur. Alij verò tenent, quod aqua cum vino transubstantiatur in sanguinem, cum in vinum transeat mista vino, licet physici contrarium asseuerent, qui aquam à vino per artificium posse asserunt separari. Præterea potest dici, quod aqua non transit in sanguinem, sed remanet prioris vini accidentibus circumfusa.* Ex quibus tribus opinionibus quænam tenenda sit, subdit: *Verum inter opiniones prædictas illa probabilior iudicatur, quæ asserit, aquam cum vino in sanguinem transmutari.* Ergo cum hæc sit secunda opinio asserens, aquam cum vino transubstantiari in sanguinem, cum in vinum transeat mista vino: illam probabiliorē esse iudicat. Et cum talis opinio rationem reddat,

## ARTICVLVS VIII. 379

dat, cur aqua in sanguinem transubstantietur, quia in vinum transit; sentit absque dubio Pontifex, non posse aquam transubstantiari in sanguinem Christi, nisi prius in vinum transeat, seu conuertatur.

Respondent prædicti recentiores, Pontificem proferentem suam sententiam non dicere secundam sententiam, aut eorum, qui dicunt aquam prius conuerti in vinum esse probabiliorem, vt aliqui illum male citant, sed probabiliorem esse eorum sententiam, qui dicunt, aquam cum vino in sanguinem transmutari; vt ostendat se abstrahere ab eo, quod prius in vinum sit conuersa, necne.

Sed ij auctores ante omnia D. Thom. aduersantur, qui sententiam Pontificis ita refert. *Et ideo, sicut ipse dicit, aliorum opinio probabilior est, qui dicunt aquam conuerti in vinum, & vinum in sanguinem.* Deinde, falsum esse, quod asserunt ipsi, probatur: nam Pontifex vnam ex tribus opinionibus ab ipso relatis asserit esse probabiliorem, cum dicat: *Inter opiniones prædictas illa probabilior indicatur, &c.* Sed non primam, nec tertiam, vt patet; ergo secundam, quæ sola asserit, aquam cum vino in sanguinem transmutari. Respondent, Pontificem secundam sententiam fecisse bimembrem, vt contineat mediatam conuersionem, quam aperte recitat: & immediatam, quâ insinuat tantum breuiter, negando secundum phycos conuersionem in vinum, & nihilominus absolute approbando conuersionem.

tionem in sanguinem. Sed quis non videt hoc gratis, & sine fundamento dici? Etenim Pontifex non quatuor, sed tres tantum opiniones retulerat, & secunda apud Scholasticos non erat bimembris, sed tantum assererat, aquam cum vino transubstantiari in sanguinem, quia transit in vinum, licet physici contrarium asserunt. Si vero ipse illam bimembrem fecisset, nullam ex prædictis Scholasticorum opinionibus probabiliorem dixisset, sed quam ipse proponebat, quæ reuera quarta esset à tribus prædictis distincta, & partim cum secunda conveniret, asserendo conversionem in sanguinem, & partim cum tertia, negando conversionem in vinum. Falsum est etiam Pontificem physicorum assecurationem approbasse, & secundum illos negasse conversionem aquæ in vinum: nam potius, sicut, & secunda sententia, non curavit de tali physicorum assecuratione, eam falsam esse existimans; sed cum eadem secunda sententia dixit, aquam in vinum transire, vnumque cum illa fieri: *Ut expressius luceat proprietas Sacramenti. Nam cum aquæ multa sint populi multi: idèd vino aqua unitur, ut Christo populus adunetur &c. ut qui sit unum cum Patre per ineffabilem unitatem, fiat unum nobiscum per admirabilem unionem.* Hoc enim dixit Pontifex. respiciens ad id, quod secunda opinio dixerat de aqua: *Cum in vinum transcat mista vino.* At non est necesse, ut eodem prorsus modo populus Christo adunetur, quo vino aqua unitur:

fi;



## ARTICVLVS VIII. 381

sicut, nec Christus sic vnum nobiscum per admirabilem vnionem eodem prorsus modo, quo ipse est vnum cum Patre per ineffabilem vnitatem. Vnde ridiculum est, quod prædicti recentiores dicunt, Pontificem his verbis insinuassee, quod sicut per gratiæ, & donorum communicationem, salua manente nostra natura, vnimur Christo: ita aqua vniatur vino participando solas qualitates.

Secundò probatur conclusio ex Concilio Florent. vbi in Decreto Eugenij Papæ III. de Eucharistia dicitur: *Cuius materia est panis triticeus, & vinum de vite, cui ante consecrationem aqua medicissima admisceri debet.* Cur enim modicissima aqua admisceri vino præcipitur, nisi, vt cito, & facilius conuertatur in vinum, in quod, si non conuertitur, non potest conuerti in sanguinem Christi? In hunc etenim non conuertitur, nisi, quod est materia Eucharistiæ: sed aqua non conuersa in vinum non est materia Eucharistiæ, cum huius materia, vt ait Concilium, sit vinum de vite, & aqua non conuersa in vinum non sit vinum; ergo non potest conuerti in sanguinem Christi. Respondent prædicti recentiores, vinum esse per se, & necessariam materiam Sacramenti: aquam verò non necessariam, nec per se, sed tantum quatenus mista vino eiusdem qualitates, & species aliqua ratione participat, ita, vt quamuis secundum substantiam sit aqua, secundum apparentiam externam sit vinum, appareatq. conuersa in vinum, quod

quod quia aquæ appositæ vino in magna quantitate, ita, ut vinum excedat connere nequit; ideò modicissimam ei admisceri præcipitur. Contra hoc tamen est, quia sicut Materia Baptismi est aqua naturalis secundum substantiam, & non secundum solam apparentiam externam: ita materia Eucharistiæ est vinum non secundum solam apparentiam, sed secundum substantiam; alias enim, si guttula aquæ rosaceæ, aut sanguinis agni admisceretur vino in calice, & manente substantia sanguinis, aut rosacei liquoris, appareret in vinum conuersa, & secundum apparentiam externam vinum putaretur, & vini qualitates participaret, esset materia Eucharistiæ, quæ posset in sanguinem Christi conuerti; ergo si aqua vino mista solum est vinum secundum externam apparentiam, & non secundum substantiam, non est materia Eucharistiæ, nec in sanguinem Christi conuerti potest. Confirmatur, si in calice non remaneret nisi hæc aqua, quæ solum secundum apparentiam externam est vinum, anihilante Deo substantiam vini ibi existentis, non posset consecrari; ergo nec consecrari potest, dum est coniuncta cum vino substantiam vini habente: nam hæc coniunctio non tribuit illi materiam esse Eucharistiæ, sicut nec cuiuscunque alteri rei, quæ solum secundum apparentiam externam est vinum.

Tertio probatur ex Concilio Tridentino sess. 13. c. 3. & can. 2. dicente mirabilem

con-

## ARTICVLVS VIII. 383

conuersionem, quæ fit in Sacramento Eucharistiæ, esse *Totius substantia panis in corpus, & totius substantia vini in sanguinem, manentibus dumtaxat speciebus panis, & vini ubi cum solius substantiæ panis, & vini, & illorum accidentium fiat mentio*, indicat Concilium solam substantiam panis, & vini conuerti in corpus, & sanguinem Christi, & sola accidentia panis, & vini manere sine subiecto: atsi aqua vino permista, & non conuersa in illud conuerteretur in sanguinem Christi, non esset hoc verum, nam in sanguinem Christi conuerteretur aqua, quæ non est vinum, & eius accidentia manerent sine subiecto; ergo &c. Confirmatur, ex his Concilij verbis conuincitur, calicem, qui aliquando est in vino, non conuerti in corpus vel in sanguinem Christi, & eius accidentia non manere sine subiecto; quia non est panis, nec vinum secundum substantiam; ergo etiam conuincitur, neque aquam, quæ non est conuersa in vinum, nec est vinum facta, non conuerti in sanguinem Christi, nec eius accidentia manere sine subiecto.

Ad 1. autem factum in principio respondetur, Patres loqui de aqua facta vino seu in vinum conuersa: sicut enim exodi 7. v 12. dicitur, *Deuorauit virga Aaron virgas eorum*, quod intelligendum est de virga conuersa in colubram: ita quando Patres dicunt, aquam mistam vino offerri, benedici, consecrari, & consecratione mutari in sanguinem, intelligendi sunt, de aqua iam vinum.

vinum facta, & conuersa in vinum. Vnde Patres quorum verba referuntur de consecrat. d. 2. praesertim S. Cyprianus can. Sic, dicunt, aquam, vt benedicatur, & offeratur in hoc Sacramento, debere adunari vino, sicut adunatur pani, qui ex ipsi, & farina conficitur, in quo constat, non manere secundum substantiam, sed panem factam, & in panem conuersam: Quod etiam dicunt Paschasius, & D. Algerus, aquam consecrari, & sacrificari, & in sanguinem verti, aut sanguinem fieri, de illa, vt conuersa in vinum, intelligendum; quam, licet iam sit vinum facta, vt distinctam à vino connumerant: tum ob significationem, quia per vinum significatur Christus, & per aquam conuersam in vinum populus, qui Christo adunatur: tum etiam ob terminum à quo talis conuersionis, quia est aqua distincta à vino. Et eodem modo intelligendum est, quod asserunt SS. Ambros. Aug. Damasc. & Iustinus, de aqua scilicet in vinum conuersa; sic enim sanguis efficitur verbis consecrationis, & sicut Ioan. 2. v. 9. dicitur, *Gustauit architriclinus aquam vinum factam*, & Psalm. 80. v. 17. *Cibauit eos ex adipe frumenti*, conuerso scilicet in panem: ita aqua facta vinum, & in ipsum conuersa dicitur consecrari, & consecratione fieri sanguinem Christi, & in ipsum conuerti.

Ad 2. respondetur maiorem intelligendam esse de toto, quod contiaetur in calice, vt materia Eucharistiae; si enim culex con-

contineretur in calice cum vino, non conuerteretur in sanguinem Christi: nec tamen propterea forma calicis esset falsa, nisi forte Sacerdos intenderet absolutè consecrare totum, tam scilicet, quod est materia, quam quod non est materia Eucharistiæ, iuxta ea, quæ diximus, hic art. 2. dubio vnico con. 3. ad finem. Vnde si aqua mista vino conuersa sit in ipsum, certum est secundum fidem, ipsam, ac proinde totum, quod vini, & aquæ appositum est in calice, conuerti per legitimam consecrationem in sanguinem Christi. Si vero non sit conuersa in ipsum, sed substantiam aquæ retineat, falsum est, ipsam, ac proinde totum, quod continetur in calice, conuerti in sanguinem Christi, nam non totum est materia Eucharistiæ. Cumque recentiores prædictiasserant, aquam nunquam cōuer-  
ti in vinum, nunquam verificare possunt (sicut nos verificamus) totum, quod vini, & aquæ appositum est in calice, conuerti in sanguinem Christi, pertinere ad fidem: quis enim audebit dicere, de fide esse aquam non conuersam in vinum in sanguinem Christi conuerti? Sicque Patribus, & aliis illud asserentibus manifestè aduersantur.

Ad 3. respondetur negando maiorem: si enim aqua, vt ait S. August. lib. 1. de mirab. Sac. Scrip. cap. 18. vel illius operis Auctor: *Cum per vitis arborem infunditur, in vini saporem, & colorem mutatur*, cur non poterit mista vino conuerti in vinum? Ad 1. pro-

386 **QVÆSTIO LXXIV.**

bationem dico, Aristotelem oppositum docuisse lib. 1. de generat. cap. 5. lect. 14. apud D. Th. & cap. 10. lect. 25. apud D. Tho. Vnde S. Thom. infra q. 77. ar. 8 ait: *Gutta aquæ multo vino permixta transit in speciem vini, ut dicitur in primò de generatione.* Verba Arist. cap. 10. citato hæc sunt: *Earum autem rerum, quæ faciendi vim habent, & patiendi, omnesque facile diuidi possunt, multa quidem cum paucis, & magnæ cum paruis copulata perimixtionem non faciunt, sed eius, quod superat amplificationem.* Altera enim in eam, quæ superior est, mutatur, veluti gutta vini decem millibus amphorarum aquæ non admiscetur. Species enim tollitur, atque in totam aquam vertitur. Vbi licet in gutta vini exemplum ponat, eadem est ratio de gutta aquæ multo vino apposita, cum tunc vinum sit res superior, ynde in ea exemplum posuerat cap. 5. dicens: *Ut cum aquam vino admisces. Nam in admixtionem etiam id, quod superat, ut vinum nominatur.* Apud Plinium hoc legi lib. 16. cap. 35. *Hedera mira proditur natura ad experienda vina: si vas fiat ex ligno eius, vinum transfundere, ac remanere aquam, si aqua fuerit mixta.* Ad quod, & quod dicunt Chymici, per immixtionem medullæ iunci, aut per spongiam oleo imbutam attrahi ex vino aquam, quæ illi admixta est, responderi solet, hanc non esse veram aquam, sed liquorem quendam ipsius vini nondum exactè decoctum aquæ similem eiusdem substantiæ cum vino saltem dum est in illo. Dici etiam potest, tunc generari aquam illam.

## ARTICVLVS VIII. 387

si vera est, ex vapore vini, cui aqua admixta fuerat, & in illud conuersa. attracto ab hederæ ligno, vel medulla iunci, aut spongia oleo imbuta; eodem prorsus modo, quo ex terræ vapore attracto à sole generatur aqua in media aeris regione, vt docet Arist. lib. 1. Meteor. cap. 9. Ad 2. probationem hinc patet quid sit dicendum. Retorqueri etiam potest contra arguentem: nam quoque ex speciebus vini consecrati separari possent species aquæ, tuncque sub illis maneret sanguis Christi, cum tamen fiat puræ aquæ. Ad 3. probationem dico, quicquid sit de illo, an scilicet aqua nutriat, vel non, Aristotelem, & D. Thom. lib. 1. de Generat. cap. 5. lect. 14. asserere, eandem esse rationem de missione, ac de nutritione, & augmento: sicut enim cibus inquit ibi S. Doctor, *Non manet: conuertitur enim in substantiam eius, quod nutritur, & augetur; ostendit (Aristoteles scilicet) etiam in missione esse simile, quando parum de aqua admiscetur multo vino.* Ad 4. probationem dico, illud ideò esse, quia aqua difficile conuertitur in ignem, cum quo non permiscetur, in liquores tamen, cum quibus permiscetur, facile conuertitur, vt statim dicemus. Ad 5. probationem neganda est consequentia: nam, vt ait Arist. lib. 1. de Generat. cap. 10. *Humida corpora permiscetur maximè. Ex his enim, quæ diuina sunt, id quod liquoris vim habet maximè terminari potest, nisi viscosum sit.* Sicut autem liquores, nisi viscosi sint; vt oleum, facile permiscetur; ita facile v:

388 **QVAESTIO LXXIV.**

nus secundum se totum conuertitur in alium superantem. Cum autem alimentum, & materia ignis, non permisceantur cum viuentibus, aut igne, non totaliter conuertuntur in illa, sicut aqua conuertitur in vinum. Ad 6. probationem dico, etiam viuentia pro multitudine alimenti perdere vim conuertendi illud in propriam substantiam; si enim multum fumant etiam paulatim buccellis, aut guttis acceptis, non possunt illud digerere, nam agendo repatiuntur: & quamuis illo accepto in quantitate moderata possint se ad pristinum statum reducere, hanc tamen virtutem perdunt post multum tempus, & sic tandem moriuntur. Cum autem liquores, vt vinum, careant anima viuente, non opus est, vt eodem modo, quo viuentia possint se ad pristinum statum reducere, sed semper in illis perseverat diminutio virtutis disponēs ad eorum corruptionem: sicque imposito liquore alio diuersæ qualitatis etiam guttatim, ac per interualla, non crescit virtus conuertendi illum in se ipsos, sed semper magis, ac magis diminuitur. Ad 7. probationem dico, etiam tenuia vina posse parū aque in se conuerrere, & quamuis non in eam breui tempore, quo fortia; sufficiens tamen esse, quod intercedit in Missis priuatis ab Offertorio, vsque ad consecrationem; immo, & minus: nam cum aqua facile vino misceatur, vtpote humidum non viscosum, breui tempore in illud conuertitur. Et sicut requiritur aliquod tempus,

vt



## ARTICVLVS VIII. 389

vt aqua in vinū conuertatur, ita & vt qualitates vini recipiat eo modo, vt secundum apparentiam vinum censeatur. Vnde cum secundum sententiam prædictorum recipientium aqua non possit consecrari, nisi secundum apparentiam sit vinum, non magis vitant ipsi inconueniens, & periculum nõ consecrãdi totū liquorem contentū in calice, quando verba statim, ac aqua est vino appposita proferuntur secundū Rubricas Romanas, quam nos: nam qualitates, quas ipsi dicunt facere aquam vinum secundum apparentiam, nos dicimus aquam vltimo, aut saltem valde proximè disponere ad formam vini, quæ simul est cum vltima dispositione; sicq. si illud breuissimum tempus sufficit, vt aqua vinum omnino appareat, ita & vt in vinum conuertatur. Quod si aliquando verba consecrationis proferantur, antequam aqua tales qualitates recipiat, & in vinū conuertatur, non propterea forma est falsa: quia Sacerdos non intendit consecrare totum, quod est in calice absolutè, sed solum totum, quod in eo est materia Eucharistiæ, nisi fortè habeat peruersam, & sacrilegam intentionem, iuxta ea, quæ diximus ad secundum.



## QVÆSTIO LXXV.

*De conuersione panis, & vini in  
corpus, & sanguinem  
Christi.*

## ARTICVLVS I.

*Vtrum in hoc Sacramento sit corpus  
Christi secundum veritatem.*

**Conclusio est affirmans.**

**C**erta est secundum fidem definita in  
Concilio Romano sub Nicolao II. cō-  
tra Berengarium, vt patet ex can. *Ego Beren-  
garius*, de consecrat. distinct. 2. & in Concil.  
Trid. sess. 13. can. 1. contra Vviclef, & alios  
hæreticos nostri temporis, his verbis: Si  
quis negauerit in *Sacratissima Eucharistia Sa-  
cramento contineri verè realiter, & substantia-  
liter corpus, & sanguinem una cum anima, &  
diuinitate Domini nostri Iesu Christi, ac proin-  
de totum Christum, sed dixerit tantummodo es-  
se in eo, vt in signo, vel figura, aut virtute; ana-  
thema sit.*

Probari posset multis, sufficiant tamen  
nobis verba Christi Matt 26. v. 26. Marci 14.  
v. 22. Lucae 22. v. 19. & 1. Corinth. 11. v. 24.  
*Hoc est corpus meum, quod pro vobis tradetur.*

*Qui.*

Quibus aperte contrarium est, quod dicunt hæretici, corpus Christi non esse in hoc Sacramento verè, & realiter, sed solum, vt in signo, vel figurâ: sicut præbente aliquo alijs aquam, quæ videtur vinum (qualem ego vidi, & bibi in Castro de Sallas) & dicente: Hoc est aqua; qui diceret sub illis accidentibus non esse aquam vere, & realiter, verbis eius contrarium affereret.

Respondent hæretici, hæc verba non esse prolata à Christo in sensu proprio, sed sub tropo, & figurâ, sensumque esse: Hoc quod do vobis, significat corpus meum, vel est figurâ corporis mei, sicut cum Paulus dicit 1. Corinth. 10. v. 4. *Petra autem erat Christus*, sensus est, petra erat figurâ Christi: & cum Ioseph dixit Pharaoni Genes. 41. v. 26. *Septem boues pulchre, & septem spica plena, septem vbertatis anni sunt*, sensus est, significât septem annos vbertatis. Contra hoc tamen est, Christus hæc verba verè proferre potuit in sensu proprio, in quo, nec Paulus, nec Ioseph proferre potuerunt, quæ dixerunt; ergo in illo sunt intellegendæ, & non sub tropo, & figurâ: nam vt ait S. August. lib. 3. de doctrina Christiana capit. 10. in sermone Dominico, id solum figuratum censendum est, quod ad fidei veritatem, vel morum honestatem propriè referri non potest. Antecedens probatur, Christus, cum in coena accepit panem, deditque Discipulis, potuit efficere, vt sub speciebus illis panis non esset substantia panis, sed suum corpus contineretur,

## 392 QVAESTIO LXXV.

hoc enim non negabunt hæretici prædicti, nisi negantes Dei omnipotentiam velint amplius insanire, ergo cum dixit, *Hoc est corpus meum*, in proprio sensu id verè dicere potuit, nam verum esset contentum sub illis speciebus esse verè, & realiter suū corpus, qui est sensus proprius illorum verborum. Nec opus esset, ut ante prolationem talium verborum suum corpus sub illis speciebus constitueret, sed posset efficiendo, ut corpus suum sub illis contineretur, verba illa verè proferre in sensu propriissimo: sicut & qui efficiendo lineam diceret, hæc est linea, hoc verè diceret in propriissimo sensu.

## ARTICVLVS II.

*Vtrum in hoc Sacramento remaneat substantia panis, & vini post consecrationem.*

**Conclusio est negans.**

*Dubium. An hæc conclusio sit vera, & certa secundum fidem.*

**P**ars negans probatur 1. hoc Sacramentum Eucharistiæ sæpè vocatur panis, & vinum in Scriptura, ut 1. Corin. 10. v. 16. *Panis, quem frangimus, nonne participa-*

rio corporis Domini est? Et cap. 11. v. 28. Probet autem se ipsum homo, & sic de pane illo edat. Et Matth. 26. v. 29. Non bibam amodo de hoc genimine vitis. Ergo in eo remanet substantia panis, & vini post consecrationem.

Secundò probabile est, in hoc Sacramento manere existentiam, & subsistentiam panis, & vini; ergo & manere saltem aliquid substantiæ panis, & vini, talis enim existentia, & subsistentia non accidens, sed substantia est. Antecedens probatur: Tum quia probabile est, existentiam substantiæ, & accidentis non distingui realiter; ergo cum accidentia, quæ manent in hoc Sacramento, verè existant eadem existentia, qua antea existebant, simul cum illis manet existentia panis, & vini. Tum etiam, quia talia accidentia, cum per se existant, subsistunt: sed non alia subsistentia quam panis, & vini; ergo hæc manet cum illis.

Dicendum tamen est: Conclusionem articuli veram, & secundum fidem certam esse. Probatur 1. ex Conc. Trident. sess. 13. can. 2. vbi diffinitur: *Si quis dixerit in sacrosancto Eucharistiæ Sacramento remanere substantiam panis, & vini una cum corpore, & sanguine Domini nostri Iesu Christi anathema sit.*

Secundò probatur ratione D. Thom. hic: Non potest Corpus Christi aliter incipere esse de nouo in hoc Sacramento, nisi per conuersionem substantiæ panis in ipsum;

sed quod conuertitur in aliquid, facta conuersione nō manet; ergo in hoc sacramento non manet substantia panis post consecrationem. Idem est de substantia vini, ut simili argumento probari potest. Maiorem ait Mag. Soto in 4. d. 9. q. 2. art. 2. sumplisse D. Thom. ex Conc. Lateran. cap. *Firmiter*, de Sum. Trinit. sicque illius impugnatores non solum contra D. Tho. sed etiam contra Sanctiones Ecclesiae argumentari. In praedicto enim Concilio non datur alia ratio praesentiae, nisi transubstantiatio: cum autem effectus non possit esse sine causa, recte ait D. Thom. non posse Corpus Christi aliter incipere esse de nouo in hoc sacramento, nisi per conuersionem substantiae panis in ipsum. Est tamen difficultas, an praedicta maior sit intelligenda de potentia Dei absoluta, an verò solum de potentia ordinata. Paludanus in 4. dist. 11. q. 2. Capreolus ibidem q. 1. & Ferrariensis 4. contra gentes cap. 63. intelligendam esse afferunt etiam de potentia Dei absoluta. Caiet. hic 9. *Ad euidentiam*, & Mag. Soto ubi supra dicunt intelligendam esse de potentia Dei non absoluta, sed ordinata. Mihi utramque sententiam veram esse posse videtur. Si enim maior D. Thom. accipiat supposito eo, quod de facto contingit, corpus scilicet Christi incipere esse in hoc sacramento absque ulla sui mutatione, intelligenda est de potentia Dei absoluta, ita ut per hanc fieri non possit, ut Corpus Christi absque ulla sui mutatione incipiat esse

esse de nouo in hoc sacramento sub speciebus panis, nisi per conuerſionem ſubſtantię panis in ipſum. Inſinuat hoc D. Thom. hic, & clariuſ in 4. d. 11. q. 1. ar. 1. quæſtiuncula 3. vbi hoc fieri non poſſe dicit: *Ex hoc quod impoſſibile eſt aliquid eſſe nunc, cum prius non fuerit, nihil ipſo mutato, vel aliquo in ipſum: nec poſſet etiam per miraculum fieri, ſicut quod eſſet animal rationale mortale, & nõ eſſet homo.* Et ad 3. *Ad hanc poſitionem ſequitur grauius inconueniens, quam quod contradiſtoria ſint ſimul vera, quia ponit diſſinitionem, ſcilicet aliter nunc, quam prius, & non poteſt ponere diſſinitum, ſcilicet motum, neque in corpore Domini, neque in ſubſtantia panis.* At non poſſunt etiã per Dei potentiam abſolutã contradiſtoria eſſe ſimul vera, nec diſſinitio eſſe ſine diſſinito poteſt; ergo nec etiam poteſt per Dei potentiam abſolutam Corpus Chriſti abſque vlla ſui mutatione incipere eſſe de nouo in hoc ſacramento, niſi per cõuerſionem ſubſtantię panis in ipſum, qua ſubſtantia panis mutetur. Confirmatur, Deus quia nullo modo mutatur, non poteſt incipere eſſe de nouo in creatura, ſine mutatione creaturæ; ergo nec Corpus Chriſti in hoc ſacramento abſque vlla ſui mutatione, niſi per conuerſionem ſubſtantię panis in ipſum, qua mutetur ſubſtantia panis. Si vero maior D. Thom. accipiatur abſolutè, & ſimpliciter intelligendã eſt de potentia ordinata non abſoluta Dei Per hanc enim poteſt Corpus Chriſti conſtitui in hoc ſacramento ſimul cum ſubſtantia

panis, dum tamen per actionem, qua in  
eo constituitur, etiam si non desinat esse in  
cœlo, aliquo modo mutetur: quia tunc  
non esset diffinitio mutationis sine muta-  
tione, hæc namque, licet non esset in sub-  
stantia panis, esset tamen in Corpore Chri-  
sti. Probant hoc argumenta Durandi, &  
Scoti, quæ hic refert Caiet. quorum solu-  
tionem hinc pendere dicit. Nulla enim  
apparet contradictionis implicatio, aut re-  
pugnantia, vt Corpus Christi fiat præsens  
hæc sacramento præsentia reali per muta-  
tionem, quæ primo, & per se terminetur  
ad talem præsentiam, & sit sine consortio  
cuiuscumque alterius mutationis; ac per  
consequens sine conuersione panis in Cor-  
pus Christi.

Tertiò probatur conclusio alia ratione  
D. Thom. Si substantia panis remaneret in  
hoc sacramento, non esset verum, quod  
dicitur in forma consecrationis, *Hoc est  
corpus meum*, nunquam enim substantia pa-  
nis est Corpus Christi, unde potius esset di-  
cendum, hic est corpus meum: sed hoc est  
falsum, & hæreticum; ergo conclusio ar-  
ticuli vera, & certa secundum fidem. Re-  
spondet Scotus negando maiorem: quia  
tunc pronomen *Hoc*, non demonstraret  
substantiam panis, sed contentum sub pa-  
ne. Contra hoc tamen omisiss alijs, quæ  
Caietanus hic obijcit, est argumentum:  
nam quamuis pronomen hoc possit demon-  
strare contentum sub aliqua substantia, vt  
patet, cum quis ostensa lagena plena aqua  
dixit,



dicat, hoc est aqua; tamen primo, & per se demonstrat contentum sub accidentibus, quæ videntur, tanquam subiectum, quod ex natura, & vsu suo, magis sunt nata efficere, & continere, & vt aliud, quam hoc subiectum demonstret, opus est, aut tale subiectum deficere, vt de facto deficit in Sacramento Altaris, aut continere aliud modo visibili, ita vt facile videri possit; alias enim arreptus à dæmone ostenso suo corpore verè posset dicere hoc est dæmon, & quilibet suo corpore ostenso, hoc est anima rationalis: at si substantia panis remaneret in hoc Sacramento, nec deficeret subiectum accidentium, quæ videntur, nec sub tali subiecto contineretur Christi Corpus visibiliter; ergo pro nomen *Hoc*, non demonstraret Corpus Christi contentum sub pane, sed substantiam panis contentam sub visibilibus accidentibus. Aliam solutionem Durandi impugnant optimè Caiet. & Mag. Soto vbi supra, vide illos, præsertim M. Soto, qui tres de hac re errores refert, & refutat.

Ad 1. autem factum in principio respondetur, hoc Sacramentum vocari panem, & vinum non quia in eo remaneat substantia panis, & vini; sed quia ex pasc, & vino conficitur, sicut Euan̄ vocauit Adam Gen. 2. v. 23. *Os ex ossibus meis*, quia ex eius osse facta fuerat. Vel quia sensibus apparet panis, & vinum, sicut Angeli, qui apparuerunt, Abraham. Genes. 18. v. 2. vocantur *Tres viri*, quia

quia viri apparebant, & hominum figuram ostendebant.

Ad 2. respondetur negando antecedens: nam cum in Concil. Trident. sess. 13. can. 2. diffiniatur, totam substantiam panis conuer-  
 ti in corpus, & totam substantiam vini in sanguinem Christi, non est probabile aliquid substantiæ panis, aut vini, qualis est eius existentia, & subsistētia, manere in hoc Sacramento. Ad 1. probationem dico, antecedens si quid habet probabilitatis, à concedentibus illud negandam esse consequentiam. & dicendum, accidentia in hoc Sacramento non existere eadem existentia qua antea, sed per aliam, aut per extrinsecā Dei manutenentiam. Ad 2. probationem neganda est maior: nam licet talia accidentia de facto, & actu non inhæreant, debetur tamen illis inesse ex natura rei, sicq; non per se existunt, nec subsistunt simpliciter, & absolutè, sed solum habent modum quendam per se existendi.



ARTICVLVS III. 399

*Vtrum substantia panis, vel vini  
post consecrationem huius  
Sacramenti annihi-  
letur.*

**Conclusio est negans.**

*Dubium. An hæc conclusio ve-  
ra sit.*

**F**alsam esse probatur 1. hic inueniuntur  
duo transitus, seu mutationes, alter per  
se ab esse panis ad non esse panis, & alius à  
non præsentia Corporis Christi hic ad præ-  
sentiam ipsius hic: sed si secundus transi-  
tus non concomitaretur primum, primus  
esset annihilatio; ergo & modo formaliter  
est annihilatio, quia ratio eius non variatur  
propter illud, quod per accidens conco-  
mitatur.

Secundò. Si panis annihilaretur, & Cor-  
pus Christi poneretur hic præsens, omni  
eodem modo se haberet tam panis, quam  
Corpus Christi, sicut modo se habet, quia  
sicut tunc nec forma, nec materia panis  
maneret, ita nec nunc manet; ergo sicut  
tunc panis redigeretur in nihilum, & esset  
annihilatus, etiam nunc.

Ter-

*Tertio*. Id quod prius fuit aliquid, & postea est nihil, verè est annihilatum: sed panis ante consecrationem fuit aliquid, & post consecrationem est nihil, cum non sit aliquid in se, vt patet, nec in alio scilicet Corpore Christi, nam in Corpore Christi nihil plus est quam ante; ergo verè est annihilatus.

*Quarto*. Si in corruptione materia desineret esse sicut, & forma, iam non esset corruptio, sed annihilatio: sed hic tam materia, quam forma panis, & vini desinit esse; ergo vera est annihilatio panis, & vini.

*Quinto*. Si remanente Corpore Christi immutato rediret eadem substantia panis, oporteret, panem illū creari, nam nō fieret de substantia Corporis Christi, aut alicuius alterius, sed ex nihilo; ergo si præsistente Corpore Christi panis desinat esse, ita vt nihil de eius substantia remaneat, vt hic contingit, verè annihilabitur; eodem enim modo se habet aliquid, vt sit terminus ad quem annihilationis, & terminus à quo creationis.

Dicendum tamen est: certissimam esse conclusionem articuli, scilicet substantiam panis, aut vini post consecrationem non annihilari. Oppositum huius tenet Scotus in 4. d. 11. q. 4. Sed illam sic probat D. Tho. hic: substantia panis conuertitur in Corpus Christi; sed hæc conuersio tollitur posita annihilatione substantiæ panis; ergo hæc non annihilatur. Confirmat, effectus Sa-  
cra-

### ARTICVLVS III: 491

cramenti significatur per formam: sed per verba formæ non significatur annihilatio substantiæ panis; ergo hæc non annihilatur. Quæ ratio tanti ponderis est, vt existimem, quod asserit Mag. Soto in 4. dist. 9. q. 2. art. 4. dicens: *Annihilationis opinio nescio quomodo citra errorem sustentari possit*, licet alij non admittant, ego etiam ab hac censura abstineam propter auctoritatem Scoti, & aliorum; non fuisse absque causa, & fundamento dictum. Nam præter ea, quæ ibi dicit M. Soto, si verum est, quod in minori rationis factæ asserit D. Thom. *Quæ conuersio tollitur posita annihilatione substantia panis*; non absque causa illud dicitur, (vt quidam recentiores asserunt) cū talis conuersio secundum fidem asserenda sit. Verum autem esse probatur: nam quamuis, quod corrumpitur possit cōverti in aliquid aliud, quia non desinit in nihil, sed in aliquid, vt aqua in aërem: quod tamen annihilatur, non potest in aliquid aliud conuer- ti, quia non desinit in aliquid, sed in nihil, & in nihilū redigitur, ac conuertitur, ergo non potest conuer- ti in aliquid, nam hoc cū illo pugnat, & per illud tollitur: propter, quod Caiet. hic ait, Scotum sola voce con- uersionem affirmare.

Quomodo autem non annihilatur sub- stantia panis, & vini, variè explicant Do- ctiores. Durandus in 4. d. 11. q. 3. num. 5. di- cit, non annihilari, quia corrupta forma panis per conuersionem, materia eius ma- net sub forma Corporis Christi, sicut ma-  
tera

teria alimenti manet sub forma nutriti. Sed hoc manifestum continet errorem contra definitionem Conc. Trident. sess. 13. can. 2. Cum neget conuersionem totius substantiæ panis in Corpus Christi.

Alij dicunt panē nō annihilari: quia licet substantia panis non maneat acta, & formaliter secundū se totam, aut aliquā sui partē; manet tamen virtualiter in suis accidentibus. Contra hoc tamen est: quia hinc sequeretur, Deum non posse annihilare aliquam substantiam manentibus eius accidentibus: item substantiam panis annihilari, si Deus illam cum suis accidentibus conuerteret in Corpus Christi: sed hæc falsa sunt; ergo, &c.

Alij, vt Nominales, afferunt, non annihilari substantiam panis, quia loco illius succedit substantia Corporis Christi. Sed contra hoc est, quia si Dens in nihil redigeret corpus aliquod intra aquam existens, etiā si loco illius succederet aqua ad supplendū vacuum, verē annihilaretur; ergo licet hic loco substantiæ panis succedat substantia Corporis Christi, non propterea illa non annihilatur. Supponit etiam hic modus dicendi panem conuerti in Corpus Christi nihil aliud esse, quam corpus Christi loco eius succedere, quod falsum est.

Alij, vt Capreolus in 4. d. 11. ad arg. contra 2. & Palud. ibidem art. 2. ad 1. affirmant, panem non annihilari, quia manet in potentia obediētiāli corporis Christi, eo quod corpus Christi potest diuina virtute iterum

con-

### ARTICVLVS III. 403

conuerti in illo numero panem. Contra hoc tamen est: quia hoc non habet corpus Christi, ex vi definitionis panis, & conuersionis in ipsum, cum etiam si panis non esset in ipsum conuersus, esset in eo potentia obedientialis, ut conuerteretur in panem, & pane in hac potentia obedientiali manente, posset à Deo annihilari; ergo modo non ideo non annihilatur, quia manet in potentia obedientiali corporis Christi. Confirmatur, quia alias nihil posset à Deo annihilari, quia quantumcumque in nihilū redigatur, in illud idem numero possunt diuina virtute alia conuerti: sed hoc est falsum; ergo, &c.

His ergo omissis, verus modus dicendi est assignatus à D. Thom. hic his verbis: *Licet post consecrationem hæc sit falsa, substantia panis est aliquid: id tamen, in quod substantia panis est conuersa, est aliquid. Et ideo substantia panis non est annihilata.* Ad rationem enim annihilationis requiritur, ut ex vi illius res vertatur in nihil, & non conuertatur in aliquid: & quia ex vi conuersionis substantia panis conuertitur in corpus Christi, ideo non annihilatur.

Ab hoc dicendi modo non differt modus dicendi Caietan. hic, & art. sequent. assertentis, panem non annihilari, quia licet post consecrationem substantia panis non sit aliquid, quod tamen erat panis, aliquid est scilicet corpus Christi, nam ut ait S. Ambros. *Quod erat panis, iam corpus Christi est.* Per id enim, quod erat panis, non

*modo nihil seu non sit aliquid; cuius contrarium in proposito inuenitur: nam secundum Amb. id quod erat panis est corpus Christi. Vel clarius, iuxta solutionem D. Thom. ad 3. ad annihilationem requiritur, vt id quod desinit esse, & id in quod conuertitur, sit omnino nihil; quod in proposito non inuenitur: nam licet substantia panis, quæ desinit esse, non sit aliquid: id tamen in quod conuersa est, aliquid est, cum non sit conuersa in nihil, sed in corpus Christi.*

*Ad 3. respondet D. Th. in 4. d. 11. q. 1. art. 2. ad 3. Quod quamuis panis non sit aliquid, tamen illud, in quod conuersus est panis est aliquid conuersione facta: & ideo non sequitur, quod panis sit annihilatus. Et ad 4. Quod quamuis non maneat panis neque in se, neque in alio; manet tamen corpus Christi, in quod conuersus est panis: & ideo non sequitur, quod sit annihilatus. Vide etiam Caietan. artic. sequent. §. Ad obiecta.*

*Ad 4. respondetur cum Caiet. loco proxime citato plus requiri ad annihilationem, quam desinire esse materiam, & formam, nempe desinire in nihil, in quod si non desinirent materia, & forma in corruptione, sed conuerterentur in aliquid, vt hic contingit, non esset annihilatio.*

*Ad 5. cum eodem Caietan. ibidem respondetur negando antecedens: nam diuina omnipotentia posset eundem numero panem restituere dupliciter, scilicet per modum creationis, & per modum reconuersionis. Et si fieret per modum creationis,*



### ARTICVLVS III. 407

nis, corpus Christi, qui fuit terminus ad quem conuersionis, non esset terminus à quo creationis, sed terminus à quo esset nihil, ex quo panis produceretur. Si uero fieret per reconuersionem, ita ut corpus Christi conuerteretur in panem, terminus à quo esset corpus Christi, & terminus ad quem panis reproductus. Ex his autem non sequitur, modo conuersionem panis in corpus Christi esse annihilationem: quia prima restitutio panis non haberet pro termino à quo, id quod in hac conuersione est terminus ad quem: & secunda non esset creatio, sed reconuersio, a priore conuersione solum distincta, quia prior non habuit terminum ad quem productum, secunda uero productum terminum ad quem haberet, sicut, & eum habuit conuersio vxoris Loth in statuam salis.

### ARTICVLVS IV.

*Vtrum panis possit conuerteri in corpus Christi.*

**Conclusio est affirmans.**

*Dubium. Quinam sit terminus huius conuersionis.*

**Q**uidam recentiores dicunt, terminum huius conuersionis esse corpus Christi per eam reproductum, seu nouo modo.

sed quod conuertitur in aliquid, facta conuersione nō manet; ergo in hoc sacramento non manet substantia panis post consecrationem. Idem est de substantia vini, vt simili argumento probari potest. Maiorem ait Mag. Soto in 4. d. 9. q. 2. art. 2. sumpsisse D. Thom. ex Conc. Lateran. cap. *Firmiter*, de Sum. Trinit. sicque illius impugnatores non solum contra D. Tho. sed etiam contra Sanctiones Ecclesiae argumentari. In praedicto enim Concilio non datur alia ratio praesentiae, nisi transubstantiatio: cum autem effectus non possit esse sine causa, recte ait D. Thom. non posse Corpus Christi aliter incipere esse de nouo in hoc sacramento, nisi per conuersionem substantiae panis in ipsum. Est tamen difficultas, an praedicta maior sit intelligenda de potentia Dei absoluta, an verò solum de potentia ordinata. Paludanus in 4. dist. 11. q. 2. Capreolus ibidem q. 1. & Ferrariensis 4. contra gentes cap. 63. intelligendam esse afferunt etiam de potentia Dei absoluta. Caiet. hic 9. *Ad euidentiam*, & Mag. Soto ubi supra dicunt intelligendam esse de potentia Dei non absoluta, sed ordinata. Mihi vtramque sententiam veram esse posse videtur. Si enim maior D. Thom. accipiat supposito eo, quod de facto contingit, corpus scilicet Christi incipere esse in hoc sacramento absque vlla sui mutatione, intelligenda est de potentia Dei absoluta, ita vt per hanc fieri non possit, vt Corpus Christi absque vlla sui mutatione incipiat esse

esse de nouo in hoc sacramento sub speciebus panis, nisi per conuersionem substantiæ panis in ipsum. Insinuat hoc D. Thom. hic, & clarius in 4. d. 11. q. 1. ar. 1. quæstionculla 3. ubi hoc fieri non posse dicit: *Ex hoc quod impossibile est aliquid esse nunc, cum prius non fuerit, nihil ipso mutato, vel aliquo in ipsum: nec posset etiam per miraculum fieri, sicut quod esset animal rationale mortale, & non esset homo.* Et ad 3. *Ad hanc positionem sequitur grauius inconueniens, quam quod contradictoria sint simul vera, quia ponit diffinitionem, scilicet aliter nunc, quam prius, & non potest ponere diffinitum, scilicet motum, neque in corpore Domini, neque in substantia panis.* At non possunt etiam per Dei potentiam absolutam contradictoria esse simul vera, nec diffinitio esse sine diffinito potest; ergo nec etiam potest per Dei potentiam absolutam Corpus Christi absque vlla sui mutatione incipere esse de nouo in hoc sacramento, nisi per conuersionem substantiæ panis in ipsum, qua substantia panis mutetur. Confirmatur, Deus quia nullo modo mutatur, non potest incipere esse de nouo in creatura, sine mutatione creaturæ; ergo nec Corpus Christi in hoc sacramento absque vlla sui mutatione, nisi per conuersionem substantiæ panis in ipsum, qua mutetur substantia panis. Si vero maior D. Thom. accipiat absolute, & simpliciter intelligenda est de potentia ordinata non absoluta Dei Per hanc enim potest Corpus Christi constitui in hoc sacramento simul cum substantia

panis, dum tamen per actionem, qua in  
 eo constituitur, etiam si non desinat esse in  
 cœlo, aliquo modo mutetur: quia tunc  
 non esset diffinitio mutationis sine muta-  
 tione, hæc namque, licet non esset in sub-  
 stantia panis, esset tamen in Corpore Chri-  
 sti. Probant hoc argumenta Durandi, &  
 Scoti, quæ hic refert Caiet. quorum solu-  
 tionem hinc pendere dicit. Nulla enim  
 apparet contradictionis implicatio, aut re-  
 pugnantia, ut Corpus Christi fiat præsens  
 huic sacramento præsentia reali per muta-  
 tionem, quæ primo, & per se terminetur  
 ad talem præsentiam, & sit sine consortio  
 cuiuscunque alterius mutationis; ac per  
 consequens sine conuersione panis in Cor-  
 pus Christi.

Tertiò probatur conclusio alia ratione.  
 D. Thom. Si substantia panis remaneret in  
 hoc sacramento, non esset verum, quod  
 dicitur in forma consecrationis, *Hoc est  
 corpus meum*, nunquam enim substantia pa-  
 nis est Corpus Christi, unde potius esset di-  
 cendum, hic est corpus meum: sed hoc est  
 falsum, & hæreticum; ergo conclusio ar-  
 ticuli vera, & certa secundum fidem. Re-  
 spondet Scotus negando maiorem: quia  
 tunc pronomen *Hoc*, non demonstraret  
 substantiam panis, sed contentum sub pa-  
 ne. Contra hoc tamen omisiss alijs, quæ  
 Caietanus hic obijcit, est argumentum:  
 nam quamuis pronomen hoc possit demō-  
 strare contentum sub aliqua substantia, ut  
 patet, cum quis ostensa lagena plena aqua  
 dicit,

dicat, hoc est aqua; tamen primo, & per se demonstrat contentum sub accidentibus, quæ videntur, tanquam subiectum, quod ex natura, & vsu suo, magis sunt nata efficere, & continere, & vt aliud, quam hoc subiectum demonstret, opus est, aut tale subiectum deficere, vt de facto denicit in Sacramento Altaris, aut continere aliud modo visibili, ita vt facile videri possit; alias enim arreptus à dæmone ostenso suo corpore verè posset dicere hoc est dæmon; & quilibet suo corpore ostenso, hoc est anima rationalis: at si substantia panis remaneret in hoc Sacramento, nec deficeret subiectum accidentium, quæ videntur, nec sub tali subiecto contineretur Christi Corpus visibiliter; ergo pro nomen *Hoc*, non demonstraret Corpus Christi contentum sub pane, sed substantiam panis contentam sub visibilibus accidentibus. Aliam solutionem Durandi impugnant optimè Caiet. & Mag. Soto vbi supra, vide illos, præsertim M. Soto, qui tres de hac re errores refert, & refutat.

Ad 1. autem factum in principio respondetur, hoc Sacramentum vocari panem, & vinum non quia in eo remaneat substantia panis, & vini; sed quia ex pæe, & vino conficitur, sicut Euanl vocauit Adam Gen. 2. v. 23. *Os ex ossibus meis*, quia ex eius ossibus facta fuerat. Vel quia sensibus apparet panis, & vinum, sicut Angeli, qui apparuerunt, Abrahamæ, Genes. 18. v. 2. vocantur *Tres viri*,  
quia

quis viri apparebant, & hominum figuram ostendebant.

Ad 2. respondetur negando antecedens: nam cum in Concil. Trident. sess. 13. can. 2. diffiniatur, totam substantiam panis conuer-  
ti in corpus, & totam substantiam vini in sanguinem Christi, non est probabile ali-  
quid substantiæ panis, aut vini, qualis est  
etiam existentia, & subsistentia, manere in hoc  
Sacramento. Ad 1. probationem dico,  
antecedens si quid habet probabilitatis, à  
concedentibus illud negandam esse conse-  
quentiam. & dicendum, accidentia in hoc  
Sacramento non existere eadem existentia  
qua antea, sed per aliam, aut per extrinsecā  
Dei manutenentiam. Ad 2. probationem  
neganda est maior: nam licet talia acci-  
dentia de facto, & actu non inhæreant, de-  
betur tamen illis inesse ex natura rei, sicq;  
non per se existunt, nec subsistunt simplici-  
ter, & absolutè, sed solum habent modum  
quendam per se existendi.

## ARTICVLVS III.

*Vtrum substantia panis, vel vini  
post consecrationem huius  
Sacramenti annihi-  
letur.*

**Conclusio est negans.**

*Dubium. An hac conclusio ve-  
rasit.*

**F**alsam esse probatur 1. hic inueniuntur  
duo transitus, seu mutationes, alter per  
se ab esse panis ad non esse panis, & alius à  
non præsentia Corporis Christi hic ad præs-  
entiam ipsius hic: sed si secundus transi-  
tus non concomitaretur primum, primus  
esset annihilatio; ergo & modo formaliter  
est annihilatio, quia ratio eius non variatur  
propter illud, quod per accidens conco-  
mitatur.

Secundo. Si panis annihilaretur, & Cor-  
pus Christi poneretur hic præsens, omni  
eodem modo se haberet tam panis, quam  
Corpus Christi, sicut modo se habet, quia  
sicut tunc nec forma, nec materia panis  
maneret, ita nec nunc manet; ergo sicut  
tunc panis redigeretur in nihilum, & esset  
annihilatus, etiam nunc.

Ter-

**Tertio.** Id quod prius fuit aliquid, & postea est nihil, verè est annihilatum: sed panis ante consecrationem fuit aliquid, & post consecrationem est nihil, cum non sit aliquid in se, vt patet, nec in alio scilicet Corpore Christi, nam in Corpore Christi nihil plus est quam ante; ergo verè est annihilatus.

**Quarto.** Si in corruptione materia desineret esse sicut, & forma, iam non esset corruptio, sed annihilatio: sed hic tam materia, quam forma panis, & vini desinit esse; ergo vera est annihilatio panis, & vini.

**Quinto.** Si remanente Corpore Christi immutato rediret eadem substantia panis, oporteret, panem illū creari, nam nō fieret de substantia Corporis Christi, aut alicuius alterius, sed ex nihilo; ergo si præsistente Corpore Christi panis desinat esse, ita vt nihil de eius substantia remaneat, vt hic contingit, verè annihilabitur; eodem enim modo se habet aliquid, vt sit terminus ad quem annihilationis, & terminus à quo creationis.

Dicendum tamen est: certissimam esse conclusionem articuli, scilicet substantiam panis, aut vini post consecrationem non annihilari. Oppositum huius tenet Scotus in 4. d. 11. q. 4. Sed illam sic probat D. Tho. hic: substantia panis conuertitur in Corpus Christi; sed hæc conuersio tollitur posita annihilatione substantiæ panis; ergo hæc non annihilatur. Confirmat, effectus Sa-  
cra-



### ARTICVLVS III: 491.

cramenti significatur per formam: sed per verba formæ non significatur annihilatio substantiæ panis; ergo hæc non annihilatur. Quæ ratio tanti ponderis est, vt existimem, quod asserit Mag. Soto in 4. dist. 9. q. 2. art. 4. dicens: *Annihilationis opinio nescio quomodo citra errorem sustentari possit*, licet alij non admittant, ego etiam ab hac censura abstineam propter auctoritatem Scoti, & aliorum; non fuisse absque causa, & fundamento dictum. Nam præter ea, quæ ibi dicit M. Soto, si verum est, quod in minori rationis factæ asserit D. Thom. *Quæ conuersio tollitur posita annihilatione substantiæ panis*; non absque causa illud dicitur, (vt quidam recentiores asserunt) cū talis conuersio secundum fidem asserenda sit. Verum autem esse probatur: nam quamuis, quod corrumpitur possit cōverti in aliquid aliud, quia non desinit in nihil, sed in aliquid, vt aqua in aërem: quod tamen annihilatur, non potest in aliquid aliud conuer- ti, quia non desinit in aliquid, sed in nihil, & in nihilū redigitur, ac conuertitur; ergo non potest conuer- ti in aliquid, nam hoc cū illo pugnat, & per illud tollitur: propter, quod Caiet. hic ait, Scotum sola voce con- uersionem affirmare.

Quomodo autem non annihiletur sub- stantia panis, & vini, variè explicant Do- ctiores. Durandus in 4. d. 11. q. 3. num. 5. di- cit, non annihilari, quia corrupta forma panis per conuersionem, materia eius ma- net sub forma Corporis Christi, sicut ma-  
tera

teria alimenti manet sub forma nutriti. Sed hoc manifestum continet errorem contra definitionem Conc. Trident. sess. 13. can. 2. Cum neget conuersionem totius substantiæ panis in Corpus Christi.

Alij dicunt panē nō annihilari: quia licet substantia panis non maneat acta, & formaliter secundū se totam, aut aliquā sui partē; manet tamen virtualiter in suis accidentibus. Contra hoc tamen est: quia hinc sequeretur, Deum non posse annihilare aliquam substantiam manentibus eius accidentibus: item substantiam panis annihilari, si Deus illam cum suis accidentibus conuerteret in Corpus Christi: sed hæc falsa sunt; ergo, &c.

Alij, vt Nominales, afferunt, non annihilari substantiam panis, quia loco illius succedit substantia Corporis Christi. Sed contra hoc est, quia si Deus in nihil redigeret corpus aliquod intra aquam existens, etiā si loco illius succederet aqua ad supplendū vacuum, verē annihilaretur; ergo licet hic loco substantiæ panis succedat substantia Corporis Christi, non propterea illa non annihilatur. Supponit etiam hic modus dicendi panem conuerti in Corpus Christi nihil aliud esse, quam corpus Christi loco eius succedere, quod falsum est.

Alij, vt Capreolus in 4. d. 11. ad arg. contra 2. & Palud. ibidem art. 2. ad 1. affirmant, panem non annihilari, quia manet in potentia obediētiāli corporis Christi, eo quod corpus Christi potest diuina virtute iterum

con-

### ARTICVLVS III. 403

conuerti in illo numero panem. Contra hoc tamen est: quia hoc non habet corpus Christi, ex vi definitionis panis, & conuersionis in ipsum, cum etiam si panis non esset in ipsum conuersus, esset in eo potentia obediē tialis, vt conuerteretur in panem, & pane in hac potentia obediē tili manente, posset à Deo annihilari; ergo modo non ideo non annihilatur, quia manet in potentia obediē tiali corporis Christi. Confirmatur, quia alias nihil posset à Deo annihilari, quia quantumcumque in nihilū redigatur, in illud idem numero possunt diuina virtute alia conuerti: sed hoc est falsum; ergo, &c.

His ergo omissis, verus modus dicendi est assignatus à D. Thom. hic his verbis: *Licet post consecrationem hæc sit falsa, substantia panis est aliquid: id tamen, in quod substantia panis est conuersa, est aliquid. Et ideo substantia panis non est annihilata.* Ad rationem enim annihilationis requiritur, vt ex vi illius res vertatur in nihil, & non conuertatur in aliquid: & quia ex vi conuersionis substantia panis conuertitur in corpus Christi, ideo non annihilatur.

Ab hoc dicendi modo non differt modus dicendi Caietan. hic, & art. sequent. afferentis, panem non annihilari, quia licet post consecrationem substantia panis non sit aliquid, quod tamen erat panis, aliquid est scilicet corpus Christi, nam vt ait S. Ambros. *Quod erat panis, iam corpus Christi est.* Per id enim, quod erat panis, non

non intelligit Caiet. (sicut nec S. Ambros.) rationem substantiæ aut entis, quæ antea erat in pane, eandem numero manere in corpore Christi, sicut eadem numero materia, quæ erat in corrupto, manet in genito. Sed sensus eius est, tam panem, quam eius substantiam, & entitatem, & quicquid erat in pane, desinere esse, & solum manere conuersum in corpus Christi, hocque dici id, quod erat panis, quia panis, & quicquid erat in eo in corpus Christi conuersum est. Vnde immerito à Mag. Soto, & alijs impugnatur, quasi Caietan, dicat, substantiam, & entitatem, quæ erat in pane, desinere esse panem, non tamen esse substantiam, & entitatem.

Ad 1. autem factum in principio respondet Caiet. hic negando maiorem; supponit enim falsum, scilicet inueniri hic mutationem seu transitum per se ab esse panis ad non esse panis: nam vnicus est solum transitus vnicaque mutatio inter duos terminos positiuos, scilicet conuersio panis in corpus Christi, cuius terminus à quo est esse panis, & per se terminus ad quem est esse corporis Christi, ut est id, quod erat panis: quia vero esse corporis Christi comitatur, vel sequitur non esse panis, ideo talis transitus, vel mutatio conuersionis panis in corpus Christi concomitanter, vel consequenter est transitus, vel mutatio ab esse panis ad non esse panis. Sed demus Scoto duas illas mutationes, quas supponit in maiori, adhuc non sequitur primam mu-

### ARTICVLVS III. 405

mutationem ab esse panis ad non esse panis esse annihilationem : nam sicut non esse, ad quod tendit corruptio aquæ v. g. non est terminus annihilationis, ita nec non esse, ad quod tendit mutatio ab esse panis ad non esse panis. Talis enim mutatio non est desitio panis in nihil, sed in corpus Christi, & quia esse corporis Christi concomitatur, vel sequitur non esse panis, ideo talis mutatio est ab esse panis ad non esse panis. Cum autem non esse vel nihil, quod est terminus annihilationis, nullam habeat connexionem, vel concomitantiam cum aliquo esse; non esse, ad quod tendit desitio panis, cum concomitatur, vel sequitur esse corporis Christi, non est terminus annihilationis. Ad id vero, quod dicitur in minori argumenti, si secundus transitus seu mutatio non concomitaretur primum transitum, primus transitus esset annihilatio, dico: tunc primum illum transitum non fore eiusdem, sed diuersæ rationis à transitu, qui modo est (sicut si corruptionem vnius non sequeretur generatio alterius, non esset eadem mutatio corruptionis, sed mutatio alterius rationis) sicque non mirum si esset annihilatio.

Ad 2. respondet Caietan. negando antecedens: falsa est enim conditionalis in eopposita. Ad probationem in eodem antecedente contentam dicit, ad annihilationem siue per se, siue per accidens plus requiri, quam non materiam formam neque materiam: *Exigitur enim, quod id quod erat illud, sit modo*

*modo nihil seu non sit aliquid; cuius contrarium in proposito inuenitur: nam secundum Amb. id quod erat panis est corpus Christi. Vel clarius, iuxta solutionem D. Thom. ad 3. ad annihilationem requiritur, vt id quod desinit esse, & id in quod conuertitur, sit omnino nihil; quod in proposito non inuenitur: nam licet substantia panis, quæ desinit esse, non sit aliquid: id tamen in quod conuersa est, aliquid est, cum non sit conuersa in nihil, sed in corpus Christi.*

*Ad 3. respondet D. Th. in 4. d. 11. q. 1. art. 2. ad 3. Quod quamuis panis non sit aliquid, tamen illud, in quod conuersus est panis est aliquid conuersione facta: & ideo non sequitur, quod panis sit annihilatus. Et ad 4. Quod quamuis non maneat panis neque in se, neque in alio; manet tamen corpus Christi, in quod conuersus est panis: & ideo non sequitur, quod sit annihilatus. Vide etiam Caietan. artic. sequent. 9. Ad obiecta.*

*Ad 4. respondetur cum Caiet. loco proximè citato plus requiri ad annihilationē, quam desinire esse materiam, & formam, nempe desinire in nihil, in quod si non desinirent materia, & forma in corruptione, sed conuerterentur in aliquid, vt hic contingit, non esset annihilatio.*

*Ad 5. cum eodem Caietan. ibidem respondetur negando antecedens: nam diuina omnipotentia posset eundem numero panem restituere dupliciter, scilicet per modum creationis, & per modum reconuersionis. Et si fieret per modum creationis,*

### ARTICVLVS III. 407

nis, corpus Christi, qui fuit terminus ad quem conuersionis, non esset terminus à quo creationis, sed terminus à quo esset nihil, ex quo panis produceretur. Si verò fieret per reconuersionem, ita vt corpus Christi conuerteretur in panem, terminus à quo esset corpus Christi, & terminus ad quem panis reproductus. Ex his autem non sequitur, modo conuersionem panis in corpus Christi esse annihilationem: quia prima restitutio panis non haberet pro termino à quo, id quod in hac conuersione est terminus ad quem: & secunda non esset creatio, sed reconuersio, a priore conuersione solum distincta, quia prior non habuit terminum ad quem productum, secunda vero productum terminum ad quem haberet, sicut, & eum habuit conuersio vxoris Loth in statuam salis.

### ARTICVLVS IV.

*Verum panis possit conueri in corpus Christi.*

**Conclusio est affirmans.**

*Dubium. Quinam sit terminus huius conuersionis.*

**Q**uidam recentiores dicunt, terminum huius conuersionis esse corpus Christi per eam reproductum, seu nouo mo.

modo productum. Probant 1. ex Patribus, qui dicunt in consecratione corpus Christi creari, ac fieri. S. Cyprianus namque serm. de Coena post medium de Christo loquens ait: *Qui usque hodie hoc veracissimè, & sanctissimum corpus suum creat.* Bessarion lib. 1. de verbis consecrat. inquit: *Tota Trinitas hoc corpus altaris creat.* S. Amb. lib. 4. de Sacram. cap. 4. dicit: *Panis iste panis est ante verba Sacramentorum; ubi accesserit consecratio, de pane fit corpus Christi.* Et inferius: *Post consecrationem dico tibi, quod iam est corpus Christi: ipse dixit, & factum est, ipse mandavit, & creatum est.* Denique D. Th. hic art. 8. docet hanc conversionem in hoc convenire cum creatione, & cum transmutatione naturali: *Possimus enim verè, & propriè dicere, quod ex non ente fit ens, & ex pane corpus Christi, & ex aere ignis.* Ergo terminus huius conversionis est corpus Christi, ut factum, & productum per eam.

Secundò. Ut aliquid sit terminus conversionis alterius rei in ipsum, debet verè produci per eam, ergo, & ut corpus Christi sit terminus huius conversionis. Antecedens probatur ex D. Thom. supra q. 2. art. 1. ubi de divina essentia ait: *Nec ipsa potest converteri in aliud, cum sit incorruptibilis: nec aliud in ipsam, cum ipsa sit ingenerabilis.* Sentit ergo, ut in aliquid possit aliud converteri, & esse terminus talis conversionis, necessarium esse, ut possit produci per talem conversionem, & de facto producatur, quan-



quando actu, & de facto aliud in ipsum conuertitur.

Tertiò. Vt idem alicubi existens simul existat alibi, debet ibi reproduci; ergo vt idem corpus Christi existēs in cœlo simul existat in Sacramento, opus est, vt ibi per conuersionem panis in ipsum reproducat-ur, sicque reproductum terminus sit talis conuersionis. Antecedens probatur, illud potest alibi reproduci, non minus quam si annihilatum fuisset; nulla est enim maior ratio, cur Deus rem hic annihilatam possit alibi reproducere, & non rem hic existentem: at nisi ibi reproducat, non potest ibi existere; ergo vt ibi existat, opus est, vt ibi reproducat.

Quartò. Implicat contradictionem, vt aliqua substantia incipiat esse hic, & non adducatur ex alia parte, neque producat, hic: sed substantia corporis Christi per cō- uersionem substantiæ panis in ipsam incipit esse in hoc Sacramento, vbi antea non erat, & non adducitur ex alia parte; ergo producit in eo per talem conuersionem sicut terminus illius.

Quintò. Hæc conuersio est quid inferius ad productionem, & vera actio, & passio, de cuius ratione est, dicere nouitatem ef- fendi, & aliquid producere in subiecto; ergo cum de illa dicat *Diu. Thom.* hic ad 1. *Est sicut in subiecto in utraque substantia, sicut in substantia panis efficit veram, & realem illius desitionem, ita in substantia corporis Christi producit tam esse, quod iam ha-*

bebat, quam esse in Sacramento, quod nō habebat antea.

Dicendum tamen est 1. Corpus Christi per conuerſionem panis in ipsum non re-  
produci, nec aliquo modo mutari. Con-  
clusio hæc est omnium Theologorum an-  
tiquorum, apud quos inauditum est nomē  
productionis, vel reproductionis corporis  
Christi in hoc Sacramento, aut alicuius  
mutationis ipsius. Probatur 1. nam Hugo  
de sancto Victore lib. 2. de Sacramentis c.  
9. partis 8. sic habet; *Per verba sanctificatio-  
nis vera panis, & vera vini substantia in verū  
corpus, & verum sanguinem Christi conuer-  
titur. Nec sic in pane corpus Christi consecrati  
dicimus, ut de pane corpus Christi esse accipiat,  
nec quasi nouum corpus subito factum de mi-  
ta-  
ta essentia, sed in ipsum corpus verum mutatā  
essentiam.* Idem asserit S. Bonauentura in  
4. dist. 10. p. 2. quæst. 2. ait namque: *Cor-  
pus Christi in consecratione non fit. Et inferius:  
Tunc non fit eius humanitas, quia facta est in  
conceptione.* Et dist. 11. par. 2. quæst. 2. de  
termino, quem habet conuerſio panis in  
corpus Christi, inquit: *Non habet aliquid de  
nouo factum, sed præexistens.* Similiter B. Al-  
bertus Magnus in 4. dist. 10. art. 6. de sub-  
stantia panis dicit: *In aliud præexistens con-  
uertitur in corpus Christi.* Et dist. 11. art. 1.  
de Christo ait: *Christus eodem modo se habet  
tunc, & ante, & post.* Vniuersi denique  
Scolastici in eisdem distinctionibus idem  
docent.

Secundò. Nam D. Thom. in 4. dist. 11.

q. 1.

# ARTICVLVS IV. 411

q. i. art. 3. quæstion. 1. hanc constituit differentiam inter naturales conuerfiones, & istam: *Quia in naturalibus conuerfionibus transmutatur, & id quod conuertitur, & id in quod conuertitur. Sed in hac conuerfione illud in quod fit conuerfio, erat præexiftens: unde hoc, in quod terminatur conuerfio, nullo modo transmutatur, scilicet corpus Christi, sed solum panis, qui conuertitur. Idem docent eius antiquiores discipuli præsertim Caiet qui hic §. Vbi videre, inquit; Non oportet propter nouam hanc actionem mutationem aliquam effici in substantia corporis Christi: quia quod erat panis, de nouo est corpus Christi, non per mutationem corporis Christi, sed per mutationem panis in corpus Christi.*

Tertio. Probatur ratione sumpta ex verbis D. Th. relatis: Hæc conuerfio non terminatur in id, quod non erat, sicut conuerfio aque in vinum in nuptiis Cana Galilææ, & conuerfio vxoris Loth in statuam salis, sed in corpus Christi præexiftens; ergo per illam non producit corpus Christi: nam quod per aliquam actionem producit, non præexiftit illi. Confirmatur 1. quod producit, mutatur de non esse ad esse: sed corpus Christi præexiftens nõ potest sic mutari, alias simul esset, & non esset; ergo non potest per conuerfionem panis in ipsum produci secundum suam entitatem, & substantiam. etiam hic seu in hoc Sacramento, sicut nec in celo: nã, vt ait D. Thom. in 1. dist. 44. quæst. 1 ar. 4. ad 1. *Quando iam est existens actus, amittit*

*rationem possibili fieri . Idem dicit 1. part. quæst. 25. art. 4. ad 2. Confirmatur 2. nã vt hic cum S. Ambros. ait D. Thom. Hoc quod conficimus corpus ex virgine est. At si ex pane conuerso in ipsum produceretur, non esset corpus ex virgine, sicut vinum productum ex aqua à Christo non fuit vinum ex vite, quamuis esset eiusdem speciei cū vino ex vite; ergo &c.*

Quartò, Panis potest diuina virtute conueri in corpus Christi, quin hoc reproducat, ergo de facto sic conuertitur. Consequentia patet, non enim debemus miracula addere sine necessitate, præsertim hoc reproductionis corporis Christi, quod maiorem virtutem requirit, quam conuersio panis in ipsum sine tali reproductione, & quod incredulis hoc mysterium incredibilius facit. Antecedens probatur, nam vt hic ad 3. ait D. Thom. quia tota latitudo entis creati est diuinæ virtuti subiecta, & Deus habet actionem in totum ens creatum, ideo potest quicquid entitatis est in vna re conuertere in id, quod est entitatis in altera: sed id, quod est entitatis in corpore Christi iam est productum, & vt sic non minus subest diuinæ virtuti, quam vt reproducendum; ergo in illud vt productum formaliter potest Deus conuertere substantiam panis absque aliqua corporis Christi reproductione.

Quintò; Nam si corpus Christi per conuersionem panis in ipsum reproduceretur, etiam reuniretur verbo diuino, & tot esset reu-

reuniones, quot reproductiones, sicque innumeræ iuxta numerum panum, vel hostiarum, quæ consecrantur, & in corpus Christi conuertuntur: sed hoc admittendum non est; ergo &c.

Dicendum est 2. Terminum huius conuerſionis esse corpus Christi secundum suū esse substantiale, non quomodocumque, sed vt in illud cœuersus est panis, vel iuxta modum loquendi Caietani, vt est id, quod erat panis, & vt contentum sub speciebus panis, sub illisque sacramentaliter præsens. Prima pars est contra Scotum, & Paludanum relatos à Caiet. hic 9. *Circa hanc*. Paludanus enim dixit conuerſionē hanc habere pro termino ad quem corpus Christi, non secundum esse substantiale, sed secundum esse accidentale, quale est esse sacramentale, cuius est productiua: Scotus verò asseruit, hanc conuerſionem non esse productiuam termini ad quem scilicet corporis Christi secundum esse substantiale, aut accidentale, sed adductiuam illius illo vbi erat terminus à quo, scilicet substantia panis, nempe sub speciebus sacramentalibus. Sed probatur, nam vt hic ait D.Th. *Hæc conuerſio proprio nomine potest dici transubstantiatio*. Quod, & constat ex Concil. Trid. sess. 13. can. 2. dicente: *Quam conuerſionem Catholica Ecclesia aptissime transubstantiationem appellat*. Sed de ratione transubstantiationis est, vt duo termini a quo, & ad quem sint substantiæ, & substantia, in substantiam conuertatur; ergo terminus

414 *QVAESTIO LXXV.*

ad quem huius conuersionis est corpus Christi secundum suum esse substantiale; alias enim non esset transubstantiatio, sicut nec talis esset; si terminus à quo non esset panis secundum suum esse substantiale, sed solum secundum accidentia, hæcque sola conuerterentur in corpus Christi.

Secunda pars etiam probatur: quia nequit intelligi aliquid de nouo esse terminum ad quem nouæ actionis, quin de illo verificetur aliquid, quod de illo antea non verificabatur: sed hoc non verificatur de substantia corporis Christi quomodocumque sumpta, nam si præcise, & solum accipiat secundum suum esse substantiale, hoc iam antea habebat; ergo non quomodocumque sumpta est terminus huius conuersionis.

Tertia pars explicat quid sit hoc, quod de corpore Christi post conuersionem panis in ipsum verificatur, quod antea non verificabatur. Et quidem si hæc conuersio non esset sacramentalis, sed quæ conuerteretur panis in corpus Christi, vt habens esse in cælo, sufficeret, vt de corpore Christi verificaretur, esse id in quod conuersus est panis, vel esse id quod erat panis, quod de illo antea non erat verum. Quia tamē est conuersio sacramentalis, per quam Christi corpus est secundum suam substantiam sub speciebus panis in hoc Sacramento, ideo additum est, & vt contentum sub speciebus panis, sub illisque sacramentaliter præsens. Hoc autem modo esse terminum huius

## ARTICULVS IV. 415

huius sacramentalis conuerſionis probatur: Eo modo eſt terminus huius conuerſionis, quo ſignificatur per verba conſecrationis; quibus efficitur hæc conuerſio: ſed per illa ſignificatur corpus Chriſti; vt contentū ſub ſpeciebus panis, ſub illisq; ſacramentaliter præſens, nam ſenſus horum verborum, *Hoc eſt corpus meum*, eſt, contentum ſub his ſpeciebus eſt corpus meum; ergo vt ſic eſt terminus huius ſacramentalis conuerſionis.

Dicendum eſt 3. Eſſe contentum ſub ſpeciebus panis, ſub illisq; ſacramentaliter præſens (& idem eſt de eſſe id in quod conuerſus eſt panis, vel eſſe id, quod erat panis) non eſſe aliquid reale in corpore Chriſti, ſed ſolum denominationem, ac relationem rationis; pertinere tamen ad terminum huius conuerſionis ſacramentalis panis in corpus Chriſti, vt terminum intrinſecum illius, ſine quo corpus Chriſti non eſſet huius conuerſionis terminus.

Prima pars non caret difficultate, vnde Caiet. hic art. 2. §. *Antequam*, ita ſcribit: *An ſacramentalis conuerſionis mutatio inferat in vtroque extremo relationes reales continentie actiue, & paſſiue: vel ſolum ex parte corporis Chriſti ſu relatio realis ad ſpecies, quæ continetur ſub ſpeciebus, & per hoc denominantes ſpecies continere corpus Chriſti; quia corpus Chriſti continetur ſub illis: vel in ſpeciebus ipſis realis continentia relatio ad corpus Chriſti conſurgit, ex qua corpus Chriſti cointelligitur referri ad ſpecies, vt con-*

*centum ad continens, non quia ipsum referatur ad species, sed quia species referuntur ad ipsum (sicut Deus realiter dicitur Dominus creature, non quia ipse referatur ad creaturam servam, sed quia creatura refertur ad ipsum) non facile dixerim.*

i. Mihi tamen secundum doctrinam D. Th. asserendum esse videtur, quod diximus in prima parte conclusionis. Etenim D. Th. in 4. d. 11. q. 1. art. 3. quæstiuncula. 1. ad 3. de successione, qua substantia corporis Christi succedit substantiæ panis sub eius accidentibus, inquit: *Sed secundum regulam in 1. lib. dist. 26. de rebus datam, erit ista relatio ordinis huius successionis secundum rem quidem in ipso pane, qui mutatur, non autem in corpore Christi vero, nisi secundum rationem, quia ipsum immutatum manet.* Sed eadem est ratio de relatione continentis actiue, & passivæ, quia corpus Christi nullo modo mutatur; ergo esse contentum, & præsens sub speciebus panis nihil reale est in corpore Christi, sed solum relatio rationis.

Secundò. Nam idem S. Doctor hic, q. sequent. art. 6. in corpor. dicit de corpore Christi: *Non desinit esse sub sacramento per hoc quod ipsum desinat esse, sed solum per hoc, quod species huius Sacramenti desinant esse.* Et ad 3. Quibus cessantibus desinit esse corpus Christi sub eis: *non quia ab eis independent, sed quia tollitur habitudo corporis Christi ad illas species: per quem modum Deus desinit esse Dominus creatura desinentis.* Ergo sicut esse Dominum creature in Deo est relatio ratio-



rationis, ita & esse contentum, & præsens in hoc Sacramento sub speciebus panis, non est aliquid reale in corpore Christi, sed solum relatio rationis; alias non solum defineret esse sub Sacramento per hoc, quod species definunt, sed etiam quia amitteret aliquid reale, quod habebat, & secundum hoc ipsum defineret esse.

Neque huic obstat, quod dicitur in Concilio Trid. sess. 13. can. 1. corpus Christi contineri in Sacramento Eucharistiæ, *vere realiter, & substantialiter*. Nam etiam Deus vere realiter; & substantialiter est in omnibus rebus; & tamen esse in rebus non est aliquid reale in Deo, sed relatio quædam rationis, quæ, ut ait D. Thom. in 1. dist. 37. q. 2. art. 3. *Non dicitur de Deo nisi ex tempore, sicut Dominus, & creator*. De quo videtur eundem S. Doctor. 1. part. quæst. 13. 2. 7. ad 5.

Secunda pars conclusionis probatur, nam ex tertia parte 2. con. constat, esse contentum, & præsens corpus Christi sub speciebus pertinere ad terminum huius conversionis: sed cum non sit aliquid reale, sed rationis in corpore Christi, ut in prima parte huius conclusionis ostensum est, non potest pertinere ad terminum huius conversionis, qui est substantia corporis Christi tãquam eius essentialis ratio; ergo solum pertinet tanquam modus intrinsecus illius eo modo, quo 2. 2. quæst. 1. art. 4. dub. 1. diximus, esse non visum pertinere ab obiectum fidei.

Ad 1. autem factum in principio respōdetur, Patres asserentes corpus Christi creari in hoc Sacramento, non accepisse nomen creationis propriè, aliàs enim sentirent fieri ex nihilo, quod apertè falsum est; sed latè pro actione supernaturali, & miraculosa, qua dicitur fieri, non quia producat, aut mutetur, sed quia per mutationem, & conuersionem panis in ipsum incipit esse in hoc Sacramento: sicut de Deo dicitur factum esse refugium nobis, & factum esse hominem, non quia Deus productus, aut mutatus fuerit, sed per mutationem alterius, vt docet D. Thom. supra q. 16. a. 6. ad 2. Cum verò hic art. 8. dicit, posse propriè, & verè dici, ex pane fieri corpus Christi, sicut ex non ente fit ens, & ex aere fit ignis, non intelligit eodem modo hæc omnia fieri, nam ens, & ignis fiunt per productionem, & mutationem sui, corpus vero Christi vere, & propriè dicitur fieri ex pane, non tamen per productionem, & mutationem sui, sed per mutationem alterius scilicet panis, absque vlla mutatione sui, eo modo, quo Deus absque vlla sui mutatione vere, & propriè dicitur factus homo, & refugium nobis.

Ad 2. responderetur negando antecedens. Ad probationem dico, D. Tho. ibi expresse loqui de conuersione formali, qua elementa conuertuntur in mista, & ex elementis fit mistum; propter quod consulto dixit in diuinam naturam non posse aliud conuerti, non quia est improducibilis, sed quia

quia est ingenerabilis . Quę ratio vt ibi notat Caietan. non valeret, si loqueretur de quacumque conuersione: *Quia ex hoc, quod aliquid est ingenerabile, non sequitur, quod nõ possit diuina virtute transubstantiari in ipsum, quin potius de facto in corpus Christi gloriosum, quod est incorruptibile, & ingenerabile conuertitur panis in Eucharistia.* Quamuis ergo id in quod aliud conuertitur conuersione formali debeat esse generabile, & de facto generari, & produci per talem conuersionem; id tamen, in quod aliud conuertitur conuersione totali per transubstantiationem; non debet necessario produci per talem conuersionem, nec per illam esse producibile, quamuis producibile esse debeat per aliam actionem, sicut, & quod alteratur producibile esse debet secundum suam substantiam, non tamen per alterationem; sed per aliam actionem. Si quęras cur in diuinam essentiam nõ possit aliquid conuerti conuersione etiam totali, in illamque transubstantiari, cum hoc nullam inferat mutationem in termino talis conuersionis, vt diximus de corpore Christi? Respondetur, triplicem esse huius rationem. Prima quia licet id, in quod aliud conuertitur, nõ opus sit, vt per talē conuersionē producatur aut aliquo modo mutetur; necessariū tamē est, vt producibile, & mutabile sit per aliā actionem, ensque proinde creatum sit, quod diuinę naturę repugnat. Sicut licet esse dexteram non sit aliquid reale, sed rationis in columna, ipsi conueniens absque

vlla sui mutatione ; hæc tamen dexteritas Deo conuenire non potest , quia supponit esse corporeum , quod Deo repugnat . Secunda , quia , vt hic ait D. Thom. id quod conuertitur , quam id in quod aliud conuertitur , debet esse diuinæ virtuti subiectū : diuina autem essentia nullo modo subiecta est diuinæ virtuti . Tertia , quia id in quod aliud conuertitur , debet esse in potentia obedienciali eius ; quod in ipsum conuertitur , vt colligitur ex D. Thom. in 4. dist. 11. q. 1. art. 3. quæstiunc. 3. ad 3. dicente : *In hac substantiali conuersione inest potentia obediencia, vt hæc substantia conuertatur in illam.* In potentia autem obedienciali alicuius est , id ad quod est in potentia . Vnde cum diuina essentia nō sit in potentia obedienciali creaturæ alicuius , nam hoc imperfectionem inuoluit , nulla creatura potest in ipsam conuerti .

Ad 3. respondetur negando antecedens : nam vt ait S. Bonauentura vbi supra , q. 1. *In transubstantiatione fit vt id quod erat alicubi , sine sui mutatione sit alibi .* Ad probationem respondetur 1. negando minorem : nam potest ibi existere per conuersionem rei ibi existentis in ipsum , sine ipsius productione , vt ostendimus concl. 2. ratione 4. Resp. 2. neg. maiorem : nam si annihilatū fuisset alibi sicut , & vbi ante annihilationē erat , produci posset , quia mutari posset non solum de non esse hic , ad esse hic , quod est quoddam esse accidentale , sed etiam de non esse simpliciter , ad esse simpliciter , & sub;

substantialē . Dum tamen est existens, nec ubi existit, nec alibi produci potest, quia nequit mutari de non esse simpliciter ad esse simpliciter, alias simul esset, & non esset . Vnde sicut teste D. Tho. infra q. 81. art. 4. si hoc Sacramentum fuisset seruatum tempore mortis Christi, qui in Cruce mortuus fuit, mortuus etiam fuisset in Sacramento, quia implicat, idem mortuum hic, & alibi esse viuum : ita dum corpus Christi est existens non potest simpliciter non esse, nec in Sacramento ; in quo non esse, non est non esse simpliciter, sed non esse sacramentaliter, sicque nec reproduci etiam in Sacramento, cum reproduci, mutari de non esse simpliciter ad esse simpliciter includat .

Ad 4. respondetur negando maiorem ; potest enim incipere esse hic per conuersionem alterius substantiæ hic existentis in ipsam, absque vlla eius productione .

Ad 5. respondetur negando antecedens ; quamuis enim hæc conuersio sit vera actio, non tamen omnis actio est productiua, sed præter hanc datur actio destructiua, qualis est annihilatio, & actio conuersiua vnius in aliud præexistens, qualis est hæc conuersio . De qua licet D. Thoms. hic ad 1. dicat esse in vtraque substantia sicut in subiecto ; non tamen loquitur de subiecto in hæfionis, sed denominationis : quia scilicet substantia vtraque denominatur ab illa, substantia quidem panis, tanquam id quod conuertitur, substantia vero corporis Christi

422 **QVÆSTIO LXXV.**

sti, tanquam id, in quod conuertitur. Si  
verò sit fermo de subiecto inhæſionis, cum  
idem S.D. in 4. d. 11. q. 1. art 3. quæſtiunc. r.  
ad 3. dicat, ordinem, quem hæc conuerſio  
importat, eſſe ſecundum rem in pane, qui  
mutatur, & in corpore Chriſti ſolum eſſe  
ſecundum rationem, colligitur, ſubiectum  
inhæſionis huius conuerſionis eſſe ſubſtan-  
tiam panis, quæ mutatur, ſicut ſubiectum  
annihilationis eſt, quod annihilatur; cor-  
pus vero Chriſti, quod immutatum ma-  
net, ſolum eſſe terminum ad quem illius  
modo explicato in ſecunda coneluſ.

Circa articulum quintum, ſextum, ſe-  
ptimum, & octauum nihil ſe offert ſcri-  
bendum.

**QVÆSTIO LXXVI.**

*De modo quo Chriſtus eſt in hoc  
Sacramento.*

**ARTICVLVS I.**

*Utrum totus Chriſtus contineatur  
ſub hoc Sacramento.*

**Concluſio eſt affirmans.**

*Dubium. Quomodo omnia, quæ sunt  
in Christo, cōtineantur sub hoc Sa-  
cramento.*

**D** Vplicitèr inquit D. Tho. hic, quod  
est aliquid Christi, potest in hoc  
Sacramento contineri. Vno modo  
quasi ex vi sacramenti, alio modo ex naturali  
cōcomitantia. Explicandum ergo est, quomodo  
ex his modis singula quæ sunt in Christo,  
contineantur sub hoc Sacramento.

Dicendum est 1. corpus, & sanguinem  
ex vi Sacramenti contineri sub hoc Sacra-  
mento. Docet hoc Conc. Trident. sess.  
13. cap. 3. Probatùr etiã, nam vt hic ait  
D. Thom. *Ex vi Sacramenti est sub speciebus  
huius Sacramenti id, in quod directe conuer-  
titur substantia panis, & vini præexistens, prout  
significatur per verba formæ.* Sed corpus, &  
sanguis Christi est id, in quod directe con-  
uertitur substantia panis; & vini, & quod  
significatur per verba formæ; ergo &c.

Est tamen difficultas, quid intelligatur  
nomine corporis, quod ex vi Sacramenti  
est in hoc Sacramento. Gabriel in 4. d. 11.  
q. 1. & in Can. Missæ, lect. 42. per corpus in-  
telligit materiam primam, sine forma sub-  
stantiali, affectam tamen quantitate, &  
qualitatibus sensibilibus. Sed hæc senten-  
tia communiter rejicitur: quia materia  
prima non potest esse sine aliqua forma  
substantiali, & sine hac non est immediate

capax alicuius accidentis, & non potest verè dici corpus.

Scotus in 4. d. 1. q. 3. per corpus intelligit materiam primam informatam forma corporeitatis, quæ substantialis est, & realiter distincta ab anima, & eadem in corpore viuo, & mortuo. Sed hæc sententia ex his, quæ contra sequentem dicemus, falsam esse constabit.

Recentiores quidam hic dicunt, in animalibus præter ipsam animam dari formas substantiales partiales, quæ constituunt singulas partes corporis organici, & vni dant rationem carnis, alteri rationem ossis &c. Quæ simul omnes materiam informantes constituunt corpus organicum, nõ quidem, vt integram substantiam, sed vt partem essentialẽ animalis vltèrius per ipsam animam perfectibilem, & animabilem. Sicque nomine corporis, quod ex vi Sacramenti est in hoc Sacramento, intelligunt corpus Christi constans materia prima, & formis partialibus heterogeneis constituentibus corpus organicum, quo ad esse suum substantiale. Contra hanc tamen sententiam est 1. nam sic eadem forma substantialis constituens singulas partes corporis, eademque ex illis composita esset in corpore viuo, & mortuo, idemque corpus esset viuum, & mortuum, eademque eius caro, idemque os, &c. Sed hoc licet concedant prædicti recentiores, falsum est & contra Arist. qui 7. Metaph. tex. 35. lect. 10. apud D. Thom. de his partibus ait non posse



posse esse separatas: *Neque enim quocumque modo se habens digitus animalis, sed equinocus, qui mortuus.* Et lib. 2. de anima tex. 9. lect. 2. apud D. Thom. de oculo inquit materiam esse animi; *Quo detracto non est oculus, nisi forte eiusdem nomini, veluti lapideus, & pictus.* Et idem dicit de corpore, *Non est corpus ex quo animus excefferit, illud, quod vita facultatem habere dicebamus.* Ergo, &c.

Secundò. Nam si in homine præter animam rationalem esset alia forma substantialis simplex, aut composita ex alijs partialibus tribuens esse corporeum, etiam esset in eo alia anima tribuens esse sensitivum, & alia tribuens esse vegetativum, nulla est enim maior ratio, cur illa sit constituenda, quam hæ: sed vt ostendimus r. p. q. 76 ar. 3. temerarium est asserere in homine præter animam intellectuam esse aliam animam; ergo, nec est in eo alia forma, nam anima intellectiva, vt ibi ait D. Thom. *Virtute continet omnes inferiores formas, & facit ipsa sola quicquid imperfectiores forma in alijs faciunt.*

Tertiò. Caro, ossa, &c. ab ea forma habent substantialem rationem carnis, & ossis, quæ est principium actionis, qua producantur, nutriuntur, & augentur, nam talis actio non introducit, aut vnit materiæ alienam formam substantialem, nisi illam, quæ est eius principium, & cuius virtute procedit, & forma carnis, & ossis non potest introduci per aliam actionem: sed præter animam non est alia forma, quæ sit prin.

426 **QVABSTIO LXXVI.**

principium talis actionis, nam sola anima est principium nutritionis, & augmenti, productionisque partium viventis; ergo, &c.

Quartò: Contra prædictam sententiam procedūt rationes D.Th. 1. p. q. 76. a. 3. & 4. Si enim in homine essent plures formæ, non esset homo aliquid vnum simpliciter, & anima eius non daret esse simpliciter. Sequeretur etiam in homine esse plures existentias saltem partiales, quod falsum esse ostendimus 1. part. quæstione 3. articulo 4.

Verà ergo sententia est, quæ colligitur ex D. Thom. q. præced. ar. 6. ad 2. nomine corporis, quod ex vi Sacramenti est in hoc Sacramento intelligendam esse materiam informatam anima, quatenus dat esse corporeum, inquit enim S. Doct. *Anima est forma corporis datus ei totum ordinem esse perfecti, scilicet esse, & esse corporeum, & esse animatum, & sic de alijs. Conuertitur igitur forma panis in formam corporis Chisti secundum quod dat esse corporeum, non autem secundum, quod dat esse animatum tali anima.* Cumque eodem D. Tho. hic docente, ex vi Sacramenti sit in hoc Sacramento id, in quod directè cōuertitur substantia panis, corpus, vt includit materiam, & formam quatenus dat esse corporeum, erit, quod ex vi Sacramenti continetur in hoc Sacramento. Quod corpus carnem, ossa, nervos, & alia, quæ ad substantiam, & integritatem corporis humani pertinent, comprehendit,

dit, & altera pars est hominis, quæ ipsum componit cum anima rationali, quæ est alia pars, vt dat esse animatum, vegetans, sentiens, & rationale. Quamuis enim includat materiam, & formam, quatenus dat esse corporeum organicum, est tamen quid incompletum, vtpote vltterius actuabile per animam, quæ est actus corporis physici organici, vt patet ex eius definitione, quam explicuimus I. par. q. 75. ar. 1. & cum D. Thom. diximus, corpus organicum, cuius actus est anima, non ab alio habere esse corporis organici, quam ab anima; esse tamen illius subiectum, seu materiam proximam, quia, vt habens tale esse ab anima secundum rationem communem formæ corporis, præsupponitur ad ipsam secundum rationem particularem animæ. Cum vero iuxta communem Metaphysicorum sententiam genus sumatur a materia, sicut differentia a forma, a corpore, quod est materia proxima, & subiectum animæ, sumitur genus corporis directe contentum in prædicamento substantiæ, a quo differt, sicut pars a toto, & sicut id, quod habetur ab habente illud. Sicut enim, vt docet D. Thom. 5. Metaph. lect. 7. *Natura sensitiua non est genus hominis, sed pars. Habens etiam naturam sensitiuam, quod nomine animalis significatur, est hominis genus.* Ita corpus, quod est materia proxima, & subiectum animæ, non est genus eiusdem hominis, sed pars: & genus hominis est habens corpus, quod nomine corporis con-

ten

tenti directè in prædicamento substantiæ significatur. Quia tamen corpus, quod vi verborum existit sub specie panis, rem Christi esse insinuat. Cōc. Trid. sess. cap. 3. videtur nominæ corporis, quod vi Sacramenti est in hoc Sacramento, intelligendum esse, quod est materia prima, & subiectum animæ, vnaque ex partibus Christi hominis. Existimo tamen etiam rationē genericam corporis, quod in Christo contineri in hoc Sacramento vi Sacramenti: nam etiam est pars salutaris metaphysica, & illam Christus dicitur habuisse corpus meum.

Si hoc Sacramentum confectum fuerit in triduo mortis Christi, in quo anima separata erat a corpore, quod ex vi Sacramenti contineretur in hoc Sacramento esset corpus, vt dicit materiam informatam, & materia cadaueris, quatenus dat esse corpus mortuum. Quod corpus, vtpote mortuum, sic ut, & quod iacebat in sepulchro, quod cum corpore nato ex Virgine, & dato sepulchris in Cœna, & quod modo, postquam Christus resurrexit non amplius mortuum recipimus in Eucharistia viuum, simpliciter idem numero esset propter identitatem suppositi, iuxta doctrinam D. Thome supra q. 50. ar. 5. *Quia non habuit aliam hypostasin viuam, & mortuam præter hypostasin vniuersalem Dei*; non tamen esset idem secundum speciem humanæ naturæ, iuxta doctrinam eiusdem S. Th. ibidem ad 1. Modo namque, quia viuum est, corpus humanum est simpliciter.

simpliciter, & absolute: tunc verò, quia mortuum erat, solum æquiuoce erat corpus humanum, vnde de illo ait D. Thom. in 3. d. 22. q. 1. a. 1. *Nec illud corpus erat humanum, nisi æquiuocè.*

Contra hanc D. Thom. & communem sententiam multa obijciunt prædicti recentiores, & quia nonnulla ex illis ex prædictis manent soluta, solum proponam, quæ specialiori indigent solutione. Primum est, quia cum verba consecrationis sint practicta, necessario debent versari circa rem certam, & determinatam, illamque practicè significare; ergo corpus, quod ex vi illorum est in hoc Sacramento, esse corporis ab aliqua certa, & determinata forma debet habere, & non modo dum est viuum ab vna, scilicet anima, & alio tempore dum erat mortuum ab alia, scilicet forma cadaueris.

Secundum, quia iuxta prædictam sententiam vi verborum poneretur sub specie panis anima Christi: sed hoc repugnat Concil. Trid. sess. 13. c. 3. afferenti animam Christi sub vtraque specie existere: *Vt naturalis illius connexionis, & concomitantia, qua partes Christi Domini inter se copulantur, et, go, &c.*

Tertium, quia prædicta sententia supponit in corpore mortuo gigni aliquam formam substantialem; quam vocat formam cadaueris: sed hoc est falsum; ergo, &c.

Minor probatur: Tum quia videmus ea omnia, ex quibus possumus colligere diuer-

Ad 1. autem factum in principio respondetur, Patres asserentes corpus Christi creatum in hoc Sacramento, non accepisse nomen creationis propriè, aliàs enim sentirent fieri ex nihilo, quod aperte falsum est; sed latè pro actione supernaturali, & miraculosa, qua dicitur fieri, non quia producat, aut mutetur, sed quia per mutationem, & conuersionem panis in ipsum incipit esse in hoc Sacramento: sicut de Deo dicitur factum esse refugium nobis, & factum esse hominem, non quia Deus productus, aut mutatus fuerit, sed per mutationem alterius, vt docet D. Thom. supra q. 16. a. 6. ad 2. Cum verò hic art. 8. dicit, posse propriè, & verè dici, ex pane fieri corpus Christi, sicut ex non ente fit ens, & ex aere fit ignis, non intelligit eodem modo hæc omnia fieri, nam ens, & ignis fiunt per productionem, & mutationem sui, corpus vero Christi vere, & propriè dicitur fieri ex pane, non tamen per productionem, & mutationem sui, sed per mutationem alterius scilicet panis, absque vlla mutatione sui, eo modo, quo Deus absque vlla sui mutatione vere, & propriè dicitur factus homo, & refugium nobis.

Ad 2. respondetur negando antecedens. Ad probationem dico, D. Tho. ibi expresse loqui de conuersione formali, qua elementa conuertuntur in missa, & ex elementis fit mistum; propter quod consulto dixit in diuinam naturam non posse aliud conuerti, non quia est improducibilis, sed quia

## ARTICVLVS IV. 419

quia est ingenerabilis . Que ratio vt ibi notat Caietan. non valeret, si loqueretur de quacumque conuersione: *Quia ex hoc, quod aliquid est ingenerabile, non sequitur, quod nō possit diuina virtute transubstantiari in ipsum, quin potius de facto in corpus Christi gloriosum, quod est incorruptibile, & ingenerabile conuertitur panis in Eucharistia.* Quamuis ergo id in quod aliud conuertitur conuersione formali debeat esse generabile, & de facto generari, & produci per talem conuersionem; id tamen, in quod aliud conuertitur conuersione totali per transubstantiationem; non debet necessario produci per talem conuersionem, nec per illam esse producibile, quamuis producibile esse debeat per aliam actionem, sicut, & quod alteratur producibile esse debet secundum suam substantiam, non tamen per alterationem; sed per aliam actionem. Si quæras cur in diuinam essentiam nō possit aliquid conuerti conuersione etiam totali, in illamque transubstantiari, cum hoc nullam inferat mutationem in termino talis conuersionis, vt diximus de corpore Christi. Respondetur, triplicem esse huius rationem. Prima quia licet id, in quod aliud conuertitur, nō opus sit, vt per talē conuersionē producatur aut aliquo modo mutetur; necessariū tamē est, vt producibile, & mutabile sit per aliā actionem, ensque proinde creatum sit, quod diuinæ naturæ repugnat. Sicut licet esse dexteram non sit aliquid reale, sed rationis in columna; ipsi conueniens absque

vlla sui mutatione ; hæc tamen dext. Deo conuenire non potest , quia sup. esse corporeum , quod Deo repugnat. cunda, quia, vt hic ait D. Thom. id conuertitur , quam id in quod aliud uertitur, debet esse diuinæ virtuti subie. diuina autem essentia nullo modo subie. est diuinæ virtuti . Tertia, quia id in quod aliud conuertitur, debet esse in potentia obedienciali eius ; quod in ipsum conuertitur, vt colligitur ex D. Thom. in 4. dist. q. 1. art. 3. quæstiunc. 3. ad 3. dicente : *hac substantiali conuersione inest potentia obedienciali, vt hæc substantia conuertatur in ipsam.* In potentia autem obedienciali alicuius est, id ad quod est in potentia . Vnde diuina essentia nõ sit in potentia obedienciali creaturæ alicuius , nam hoc impo. sitionem inuoluit, nulla creatura potest ipsam conuerti .

Ad 3. respondetur negando antecedens, nam vt ait S. Bonauentura vbi supra , *In transubstantiatione fit vt id quod erat alibi, sine sui mutatione sit alibi.* Ad probationem respondetur 1. negando minorem, nam potest ibi existere per conuersionem rei ibi existentis in ipsum , sine ipsius productione, vt ostendimus concl. 2. ratione. Resp. 2. neg. maiorem : nam si annibi fuisset alibi sicut, & vbi ante annihilationem erat, produci posset, quia mutari potest non solum de non esse hic, ad esse hic, quod est quoddam esse accidentale, sed etiam de non esse simpliciter, ad esse simpliciter, sub



## ARTICVLVS IV. 421

substantialē . Dum tamen est existens, nec vbi existit, nec alibi produci potest, quia nequit mutari de non esse simpliciter ad esse simpliciter, alias simul esset, & non esset. Vnde sicut teste D. Tho. infra q. 81. art. 4. si hoc Sacramentum fuisset seruatum tempore mortis Christi, qui in Cruce mortuus fuit, mortuus etiam fuisset in Sacramento, quia implicat, idem mortuum hic, & alibi esse viuum: ita dum corpus Christi est existens non potest simpliciter non esse, nec in Sacramento; in quo non esse, non est non esse simpliciter, sed non esse sacramentaliter, sicque nec reproduci etiam in Sacramento, cum reproduci, mutari de non esse simpliciter ad esse simpliciter includat.

Ad 4. respondetur negando maiorem; potest enim incipere esse hic per conuersionem alterius substantiæ hic existentis in ipsam, absque vlla eius productione.

Ad 5. respondetur negando antecedens; quamuis enim hæc conuersio sit vera actio, non tamen omnis actio est productiua, sed præter hanc datur actio destructiua, qualis est annihilatio, & actio conuersiua vnius in aliud præexistens, qualis est hæc conuersio. De qua licet D. Thoms. hic ad 1. dicat esse in vtraque substantia sicut in subiecto; non tamen loquitur de subiecto inhæssionis, sed denominationis: quia scilicet substantia vtraque denominatur ab illa, substantia quidem panis, tanquam id quod conuertitur, substantia vero corporis Christi

## 422 QVÆSTIO LXXV.

sti, tanquam id, in quod conuertitur. Si  
verò sit sermo de subiecto inhæſionis, cum  
idem S.D. in 4. d. 11. q. 1. art. 3. quæſtiunc. r.  
ad 3. dicat, ordinem, quem hæc conuerſio  
importat, eſſe ſecundum rem in pane, qui  
mutatur, & in corpore Chriſti ſolum eſſe  
ſecundum rationem, colligitur, ſubiectum  
inhæſionis huius conuerſionis eſſe ſubſtan-  
tiam panis, quæ mutatur, ſicut ſubiectum  
annihilationis eſt, quod annihilatur; cor-  
pus vero Chriſti, quod immutatum ma-  
net, ſolum eſſe terminum ad quem illius  
modo explicato in ſecunda coneluſ.

Circa articulum quintum, ſextum, ſe-  
ptimum, & octauum nihil ſe offert ſcri-  
bendum.

## QVÆSTIO LXXVI.

*De modo quo Chriſtus eſt in hoc  
Sacramento.*

### ARTICVLVS I.

*Vtrum totus Chriſtus contineatur  
ſub hoc Sacramento.*

**Concluſio eſt affirmans.**

*Dubium. Quomodo omnia, quae sunt  
in Christo, contineantur sub hoc Sa-  
cramento.*

**D**upliciter inquit D. Tho. hic, quod  
est aliquid Christi, potest in hoc  
Sacramento contineri. Vno modo  
quasi ex vi sacramenti, alio modo ex naturali  
concomitantia. Explicandum ergo est, quo  
ex his modis singula quæ sunt in Christo,  
contineantur sub hoc Sacramento.

Dicendum est 1. corpus, & sanguinem  
ex vi Sacramenti contineri sub hoc Sacra-  
mento. Docet hoc Conc. Trident. sess.  
13. cap. 3. Probatur etiam, nam vt hic ait  
D. Thom. *Ex vi Sacramenti est sub speciebus  
huius Sacramenti id, in quod directe conuer-  
titur substantia panis, & vini præexistens, prout  
significatur per verba formæ.* Sed corpus, &  
sanguis Christi est id, in quod directe con-  
uertitur substantia panis, & vini, & quod  
significatur per verba formæ; ergo &c.

Est tamen difficultas, quid intelligatur  
nomine corporis, quod ex vi Sacramenti  
est in hoc Sacramento. Gabriel in 4. d. 11.  
q. 1. & in Can. Missæ, lect. 42. per corpus in-  
telligit materiam primam, sine forma sub-  
stantiali, affectam tamen quantitate, &  
qualitatibus sensibilibus. Sed hæc senten-  
tia communiter rejicitur: quia materia  
prima non potest esse sine aliqua forma  
substantiali, & sine hac non est immediate

capax alicuius accidentis, & non potest ve-  
re dici corpus.

Scotus in 4. d. 1. q. 3. per corpus intelligit  
materiam primam informatam forma  
corporeitatis, quæ substantialis est, & reali-  
ter distincta ab anima, & eadem in corpo-  
re viuo, & mortuo. Sed hæc sententia  
ex his, quæ contra sequentem dicemus, fal-  
sam esse constabit.

Recentiores quidam hic dicunt, in ani-  
malibus præter ipsam animam dari for-  
mas substantiales partiales, quæ constituunt  
singulas partes corporis organici, & vni-  
dant rationem carnis, alteri rationem ossis  
&c. Quæ simul omnes materiam infor-  
mantes constituunt corpus organicum, nõ  
quidem, vt integram substantiam, sed vt  
partem essentialem animalis vltius per  
ipsam animam perfectibilem, & animabi-  
lem. Sicque nomine corporis, quod ex vi  
Sacramenti est in hoc Sacramento, intelli-  
gunt corpus Christi constans materia pri-  
ma, & formis partialibus heterogeneis co-  
stituentibus corpus organicum, quo ad esse  
suum substantiale. Contra hanc tamen  
sententiam est 1. nam sic eadem forma  
substantialis constituens singulas partes  
corporis, eademque ex illis composita es-  
set in corpore viuo, & mortuo, idemque  
corpus esset viuum, & mortuum, eademque  
eius caro, idemque os, &c. Sed hoc licet  
concedant prædicti recentiores, falsum est  
& contra Arist. qui 7. Metaph. tex. 35. lect.  
10. apud D. Thom. de his partibus ait non  
posse

posse esse separatas: Neque enim quocumque modo se habens digitus animalis, sed equiuocus, qui mortuus. Et lib. 2. de anima tex. 9. lect. 2. apud D. Thom. de oculo inquit materiam esse animi; Quo detracto non est oculus, nisi forte eiusilem nomini, veluti lapideus, & pictus. Et idem dicit de corpore, Non est corpus ex quo animus excesserit, illud, quod vita facultatem habere dicebamus. Ergo, &c.

Secundò. Nam si in homine præter animam rationalem esset alia forma substantialis simplex, aut composita ex alijs partialibus tribuens esse corporeum, etiam esset in eo alia anima tribuens esse sensitium, & alia tribuens esse vegetatiuum, nulla est enim maior ratio, cur illa sit constituenda, quam hæ: sed vt ostendimus r. p. q. 76 ar. 3. temerarium est asserere in homine præter animam intellectiuam esse aliam animam; ergo, nec est in eo alia forma, nam anima intellectiua, vt ibi ait D. Thom. Virtute continet omnes inferiores formas, & facit ipsa sola quicquid imperfectiores forma in alijs faciunt.

Tertiò. Caro, ossa, &c. ab ea forma habent substantialem rationem carnis, & ossis, quæ est principium actionis, qua producantur, nutriuntur, & augentur, nam talis actio non introducit, aut vnit materiæ alienam formam substantialem, nisi illam, quæ est eius principium, & cuius virtute procedit, & forma carnis, & ossis non potest introduci per aliam actionem: sed præter animam non est alia forma, quæ sit prin:

principium talis actionis, nam sola anima est principium nutritionis, & augmenti, productionisque partium viventis; ergo, &c.

Quartò: Contra prædictam sententiam procedunt rationes D.Th. 1. p. q. 76. a. 3. & 4. Si enim in homine essent plures formæ, non esset homo aliquid vnum simpliciter, & anima eius non daret esse simpliciter. Sequeretur etiam in homine esse plures existentias saltem partiales, quod falsum esse ostendimus 1. part. quæstione 3. articulo 4.

Vera ergo sententia est, quæ colligitur ex D.Thom. q. præced. ar. 6. ad 2. nomine corporis, quod ex vi Sacramenti est in hoc Sacramento intelligendam esse materiam informatam anima, quatenus dat esse corporeum, inquit enim S. Doct. *Anima est forma corporis dans ei totum ordinem esse perfecti, scilicet esse, & esse corporeum, & esse animatum, & sic de alijs. Conuertitur igitur forma panis in formam corporis Chisti secundum quod dat esse corporeum, non autem secundum, quod dat esse animatum tali anima.* Cumque eodem D.Tho. hic docente, ex vi Sacramenti sit in hoc Sacramento id, in quod directè cōuertitur substantia panis, corpus, ut includit materiam, & formam quatenus dat esse corporeum, erit, quod ex vi Sacramenti continetur in hoc Sacramento. Quod corpus carnem, ossa, nervos, & alia, quæ ad substantiam, & integritatem corporis humani pertinent, comprehendit,

dit, & altera pars est hominis, quæ ipsum componit cum anima rationali, quæ est alia pars, vt dat esse animatum, vegetans, sentiens, & rationale. Quamuis enim includat materiam, & formam, quatenus dat esse corporeum organicum, est tamen quid incompletum, vtpote vltterius actuabile per animam, quæ est actus corporis physici organici, vt patet ex eius definitione, quam explicuimus 1. par. q. 75. ar. 1. & cum D. Thom. diximus, corpus organicum, cuius actus est anima, non ab alio haberi esse corporis organici, quam ab anima; esse tamen illius subiectum, seu materiam proximam, quia, vt habens tale esse ab anima secundum rationem communem formæ corporis, præsupponitur ad ipsam secundum rationem particularem animæ. Cum vero iuxta communem Metaphysicorum sententiam genus sumatur a materia, sicut differentia a forma, a corpore, quod est materia proxima, & subiectum animæ, sumitur genus corporis directe contentum in prædicamento substantiæ, a quo differt, sicut pars a toto, & sicut id, quod habetur ab habente illud. Sicut enim, vt docet D. Thom. 5. Metaph. lect. 7. *Natura sensitiva non est genus hominis, sed pars. Habens etiam naturam sensitivam, quod nomine animalis significatur, est hominis genus.* Ita corpus, quod est materia proxima, & subiectum animæ, non est genus eiusdem hominis, sed pars: & genus hominis est habens corpus, quod nomine corporis con-

ten.

428 **QVABSTIO LXXVI.**

tenti directè in prædicamento substantiæ significatur. Quia tamen corpus, quod ex vi verborum existit sub specie panis, partem Christi esse insinuat Cōc. Trid. sess. 13. cap. 3. videtur nominæ corporis, quod ex vi Sacramenti est in hoc Sacramento, illud intelligendum esse, quod est materia proxima, & subiectum animæ, vnaq. ex partibus Christi hominis. Existimo tamen etiam rationē genericam corporis, quæ est in Christo contineri in hoc Sacramento ex vi Sacramenti: nam etiam est pars saltem metaphysica, & illam Christus dicere potuit corpus meum.

Si hoc Sacramentum confectum fuisset in triduo mortis Christi, in quo anima separata erat a corpore, quod ex vi Sacramenti contineretur in hoc Sacramento, esset corpus, vt dicit materiam informatam or ma cadaueris, quatenus dat esse corporeum. Quod corpus, vtpote mortuum, sic ut, & quod iacebat in sepulchro, quāuis cum corpore nato ex Virgine, & dato Discipulis in Cœna, & quod modo, postquā Christus resurrexit non amplius moriturus, recipimus in Eucharistia viuum, simpliciter idem numero esset propter identitatem suppositi, iuxta doctrinam D. Thom. supra q. 50. ar. 5. *Quia non habuit aliam hypostasim viuum, & mortuū præter hypostasim veri Dei*; non tamen esset idem secundum speciem humanæ naturæ, iuxta doctrinam eiusdem S. Th. ibidem ad 1. Modo namque, quia viuum est, corpus humanum est  
sim.



simpliciter, & absolute: tunc verò, quia mortuum erat, solum æquiuoce erat corpus humanum, vnde de illo ait D. Thom. in 3. d. 22. q. 1. a. 1. *Nec illud corpus erat humanum, nisi æquiuocè.*

Contra hanc D. Thom. & communem sententiam multa obijciunt prædicti recentiores, & quia nonnulla ex illis ex prædictis manent soluta, solum proponam, quæ specialiori indigent solutione. Primum est, quia cum verba consecrationis sint prædicta, necessario debent versari circa rem certam, & determinatam, illamque practice significare; ergo corpus, quod ex vi illorum est in hoc Sacramento, esse corporis ab aliqua certa, & determinata forma debet habere, & non modo dum est viuum ab vna, scilicet anima, & alio tempore dum erat mortuum ab alia, scilicet forma cadaueris.

Secundum, quia iuxta prædictam sententiam vi verborum poneretur sub specie panis anima Christi: sed hoc repugnat Concil. Trid. sess. 13. c. 3. afferenti animam Christi sub vtraque specie existeret: *Ve naturalis illius connexionis, & concomitantia, qua partes Christi Domini inter se copulantur, ergo, &c.*

Tertium, quia prædicta sententia supponit in corpore mortuo gigni aliquam formam substantialem, quam vocat formam cadaueris: sed hoc est falsum; ergo, &c.

Minor probatur: Tum quia videmus ea omnia, ex quibus possumus colligere diuer-

430 **QVAESTIO LXXVI.**

versitatem , vel identitatem formæ substantialis , manere sæpe eodem in corpore vivo , & mortuo , hoc solo excepto , quod ex defectu videamus animam abesse .

Tum etiã , quia nulla potest assignari causa , quæ talem formam inducat , præsertim , quando animal strangulatur , vel , caput subito præscinditur . Tum deinde , quia si esset ponenda forma cadaueris , quæ succederet animæ discedenti ; similiter in embrione deberet poni forma substantialis , quæ pellèretur per animationem , quod tamen falsum est . Tum , denique , quia , indecens videtur , inducere formam cadaueris in corpus Christi mortuum ; falsum etiam , quia tunc corpus Christi fuisset verè corruptum contra illud *Act. 2. Neque caro eius vidit corruptionem* . Cadauer etiam Christi fuisset natura in esse substantiæ omnino completa , & integrum suppositum : atque ita aliqua completa natura præter humanam fuisset verbo hypostaticè unita , & cum eo constituisset integrum suppositum ; de quo per communicationem idiomatum potuissent omnia dici , quæ dicuntur de Christo : & consequenter hæ fuissent veræ : cadauer est Deus : cadauer mundum condidit : natum est ex Virgine , redemit nos , fuit datum Apostolis , in Coenâ , &c.

Sed ad hæc facile respondetur . Ad 1. quando verba consecrationis proferuntur , semper circa rem certam , & determinatam versari , & illa practicè significare , nempe corpus Christi , ut habeas esse corporeum

a forma, a qua tunc informatur, quæ certa, & determinata est, qualis est modo anima. Si verò sit sermo de verbis abstrahendo ab hoc, vel illo tempore, quo proferuntur, corpus significatum per illa etiam abstrahit ab hac, vel illa forma, quæ ei dat esse corporeum, sicut, & abstrahit ab esse humano simpliciter, aut æquiuocè.

Ad 2. respondetur negando minorem: Concilium enim loquitur de anima, vt dat esse animatum, non vt dat esse corporeum: nam, vt sic non consideratur secundum rationem particularem animæ, sed secundum rationem communem formæ; & quamuis sit eadem entitas, potest secundum vnā rationem esse ex vi Sacramenti in hoc Sacramento, & non secundum aliam: sicut licet eadem entitas sit corpus animatum Christi, in hoc tamen Sacramento est ex vi Sacramenti secundum rationem corporis, & non secundum rationem animati. Si dicas, anima non aliter informat materiā, nisi animando; ergo non dat esse corporeum, sed solum esse animatum. Respondetur negando antecedens: sicut enim albedo non solum informat subiectum, illud secundum rationem propriam albedinis de albando, sed etiam secundum rationem communem coloris coloratum efficiendo: ita anima non solum informat materiā secundum propriam rationem animæ animando, seu esse animatum præbendo, sed etiam secundum rationem communem.

for-

formæ dando esse substantiale, & corpus  
reum.

Ad 3. respondetur negando minorem:  
talem enim formam in corpore mortuo  
gigni, manifesta ratio ostendit: corruptio  
namque vnius est generatio alterius, vt di-  
citur lib. 1. de generat. tex. 17. ergo cum vi-  
uens moritur, & corrumpitur, aliquid aliud  
generatur. At generari non potest, nisi gi-  
gnatur aliqua forma substantialis; ergo hæc  
in corpore mortuo est constituenda, quæ  
non est alia, quam forma cadaueris. Ad 1.  
probationem dico, eo ac videmus animam  
abesse, videmus etiam ibi aliam formam  
substantialem esse: nam necesse est formæ  
deperditæ aliam succedere, sicut, & corru-  
ptioni generationem. Quæ autem ibi ma-  
nere videntur, non sunt eadem cum præ-  
cedentibus, sed eis solum aliquo modo si-  
milia. Ad 2. probationem dico, licet non  
possit assignari causa vniuoca, assignari ta-  
men posse æquiuocam causam, eandem  
scilicet, quæ formam viuentis abstulit: ex  
necessitate namque materiæ sequitur ad  
corruptionem viuentis forma cadaueris;  
sicque, quod est causa corruptionis viuen-  
tis, est etiam causa generationis formæ ca-  
daueris. Ad 3. probationem dico, illud  
expresse asseri à D. Thom. 1. p. q. 118. art. 2.  
ad 2. cuius rationem reddit: *Quod cum ge-  
neratio vnius semper sit corruptio alterius, neces-  
se est dicere, quod tam in homine, quam in ani-  
malibus alijs, quando perfectior forma aduenit,*  
*fit*

*fit corruptio prioris.* Et non est inconueniens, formam embrionis pelli per easdem causas, per quas fuit introducta: nam per formæ perfectioris introductionem expellunt imperfectiorem, quam prius introduxerant. Ad 4. probationem dico, non esse magis indecens inducere formam cadaueris in corpus Christi, quam ipsum mortuum fuisse asserere, nam corpus mortuum cadauer est hominis. Quæ mors licet aliquando Petro visa fuerit indecens Christo, à Domino tamen tunc dictum est ei. *Non sapis, quæ Dei sunt,* Matth. 8. v. 33. Corpus autem Christi vere fuisse corruptum, non falsum, sed verissimum est, cuius oppositum videtur error Gaianitarum, qui, vt refertur 24. q. 3. can. *Quidam*, dicebant corpus in Christo esse naturam incorruptam. Id vero, quod dicitur Act. 2: exponit Sanctus Damascenus libro 3. de fide capit. 28. relatus à D. Tho. supra quæstione 51. articul. 3. *De corruptione, quæ est per resolutionem in elementa.*

Glossa Interlinearis ibi exponit, de corruptione putredinis, & vermium. Præter naturam autem humanam vnitam fuisse verbo naturam cadaueris, concedunt communiter Theologi, quamuis dicant, non fuisse nouam vnionem, sed ex vi antiquæ assumptionis factam. Negant tamen propositiones illas, cadauer est Deus, &c. nam talis natura cadaueris non fuit assumpta ex primaria intentione, sed veluti in via, & propter aliud. Dicit etiam potest, eandem esse difficultatem de illis propositionibus.

ac esset, si Deus ( vt potest ) naturam irrationalem bruti assumeret, de quo supra, q. 4. art. 1. Vnde sicut tunc non esset absolute asserendū brutum irrationale est Deus, propter indecentiam locutionis, sed circumloquio tollente locutionis indecentiam verificandum esset id: ita & in nostro casu de cadauere Christi verificari possunt prædictæ propositiones, asserendo scilicet, suppositum naturæ cadaueris esse Deum, &c. Ideo enim de homine id verificatur, quia nomina concreta, quale est nomen homo, supponunt hypostasim naturæ, vt docet D. Thom. supra q. 16. art. 4. & 5.

Dicendum 2. Animam rationalem Christi esse in hoc Sacramento, non ex vi Sacramenti, aut verborum, sed per concomitantiam. Docet hoc Concil. Trident. sess. 13. cap. 3.

Probatnr deinde, nam vt hic ait D. Tho. *Ex naturali concomitantia est in hoc Sacramento illud, quod realiter est coniunctum ei, in quod prædicta conuersio terminatur.* Sed anima rationalis Christi est realiter coniuncta corpori, & sanguini Christi, in quæ conuersio panis, & vini terminatur, & quæ per verba formæ significantur, in ipsam verò non terminatur hæc conuersio, nec ipsa per verba formæ significatur; ergo in hoc sacramento est, nõ ex vi sacramenti, aut verborum, sed per concomitantiam.

Si obijcias, D. Thom. q. præced. art. 6. ad 2. ait: *Conuertitur forma panis in formam corporis Christi, secundum quod dat esse corporeum.*

Sed

Sed hæc forma corporis Christi est anima; ergo in animam conuertitur forma panis, ac proinde ex vi sacramenti est anima in hoc Sacramento. Respondetur, realiter quidem eandem esse animam, quæ dat esse corporeum, & quæ dat esse animatū; ratione tamen, & virtualiter distinguī, secundum quod dat esse corporeum, à se ipsa, secundum quod dat esse animatum, hocque sufficere, vt in ipsam, secundum quod dat esse corporeum, conuertatur panis, & non secundum quod dat esse animatum. Sicut similis distinctio, quæ est inter Filium, & diuinam essentiam, sufficit vt Filius generetur, & producat a Patre, non verò diuinæ essentia. Vnde cum absolutè dicatur anima secundum quod dat esse animatum, absolutè dicendum est panem non conuerti in animam, & animam non esse ex vi Sacramenti in hoc Sacramento, sed solum per concomitantiam.

Aduertendū est autem quod hic ad rait D. Th. *Anima realiter fuit separata à corpore. Et ideo si in illo triduo mortis fuisset hoc Sacramentum celebratum, non fuisset ibi anima Christi, nec ex vi Sacramenti, nec ex reali concomitantia. Sed quia Christus resurgens ex mortuis iam non moritur, anima eius semper est realiter corpori eius unita. Et ideo in hoc Sacramento corpus quidem Christi est ex vi Sacramenti, anima autem Christi ex reali concomitantia.*

Si quæras, an in triduo mortis esset in Sacramento alia forma? Respondetur, fore formam cadaueris: vt dantem quidem

esse corporeum ex vi Sacramenti ; vt dantem verò esse cadaueris per concomitantiam, si tamen tunc fuisset Sacramentum celebratum . ( Si ante iam confectum esset, & conseruatum fuisset vsque ad illud triduum , forma cadaueris solum per concomitantiam esset in Sacramento , & non ex vi Sacramenti, etiam quatenus dat esse corporeum : quia quando fuit Sacramentum confectum, terminus conuersionis nō fuit forma cadaueris, sed anima prout dabat esse corporeum , cui ex necessitate naturæ , & non ex vi Sacramenti, aut verborum succederet forma cadaueris . Quid ergo esset tunc ibi ex vi Sacramenti ? Corpus Christi , ad quod, vt q. præced. artic. 6. ait **Gaiet.** *Sufficit fuisse factam conuersionem in corpus Christi remanens semper idem numero per quamcumque formam constituatur : quia semper remanet non solum eadem materia, sed eadem hypostasis .*

Dicendum est 3. Sub specie vini corpus, & sub specie panis sanguinem , & sub vtraque specie diuinitatem in hoc sacramento contineri non ex vi sacramenti, sed per concomitantiam . Docet hoc Concil. Trident. sess. 13. cap.3. Probat. Corpus non significatur per verba consecrationis vini, nec sanguis per verba consecrationis panis, nec diuinitas per verba consecrationis vtriusq; corpus tamen est realiter coniunctum cū sanguine, & sanguis cum corpore , & diuinitas cum vtroque ; ergo non ex vi verborum, aut Sacramenti continentur sub prædi-



dictis speciebus, [sed] per concomitantiam.

Dicendum est 4. Personam Filij per concomitantiam esse in hoc Sacramento, non tamen personam Patris, nec personam Spiritus Sancti. Prima pars colligitur ex Conc. Trid. sess. 13. cap. 3. dicente totum, & integrum Christum contineri sub vtraque specie, solum tamen corpus, & sanguinem eius esse ex vi verborum in hoc sacramento.

Probatur etiam, Persona Filij est realiter vnita corpori, & sanguini Christi, & in ipsam non conuertitur panis, aut vinum, nec significatur per verba consecrationis, nam licet D. Thom. infra q. 78. art. 2. ad 4. dicat: *Per hoc pronomen meum exprimitur persona Christi*, hoc intelligendum est in obliquo; ergo per concomitantiam est in hoc sacramento, & non ex vi sacramenti, nam quod hoc modo in eo continetur debet in recto per verba significari, sicut significatur corpus, & sanguis.

Secunda pars est contra Gabrielem in Canonem Missæ lect. 41. & alios asserentes etiam personam Patris, & Spiritus Sancti esse in hoc sacramento per concomitantiam. Sed probatur 1. Nam Concil. Trid. sess. 13. cap. 3. diligenter enumerat omnia, quæ in hoc sacramento, tam ex vi sacramenti, quam per concomitantiam continentur: at nullam mentionem facit personæ Patris, aut Spiritus Sancti; ergo signum est non constitui has duas personas in hoc sacra-

mento ex vi sacramenti, aut per concomitantiam.

Secundò. Quando sumimus hoc sacramentum, vel illud offerimus, non dicimus sumere, vel offerre Patrem, aut Spiritum Sanctum, sed tantum Christum, seu Dei Filium; ergo Pater, & Spiritus Sanctus nō sunt ibi sacramentaliter etiam per concomitantiam, quod enim hoc modo est ibi sumere, & offerre dicimus, quando sumimus, & offerimus hoc sacramentum.

Tertiò. Pater, & Spiritus Sanctus non uniuntur hypostaticè cum corpore, aut sanguine Christi, aut eius anima; ergo non sunt in hoc sacramento etiam per concomitantiam: Concilium Tridentinum sess. 13. cap. 3. ideo dixit, Diuinitatem esse in sacramento per concomitantiam, quia est vnita hypostaticè cum corpore, & anima Christi.

Dices, Pater, & Spiritus Sanctus uniuntur per realem identitatem cum Diuinitate, quæ est in hoc sacramento per concomitantiam; ergo per concomitantiam, saltem mediatè, sunt etiam in hoc sacramento. Respondetur negando consequentiam: nam vt per concomitantiam sit aliquid in hoc sacramento, requiritur, vt in vnitate suppositi vniatur cum termino primario, & formali conuersionis, & cum illo constituat, vel pertineat ad idem suppositum: propter hoc namque vestimenta Christi, quando ipse consecrauit, non continebantur per concomitantiam in hoc sa-

cra-

## ARTICVLVS I. 439

cramento; benè vero eius diuinitas, & anima, & accidentia. Vnde cum Pater, & Spiritus Sanctus non hoc modo vniantur cum corpore, & sanguine Christi, non continètur in hoc sacramento etiam per concomitantiam.

Quamuis autem sacramentaliter ex vi sacramenti, aut per concomitantiam non contineantur Pater, & Spiritus Sanctus in hoc sacramento, hic tamen esse modo quodam speciali concedendum est, quatenus conuersionem panis, & vini in corpus, & sanguinem Christi, quæ est effectus ad extra specialissimus, & supra totum ordinem naturæ, tota Trinitas operatur.

## ARTICVLVS II.

*Vtram totus Christus contineatur  
sub utraque specie huius  
Sacramenti.*

**Conclusio est affirmans.**

**C**erta est secundum fidem, & patet ex Conc. Trid. sess. 13. cap. 3. Et quamuis vt ibidem dicitur, & hic docet D. Tho. sanguis non contineatur sub speciebus panis ex vi sacramenti, continetur tamen sub illis per concomitantiam, & eodem

modo corpus continetur sub speciebus vini. Sicut autem corpus contentum in hoc sacramento complectitur carnem, ossa, & reliquas partes solidas, quæ omnes ab anima, quatenus dat esse corporeum, habent esse substantiale, cum hoc sit quoddam esse corporeum; cuius distinctio in diuersas partes, licet formaliter sit à quantitate, radicaliter tamen est ab anima tribuente diuersos modos corporeitatis iuxta diuersitatem dispositionum materiæ: ita sanguis contentus in hoc sacramento complectitur omnes quatuor humores, qui ut diximus 1. p. q. 76. art. 8. dub. 1. con. 2. pertinent ad integritatem naturæ humanæ, & informantur anima, à qua, ut dat esse corporeum fluidum, habent esse substantiale, quod in quolibet est partialiter ab esse substantiali alterius ob diuersos modos corporeitatis, quos iuxta diuersitatem dispositionum, anima materiæ tribuit. Sicut autem loco proximè citato diximus, sanguinem, qui informatur anima, esse naturalem, non nutrimentalem: ita nunc dicimus, sanguinem contentum in hoc sacramento non esse nutrimentalem, sed naturalem. Vnde quando Christus in cœna confecit hoc Sacramentum, sanguis eius nutrimentalis nõ fuit in sacramento, sicut nec in eo fuerunt cibi, qui in stomacho Christi existerant.

Si tempore passionis, & mortis Christi fuisset hoc sacramentum celebratum, inquit D. Thom. hic: *Sub speciebus panis fuisset corpus Christi sine sanguine, & sub speciebus vini*

## ARTICVLVS II. 441

*vini sanguis sine corpore : sicut erant in rei veritate .* Quibus verbis indicat S. Doct., Christum in sua passione totum sanguinem fudisse, ita vt nihil sanguinis manserit in eius corpore . Quod maxime credibile est, ob nimiam charitatem, qua dilexit nos . Nec obstat, quod dicitur Ioan. 19. v.34. *Exiit sanguis, & aqua,* de corpore scilicet Christi iam mortui . Nam illud miraculosum fuisse communiter docent sacri interpretes . Et quamuis non totum sanguinem fudisset, sed aliquid sanguinis mansisset in eius corpore, adhuc dicunt multi, talem sanguinem in casu prædicto non contineri ratione concomitantie cum corpore sub speciebus panis : quia dicunt Philosophi in morte discontinuari partes fluidas à solidis ; sicque sanguis ille non fuisset realiter vnitus corpori, sicut nec effusus, nisi forte eo modo, quo cibus existens in stomacho, quod non sufficit, vt per concomitantiam esset sub speciebus panis, vbi, esset corpus .



## ARTICVLVS III.

*Vtrum totus Christus sit sub qualibet parte specierum panis, vel vini.*

**Conclusio est affirmans.**

**F**Acta diuisione, vel separatione partium specierum ab inuicem per fractionem hostiæ, sub qualibet parte Christum totum contineri, certum est secundum fidem, vt patet ex diffinitione Conc. Trid. sess. 13. can. 3. *Si quis negauerit in venerabili Sacramento Eucharistiæ sub vna quaque specie, & sub singulis cuiuscumque speciei partibus, separatione facta totum Christum contineri; anathema sit.*

Eriam ante separationem, inquit D. Tho. Totus Christus est sub qualibet parte specierum panis, etiam hostia integra manente, & non solum cum frangitur. Quod adeo certum est, vt oppositum sit error in fide, illud enim docet Conc. Trident. sess. 13. cap. 3. Probatu etiam: de fide est post separationem totum Christum contineri in singulis partibus: sed non est de nouo in illis ex vi separationis, aut fractionis, nam hæc est actio humana, & naturalis, quæ potest fieri à non Sacerdote, & non habet virtutem supernaturalem ad constituendum Christum, vbi antea non erat: ergo ante separationem  
erat

### ARTICVLVS III. 443

erat in illis ex vi consecrationis. Confirmatur, si partes specierum vini diuise iterum reuniantur, sub illis est totus Christus, sicut antequam reunirentur; ergo & ante diuisionem.

Si quæras, an in partibus ante separationem sit totus Christus semel, aut pluries? Quidam recentiores hic pluries esse dicunt, & toties esse Christum replicatum, totque esse Christi replicationes, quot sunt partes, hasque replicationes non esse continuas, sed contiguas, sicut arenę in cumulo. Sed hic modus loquendi ineptior videtur modo loquendi Marsilij. dicentis corpus Christi in hostia esse pluribus vicibus partialibus. De quo ait M. Soto in 4. dist. 10. q. 1. ar. 3. *Est ineptum dicere, plures vices partiales, nam vices diuisionem dicit.* Hanc etiam, & plures esse Christos multo magis dicit, Christum esse replicatum; sicut & esse duplicatum, vel triplicatum. Respondetur ergo cum Mag. Soto ibidem subdente: *Sicut substantia panis ante consecrationem non est plures sub suis dimensionibus, ita neque corpus illi succedens est, nisi semel sub illis: sicut anima licet sit in qualibet parte corporis, non nisi semel est in toto.* Quod non est coincidere cum sententia reiecta ab omnibus Theologis præsertim à D. Th. hic. Nam talis sententia non reijcitur à Theologis, quia dicit Christum semel tantum esse in integra hostia, sed quia asserit, hostia integra manente, non esse totum Christum sub qualibet eius parte, sed solū

cum frangitur : sicut nec imago est tota in qualibet parte speculi, dum integrum manet, sed solum eo fracto, quia tunc singula integræ imagines apparent in singulis partibus. Non pluries autem, sed tantum semel esse Christum sub vna hostia ante fractionem docet expresse D. Thom. hic articulo 1. dicens : *Numerus sequitur diuisionem. Et ideo quoadiu quantitas manet indiuisa actus nec substantia alicuius est plures sub dimensionibus proprijs, nec corpus Christi sub dimensionibus panis, per consequens nec infinities, sed toties in quot, partes diuiditur.*

De partibus minoribus minima, quæ per se non possunt subsistere, inquit Mag. Soto ubi supra, audiuisse à quibusdam sustentabile esse, corpus Christi non esse sub illis, immo hanc opinionem S. Bonauentura impingere. Hoc ego apud prædictos recentiores legi. Sed Mag. Soto hæresim esse dicit, quam S. Bonauentura non docuit. Alij temerarium, & proximum errori esse asserunt. Certè Concilium Trident. sess. 13. cap. 3. sine limitatione dicit, totum Christum contineri sub quâuis cuiuscunque speciei parte. Et cum totus panis conuertatur in corpus Christi, nulla potest esse speciei particula, in qua corpus Christi non sit, alias substantia panis, quæ sub illa particula erat non fuisset conuersa in corpus Christi, vnde ait M. Soto : *Quamuis separata minima parte, si illa diuideretur, desineret esse corpus, quia desineret species panis præsentis in loco, quia conseruatur illic species, non*

da-



*datur tam parua pars, quin sub quavis minori  
sit corpus.*

De punctis, lineis, & superficiebus asserendum est, etiam in illis esse corpus Christi. Probatur. Christus in hoc sacramento indiuisibiliter, sicut Angelus est alicubi; ergo sicut Angelus alicubi existens est totus in toto, & totus in qualibet parte, & etiam in punctis, & terminis indiuisibilibus eius, in quo existit, vt colligitur ex D. Thom. 1. p. q. 52 art. 2. ita & Christus est in hoc sacramento.

Si dicas corpus Christi non est, nisi vbi erat substantia panis: sed hæc non erat in puncto, quia erat corporea, ac proinde triam dimensionem, sub qua esset, requirebat; ergo nec Christus. Respondent quidam in substantia panis, & qualibet alia corporea dari etiam indiuisibilia substantialia correspondentia indiuisibilibus terminantibus quantitatem, sicque corpus Christi esse sub indiuisibilibus quantitatis, sub quibus erant indiuisibilia substantialia panis, nam hæc in corpus Christi conuersa sunt. Sed respond. neg. min. nam quamuis substantia corporea sit capax triæ dimensionis, secundum se tamen est indiuisibilis, sicque non solum est sub quantitate, sed etiam sub puncto, & alijs eius indiuisibilibus.

## ARTICVLVS IV.

*Vtrum tota quantitas dimensiu  
corporis Christi sit in hoc  
Sacramento.*

**Conclusio est negans.**

**Q**uamuis quantitas dimensiu corporis Christi non sit in hoc Sacramento ex vi Sacramenti, per cōcomitantiam tamen esse tam ipsam, quam omnia alia accidentia corporis Christi, quæ sunt ei intrinseca, & non sunt per comparisonem ad extrinsecum continens, necesse est: sicut enim anima, & diuinitas hoc modo sunt in hoc sacramento, quia realiter coniunguntur cū corpore Christi, vt patet ex Conc. Trident. sess. 13. cap. 3. ita quia quantitas, & alia accidentia intrinseca realiter sunt coniuncta cum Christi corpore, in hoc sacramento per concomitantiam existere necessarium est.

Si quæras an saltem de potentia Dei absoluta possit corpus Christi esse in hoc sacramento sine quantitate, & alijs accidentibus intrinsecis, quæ habet in propria specie? Respondetur, multorum esse sententiã, id esse possibile, quam tenet Mag. Soto in 4. d. 10. q. 1. artic. 2. & 5. Sed communior discipulorum D. Thom. opinio est, impossibile esse. Tum quia contradictionem impli-

# ARTICVLVS IV. 447

plicat, idem simul esse quantum, & non quantum, album, & non album, &c. cum hæc contradictoriè opponantur: at si corpus Christi esset in hoc sacramento sine quantitate, & alijs accidentibus intrinsicis, quæ habet in propria specie, simul esset quantum, & non quantum, album, & non album, &c. ergo nec per Dei potentiam absolutam est id possibile. Tum etiam, nam eodem modo posset corpus Christi esse in hoc sacramento sine anima, & diuinitate, quæ realiter illi coniunguntur in propria specie: sed hoc est falsum, nam simul esset animatum, & inanimatum, viuū & non viuū, existens, & non existens, vnum supposito cum Christo, & non vnum supposito cum eo, quæ omnia contradictionem implicant; ergo &c. Tum denique quia ad existendum in hoc sacramento per concomitantiam nihil aliud requiritur, quàm esse realiter coniunctum cum corpore Christi; ergo dum quantitas est illi coniuncta, non potest non esse in hoc sacramento per concomitantiam, corpore Christi in eo existente ex vi Sacramenti.

Circa art. 5. vide quæ dicemus art. seq.



## ARTICVLVS VI.

*Vtrum corpus Christi sit mobiliter  
in hoc Sacramento.*

**Conclusio est negans.**

*Dubium. An corpus Christi in hoc  
Sacramento nec per se, nec per ac-  
cidens moueri possit.*

**N**ullo ex his modis moueri posse, pro-  
batur 1. corpus Christi in hoc sacra-  
mento nec per se, nec per accidens potest  
calefieri, aut frigesieri, nam cū species ca-  
lesciunt, aut frigesciunt corpus Christi ratione  
illarum nō calefit, aut frigescit; ergo nec ad  
motum specierum potest localiter moueri  
etiam per accidens. Confirmatur, corpus  
Christi non frangitur, nec conteritur per  
accidens ad fractionem, vel contritionem  
specierum; ergo nec mouetur localiter ad  
earum localem motum.

Secundo. Corpus Christi prout est in  
hoc sacramento non est capax motus lo-  
calis, nec potest esse talis motus subiectum,  
cum sit hic indiuisibiliter; ergo non potest  
moueri localiter etiam per accidens ad  
motum hostiæ: nam id quod mouetur lo-  
caliter eo modo, quo mouetur, debet esse  
subiectum motus, & diuisibile. Confirma-  
tur.

## ARTICVLVS VI. 449

tur, corpus Christi nullo modo est in hoc Sacramento tanquam in loco; ergo nullo modo mouetur in eo secundum locum.

Tertiò. Quod mouetur per accidens ad motum alterius, ab alio mouetur etiam contra suam voluntatem: Sed Christus non potest hoc modo moueri, cum per solam suam voluntatem contineatur sub speciebus; ergo, &c. Confirmatur, quia alias corpus Christo moueretur motibus contrariis simul, & enim vnus Sacerdos eleuaret vnā hostiam, moueretur rursus, & si tunc alius Sacerdos aliam hostiam deprimeret, simul deorsum moueretur: sed hoc est absurdum; ergo, &c.

Dicendum tamen est 1. Corpus Christi in hoc Sacramento, aut secundum esse, quod habet in eo non moueri per se: moueri tamen per accidens motu locali ad motum specierum. Vtramque partem conclusionis docet D. Thom. hic dicens: *Secundum hoc esse non mouetur Christus per se secundum locum, sed solum per accidens: quia Christus nō est in hoc Sacramento, sicut in loco, sicut praedictum est: quod autem non est in loco non mouetur per se in loco, sed solum ad motum eius, in quo est.*

Primam partem negant quidam recentiores hic asserentes, Christum, vt est in Sacramento, non posse quidem se mouere, & moueri motu progressiuo, quia ad hoc requiritur extensio ad locum, & vt vna pars moueatur ante aliam, & consequenter, vt sit in diuerso loco; posse tamen se

mo-

450 **QVÆSTIO LXXVI.**

mouere, & moueri motu simplici, sicut gra-  
uia feruntur deorsum: tum extra species  
egrediendo: tum, etiam simul cum specie-  
bus; quod fecisse dicunt in castibus, quibus  
legimus, hostias sacras quandoque inuisibi-  
liter motas nemine eas tãgente; tunc enim  
non ad motum earum Christus est motus,  
sed potius ipsæ hostiæ ad motum Christi  
motæ sunt, Christo eas secum trahente.

Sed hæc sententia falsa, & absurdissima  
est. Primò, nam quomodo Christus, vt  
est in Sacramento, potest se mouere, & mo-  
ueri motu simplici egrediendo extra spe-  
cies, cum egressus extra species iam non sit  
in Sacramento?

Secundò. Christus egressus extra species,  
& extra Sacramentũ existens extensionem  
habet ad locum, & partem extra partem,  
& in ordine ad locum; cur ergo non potest  
se mouere, & moueri motu progressiuo, si-  
cut, & simplici?

Tertiò. Sicut ad motum progressiuum  
corporum requiritur, vt vna pars mouea-  
tur ante alteram: ita ad motum simplicem,  
quo grauia feruntur deorsum, requiritur,  
vt vna pars prius occupet vnã partem  
loci, quam altera, & vt quod per se moue-  
tur tali motu, partim sit in termino à quo,  
& partim in termino ad quem; ergo ea-  
dem est ratio de vno, ac de alio.

Quartò. Nam si in aliquo casu visa est  
hostia moueri nemine eam tangente, cre-  
dendum est ab Angelo fuisse motam. Et  
quàmuis motor ipsius fuerit Christus sub

ea existens, non sequitur ipsum, per se fuisse motum, & ad motum ipsius hostiam, illamque secum traxisse, sicut homo sindone coopertus currens secum trahit sindonem; sed solum fuisse motum per accidens, sicut, & teste D. Thom. 1. p. q. 51. art. 3. ad 3. *Angeli mouentur per accidens ad motum corporum.* & q. 75. ar. 1. ad 1. *Est mouens, quod non mouetur per se, sed mouetur per accidens. Et tale mouens est anima.*

Quintò. Quia quod non est per se in loco, non mouetur per se ad locum: sed Christus in hoc Sacramento non est per se in loco; ergo, nec per se mouetur ad locum. Maiorem docet D. Th. hic. Minor probatur cum eodem ar. præced. nam non est localiter sub dimensionibus, vel speciebus, ita ut hæc rationem habeant loci respectu illius; sicut enim non habebant rationem loci respectu substantiæ panis, nec hæc sub illius localiter continebatur: ita nec respectu corporis Christi, quod substantiæ panis succedit. Nec est etiam per se localiter in loco specierum: nam non comparatur ad illum mediantibus proprijs dimensionibus, sicut ad illam comparabatur substantia panis, sed mediantibus dimensionibus alienis; ergo, &c. Confirmatur, quia si esset per se in loco, maxime diffinitive: sed hoc modo non est, ut probat D. Thom. ar. præced. ad 1. *Quia sit. non esset alibi, quam in hoc altari ubi conficitur hoc Sacramentum: cum tamen sit, & in cælo in propria specie, & in multis alijs altaribus sub specie*

## 452 QVABSTIO LXXVI.

*de Sacramento ; ergo , &c.*

Secundam partem negat Durandus in 4. dist. 10. q. 3. num. 5. Sed probatur , nam in Conc. Trid. sess. 13. c. 5 & 6. canon. 6. dicitur Christum in Sacramento Eucharistiæ in processionibus per vias , & loca publica circumferri , & circumgestari , & ad infirmos deferri : sed quod deferitur , circumferitur , & circumgestatur , mouetur ; ergo Christus mouetur in hoc Sacramento . At non per se ; ergo per accidens ad motum specierum , & Sacramenti .

Aduertendum tamen est , quod ait Div. Thom. in 4. d. 10. q. 1. a. 3. quæstiunc. 4. *Quod moueri in loco includit esse in loco : unde ad hoc , quod aliquid per se moueatur in loco , oportet , quod per se sit in loco . Et quod per se moueatur , non ad motum alterius . Sed per accidens mouetur in loco dupliciter . Vno modo , quia per accidens est in loco , sicut forma mouetur per accidens . Alio modo , quia per se est in loco , sed per accidens mouetur in loco , sicut patet in his , qui vehuntur , quia locus quem mutant , est per se eorum proprius locus ; non communis . Corpus autem Christi in loco , quam species transmutant , non est per se , neque , sicut in loco proprio , neque sicut in loco communi : Et ideo per se in illo moueri non potest , neque per accidens , sicut corpora per accidens mouentur ; sed hoc modo , quo aliquid , & per accidens est in loco , & per accidens mouetur . Tales hic ad 1. dicit esse formas , & spirituales substantias . & subdit : Ad quem modum potest reduci , quod dicimus Christum moueri per accidens secundum esse ,*



## ARTICVLVS VI. 453

*esse, quod habet in hoc Sacramento, in quo non est, sicut in loco. Ex quo inferitur Christum in hoc Sacramento non moueri per accidens ad motum specierum efficienter, sicut homo, qui vehitur naui, mouetur per accidens ad motum nauis efficienter, quia nauis suo motu, quasi impellit eum, & ita est causa motus in ipso: sed per accidens ad motum specierum, formaliter ipso motu specierum, à quo extrinsecè denominatur Christus motus, sicut formæ mouentur, nec enim quando homo mouetur, causat in anima aliquem motum localem in ipsa receptum, sed motu ipso recepto in homine anima formaliter moueri dicitur. Et eodem modo Christus formaliter moueri dicitur motu ipso recepto in speciebus, non motu aliquo in ipso causato, & recepto. Vide, quæ diximus 1. p. quæst. 52. artic. 1. dub. 2.*

*Dicendum est 2. Corpus Christi secundum esse, quod habet in hoc Sacramento non definire esse sub eo per se, sed solum, quia desinunt esse species Sacramentales. Oppositum huius tenent quidam recentiores. Sed illud expressè docet Diu. Thom. hic, sic enim habet; Similiter, neque per se mouetur secundum esse, quod habet in hoc Sacramento, quacumque alia mutatione, puta quantum ad hoc, quod desinat esse sub hoc Sacramento. Et inferius: Non desinit esse sub hoc Sacramento, per hoc, quod ipsum desinat esse, sed solum per hoc, quod species huius Sacramenti desinunt esse,*

Secundò probatur non desinere per se secundum aliquod esse substantiale. Non desinit esse secundum esse substantiale, quod habet in cœlo, nec quod sit in hoc Sacramento reproductum; ergo secundum nullum. Antecedens quo ad primam partem certissimum est. Quo ad secundam negatur à prædictis recentioribus. Sed probatur: Tum ex dictis supra q. 75. ar. 4. dubio vnico, con. 1. vbi ostendimus corpus Christi non reproduci in hoc Sacramento. Tum etiâ, quia admittendæ essent innumere corporis Christi substantiales desitiones, quod absurdum est. Tum denique, quia tale esse substantiale in hoc Sacramento reproductum annihilaretur, desineret enim, & redigeretur in nihilum, eiusque desitio pro termino non haberet aliquid, sed nihil: sed hoc est falsum; ergo, &c. Respondent, non annihilari, quia non desinit absolute, nam absolute perseverat, sed secundum quid, scilicet secundum esse sacramentale. Sed contra hoc est, nam esse sacramentale non est esse substantiale, ergo si solum desinit secundum hoc esse, non desinit corpus Christi secundum aliquod esse substantiale. Si verò esse substantiale, quod habet in hoc Sacramento desinit, vel absolute debet desinere, & nullibi manere, vel si alibi manendo potest in Sacramento desinere, etiam potest in Sacramento annihilari, desitio enim totius entitatis non minus repugnat eius permanentiæ, quam annihilatio talis entitatis: vnde si idem corpus posset esse in duobus

## ARTICVLVS VI: 455

locis, sicut manendo in vno posset in alio mori, & desinere esse, ita posset in alio annihilari.

Tertiò probatur non desinere secundum aliquod esse reale etiam accidentale. Nam vt hic in corp. ait D. Thom. Christus desinit esse sub Sacramento, *Sicut Deus desinit esse in aliqua creatura*, & sicut, vt ad primum dicit, *Desinit esse Dominus creatura desinentis*: sed Deus non desinit esse in creatura, nec esse Dominus illius secundum aliquod esse reale: ergo nec corpus Christi secundum aliquod esse reale desinit esse in hoc Sacramento, sed solum, quia desinentibus speciebus tollitur habitudo corporis Christi ad species, quam significabat esse sub hoc Sacramento, sicut desinente creatura tollitur habitudo Domini, & existentiae in illa, quam in Deo significat esse Dominum creaturae, & existere in illa; quæ habitudo, sicut in Deo non est aliquid reale, sed rationis: ita & in corpore Christi habitudo ad species. Confirmatur, si corpus Christi desinueret esse in Sacramento secundum aliquod esse reale etiam accidentale, vere, & realiter mutaretur: sed non sic mutatur, sed absq. vlla sui mutatione per solâ desitionem, & mutationem specierum desinit esse in hoc Sacram. sicut Deus absq. vlla sui mutatione desinit existere in creatura, & esse Dominus illius per solam desitionem, & mutationem creaturae, vt hic docet D. Thom. ergo &c. Si dicas, quando corpus Christi desinit esse in hoc Sacramento, desinit esse in eo, præsencia

## 456 QVAESTIO LXXVI.

sentia Sacramentalis, aliqua etiam propin-  
 quitas, vel distantia, quam non habet in  
 cœlo: sed hæ sunt modi quidam reales, qui  
 tanquam in subiecto intrinsece in Christo  
 existebant; ergo desinit secundum aliquod  
 esse reale saltem accidentale. Responderetur  
 negando minorem: nam ut diximus 1. p.  
 q. 52. art. 1. dub. 1. ad 1. & q. 53. artic. 1.  
 dubio 3. cum Caietano propinquitas, &  
 distantia, nec in Angelis, nec in Christi  
 corpore in Eucharistia est intrinsecè, & tã-  
 quam in subiecto, sed solum conuenit eis  
 extrinsece ratione corporum, in quibus  
 sunt Angeli, aut ratione specierum, sub  
 quibus est corpus Christi. Præsentia etiam  
 Sacramentalis, (licet corpus Christi dica-  
 tur, & sit vere, & realiter præsens) non  
 est aliquid reale in corpore Christi, sed re-  
 latio, & habitudo rationis ad species: sicut  
 licet Deus vere, & realiter sit in omnibus  
 locis, & vbique præsens, talis præsentia,  
 & modus essendi non est aliquid reale in  
 Deo, sed relatio, & habitudo rationis ad  
 loca creata. Vide quæ diximus supra q. 75.  
 art. 4. dubio vnico, conclus. 3.

Ad 1. autem factum in principio respõ-  
 detur negando consequentiam; nam sicut  
 anima, licet calefacto corpore, nullo modo  
 calefiat; moto tamen localiter corpore,  
 ipsa per accidens mouetur, ut docet Diu.  
 Thom. 1. p. q. 75. art. 1. ad 1. ita corpus  
 Christi, licet non calefiat calefactis specie-  
 bus, his tamen localiter motis, per accidens  
 mouetur: quia ad primum requiritur, ut  
 calo-

calorem, & calefactionem in se recipiat; ad secundum verò sufficit, vt sit contentum in eo, quod per se mouetur. Ad confirmationem quidam negant antecedens nam in confessione Berengarij can. *Ego Berengarius.* {De consecrat. dist. 2. dicitur: *Manibus Sacerdotum frangi, & fidelium dentibus atteri.* Sed respondetur negando consequentiam: nam fractio, & contritio non importat solum motum localem, sed inuoluit etiam alias mutationes, & alterationes, quæ non possunt competere corpori Christi, prout est in hoc Sacramento, sicut nec calefieri calefactis speciebus.

Ad 2. respondetur negando consequentiam: quia vt diximus con. 1. vt per accidens ad motum alterius, non efficienter, sed formaliter moueatur, non requiritur, vt sit motum subiectum. Ad confirmationem dico, corpus Christi, licet non habeat species Sacramentales pro loco, esse tamen in loco specierum ratione illarum, & per accidens, sicque etiam ad motum illarum per accidens moueri modo explicato.

Ad 3. respondetur, quamuis ea, quæ ita sunt in aliquo, illique coniungantur, vt non possint se libere ab eo subtrahere, sed vnio, & coniunctio cum illo naturalis, aut necessaria sit, possint per accidens ad motum illius contra suam voluntatem moueri, vt patet in anima, quæ ad motum violentum corporis, cui naturaliter est vnita, potest contra suam voluntatem per accidens moueri: & in homine naui alligato,

458 *QVAESTIO LXXVI.*

qui ad motum navis potest per accidens moveri contra suam voluntatem. Ea tamen, quæ ita sunt in aliquo, ut possint se ab illo subtrahere, unioque, & coniunctio cum illo non naturalis, sed libera est, dum libere in illo manent: etiam si ad motum illius violentum moveantur per accidens, non moventur contra suam voluntatem; ut patet in Angelo existente in corpore hominis alicuius, qui, dum vult manere in tali homine, ibique suam virtutem applicatam habere, licet per accidens ad motum illius etiam violentum moveatur, non tamen contra suam voluntatem, & violenter. Et quia Christus in hoc Sacramento hoc modo est, quia voluntate, qua illud instituit, voluit in eo manere, unionemque, ac coniunctionem sacramentalem cum speciebus habere, dum species permanent, cum tamen possit, si voluerit, sub illis permanentibus desinere esse: ideo licet species motu violento moveantur, & Christus ad motum illarum per accidens moveatur; non tamen contra suam voluntatem, & violenter. Ad confirmationem dico, nullum esse inconueniens, & absurdum, Christum existentem in diuersis hostijs per accidens moveri motibus contrarijs, in vna scilicet sursum, & in alia deorsum, aut in vna moveri, & in alia non. Hoc enim sequitur ex diuersis esse sacramentalibus, quæ habet in diuersis hostijs: sicut si vera esset sententia asserentium, idem corpus posse esse in diuer-

## ARTICVLVS VI. 459

diuersis locis, nullum esset in conueniens, in illis moueri per se simul motibus contrariis, aut in vno quiescere, & in alio moueri. Et cum constet cœlos simul in eodem loco moueri motibus contrariis, naturali scilicet, & raptus, cur inconueniens reputabitur, Christum in diuersis hostiis existentem moueri motibus contrariis?

## ARTICVLVS VII.

*Utrum corpus Christi prout est in hoc Sacramento, possit videri ab aliquo oculo saltem glorificato.*

**Conclusio est negans.**

**C**irca solutionem secundi non modica est difficultas de sensu illorum verborum, *Oculus corporalis Christi videt se ipsum sub Sacramento existentem*. Quidam recentiores dicunt: illud *sub Sacramento*, nō esse coniungendum cum obiecto visionis; quod significatur illa particula *seipsum*, sed cum oculo vidente: qui etiam *sub Sacramento* habet visionem sui ipsius, nō prout in Sacramento est, sed prout in propria specie existit. Habet autem hic (inquiunt) illam visionem, non per se primo hic elicitam, sed per concomitantiam: nam quia in cœlo habet visionem sui, illa visio

1) V in

## 460 QVAESTIO LXXVI.

in Sacramento per concomitantiam ponitur. Sed non video quomodo hic sensus possit verbis Diu. Thom. congruere, cum illud *sub Sacramento*, necessario coniungendum sit cum illa particula *Existens*, & hæc cum illa *seipsum*, cum qua conuenientiam grammaticalem facit. Sensus ergo verborum D. Thom. videtur esse, oculum corporalem Christi videre se ipsum, non solum existentem in propria specie, sed etiam existentem sub Sacramento. Cuius rationem reddit: *Quia etiam ipse oculus Christi est sub hoc Sacramento*. Sub quo si non esset non videret se ipsum sub Sacramento: nam vt idem S. Doctor ait in 4. d. 10. q. 2. ar. 4. quæstiuncula 1. ad 1. *Si oculus Christi esset extra species Sacramenti, non videret substantiam suam infra species contentam*. Vnde licet oculus non existens sub Sacramento non possit videre corpus Christi contentum sub Sacramento; bene tamen oculus sub Sacramento existens. Cuius ratio esse potest, quia corpus, vt ait M. Soto in 4. d. 11. q. 1. art. 7. circa finem; *Licet in Sacramento non possit multiplicare species per medium, potest tamen illas multiplicare per se ipsum*.

Vt autem videri possit ab oculo existente extra Sacramentum, species visibiles multiplicare deberet per medium, sicque illas ad talem oculum emittere, quod non requiritur, vt videri possit ab oculo, qui etiã est sub Sacramento, sed sufficit, vt illas per se ipsum multiplicet, sicque ad talem oculum emittat. Quamuis autem hoc modo

Chri-



## ARTICVLVS VII. 461

Christus oculo corporis videat se ipsum, sub Sacramento existentem : *Non tamen potest videre ipsum modum essendi quo est sub Sacramento, quod pertinet ad solum intellectum.* Inquit D. Thom. Cuius exemplum esse potest, in ipsomet Christo ; quando ianuis clausis ad discipulos intrauit : vidit enim oculo corporis se ipsum in loco ianuarum ; non tamen modum supernaturalem, quo ibi erat, hunc enim solum per intellectum cognouit. Ex his sequitur, visionem sui in Sacramento corpori Christi sub Sacramento existenti non conuenire per concomitantiam, sed primo, & per se, & eidem corpori Christi in propria specie existenti, quasi consequenter continere, eo modo, quo si in Sacramento annihilaretur, consequenter annihilaretur in propria specie.

Si quæras, an Christus in Eucharistiæ existens oculo corporis, non solum se ipsum, sed etiam alios videat ? Respondetur, Nominales id absolutè concedere. Mihi tamen asserendum videtur, id naturaliter esse impossibile ; quia sicut corpus Christi in Eucharistia existens ( etiam dum erat passibile, vt in die Coenæ ) non potest pati ab extrinsecis agentibus sola naturali virtute operantibus ; ita nec eius oculus naturaliter potest recipere species visibiles ab obiectis externis, sicque, nec illa videre. Supernaturaliter tamen, & diuina virtute id posse, & de facto fieri, sicque verificari, quod communiter fi-

deles sentiunt, Christum ex Sacramento ipsos, & quæ coram Sacramento agunt, videre. Nam si Diu. Thom. in 4. distinctio. quæstione 1. artic. 4. quæstiuncula prima ad 1. & 2. indicat oculum glorificatum, & comprehensores per miraculum forte videre corporali visione corpus Christi sub Sacramento; multo magis, sine forte asserendum videtur, Christum in Sacramento existentem oculo corporis diuinæ virtute videre alios, & obiecta externa, ne nobis obiciatur, esse ibi, sicut lapidem, aut aliud insensibile: Si diceremus Christum à Coelo oculo corporis (sicut è terra ipsum vidit Stephanum stantem in coelo) videre omnia, quæ sunt, & aguntur in terra, asserere etiam deberemus hanc visionem per concomitantiam eidem in hoc Sacramento existenti convenire, & ex Sacramento illa omnia videre.

Circa articulum 8. nihil se offert dicendum.



463

# QVAESTIO LXXVII.

*De accidentibus remanentibus in  
Sacramento.*

## ARTICVLVS I.

*Vtrum accidentia remaneant sine  
subiecto in hoc Sacra-  
mento.*

**Conclusio est affirmans.**

**N**omine subiecti hic non quodcumque intelligit D. Thom. cum art. seq. dicat alia accidentia esse, sicut in subiecto in quantitate; sed subiectum vltimum, quod est substantia, in qua, aut immediate, aut mediate omnia accidentia inhærent. Et sic intellecta conclusio est de fide: ex Concilio enim Trident. sess. 13. can. 2. constat, accidentia manere, sine substantia panis, & vini, in qua antea inhærebant, ex Conc. vero Const. manere, sine subiecto, cum §. 8. damnetur hæc propositio: *Accidentia panis non manent, sine subiecto in eodem Sacramento.*

Vt accidentia remaneant, sine subiecto, necesse est, vt supernaturaliter conseruentur à Deo; Vnde D. Th. hic probat possibile.

iv    V            le.

le esse accidentia manere, sine subiecto in hoc Sacramento: *Cum enim effectus magis dependeat à causa prima, quam à secunda, Deus qui est prima causa substantiae, & accidentis, per suam infinitam virtutem conseruare potest in esse accidens, subtrahita substantia, per quam conseruabantur in esse, sicut per propriam causam, Ex quo patet, non conseruari à Deo accidentia sine subiecto per eum concursum, qui ipsa in subiecto conseruabat, ille enim naturalis erat. Animam rationalem à corpore separatam naturali concursu, quo eam in corpore conseruabat, Deus conseruat, quia anima non dependet in conseruari à corpore. At accidentia à subiecto in conseruari dependent; sicque sine illo naturaliter conseruari non possunt, sol enim cum solo concursu generali non posset lumen productum in aere, hoc annihilato, conseruare. Necesse est ergo, vt accidentia sine subiecto maneant, & conseruentur, Deum concursu speciali supernaturaliter ea conseruare.*

An vero Deus, sic illa conseruando, det eis aliquid reale, quod succedat inherentiæ, & sustentationi subiecti, non est concors omnium sententia. M. Soto in 4. d. 10 q. 2. art. 2. & alij recentiores cum Scoto in 4. d. 12. q. 1. nihil reale eis tribuere existimant, sed cū existentia, quā in subiecto habebant, illa conseruare per suam manutentioniā absque additione alterius entitatis, aut modi realis: Caiet. vero hic docet, nouum modum essendi scilicet per modū  
sub.

## ARTICVLVS I. 465.

substantiæ eis conferre. Quæ opinio conformior videtur D. Tho. hic enim ad 4. de his accidentibus dicit: *Non habent ipsa esse, sed post consecrationem ipsa accidentia, quæ remanent, habent esse: unde sunt composita ex esse, & quod est.* Nec satisfacit, quod ait M. Soto, non sic intelligendum esse D. Th. vt nouum esse acquirant. Nam nec Caietan. hoc dicit, sed tantum acquirere nouum modum essendi, scilicet esse id quod est, quem antea non habebant, sed solum esse id quo est. Vide Caietanum ipsum.

Circa articulum secundum, tertium & quartum, nihil se offert scribendum.

## ARTICVLVS V.

*Vtrum ex speciebus Sacramentalibus possit aliquid generari.*

**Conclusio est affirmans.**

*Dubium. An quando ex speciebus generatur aliquid, producat a Deo materia prima, ex cuius potentia educatur forma substantialis geniti.*

**P** Artem negantem tenent Ferrar. 4. cōtra gentes c. 66. probat i. ex D. Tho. hic dicente. *In ipsa consecratione mira-*

## 466 QVAESTIO LXXVH.

culose datur quantitati dimensua panis, & vini, quod sit primum subiectum subsequen-  
 ti formatum: hoc autem est proprium materiae.  
 Et ideo ex consequenti datur praedicta quantita-  
 ti dimensua omne illud, quod ad materiam  
 pertinet. Et ideo quicquid posset generari ex  
 materia panis, si adesset, totum potest generari  
 ex praedicta quantitate dimensua panis, &  
 vini: non quidem nouo miraculo, sed ex vi mi-  
 raculi prius facti. Et ad 1. Quamuis non sit ibi  
 materia, ex qua aliquid generetur, quantitas  
 tamen dimensua supplet vicem materiae. Et ad  
 2. Species Sacramentales sunt quidem acciden-  
 tia, habent tamen actum, & vim substantia.  
 Sentit ergo D. Thom. in generatione sub-  
 stantiae ex speciebus sacramentalibus non  
 aduenire nouam materiam, in qua forma  
 substantialis rei genitae recipiatur, sed qua-  
 titatem ipsam esse loco materiae, & for-  
 mam substantialem huiusmodi recipi in  
 ipsa tanquam in primo subiecto. virtute  
 diuina hoc sibi dante in consecratione.

Secundo ex eodem S. Doctore 4. contra  
 gentes cap. 66. ad finem, ubi dicit, In ipsa  
 consecratione, miraculose accidentibus confer-  
 tur quod subsistat, quod est proprium substantiae,  
 & per consequens, quod omnia possunt facere,  
 & pati, quae substantia posset facere, & pati, si  
 substantia adesset. At si substantia panis ad-  
 esset, sic corrumpereetur in aliam substan-  
 tiam, ut eius Materia esset subiectum for-  
 mae substantialis genitae ex ipsa; ergo simi-  
 liter dicendum est de quantitate. Confir-  
 mat; nam ibidem ait D. Thom. ex ipsis ac-  
 ciden-

## ARTICVLVS V. 467

cidentibus generari substantiam sine miraculo : at creatio nouæ materiæ , aut conuersio dimensionis in materiam non esset sine nouo miraculo ; ergo &c.

Tertiò probatur , si produceretur tunc materia à Deo , vel produceretur sine vlla forma , aut cum forma aliqua . Sine forma nequit produci , sicut nec esse : forma autem , cum qua producatur , nequit assignari : nam si produceretur cum forma geniti ex speciebus , hæc ex illa non educeretur virtute agentis naturalis ; cum alia autem non produci constet , ergo &c.

Dicendum tamen est : Quando ex speciebus Sacramentalibus aliquid generatur , produci à Deo materiam primam , ex cuius potentia educitur forma substantialis geniti , & in quâ recipitur , & non in quantitate . Docet hoc D. Thom. in 4. dist. 12. quæst. 1. art. 2. quæstiunc. 4. in corp. & ad 3. & 4. vbi ait : *Aliquid in hac generatione esse miraculosum , & aliquid naturale : reditus enim substantia , vel creatio materia , vel conuersio dimensionum in materiam est miraculum sed quod materia iam existens recipiat talem formam , cuius dispositiones præcesserunt in dimensionibus , hoc est naturale.* Expositio autem Ferrariensis , per conuersionem dimensionum in materiam non intelligere Diu. Thom. definitionem dimensionum , & successionem materiæ loco ipsarum ; sed proprietatem ipsarum in proprietatem , in materiæ , in quibus manentibus , & vim substantiæ retinentibus recipitur forma sub-

# 468 QVAESTIO LXXVII.

stantialis ; contra S. Doctorem est non solum ibi, sed etiam hic: nam in corp ar. ait: *Manentibus speciebus panis, & vini, manet corpus, & sanguis Christi*. Manente autem corpore, & sanguine Christi, quomodo potest in illis suscipi forma substantialis vermis, aut alterius rei genitæ? Et ad 3. dicit; quantitatem, quæ miraculosè accepit vim & proprietatem substantiæ in consecratione, *transire in substantiam*, rei scilicet genitæ ex ipsa; ergo ipsa habens proprietatem substantiæ non manet, nec suscipit formam substantialem rei genitæ.

Secundo probatur, alias enim res genitæ ex speciebus Sacramentalibus esset composita ex quantitate proprietatem materiæ habente, & forma substantiali in ipsa recepta: sed hoc est falsum; nam compositum substantiale constaret ex aliquo accidente tanquam ex parte physica essentiali, & intrinseca, & non esset, ens per se, sed ens per accidens, ut pote compositum ex substantia, & accidente: & contra D. Thom. hic art. 6. ad 2. ergo &c. Confirmatur, nam alias si aliquis nutriretur speciebus consecratis partim componeretur ex quantitate, & forma substantiali, & partim ex hac, & vera materia prima. Item res omnes, quæ ex speciebus consecratis gignerentur, & aliæ quæcumque ex his rebus genitæ usque ad finem mundi, sola quantitate, & forma substantiali constarent, & nulla ex generationibus sequentibus omnino naturalis esset, sed hæc falsa, & absurda sunt; ergo &c.

Vn-



## ARTICVLVS V. 469

Vnde Caiet. hic optime dicit, sententiam & viam, quam tenet D. Th. esse: *Quod per modum conuersionis seu transitionis quantitas transiit in materiam: ita quod virtute primi miraculi datum est quantitati, vt sit vice materia durante Sacramento, & in termino Sacramenti, hoc est in primo non esse Sacramenti, sit vere materia.* Cuius sensus non est. ipsam quantitatem in eiusmodi mutationibus fieri: ipsam materiam, ita vt eadem omnino res, quæ antea erat quantitas sit postea materia prima; sed datum esse quantitati, vt sit vera materia, hoc est vt conuertatur in materiam, ipsa desinente quo ad omnes eius gradus per talem conuersionem, & nihil eius manente. Et eodem modo intelligendum est, quod ait D. Th. in 4. vbi supra: *Ipsi dimensioni virtute diuina dabitur natura materia, vt sic illud generatum sit compositum ex materia, & forma.* Sicut enim cum dicitur Ioan. 2. v. 9. *Aquam vinum factam,* & Matth. 11. v. 5. *Cæci vident,* sensus non est, aquam manente natura aque fuisse factam vinum, & cæcos videre manente cæcitate, sed cæcitate remota, & sublata natura aquæ: ita quando D. Th. & Caiet. dicunt dimensionem dari naturam materie, aut vt sit vere materia, hoc non est intelligendum manente aliquo ipsius dimensionis, sed hac omnino desinente quo ad omnia, quæ habebat.

Quidam recentiores hic dicunt, eodem instanti quo species, ita sunt alteratæ, vt non posset sub ijs naturaliter cōseruari substantiam.

stantia panis, & vini, desinere ibi esse corpus Christi, & Deum ibi creare materiam primam, eique vnire quantitatem panis, & vini cum qualitatibus, quæ ei illo instanti inhærent, per quas iam est vltimo disposita ad susceptionem alicuius formæ substantialis, quam eodem instanti producit illud agens, quod eam produxisset, si ibi prius fuisset substantia panis, & vini.

Sed hæc sententia à discipulis D. Thom. amplectenda non est, sed reiicienda. Quāvis enim probabile sit, taleque esse insinuat S. Doct. in 4. vbi supra, materiam creari à Deo; hic tamen non creari docet, sed produci per conuersionem quantitatis in ipsā, in corp. art. & ad 3. & artic. seq. in corp. & ad 2. Hic etiam dicit, *Manentibus speciebus panis, & vini, manet corpus, & sanguis Christi.* Ergo Deus non vnit eas materiæ ab ipso creatæ, alias simul cum tali materia maneret corpus, & sanguis Christi. Præterea contra D. Thom. est, quantitatem immediate vniri materiæ. Denique, si quantitas esset in sua substantia antiqua, reuera corrumpere ad corruptionem talis substantiæ, & non maneret eadem numero in substantia genita, alias migraret de subiecto in subiectum, & non fieret resolutio vsque ad materiam primam, quod est contra D. Thom. ergo etiam hic corrumpitur, & desinit esse, quando substantia panis, & vini corrumpere, & conseruari non posset naturaliter, sicque Deus eam non vnit materiæ denuo creatæ ab ipso. Am-  
ple-

plectenda est ergo sententia Caiet.

Ad 1. autem factum in principio respondetur, sensum D. Thom. non esse, quem Ferrar. putat, Sed quem Caiet. hic & Capreolus in 4. d. 12. q. 1. artic. 3. tradiderunt, nempe, quantitati dari virtutē primi miraculi, vt sit vice materia, & primum subiectum formarum subsequentium accidentalium, & dispositionum, quæ introducuntur ab agente naturali vsque ad instans corruptionis specierum, & generationis substantiæ, In quæ quantitas conuertitur in materiam primam virtute diuina, ex cuius potentia agens naturale educit formam substantialem, vltimam dispositionem introducendo, sicque compositum substantiale ab eo generatur.

Ad 2. eodem modo respondetur, solum enim confertur accidentibus posse omnia facere & pati, quæ posset substantia, si adesset. vsque ad instans generationis, in quo iam non manent accidentia, sed desinunt esse, per conuersionem ipsorum in materiam primam, Ad confirmationem neganda est minor: productio enim materiæ per conuersionem quantitatis in ipsam, quamuis miraculosa sit, sine nouo tamen miraculo sit virtute miraculi prius facti, vt hic ait D. Thom.

Ad 3. respondetur, materiam produci à Deo, non quidem existentem sine omni forma, sed simul cum forma rei, quæ generatur ex speciebus sacramentalibus: non tamen ita, vt hæc forma producat à solo

lo Deo eadem actione, qua producitur materia, sicut producta est forma cœli ab ipso, quando creauit cœlum; sed ita ut licet simul, & in eodem instanti sit productio materiæ habentis esse à forma, & formæ dantis esse materiæ; non tamen sit eadem productio: sicut licet simul cum corpore humano producatur anima rationalis; non tamen eadem productione, cum illud producatur per generationem, hæc per creationem, sicquæ forma rei genitæ ex speciebus educi potest virtute agentis naturalis ex potentia materiæ producta à solo Deo: nam ad hoc non requiritur proprietas temporis, aut instantis in materia, vel subiecto, sed sufficit prioritas naturæ in genere causæ materialis, cum constet, quando Deus produxit Angelos, licet simul esset condens naturam, & largiens gratiam, hanc eduxisse de potentia obedientiali naturæ Angelicæ, quia non per creationem, sed per aliam productionem eam largitus est.

Circa articulum 6. & 7. nihil se offert dicendum.



## 473

# ARTICVLVS VIII.

*Vtrum aliquis liquor possit vino  
consecrato commi-  
sceri.*

**Conclusio est affirmans.**

**D**E hac nulla est difficultas, cum, ut ait D. Thom. in argum. *Sed contra*, ad sensum pateat, alium liquorem posse permisceri vino post cōsecrationem, sicut & ante.

Tota ergo difficultas est, an per hanc permissionem desinat esse ibi sanguis Christi? Ad quam his verbis respondet S. Doctor: *Si fiat permixtio liquoris cuiuscunque, quod pertingat ad totum vinum consecratum, & fiat permixtum, erit aliud numero, & non remanebit ibi sanguis Christi. Si vero fiat tam parua alicuius liquoris adiunctio, quod non possit diffundi per totum, sed vsque ad aliquam partem specierum, desinet esse sanguis Christi sub illa parte vini consecrati, remanebit tamen sub alia.*

Quidam recentiores hic dicunt, hanc sententiam D. Thom. summas pati difficultates; existimant enim S. Doctorem nomine liquoris cuiuscunque intelligere etiam, illum, qui non solum est eiusdem speciei cum vino, quod consecratum fuit, sed etiā earundem omnino qualitatum, quale est

vinum eiusdem dolij ex quo sumptum est vinum ad consecrandum. Sed hoc asserunt quidem Paludanus in 4. d. 12. q. 5. & Capreolus d. 13. q. 1. non tamen docet D. Thom. vt communiter eius discipuli recentiores cum Mag. Victoria, & Cano affirmant. Solum enim loquitur de quocumque liquore, ex quo, & vino consecrato fit permistum, vt indicant illa verba, & *fiat permistum*. Quando autem liquor est eiusdem speciei, & earundem omnino qualitatum non fit permistum: nam hoc est quoddam tertium resultans ex miscibilibus contrariis qualitates habentibus, & quæ sunt ad inuicem passiuæ, & vnum alterat aliud, vt colligitur ex Arist. lib. 1. de generat. cap. 10. & D. Thom. ibidem lect. 25. & in 2. d. 17. q. 3 art. 1. & in hoc articulo, quod non contingit, quando liquores sunt non solum eiusdem speciei, sed etiam earundem omnino qualitatum, qualia sunt vina quæ ex eodem dolio hauriantur.

Vnde quando liquor appositus speciebus vini consecrati est huiusmodi, verum est quod ait Durandus in 4. d. 12. q. 3. num. 6. *Sive illud quod apponitur speciebus vini consecrati sit maius, sive æquale. sive minus, species vini præexistentes non desinunt esse, nec sanguis Christi sub eis.* Quod probat: Quia omnes Doctores communiter dicunt, quod sanguis Christi non desinit esse sub speciebus vini consecrati, nisi per talem alterationem, seu immutationem, per quam desineret ibi esse substantia vini, si sub esset: sed constat, quod per appositionem vini om-

nino

## ARTICVLVS VIII. 47

*nina similis substantia vini precedens nullo modo desineret ibi esse ; ergo per appositionem vini similis in substantia , & qualitate vino consecrato , & speciebus eius non desinit sanguis Christi esse sub speciebus , prioribus vini consecrati .*

Nec obstat argumentum Paludani , & Capreoli : Duo vina quantumvis fiant omnino similia , secundum omnem sui partem miscentur etiam minorem minima ; ergo singula diuiduntur in minores particulas , quam sint eæ , sub quibus earum substantia possit naturaliter conseruari ; ac proinde si vnum sit consecratum , sub eius speciebus definit esse sanguis Christi . Respondetur enim eodem argumento probari posse , quando duæ aquæ miscentur , vtramque corrumpi , & generari tertium , quod est incredibile . Vnde dico , licet illa duo vina diuidantur in partes minores minima , sub quibus non potest substantia eorum naturaliter conseruari , si separarentur à toto , bene tamen si ab illo non separarentur : nā quamuis in partibus minoribus minima separati à toto non conseruetur substantia rei , conseruatur tamen in illis in toto existentibus . Ex quo fit , si ex illis duobus vinis vnum sit consecratum , & alterum nō , quantitates eorum etiam diuisas in partes minores minima continuari , & sub partibus quantitatis vini consecrati esse sanguinem Christi , sub partibus vero quantitatis vini non consecrati esse substantiam vini : si autem vtrumque sit consecratum sub vtriusque

## ARTICVLVS VIII. 477

apponitur habet qualitates, quæ sufficienter possent disponere ad corruptionem substantiæ vini, si ibi esset, illamque corrumpere, etiam corrumpere species consecratas, dimensiones scilicet, quæ alijs accidentibus subsunt: & tale videtur iudicari à D. Thom. vinum rubeum si apponatur speciebus [consecratis vini albi, aut è contra, nulla enim alià vina qualitates magis contrarias habent, quam vinum album & rubeum.

## QVÆSTIO LXXVIII.

*De forma Sacramenti Eucharistiæ.*

### ARTICVLVS I.

*Vtrum hæc sit forma huius Sacramenti: Hoc est corpus meum:  
& Hic est calix sanguinis mei.*

**Conclusio est affirmans.**



que quantitatis partibus contineri sanguinem Christi; idem enim ferendum est iudicium de vinis consecratis, ac si non esset consecrata. Vnde si duo vina consecrata non habentia contrarias qualitates, sed omnino similes miscantur, non fit vera mixtio, sed continuatio vtriusque vini: nam ut vbi supradicunt Arist. & D. Thom. *Mixtio est miscibulum alteratorum unio*. Idem dicendum esse existimat Durandus vbi supra num. 7. si liquor appositus sit eiusdem speciei quo ad substantiam, non autem quo ad aliquas qualitates, sicut si vino rubeo consecrato apponatur vinum album non consecratum, non desinere scilicet ibi esse sanguinem Christi. Quod verum esse censeo, quamvis exemplum displiceat: nam est contra D. Thom. hic asserentem, si vnū vinum esset album, & aliud rubeum, ex illis commixtis resultare tertium numero distinctum à miscibilibus, in quo non remanet sanguis Christi. Asserendum est ergo, quando vinum, quod apponitur speciebus consecratis solum habet qualitates, quæ non possent corrumpere substantiam vini, si ibi esset, sed solas qualitates, & etiam color, qui non corrumpit substantiam, que si ibi esset, non corrumpitur substantiam, ut

## ARTICVLVS VIII. 477

apponitur habet qualitates, quæ sufficienter possent disponere ad corruptionem substantiæ vini, si ibi esset, illamque corrumpere, etiam corrumpere species consecratas, dimensiones scilicet, quæ alijs accidentibus subsunt: & tale videtur iudicari à D. Thom. vinum rubeum si apponatur speciebus [consecratis vini albi, aut è contra, nulla enim alia vina qualitates magis contrarias habent, quam vinum album & rubeum.

## QVÆSTIO LXXVIII.

*De forma Sacramenti Eucharistiæ.*

### ARTICVLVS I.

*Vtrum hæc sit forma huius Sacramenti: Hoc est corpus meum: hic est calix sanguinis mei.*

*quisio est: Hæc*

stantialis ; contra S. Doctorem est non solum ibi, sed etiam hic: nam in corp ar. ait: *Manentibus speciebus panis, & vini, manet corpus, & sanguis Christi*. Manente autem corpore, & sanguine Christi, quomodo potest in illis suscipi forma substantialis vermis, aut alterius rei genitæ? Et ad 3. dicit; quantitatem, quæ miraculosè accepit vim & proprietatem substantiæ in consecratione, *transire in substantiam*, rei scilicet genitæ ex ipsa; ergo ipsa habens proprietatem substantiæ non manet, nec suscipit formam substantialem rei genitæ.

Secundo probatur, alias enim res genitæ ex speciebus Sacramentalibus esset composita ex quantitate proprietatem materiæ habente, & forma substantiali in ipsa recepta: sed hoc est falsum; nam compositum substantiale constaret ex aliquo accidente tanquam ex parte physica essentiali, & intrinsicæ, & non esset, ens per se, sed ens per accidens, ut pote compositum ex substantia, & accidente: & contra D. Thom. hic art. 6. ad 2. ergo &c. Confirmatur, nam alias si aliquis nutriretur speciebus consecratis partim componeretur ex quantitate, & forma substantiali, & partim ex hac, & vera materia prima. Item res omnes, quæ ex speciebus consecratis gignerentur, & aliæ quæcumque ex his rebus genitæ usque ad finem mundi, sola quantitate, & forma substantiali constarent, & nulla ex generationibus sequentibus omnino naturalis esset, sed hæc falsa, & absurda sunt; ergo &c.

## ARTICVLVS V. 469

Vnde Caiet. hic optime dicit, sententiam & viam, quam tenet D. Th. esse: *Quod per modum conuersionis seu transitionis quantitas transiit in materiam: ita quod virtute primi miraculi datum est quantitati, vt sit vice materia durante Sacramento, & in termino Sacramenti, hoc est in primo non esse Sacramenti, sit vere materia.* Cuius sensus non est, ipsam quantitatem in eiusmodi mutationibus fieri: ipsam materiam, ita vt eadem omnino res, quæ antea erat quantitas sit postea materia prima; sed datum esse quantitati, vt sit vera materia, hoc est vt conuertatur in materiam, ipsa desinente quoad omnes eius gradus per talem conuersionem, & nihil eius manente. Et eodem modo intelligendum est, quod ait D. Th. in 4. vbi supra: *Ipsi dimensionis virtute diuina dabitur natura materia, vt sic illud generatum sit compositum ex materia, & forma.* Sicut enim cum dicitur Ioan. 2. v. 9. *Aquam vinum factam,* & Matth. 11. v. 5. *Cæci vident,* sensus non est, aquam manente natura aque fuisse factam vinum, & cæcos videre manente cæcitate, sed cæcitate remota, & sublata natura aquæ: ita quando D. Th. & Caiet. dicunt dimensionis dari naturam materie, aut vt sit vere materia, hoc non est intelligendum manente aliquo ipsius dimensionis, sed hac omnino desinente quoad omnia, quæ habebat.

Quidam recentiores hic dicunt, eodem instanti quo species, ita sunt alteratæ, vt non posset sub ijs naturaliter cōseruari substantia.

stantia panis, & vini, desinere ibi esse corpus Christi, & Deum ibi creare materiam primam, eique vnire quantitatem panis, & vini cum qualitatibus, quæ ei illo instanti inhaerent, per quas iam est vltimo disposita ad susceptionem alicuius formæ substantialis, quam eodem instanti producit illud agens, quod eam produxisset, si ibi prius fuisset substantia panis, & vini.

Sed hæc sententia à discipulis D. Thom. amplectenda non est, sed reiicienda. Quāvis enim probabile sit, taleque esse insinuat S. Doct. in 4. vbi supra, materiam creari à Deo; hic tamen non creari docet, sed produci per conuersionem quantitatis in ipsā, in corp. art. & ad 3. & artic. seq. in corp. & ad 2. Hic etiam dicit, *Manentibus speciebus panis, & vini, manet corpus, & sanguis Christi.* Ergo Deus non vnit eas materię ab ipso creatæ, alias simul cum tali materia maneret corpus, & sanguis Christi. Præterea contra D. Thom. est, quantitatem immediate vniri materię. Denique, si quantitas esset in sua substantia antiqua, reuera corrumpetur ad corruptionem talis substantię, & non maneret eadem numero in substantia genita, alias migraret de subiecto in subiectum, & non fieret resolutio vsque ad materiam primam, quod est contra D. Thom. ergo etiam hic corrumpitur, & desinit esse, quando substantia panis, & vini corrumpetur, & conseruari non posset naturaliter, sicque Deus eam non vnit materię denuo creatæ ab ipso. Am-  
ple-

plectenda est ergo sententia Caiet.

Ad 1. autem factum in principio respondetur, sensum D. Thom. non esse, quem Ferrar. putat, Sed quem Caiet. hic & Capreolus in 4. d. 12. q. 1. artic. 3. tradiderunt, nempe, quantitati dari virtute primi miraculi, vt sit vice materia, & primum subiectum formarum subsequen-  
tium, & dispositionum, quæ introducuntur ab agente naturali vsque ad instans corruptionis specierum, & generationis substantiæ, in quo quantitas conuertitur in materiam primam virtute diuina, ex cuius potentia agens naturale educit formam substantialem, vltimam dispositionem introducendo, sicque compositum substantiale ab eo generatur.

Ad 2. eodem modo respondetur, solum enim confertur accidentibus posse omnia facere & pati, quæ posset substantia, si adesset. vsque ad instans generationis, in quo iam non manent accidentia, sed desinunt esse, per conuersionem ipsorum in materiam primam. Ad confirmationem neganda est minor: productio enim materiæ per conuersionem quantitatis in ipsam, quamuis miraculosa sit, sine nouo tamen miraculo fit virtute miraculi prius facti, vt hic ait D. Thom.

Ad 3. respondetur, materiam produci à Deo, non quidem existentem sine omni forma, sed simul cum forma rei, quæ generatur ex speciebus sacramentalibus: non tamen ita, vt hæc forma producat à solo

lo Deo eadem actione, qua producitur materia, sicut producta est forma cœli ab ipso, quando creauit cœlum; sed ita ut licet simul, & in eodem instanti sit productio materiæ habentis esse à forma, & formæ dantis esse materiæ; non tamen sit eadem productio: sicut licet simul cum corpore humano producatur anima rationalis; non tamen eadem productione, cum illud producatur per generationem, hæc per creationem, sicquæ forma rei genitæ ex speciebus educi potest virtute agentis naturalis ex potentia materiæ producta à solo Deo: nam ad hoc non requiritur proprietas temporis, aut instantis in materia, vel subiecto, sed sufficit prioritas naturæ in genere causæ materialis, cum constet, quando Deus produxit Angelos, licet simul esset condens naturam, & largiens gratiam, hanc eduxisse de potentia obedienciali naturæ Angelicæ, quia non per creationem, sed per aliam productionem eam largitus est.

Circa articulum 6. & 7. nihil se offert dicendum.



*Utrum aliquis liquor possit vino  
consecrato commi-  
sceri.*

**Conclusio est affirmans.**

**D**E hac nulla est difficultas, cum, vt ait D. Thom. in argum. *Sed contr.*, ad sensum pateat, alium liquorem posse permisceri vino post cōsecrationem, sicut & ante.

Tota ergo difficultas est, an per hanc permissionem desinat esse ibi sanguis Christi? Ad quam his verbis respondet S. Doctor: *Si fiat permissio liquoris cuiuscumque, quod pertingat ad totum vinum consecratum, & fiat permistum, erit aliud numero, & non remanebit ibi sanguis Christi. Si vero fiat tam parua alicuius liquoris adiunctio, quod non possit diffundi per totum, sed vsque ad aliquam partem specierum, desinet esse sanguis Christi sub illa parte vini consecrati, remanebit tamen sub alia.*

Quidam recentiores hic dicunt, hanc sententiam D. Thom. summas pati difficultates; existimant enim S. Doctorem nomine liquoris cuiuscumque intelligere etiam illum, qui non solum est eiusdem speciei cum vino. quod consecratum fuit, sed etiā earundem omnino qualitatum, quale est



vinum eiusdem dolij ex quo sumptum est vinum ad consecrandum. Sed hoc afferunt quidem Paludanus in 4. d. 12. q. 5. & Capreolus d. 13. q. 1. non tamen docet D. Thom. vt communiter eius discipuli recentiores cum Mag. Victoria, & Cano affirmant. Solum enim loquitur de quocumque liquore, ex quo, & vino consecrato fit permistum, vt indicant illa verba, & *fiat permistum*. Quando autem liquor est eiusdem speciei, & earundem omnino qualitatum non fit permistum: nam hoc est quoddam tertium resultans ex miscibilibus contrariis qualitates habentibus, & quæ sunt ad inuicem passiuæ, & vnum alterat aliud, vt colligitur ex Arist. lib. 1. de generat. cap. 10, & D. Thom. ibidem lect. 25. & in 2. d. 17. q. 3 art. 1. & in hoc articulo; quod non contingit, quando liquores sunt non solum eiusdem speciei, sed etiam earundem omnino qualitatum, qualia sunt vina quæ ex eodem dolio hauriuntur.

Vnde quando liquor appositus speciebus vini consecrati est huiusmodi, verum est quod ait Durandus in 4. d. 12. q. 3. num. 6. *Sive illud quod apponitur speciebus vini consecrati sit maius, sive æquale. sive minus, species vini præexistentes non desinunt esse, nec sanguis Christi sub eis. Quod probat: Quia omnes Doctores communiter dicunt, quod sanguis Christi non desinit esse sub speciebus vini consecrati, nisi per talem alterationem, seu immutationem, per quam desineret ibi esse substantia vini, si sub esset: sed constat, quod per appositionem vini omnino*

## ARTICVLVS VIII. 47

*nina similis substantia vini precedens nullo modo desineret ibi esse; ergo per appositionem vini similis in substantia, & qualitate vino consecrato, & speciebus eius non desinit sanguis Christi esse sub speciebus prioribus vini consecrati.*

Nec obstat argumentum Paludani, & Capreoli: Duo vina quantumvis sint omnino similia, secundum omnem sui partem miscentur etiam minorem minima; ergo singula diuiduntur in minores particulas, quam sint eæ, sub quibus earum substantia possit naturaliter conseruari, ac proinde si vnum sit consecratum, sub eius speciebus definit esse sanguis Christi. Respondetur enim eodem argumento probari posse, quando duæ aquæ miscentur, vtramque corrumpi, & generari tertium, quod est incredibile. Vnde dico, licet illa duo vina diuidantur in partes minores minima, sub quibus non potest substantia eorum naturaliter conseruari, si separarentur à toto, bene tamen si ab illo non separarentur: nā quamvis in partibus minoribus minima separati à toto non conseruetur substantia rei, conseruatur tamen in illis in toto existentibus. Ex quo fit, si ex illis duobus vinis vnum sit consecratum, & alterum nō, quantitates eorum etiam diuisas in partes minores minima continuari, & sub partibus quantitatis vini consecrati esse sanguinem Christi, sub partibus vero quantitatis vini non consecrati esse substantiam vini: si autem vtrumque sit consecratum sub vtriusque

## ARTICVLVS VIII. 477

apponitur habet qualitates, quæ sufficienter possent disponere ad corruptionem substantiæ vini, si ibi esset, illamque corrumpere, etiam corrumpere species consecratas, dimensiones scilicet, quæ alijs accidentibus subsunt: & tale videtur iudicari à D. Thom. vinum rubeum si apponatur speciebus [consecratis vini albi, aut è contra, nulla enim alia vina qualitates magis contrarias habent, quam vinum album & rubeum.

## QVÆSTIO LXXVIII.

*De forma Sacramenti Eucharistiæ.*

### ARTICVLVS I.

*Vtrum hæc sit forma huius Sacramenti: Hoc est corpus meum:  
& Hic est calix sanguinis mei.*

**Conclusio est affirmans:**

*Dubium. An iſſolis hiſ verbis conſiſtat forma huius Sacramenti illiſque ſolis prolatiſ conficiatur Sacramentum.*

**E**ſt de hac re inter Catholicos prima ſententia Scoti in 4. d. 8. q. 2. vt conficietur Sacramentum, neceſſario eſſe præmittenda verba illa Canonis Miſſæ, *Qui pridie quam patetetur, &c.* Fundamentum eius eſt: quia niſi, illa præmittantur, non ſignificat Sacerdos, ſe loqui in perſona Chriſti, ac per conſequens cum dicit, *Hoc eſt corpus meum*, non ſignificat ibi eſſe corpus Chriſti, ſed corpus ſuum; ergo falſam proferat formam, ac proinde non conficit ſacramentum.

Secunda ſententia eſt Paludani in 4. d. 8. q. 3. & Capreoli ibidem q. 1. ar. 3. formam calicis conſiſtere, non ſolum in hiſ verbis, *Hic eſt calix ſanguis mei*, ſed etiam in alijs, quæ ſequuntur, ſcilicet, *Noui, & æterni teſtamenti, &c.* vſque *In remiſſionem peccatorum*; ſicque niſi omnia proferantur, non confici Sacramentum.

Probatur 1. ex D Thom. hic enim art. 3. dicit. *Omnia prædicta verba ſunt de ſubſtantia formæ*, ſupra verò q. 60. ar. 8 ait: *Si dimittatur aliquod eorum, quæ ſunt de ſubſtantia formæ ſacramentaliſ, non perficitur Sacramentum*. Sentit ergo niſi omnia prædicta verba proferantur, non confici Sacramentum, om-

niaque ad essentiam formę pertinere. Confirmatur, nam idem S. Doctor in 4. dist. 8. q. 2. ar. 2. quæstiunc. 2. inquit: *Totum quod sequitur, est de forma*. Et ad 3. *Illā, quę sequuntur, sunt essentialia sanguini, prout in hoc Sacramento consecratur*. Ergo, & sunt essentialia formę, sicq. nisi omnia proferantur, non conficitur Sacramentum.

Secundo probatur ratione D. Thom. hic ar. 3. *Sacerdos eodem ritu, & modo, scilicet tenendo calicem in manibus omnia hæc verba profert. Luca etiam 22. interponuntur verba sequentia verbis præmissis, cum dicitur: Hic calix nouum testamentum est in meo sanguine*. Ergo omnia sunt essentialia, & in omnibus consistit forma huius Sacramenti.

Tertio. Nam in Conc. Florent dicitur, formam huius Sacramenti esse verba Christi, quibus hoc confecit Sacramentum. Sed in Cap. cum *Marthe*, De celeb. Miss. dicitur omnia illa esse verba Christi; ergo omnia pertinent ad formam, & sunt de essentia, & necessitate Sacramenti.

Dicendum tamen est 1. Non esse necessario præmittenda verba illa, *Qui pridie quā pateretur &c.* vt Sacramentum hoc conficiatur. Oppositum huius ante Scotum dixerunt quidam, quos hic ad 4. refert Diu. Thom. illosque sic impugnat: *Sed hoc patet esse falsum, tum ex verbis Amb. supra inductis, tum etiam, quia Canon Missæ non est idem apud omnes, nec secundum omnia tempora, sed diuersa sunt à diuersis apposita*. S. Greg. lib. 7. epist. 63. scribit, Apostolos ad solam Dominicam

480 **QVAESTIO LXXVIII.**

orationem Eucharistiam consecrare solitos. *Vnde dicendum est (subdit D. Thom.) quod si Sacerdos sola verba prædicta proferret cū intentione conficiendi hoc Sacramentum, persisteretur hoc Sacramentum: quia intentio faceret, ut hæc verba intelligerentur, quasi ex persona Christi prolata, etiam si verbis præcedentibus hoc non recitaretur.*

Probatur deinde conclusio cum Caietan. hic: nam ut dicitur in Conc. Florent. *Sacerdos in persona Christi loquens hæc conficit Sacramentum: sed ut in persona Christi loquatur, non requiritur, ut præmittat verba illa formam antecedentia, sed sufficit intentio gerendi personam Christi, quam habet eo ipso, ac intendit conficere Sacramentum; ergo, ut hoc Sacramentum conficiat, non debet necessario præmittere verba illa.* Minor assertitur à D. Th. & probatur, nam etiam si Sacerdos præmittat illa verba, si non habet intentionem gerendi personam Christi, & conficiendi Sacramentum, quando profert formam, non loquitur in persona Christi, sed solum refert, ac recitat, quod Christus dixit; & ut in persona Christi loquatur, non requiritur ut referat, Christum verba formæ dixisse, sicut ut Angelus qui dixit Moyse. Exod. 3. v. 6. *Ego sum Deus patris tui*, loqueretur in persona Dei, non opus fuit, ut referret Moyse, Deum verba illa dixisse; ergo sufficit intentio gerendi personam Christi, & conficiendi Sacramentum, cum hæc intentio sit volitio loquendi in persona Christi; &

Sa.

## ARTICVLVS I. 481

Sacerdos, qui sic loqui volens loquitur, in persona Christi loquatur.

Dicendum est 2. In solis his verbis *Hoc est corpus meum, & Hic est calix sanguinis mei*, consistere essentialiter formam huius Sacramenti, illisque solis prolatis confici Sacramentum. Probat 1. ex Div. Thom. hic, cuius conclusio est, hanc esse formam huius Sacramenti. & ad 4. dicit: Si Sacerdos sola verba predicta proferret cum intentione conficiendi hoc Sacramentum, perficeretur hoc Sacramentum. Vbi per verba predicta ea intelligit, quæ in titulo articuli posuerat, quæ, & à nobis in conclusione posita sunt. Et art. 3. in cuius titulo verbis consecrationis vini hic ab ipso, & à nobis commemoratis addit, & cætera, dicit: *Omnia predicta verba sunt de substantia formæ, scilicet per prima verba cum dicitur, Hic est calix sanguinis mei, significatur ipsa conversio vini in sanguinem eo modo, quo dictum est in forma consecrationis panis.* At forma huius Sacramenti in solis illis verbis consistit, illisque solis prolatis conficitur sacramentum; per quæ significatur, ac proinde efficitur (nam efficiunt, quod significant) conversio panis, & vini in corpus, & sanguinem Christi; ergo sicut propter hoc dixerat S. Doct. ar. 1. formam consecrationis panis essentialiter solum consistere in illis verbis, *Hoc est corpus meum*; ita & ar. 3. sentit, formam consecrationis vini essentialiter solum consistere in illis verbis, *Hic est calix sanguis mei*, sicque in solis predictis verbis formam totius Sacramenti.

482 **QVAESTIO LXXVIII.**

Secundo. Quia ut testantur Durandus in 4. dist. 8. q. 2. num. 16. & Caiet. hic. qui de hoc certificados se fuisse asserunt, in forma Græcorum, quæ habetur in Liturgia S. Basilij, tam in consecratione panis, quam vini deest particula *Enim*, & in consecratione vini desunt particula *Æterni*, & *Mysterium fidei*, in ea etiam quæ habetur in Liturgijs S. Iacobi, S. Marci, Æthiopum, reſerunt multi, omitti alia, quæ in nostra forma continentur, solumque constanter retineri prædicta verba à nobis in conclusione relata; ergo sola illa sunt essentialia, & in quibus forma huius sacramenti essentialiter consistit, & quibus solis prolatis conficitur sacramentum, alias Græci non conficerent verum sacramentum, nec legitima, & integra forma vterentur, quod ex Concilio Florentino falsum esse constat.

Aduertendum est tamen, quod ait Diu. Thom. hic ar. 3. ad 1. Cum dicitur *Hic est calix sanguis mei*, esse loquutionem figuratiuam, idemque esse, ac si diceretur, *Hic est sanguis meus*: & quocumque modo proferatur sufficere ad formam huius sacramenti; in forma enim Græcorum hoc secundo modo dicitur.

Ad fundamentum autem sententiæ Scoti respondetur negando antecedens: nam ut patet ex dictis con 1. ut sacerdos loquatur in persona Christi, sufficit intentio conficiendi hoc sacramentum.

Ad primum secundæ sententiæ respondetur cum Caiet. hic: *Quod verba aliqua esse*



# ARTICVLVS I. 483

*esse de substantia formæ contingit dupliciter: primo quod sine illis non sit forma: alio modo, quod sine illis non est forma perfecta. Supra ergo q. 6. ar. 8. esse de substantia formæ accepit D. Th. primo modo; hic verò artic. 3. secundò modo, quod colligit Caiet. ex solutione eiusdem articuli, & ex ratione illata in corpore. Vide illum. Colligitur etiam apertè ex his, quæ immediate subiungit post verba citata in argumento. Sed per prima verba &c. vt patet ex dictis à nobis conclus. 2. Vnde sicut brachia, & pedes, licet sint de substantia corporis humani, quia ad eius integritatem substantialem pertinent; non tamen sunt de eius essentia, nam sine illis esset corpus humanum, quamuis non integrum, & perfectum: ita licet verba sequentia, scilicet, *Novi, & æterni, &c.* sint de substantia formæ consecrationis vini; quia ad eius integritatem, quasi substantialem pertinent, & sine illis non est talis forma perfecta: non tamen sunt de eius essentia, ita vt sine illis non sit forma. Ad confirmationem dico, ideo D. Th. afferuisse totum, quod sequitur esse de forma, quia totum pertinet ad substantiam, & integritatem formæ, & non solum ad perfectionem accidentalem, qua ratione verba illa, quæ præcedunt, *Accipite, & comedite*, dixit Eusebius pertinere ad formam huius Sacramenti, vt illam explicat D. Thom. hic ad 2. Quod verò loco citato in argumento subdit S. Doctor illa, quæ sequuntur esse essentialia sanguini, prout in hoc Sacramen-*

to consecratur, non conuincit esse essentialia formæ: nam sicut cum dicitur homo est animal constans corpore, & anima sentiente, licet quod dicitur constans corpore, & anima sentiente sit de essentia animalis, non tamen est de essentia enuntiationis; sed solum pertinet ad eius maiorem explicationem, & quasi substantiam: ita licet, quæ sequuntur sint essentialia sanguini, prout in hoc Sacramento consecratur; non tamen sunt de essentia formæ, sed ad eius maiorem explicationem pertinent, & quasi substantiam; vnde ibi subdit S. Doct. *Et ideo oportet, quod sint de substantia forme.* Eodem scilicet modo, quo in corp. illius quæstiunculæ dixerat: *Conditiones appositæ ad subiectum, vel prædicatum sunt de integritate locutionis alicuius.*

Ad 2. respondetur negando consequentiam: sufficit enim, vt sint de substantia, & integritate formæ modo explicato.

Ad 3. respondetur, licet omnia illa sint verba, quibus vsus est Christus: non tamen omnia sunt, quibus hoc Sacramentum confecit, sed tantum priora, sicque in solis prioribus consistit essentialiter forma. Aduertunt tamen nonnulli, licet statim, ac prolata sunt priora verba, sit iam consecratio, & Sacramentum; Sacerdotem tamen non debere alligare suam intentionem, vt solis illis verbis fiat consecratio, sed omnia verba proferre debere cum intentione faciendi, quod facit Ecclesia: quia cum op-

po-

# ARTICVLVS I. 485

posita sententia non sit damnata, nec omnino improbabilis censatur à Theologis, intentionem, quæ iuxta omnem sententiam, & extra controuersiam sufficit, habere oportet. Necessarium est etiam, Sacerdotem Ecclesiæ Latinæ omnia verba proferre, necessitate præcepti, non quidem diuini, nam Græcos etiam obligaret, sed Ecclesiastici. Vnde si illa omitteret, mortaliter peccaret. Et idem est si omitteret coniunctionem. *Enim*: nam vt hic art. 2. ad 5. ait D. Thom. *Hæc coniunctio, Enim, apponitur in hac forma secundum consuetudinem Romanæ Ecclesiæ à B. Petro Apostolo derivatam. Quæ non seruare graue peccatum est: & quamuis nonnulli dicant solum esse veniale ob leuitatem materiæ; communis tamen Theologorum sententia affirmat esse peccatum mortale, sicut, & de omissione missionis aquæ cum vino diximus supra q. 74 ar 6.*

Circa articulum secundum, & tertium, præter hæc dicta, & circa articulum quartum præter dicta supra q. 62. ar. 4. nihil se offert dicendum.



## ARTICVLVS V.

*Verum prædictæ locutiones sint  
vera .*

**Conclusio est affirmans.**

**V**eras esse has locutiones *Hoc est corpus meum, & Hic est sanguis meus*, certum est secundum fidem: nam vt hic in argum. Sed contra, D. Thom. *Hæc verba proferuntur ex persona Christi, qui de se dicit Ioan. 14. Ego sum veritas*. Quomodo autem verificentur, hic labor est, & varietas opinionum, quas referunt D. Thom. hic, & Mag. Soto in 4. d. 21. q. 1. ar. 5. Quibus omisissis, vt sententiam D. Th. explicemus.

Aduertendum est 1. Sacerdotem licet recitatiuè proferat hæc verba, quasi à Christo dicta, vt patet ex præcedentibus, *Fregit, & dixit*; simul tamen ea proferre significatiuè, hoc est significando, affirmando, & enuntiando, quod facit: non quidem ex sua propria persona, nam sensus esset, hoc esse corpus ipsius Sacerdotis; sed ex persona Christi, propter cuius infinitam virtutem, hæc verba vim consecratiuam sunt consecuta, à quocunque Sacerdote dicantur, ac si Christus ea præsentia liter proferret. Quare nihil obstat quominus Sacerdos referat formam consecrationis tanquam à Christo dictam, & simul, ex institutione ipsius

## ARTICVLVS V. 487

ipſius Chriſti eius repræſentans perſonam applicet verba ad ea, quæ ſibi præſens eſt, materiam enuntiando *Hoc eſt corpus meum*. Sic autem proferens verba vere loquitur: ſicut, & Angelus repræſentans Dei perſonam vere dixit Moyſi Exod. 3. v. 6. *Ego ſum Deus patris tui, &c.*

Secundo aduertendum eſt, pronomen *Hoc*, vel *Hic*, in forma conſecrationis non demonſtrare accidentia ipſa, ſeu ſpecies ſacramentales, nam eſſet falſa locutio, cû cõſtet accidentia, & ſpecies non eſſe corpus Chriſti: nec ſubſtantia panis, nam etiam locutio eſſet falſa, cû ſubſtantia panis non ſit corpus Chriſti, & quãdo hoc ſub ſpeciebus eſt, illa iam ſub eis non contineatur: nec denique corpus Chriſti, nam ſenſus eſſet corpus meum eſt corpus meum, ſicque forma nihil faceret, quia hoc fuit etiam ante prolationem verborum. Demonſtrat ergo contentum ſub ſpeciebus: vnde, vt ait D. Thom. *Non faciunt hæc verba, quod corpus Chriſti ſit corpus Chriſti: nec quod panis ſit corpus Chriſti, ſed quod contentum ſub his ſpeciebus, quod prius erat panis, ſit corpus Chriſti.* Contentum autem ſub ſpeciebus idem eſſe ac ſubſtantiam in communi ſine forma determinata, ſeu abſque determinatione proprię naturę contentam ſub accidentibus, hancque ſignificare, ac demonſtrare pronomen *Hoc*, conſtat ex S. Doct. in fine corp. art. & ad 1. & 2. Cuius oppoſitum non aſſerit Caietan. hic dicens: *Mihi videtur quod demonſtret indiuiduum ſubſtan-*

488 *QVÆSTIO LXXVIII.*

*ria, id est hanc substantiam.* Nam per indiuiduū substantiæ nō intelligit indiuiduū certum, & determinatum, sicque non asserit, eandem omnino substantiam, quæ est panis, esse postea corpus Christi, vt ei imponit Mag. Soto, sed indiuiduum vagum. Pro indiuiduo vero vago supponere, illudque significare, pater: nam non supponit pro substantia, quæ est genus supremum, sed pro substantia singulari, non quidem determinate, sed vage sumpta, quæ superior est ad substantiam panis, & substantiā corporis Christi, quæ sunt singularia determinata. Sic autem sumpto pronomine *Hoc*, veras esse locutiones supradictas constat: nam sensus huius *Hoc est corpus meum*, est: contentum vel substantia contenta sub his speciebus est corpus meū: & huius *Hic est sanguis meus*, contentum vel substantia contenta sub his speciebus est sanguis meus, quibus quid verius?

Tertio aduertendum est, locutiones prædictas esse practicas, atque adeo ad veritatem illarum non requiri, vt præsupponatur res significata, sed vt faciant eam. Cum autem eam faciant in ultimo instanti prolationis verborum, pro tali instanti terminatio verificatur, ad illudque instans veritas illarum refertur. Vnde licet dum proferuntur, adhuc non sit res significata per illas, veræ tamen sunt in toto rigore sermonis, quia earum significatum efficitur in instanti terminatio illarum, illudque non significant esse, dum proferuntur, sed  
cum

cum completæ fuerint in vltimo instanti  
 prolationis verborum. In quo instanti,  
 vt ait D. Thom. hic ad 3. significatio earû  
 præintelligitur rei significatæ ordine natu-  
 ræ, sicut causa naturaliter est prior effectû.  
 Quæ significatio adhuc in illo priori naturæ  
 vera est, & propositiones, seu locutiones  
 ipsæ, quatenus veræ, sunt causæ rei significa-  
 tæ, vt docet M. Soto vbi sup. Nec obstat,  
 quod ait Arist. 1. Perihermenias, ab eo,  
 quod res est, vel non est, propositionem  
 esse veram vel falsam. Nam eodem tem-  
 poris instanti incipit esse sub speciebus cor-  
 pus Christi, & propositio esse vera, nec  
 datur instans, in quo vnum sit sine alio:  
 prioritas autem naturæ nihil dicit nisi cau-  
 sam, scilicet quia hoc est, illud est. Et  
 quamuis in genere causæ efficientis prius  
 natura propositio sit vera, quam conuersio  
 fiat: in genere tamē causæ obiectiuæ prius  
 natura est corpus illic existere, quam pro-  
 positionem esse veram.

Circa art. 6. nihil se offert dicendum.



## QVÆSTIO LXXIX.

*De effectibus Sacramenti Eucharistia.*

## ARTICVLVS I.

*Vtrum per hoc Sacramentum conferatur gratia.*

**Conclusio est affirmans.**

*Dubium. Quam gratiam conferat hoc Sacramentum.*

**H**æretici nostri temporis Lutherus, Kemnitius, & Calvinus, asserunt præcipuum, & primarium effectû huius Sacramenti non esse augmentum gratiæ, aut iustificationis, sed gratiam reconciliationis, & remissionis peccatorum mortalium, etiam quorum homo conscientiam habet: immo addunt sine peccatis mortalibus nullum debere accedere ad communicandum, & nisi adsint peccata mortalia frustra sumi Eucharistiam.

Probant: Tum quia Christus dixit, *Non veni vocare iustos sed peccatores.* Tum etiam quia Eucharistia vocatur Lucæ 22. Testamentum nouum, in quo includitur pactû  
de



de remissione peccatorum, vt patet Ierem. 31. vnde in consecratione calicis dicitur: *Hic est sanguis meus, qui pro multis effundetur in remissionem peccatorum.* Tum deinde, quia in omnibus liturgiis habentur præces, vt Deus faciat Sacramentum nobis esse in remissionem peccatorum. Tum denique, nam si ab omni peccato liberum esse hominem oportet, quis ad Eucharistiam accedere audebit, cum nullus certus sit se esse sine peccato mortali.

Dicendum tamen est 1. præcipuum, & primarium effectum huius Sacramenti non esse gratiam reconciliationis, & remissionis peccatorum. Diffinit hoc Conc. Trident. sess. 13. canon. 5. contra prædictos hæreticos his verbis: *Si quis dixerit, vel præcipuum fructum sanctissimæ Eucharistia esse remissionem peccatorum, vel ex ea non alios effectus provenire; anathema sit.*

Secundò probatur cum Diu. Thom. hic ex modo, quo traditur hoc Sacramentum nempe per modum cibi, & potus, iuxta illud Ioan. 6. v. 55. *Caro mea verè est cibus, & sanguis meus verè est potus.* Sed effectus proprius cibi, & potus non est suscitare mortuos, nec illum sumere competit mortuis; ergo effectus præcipuus, & primarius huius Sacramenti non est remissio peccatorum, per quam à morte spiritali animæ suscitatur homo, nec illud sumere competit mortuis in peccatis. Si dicas, hoc argumento probari hoc Sacramentum in nullo casu etiam per accidens causare remissionem

bebat  
habebat

Dic  
per co  
produc  
clusio  
liquor  
produc  
Christi  
murati  
de sancto  
9. parti  
nis vera  
corpus,  
tur. Ne  
dicimus,  
nec quap  
ta essent  
essentiam  
4. dist. 1.  
pus Chri  
Tunc ne  
concepti  
termina  
corpus  
novo fa  
bertus  
stantia  
de Chri  
tunc, O  
Scolar  
docen  
Secu

quodam  
modo

de vi  
mundo

in hunc  
mundo

de hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

et hunc  
mundo

, quem in anima operatur di-  
est adunatio hominis ad Chri-  
gratiam homo Christo incor-  
bris eius unitur, consequens  
Sacramentum sumentibus li-  
ur, omnemque effectum, quem  
Opotus, quo ad vitam agunt  
tando, augendo, reparando.  
sacramentum hoc quo ad vitam  
em.

It 3. Hoc Sacramentum, se,  
se, causare etiam quandam  
em, nempe excitationem  
ctualem refectionem cum  
et hoc D. Th. hic ad 2, ubi  
amentum, quantum est ex sui  
m habitus gratia, & virtutis  
am excitatur in actum secun-  
ch. 5. charitas Christi urget  
quod ex virtute huius Sacra-  
tualiter reficitur, per hoc quod  
er delectatur, & quodammo-  
lecedine bonitatis diuinae. Vbi  
illud, Quantum est ex sui vir-  
incapacitate subiecti, qualis  
s ob defectum usus rationis,  
dispositione, qualis est in eis,  
ractione, & absque attentione  
actuali ad hoc Sacramentum  
ie effectus spiritualis delecta-  
ditur.

postea remoto impedimento  
s conferatur, quidam affirmant,  
Affirmans tamen sententia

## 482 QVAESTIO LXXVIII.

Secundo. Quia vt testantur Durandus in 4. dist. 8. q. 2. num. 16. & Caiet. hic, qui de hoc certificados se fuisse asserunt, in forma Græcorum, quæ habetur in Liturgia S. Basilij, tam in consecratione panis, quam vini deest particula *Enim*, & in consecratione vini desunt particula *Æterni*, & *Mysterium fidei*, in ea etiam quæ habetur in Liturgijs S. Iacobi, S. Marci, Æthiopum, referunt multi, omitti alia, quæ in nostra forma continentur, solumque constanter retineri prædicta verba à nobis in conclusione relata; ergo sola illa sunt essentialia, & in quibus forma huius sacramenti essentialiter consistit, & quibus solis prolatis conficitur sacramentum, alias Græci non conficerent verum sacramentum, nec legitima, & integra forma vterentur, quod ex Concilio Florentino falsum esse constat.

Aduertendum est tamen, quod ait Diu. Thom. hic ar. 3. ad 1. Cum dicitur *Hic est calix sanguis mei* esse loquutionem figuratiuam, idemque esse, ac si diceretur, *Hic est sanguis meus*: & quocumque modo profertur sufficere ad formam huius sacramenti; in forma enim Græcorum hoc secundo modo dicitur.

Ad fundamentum autem sententiæ Scoti respondetur negando antecédens: nam vt patet ex dictis con 1. vt sacerdos loquatur in persona Christi, sufficit intentio conficiendi hoc sacramentum.

Ad primum secundæ sententiæ respondetur cum Caiet. hic: *Quod verba aliqua esse*

## ARTICVLVS I. 483

*esse de substantia formæ contingit dupliciter: primo quod sine illis non sit forma: alio modo, quod sine illis non est forma perfecta. Supra ergo q. 6. ar. 8. esse de substantia formæ accepit D. Th. primo modo; hic verò artic. 3. secundò modo, quod colligit Caiet. ex solutione eiusdem articuli, & ex ratione illata in corpore. Vide illum. Colligitur etiam apertè ex his, quæ immediate subiungit post verba citata in argumento, Sed per prima verba &c. vt patet ex dictis à nobis cōclus. 2. Vnde sicut brachia, & pedes, licet sint de substantia corporis humani, quia ad eius integritatem substantialem pertinent; non tamen sunt de eius essentia, nam sine illis esset corpus humanum, quamuis non integrum, & perfectum: ita licet verba sequentia, scilicet, *Novi, & æterni, &c.* sint de substantia formæ consecrationis vini; quia ad eius integritatem, quasi substantialem pertinent, & sine illis non est talis forma perfecta: non tamen sunt de eius essentia, ita vt sine illis non sit forma. Ad confirmationem dico, ideo D. Th. afferuisse totum, quod sequitur esse de forma, quia totum pertinet ad substantiam, & integritatem formæ, & non solum ad perfectionem accidentalem, qua ratione verba illa, quæ præcedunt, *Accipite, & comedite*, dixit Eusebius pertinere ad formam huius Sacramenti, vt illam explicat D. Thom. hic ad 2. Quod verò loco citato in argumento subdit S. Doctor illa, quæ sequuntur esse essentialia sanguini, prout in hoc Sacramen-*

to consecratur, non conuincit esse essentialia formæ: nam sicut cum dicitur homo est animal constans corpore, & anima sentiente, licet quod dicitur constans corpore, & anima sentiente sit de essentia animalis, non tamen est de essentia enuntiationis; sed solum pertinet ad eius maiorem explicationem, & quasi substantiam: ita licet, quæ sequuntur sint essentialia sanguini, prout in hoc Sacramento consecratur; non tamen sunt de essentia formæ, sed ad eius maiorem explicationem pertinent, & quasi substantiam; vnde ibi subdit S. Doct. *Et ideo oportet, quod sint de substantia forme. Eodem scilicet modo, quo in corp. illius quæstiuncula dixerat: Conditiones appositæ ad subiectum, vel predicatum sunt de integritate locutionis alicuius.*

Ad 2. respondetur negando consequentiam: sufficit enim, vt sint de substantia, & integritate formæ modo explicato.

Ad 3. respondetur, licet omnia illa sint verba, quibus usus est Christus: non tamen omnia sunt, quibus hoc Sacramentum confecit, sed tantum priora, sicque in solis prioribus consistit essentialiter forma. Aduertunt tamen nonnulli, licet statim, ac prolata sunt priora verba, sit iam consecratio, & Sacramentum; Sacerdotem tamen non debere alligare suam intentionem, vt solis illis verbis fiat consecratio, sed omnia verba proferre debere cum intentione faciendi, quod facit Ecclesia: quia cum op-

po-

# ARTICVLVS I. 485

posita sententia non sit damnata, nec omnino improbabilis censatur à Theologis, intentionem, quæ iuxta omnem sententiam, & extra controuersiam sufficit, habere oportet. Necessarium est etiam, Sacerdotem Ecclesiæ Latinæ omnia verba proferre, necessitate præcepti, non quidem diuini, nam Græcos etiam obligaret, sed Ecclesiastici. Vnde si illa omitteret, mortaliter peccaret. Et idem est si omitteret coniunctionem. *Enim*: nam vt hic art. 2. ad 5. ait D. Thom. *Hæc coniunctio, Enim, apponitur in hac forma secundum consuetudinem Romanæ Ecclesiæ à B. Patro Apostolo derivatam. Quæ non seruare graue peccatum est; & quamuis nonnulli dicant solum esse veniale ob leuitatem materiæ; communis tamen Theologorum sententia affirmat esse peccatum mortale, sicut, & de omissione missionis aquæ cum vino diximus supra q. 74 ar 6.*

Circa articulum secundum, & tertium, præter hæc dicta, & circa articulum quartum præter dicta supra q. 62. ar. 4. nihil se offert dicendum.



## ARTICVLVS V.

*Vtrum prædictæ locutiones sint  
veræ .*

**Conclusio est affirmans.**

**V**eras esse has locutiones *Hoc est corpus meum, & Hic est sanguis meus*, certum est secundum fidem: nam vt hic in argum. *Sed contra*, D. Thom. *Hæc verba proferuntur ex persona Christi, qui de se dicit Ioan. 14. Ego sum veritas*. Quomodo autem verificentur, hic labor est, & varietas opinionum, quas referunt D. Thom. hic, & Mag. Soro in 4. d. 21. q. 1. ar. 5. Quibus omiffis, vt sententiam D. Th. explicemus.

Aduertendum est 1. Sacerdotem licet recitatiuè proferat hæc verba, quasi à Christo dicta, vt patet ex præcedentibus, *Fregit, & dixit*; simul tamen ea proferre significatiuè, hoc est significando, affirmando, & enuntiando, quod facit: non quidem ex sua propria persona, nam sensus esset, hoc esse corpus ipsius Sacerdotis; sed ex persona Christi, propter cuius infinitam virtutem, hæc verba vim consecratiuam sunt consecuta, à quocunque Sacerdote dicantur, ac si Christus ea præsentialiter proferret. Quare nihil obstat quominus Sacerdos referat formam consecrationis tanquam à Christo dictam, & simul, ex institutione ipsius



**ARTICVLVS V. 487**

ipſius Chriſti eius repræſentans perſonam applicet verba ad ea, quæ ſibi præſens eſt, materiam enuntiando *Hoc eſt corpus meum*. Sic autem proferens verba vere loquitur: ſicut, & Angelus repræſentans Dei perſonam vere dixit Moyſi Exod. 3. v. 6. *Ego ſum Deus patris tui, &c.*

Secundo aduertendum eſt, pronomen *Hoc*, vel *Hic*, in forma conſecrationis non demonſtrare accidentia ipſa, ſeu ſpecies ſacramentales, nam eſſet falſa locutio, cū cōſtet accidentia, & ſpecies non eſſe corpus Chriſti, nec ſubſtantia panis, nam etiam locutio eſſet falſa, cū ſubſtantia panis non ſit corpus Chriſti, & quādo hoc ſub ſpeciebus eſt, illa iam ſub eis non contineatur: nec denique corpus Chriſti, nam ſenſus eſſet corpus meum eſt corpus meum, ſicque forma nihil faceret, quia hoc fuit etiam, ante prolationem verborum. Demonſtrat ergo contentum ſub ſpeciebus: vnde, vt ait D. Thom. *Non faciunt hec verba, quod corpus Chriſti ſit corpus Chriſti: nec quod panis ſit corpus Chriſti, ſed quod contentum ſub his ſpeciebus, quod prius erat panis, ſit corpus Chriſti.* Contentum autem ſub ſpeciebus idem eſſe ac ſubſtantiam in comuni ſine forma determinata, ſeu abſque determinatione proprię naturę contentam ſub accidentibus, hancque ſignificare, ac demonſtrare pronomen *Hoc*, conſtat ex S. Doct. in fine corp. art. & ad 1. & 2. Cuius oppoſitum non aſſerit Caietan. hic dicens: *Mihi videtur quod demonſtret indiuiduum ſubſtan-*

488 **QVÆSTIO LXXVIII.**

*ria, id est hanc substantiam.* Nam per indiuiduū substantiæ nō intelligit indiuiduū certum, & determinatum, sicque non asserit, eandem omnino substantiam, quæ est panis, esse postea corpus Christi, vt ei imponit Mag. Soto, sed indiuiduum vagum. Pro indiuiduo vero vago supponere, illudque significare, pater: nam non supponit pro substantia, quæ est genus supremum, sed pro substantia singulari, non quidem determinate, sed vage sumpta, quæ superior est ad substantiam panis, & substantiā corporis Christi, quæ sunt singularia determinata. Sic autem sumpto pronomine *Hoc*, veras esse locutiones supradictas constat: nam sensus huius *Hoc est corpus meum*, est: contentum vel substantia contenta sub his speciebus est corpus meū: & huius *Hic est sanguis meus*, contentum vel substantia contenta sub his speciebus est sanguis meus, quibus quid verius?

Tertio aduertendum est, locutiones prædictas esse practicas, atque adeo ad veritatem illarum non requiri, vt præsupponatur res significata, sed vt faciant eam. Cum autem eam faciant in vltimo instanti prolationis verborum, pro tali instanti terminatio verificatur, ad illudque instans veritas illarum refertur. Vnde licet dum proferuntur, adhuc non fit res significata per illas, veræ tamen sunt in toto rigore sermonis, quia earum significatum efficitur in instanti terminatio illarum, illudque non significant esse, dum proferuntur, sed  
cum

cum completæ fuerint in vltimo instanti  
 prolationis verborum. In quo instanti,  
 vt ait D. Thom. hic ad 3. significatio earū  
 præintelligitur rei significatæ ordine natu-  
 ræ, sicut causa naturaliter est prior effectū.  
 Quæ significatio adhuc in illo priori naturæ  
 vera est, & propositiones, seu locutiones  
 ipsæ, quatenus veræ, sunt causæ rei significa-  
 tæ, vt docet M. Soto vbi sup. Nec obstat,  
 quod ait Arist. 1. Perihermenias, ab eo,  
 quod res est, vel non est, propositionem  
 esse veram vel falsam. Nam eodem tem-  
 poris instanti incipit esse sub speciebus cor-  
 pus Christi, & propositio esse vera, nec  
 datur instans, in quo vnum sit sine alio:  
 prioritas autem naturæ nihil dicit nisi cau-  
 sam, scilicet quia hoc est, illud est. Et  
 quamuis in genere causæ efficientis prius  
 natura propositio sit vera, quam conuersio  
 fiat: in genere tamē causæ obiectiuæ prius  
 natura est corpus illic existere, quam pro-  
 positionem esse veram.

Circa art. 6. nihil se offert dicendum.



## QVÆSTIO LXXIX.

*De effectibus Sacramenti Eucharistia.*

## ARTICVLVS I.

*Vtrum per hoc Sacramentum conferatur gratia.*

**Conclusio est affirmans.**

*Dubium . Quam gratiam conferat hoc Sacramentum.*

**H**Æretici nostri temporis Lutherus, Kemnitius, & Calvinus, asserunt præcipuum, & primarium effectû huius Sacramenti non esse augmentum gratiæ, aut iustificationis, sed gratiam reconciliationis, & remissionis peccatorum mortalium, etiam quorum homo conscientiam habet: immo addunt sine peccatis mortalibus nullum debere accedere ad communicandum, & nisi adsint peccata mortalia frustra sumi Eucharistiam,

Probant: Tum quia Christus dixit, *Non veni vocare iustos sed peccatores.* Tum etiam quia Eucharistia vocatur Lucæ 22. Testamentum nouum, in quo includitur pactû  
de

de remissione peccatorum, vt patet Ierem. 31. vnde in consecratione calicis dicitur: *Hic est sanguis meus, qui pro multis effundetur in remissionem peccatorum.* Tum deinde, quia in omnibus liturgiis habeantur præces, vt Deus faciat Sacramentum nobis esse in remissionem peccatorum. Tum denique, nam si ab omni peccato liberum esse hominem oportet, quis ad Eucharistiam, accedere audebit, cum nullus certus sit se esse sine peccato mortali.

Dicendum tamen est 1. præcipuum, & primarium effectum huius Sacramenti non esse gratiam reconciliationis, & remissionis peccatorum. Diffinit hoc Conc. Trident. sess. 13. canon. 5. contra prædictos hæreticos his verbis: *Si quis dixerit, vel præcipuum fructum sanctissimæ Eucharistiae esse remissionem peccatorum, vel ex ea non alios effectus prouenire; anathema sit.*

Secundò probatur cum Diu. Thom. hic ex modo, quo traditur hoc Sacramentum nempe per modum cibi, & potus, iuxta illud Ioan. 6. v. 55. *Caro mea verè est cibus, & sanguis meus verè est potus.* Sed effectus proprius cibi, & potus non est suscitare mortuos, nec illum sumere competit mortuis; ergo effectus præcipuus, & primarius huius Sacramenti non est remissio peccatorum, per quam à morte spirituali animæ suscitatur homo, nec illud sumere competit mortuis in peccatis. Si dicas, hoc argumento probari hoc Sacramentum in nullo casu etiam per accidens causare re-

492 **QVAESTIO LXXIX.**

missionem peccati mortalis, etiam si, qui in illo est, conscientiam illius non habeat; non enim magis prodest cibus iis, qui mortui esse nesciuntur, si verè mortui sunt, quàm iis qui, & sunt, & sciuntur mortui. Respondetur, cibum hunc etiam si, quatenus est cibus, institutus sit pro viuis, virtutem tamen habere mortuos suscitandi, si tamen ij non sumant illum indigne, nam qui manducat indigne, iudicium sibi manducat. Cum autem qui conscientiam habent peccati mortalis indigne illum suscipiant, nihil eis prodest, sed potius nocet, quia sumendo peccant. Qui vero inuincibiliter ignorant se esse in peccato mortali, non indigne illum suscipiunt, sicque eis ad vitã gratiæ recuperandam prodest.

Dicendum est 2. Effectum proprium, & per se huius Sacramenti, vt in te sumitur, esse augmentum gratiæ, quo homo in se ipso perfectus existit per coniunctionem ad Deum. Docet hoc D. Thom. hic ad 1. dicens: *Restat igitur, vt cum ipsum Sacramentum realiter sumitur, quod gratia augeatur, & vita spiritualis perficiatur. Aliter tamen quam per Sacramentum Confirmationis, in quo augeatur, & perficitur gratia ad persistendum contra exteriores impugnationes inimicorum. Per hoc autem Sacramentum augetur gratia, & perficitur spiritualis vita, ad hoc quod homo in se ipso perfectus existat per coniunctionem ad Deum.*

Secundò probatur ex Concil. Florent. in Decreto Eugenii, vbi sic dicitur, *Huius Sa-*

eramenti effectus , quem in anima operatur di-  
gne sumentibus , est adunatio hominis ad Chri-  
stum . Et quia per gratiam homo Christo incor-  
poratur , & membris eius vnitur , consequens  
est , quod per hoc Sacramentum sumentibus li-  
gne gratia augeatur, omnemque effectum, quem  
materialis cibus, & potus, quo ad vitam agunt  
corporalem sustentando , augendo , reparando ,  
& delectando, Sacramentum hoc quo ad vitam  
operatur spirituales.

Dicendum est 3. Hoc Sacramentum ,  
quantum est de se , causare etiam quandā  
gratiam actualem , nempe excitationem  
charitatis , & actualem refectionem cum  
dulcedine . Docet hoc D. Th. hic ad 2. vbi  
ait : Per hoc Sacramentum, quantum est ex sui  
virtute , non solum habitus gratia , & virtutis  
conferetur , sed etiam excitatur in actum secun-  
dum illud 2. Corinth. 5. charitas Christi urget  
nos . Et inde est , quod ex virtute huius Sacra-  
menti anima spiritualiter reficitur, per hoc quod  
anima spiritualiter delectatur , & quodammo-  
do inebriatur dulcedine bonitatis diuinæ . Vbi  
notandum est illud , Quantum est ex sui vir-  
tute . Nam ex incapacitate subiecti , qualis  
est in paruulis ob defectum vsus rationis ,  
& ex eius indispositione , qualis est in eis  
qui cum distractione, & absque attentione  
& deuotione actuali ad hoc Sacramentum  
accedunt , hic effectus spiritualis delecta-  
tionis impeditur .

An vero postea remoto impedimento  
hic effectus conferatur, quidam affirmant,  
alii negant . Affirmans tamen sententia

494 **QVÆSTIO LXXIX.**

communior est : nam sicut Sacramenta recedente fictione causant gratiam : ita hoc Sacramentum remoto impedimento causat effectum spiritualis delectationis . Et non est eadem ratio de cibo , & potu materiali , qui si quando sumitur , non causat delectationem ob aliquod impedimentum , non causat illam postea . Nam cibus , & potus spiritualis , vt causet delectationem , non pendet à contactu physico , sicut cibus , & potus materialis ; sicque vt medio illo tanquam instrumento diuina virtus operetur prædictum effectum , sublato impedimento , sufficit aliquando fuisse sumptum , & positum in esse .

Dicendum est 4. Etiam in corporibus digne sumētium causare hoc Sacramentū aliquem effectum gratuitum : non quidem directè , & immediatè , sed indirectè , & per quandam redundantiam . Docet hoc D. Thom. hic ad 3. dum ait , hoc sacramentum ad salutem vtriusque , animæ scilicet , & corporis operari . *Et licet corpus non sit immediatum subiectum gratia , ex anima tamen redundat effectus gratia ad corpus , dum in presenti membra nostra exhibemus arma iustitiæ Deo , vt habetur Roman. 6. & in futuro corpus sortietur incorruptionem , & gloriam anima .* Idem dicit art. 6. ad 3. *Licet hoc Sacramentum non directè ordinetur ad diminutionem fomitis : diminuit tamen fomitem ex quadam consequentia , in quantum auget charitatem .*

Quibus verbis tres effectus insinuat D. Thom. causare hoc Sacramentum in corpore



poribus nostris. Primus est diminutio for-  
 mitis, ac per consequens munditia casti-  
 tatis: propter quem Zachariæ 9. v. 17. ap-  
 pellatur, *Vinum germinās virgines*. Secundus  
 est, exhibere membra nostra arma iustitiæ,  
 sicque illa membra Christi efficere. Quod  
 licet effectus sit fidei formatæ, iuxta illud  
 1. Corinth. 6. v. 15. *Nescitis quoniam corpora  
 vestra membra sunt Christi?* Specialiter ta-  
 men hic effectus redundat ad corpus ex  
 gratia per hoc Sacramentum collata. Ter-  
 tius est in corruptio nostri corporis, quam  
 in resurrectione sortietur, quem effectum  
 indicat illud Ioan. 6. v. 54. *Qui manducat  
 meam carnem, & bibit meum sanguinem, ha-  
 bet vitam æternam, & ego resuscitabo eum in  
 nouissimo die.*

Ad argumenta autem hæreticorum in  
 principio adducta respondetur. Ad 1. ibi  
 Christum loqui de prima vocatione ad fi-  
 dem, & poenitentiam, non de inuitatione  
 ad Eucharistiam.

Ad 2. respondetur Eucharistiam dici te-  
 stamentum nouum, quia est signum vo-  
 luntatis Christi, qua voluit suum sanguinem  
 in passione effundere in remissionem pec-  
 catorum, non qua voluit suum sanguinem  
 bibi in remissionem peccatorum morta-  
 lium, quorum homo habet conscientiam:  
 nam qui sic biberit, reus erit sanguinis Do-  
 mini. 1. Corinth. 11. v. 27.

Ad 3. respondetur præces illas ordinari,  
 vt per hoc Sacramentum remittantur pec-  
 cata venialia, & mortalia quorum non ha-  
 betur

betur conscientia, & pœna, quæ remanet luenda etiam post culpam dimissam.

Ad 4. respondetur, non requiri, vt qui accedit ad hoc Sacramentum, certus sit se non habere peccata, sed vt non habeat illorum conscientiam, & se ipsum probet, & faciat quod in se est, vt mundus accedat.

*Dubiam 2. Quando hoc Sacramentum causet gratiam.*

**V**ariæ sunt de hac re Theologorum sententiæ, quibus omissis, nostram sequentibus conclusionibus explicamus.

Dicendum est 1. Hoc Sacramentum causare gratiam in instanti, quo verum est primo dicere, comestum est. Docet hoc M. Soto in 4. d. 11. q. 2. art. 1. Probatur, hoc sacramentum causat gratiam, quando verum est dicere, iam sumptum, & applicatum est; ergo cum sumatur, & applicetur per comestionem, & potum, in illo instanti causat gratiam, in quo perficitur comestio, & primum verum est dicere, comestum est: sicut Baptismus in illo instanti causat gratiam, in quo perficitur ablutio sub certa forma verborum, & in quo primum est verum dicere, ablutus est sub tali forma verborum homo suscipiens illum. Ex quo fit (inquit Mag. Soto.) dum hoc sacramentum est in ore, etiam si species panis masticatæ sint, non habere suum effectum, nec

conferre gratiam, quia nondum comestum  
sive manducatum est.

Si quæras, quando comestum dicatur?  
Respondet Mag. Soto, quando guttur, aut  
gulam transiit. Alij addunt, quando iam  
receptum est in stomachū: nam antequā  
in illum recipiatur cibus, non potest nu-  
trire, & hoc sacramentum confert gratiā  
per modum nutrimenti. Ex quo si inseras:  
illum, qui hoc sacramentum suscipit cum  
conscientia peccati mortalis, non peccare  
mortaliter quousque illud deglutiat. Re-  
spondent, id concedendo: quamvis enim  
si cum intentione deglutiendi suscipiatur,  
intentio hæc peccatum mortale sit; susce-  
ptio tamen ipsa ante deglutionem non est  
peccatum mortale: quia solum peccat, qui  
manducat, & bibit indigne; ante deglutio-  
nem autem, nec manducat, nec bibit cum  
sumere cibum, aut potum solum ad reti-  
nendum ore, aut ad masticandum, vel ab-  
luendum os, non sit manducare, aut bi-  
bere.

Dicendum est 2. Quando quis plures re-  
cipit hostias, totum effectum sacramenti  
conferri in sumptione primæ hostiæ; per  
aliarum verò sumptionem nullā dari gra-  
tiam habitualement, nisi suscipiens sit magis  
dispositus. Probat 1. nam vt dicemus.  
q. seq. art. 12. Sacerdoti communicanti sub  
vtraque specie totus effectus Sacramenti  
conferitur, quando sumit corpus Christi;  
per sumptionem vero sanguinis non datur  
ei plus gratiæ, nisi sit magis dispositus;  
ergo

ergo idem erit in casu noſtræ conſuſio-  
nis .

Secundò . In prima hoſtia ſuſcepta eſt  
tota virtus productiua gratiæ ſacramenta-  
lis, cum in ea totus Chriſtus contineatur ;  
ergo in primo inſtanti, in quo verum eſt di-  
cere, manducatum fuiſſe , etiam ſi aliæ ad-  
huc in ore exiſtant, cauſat totum effectum  
ſacramenti , ac per conſequens aliæ poſtea  
nullam gratiam conferunt , niſi ſuſcipiens  
ſit magis diſpoſitus . Probatuſ conſequen-  
tia , quia cauſa agens neceſſario in primo  
inſtanti, quo ſecundum vim agendi eſt ap-  
plicata ſubiecto non repugnanti , producit  
in illo perfecte totum ſuum effectum , &  
poſtea illum non augeſt , niſi aut ipſa acci-  
piat maiorem vim agendi, aut ſubiectum  
melius diſponatur .

Si verò ſuſcipiens , quando alias recipit  
hoſtias, ſit magis diſpoſitus, maiorem gra-  
tiam ſuſcipere patet : nam in alijs hoſtijs  
non eſt minor, ſed potius eadem virtus pro-  
ductiua gratiæ, quam in prima ; ergo ſicut  
hæc maiorem gratiam contuliſſet ea, quam  
contulit , ſi maiorem diſpoſitionem inue-  
niſſet in ſubiecto , ita alię maiorem diſpoſi-  
tionem inuenientes maiorem gratiam cō-  
ferunt, & augent gratiam per primam ho-  
ſtiam collatam .

Dicendum eſt 3. Si noua aut maior adſit  
diſpoſitio, non eſt improbabile , hoc ſacra-  
mentum conferre gratiam non ſolum in  
inſtanti, in quo primum eſt verum dicere ,  
comeſtum eſſe, ſed etiam toto tempore ,  
quo

## ARTICVLVS J. 499

quo species manent integrę in stomacho : oppositum tamen probabilius est . Primā partem docet Caiet. hic , quam ex recentioribus sequuntur non pauci . Probant 1. nam cuni hoc sacramentum conferat gratiam per modum nutrimenti , non est limitandum tempus, quo illam confert , ad illam morulam, qua deglutitur, sed extendum potius ad totum temporis spacium, quo Christi corpus sacramentaliter in sumente perseverat ; toto enim tempore , quo cibus in stomacho permanet , nutrit . Et quamuis vt hoc sacramentum nutriet spiritualiter gratiam nutriente conferendo , necessarium sit , vt per manducationē applicetur , vnde si absque manducatione vlla ab Angelo poneretur in stomacho, non conferret gratiam : cæterum postquam manducatum est , non est inconueniens illam conferre .

Secundo . Quia cum Christus sit lux mundi, & fons omnis gratiæ, rationi consonum videtur, vt quandiu in nobis sacramentaliter perseverat ; animam lumen gratiæ illuminet, illamque spiritualiter pascat, & satiet ; hoc enim dignitati huius sacramenti conuenit, & ad pietatem, & augendam deuotionem post sumptum sacramentum excitat .

Dixi , si noua aut maior adsit dispositio : nam si hæc desit , probabile non est , toto illo tempore causare, vel augere gratiam : alias enim melioris esset conditionis ; qui maiorem quantitatem specierum sumeret  
immo

500 **QVÆSTIO LXXIX.**

immo, & qui debilioris esset stomachi, qui non tam citò posset species digerere, & ex aliquo naturali proueniret, vt sacramentū maiorem gratiam conferret. Si verò noua, aut maior adsit dispositio; hæc inconuenientia non sequuntur: nam largior mora Sacramenti in stomacho ob prædictas causas solum per accidens esset occasio, vt quis maiorem gratiam acciperet, quatenus interim plures, ac perfectiores actus charitatis eliceret, ficque melius esset dispositus, cui dispositioni responderet gratiæ augmentum collatum à sacramento. Quod augmentum non est inconueniens causari successive, & in tempore, cum constet etiā ex opere operantis hoc modo fieri augmentum gratiæ; in eo namque, qui in cōtinua oratione, & actuali dilectione Dei perseverat, continuè, & in tempore augeatur gratia. Non est etiā inconueniens, illum, qui initio indispositus, & in mortali peccato suscipit sacramentum, postea, si dum species adhuc integræ perseverant in stomacho sufficienter disponatur ad gratiā, etiam attritione, quam putat cōtritionem, iustificari, & gratiam suscipere virtute sacramenti adhuc manentis.

Secunda pars asseritur à Mag. Soto vbi supra, & alijs communiter. Probatur, quia effectus huius Sacramenti promittitur māducanti, vt patet Ioan. 6. sed post instans, in quo primum verum est dicere, comestum est, iam non est manducatio etiam ratione sui termini; ergo non confertur gra-

## ARTICVLVS I. 501

gratia. Nam quamuis manducatio solum fit conditio tanquam applicatio; non tamen, vt antea facta: quia vt sic applicatio, & receptio conditio est, vt Sacramentum reuiuiscens causet gratiam fictione recedente; sed vt actu existens aliquo modo simul cum sacramento. Vnde Ioann 6. vers. 56 & 57. non dicitur, qui manducauit, sed *Qui manducat meam carnem, & bibit meum sanguinem, in me manet, & ego in illo. Et qui manducat me, & ipse uiuat propter me.*

Secundò. Quia alias sequeretur, illum, qui postquam digne communicauit, committere aliquot peccatum mortale etiam mere internum; antequam per digestionem consummerentur species; sacrilegiū etiam committere, & reum esse corporis, & sanguinis Domini, & iudicium sibi manducare, & bibere: Idem etiam sacramentum digne, & indigne manducare, & sumere, cum per tempus sumptionis Caietanus hic non solum intelligat morulam, in qua deglutitur sacramentum, sed etiam consequens spacium temporis, quo Christi corpus sacramentaliter in sumente perseuerat: sed hæc absurda videntur, nam ille non videtur magis peccare, quam si sacramentum in stomacho haberet ab Angelo positum sine vlla eius manducatione; ergo, &c.

Circa articulum 2. 3. 4. 5. & 7. nihil se offert scribendum.

## ARTICVLVS VIII.

*Vtrum per peccata venialia impediatur effectus huius Sacramenti.*

**Conclusio est negans.**

*Dubium. An ad consequendum effectum huius Sacramenti requiratur actualis deuotio excludens mentis distractionem, & peccata venialia actu exercita.*

**P**Artem affirmantem tenet Caictan. hic art. 1.9. *De tempore*. Probatur 1. ex D. Thomam 4. d. 12. q. 2. art. 1. quæstiuncula 3. ubi sic habet: Cum hoc Sacramentum perficiat coniungendo fini, ad hoc quod effectum suum plenè habeat in sumente, oportet quod adsit actualis deuotio. Et quia interdum absque mortali peccato actualis deuotio impediri potest, cum distractiones varia ipsam impediunt, & peccata venialia virtutem actus tollant, absque peccato mortali potest effectus huius sacramenti impediri: ita quod aliquis augmentum gratiæ non consequatur, nec tamen reatum peccati mortalis incurrat, sed fortè reatum venialis peccati, ex hoc quod imperatus accidit.

Secundò. Nam si qualibet sumptione Eucharistiæ etiam sine actuali deuotione

au-



## ARTICVLVS VIII. 503

augeretur gratia, infinitorum pene sacerdotum, quos credimus verè in gratia celebrare, charitas iam esset maxima intensiue : sed hoc credibile non est, cum tantamagnitudo charitatis in tanta multitudine otiosa appareat, quoniam nec extra apparent, nec intus de se ipsis testantur actus similes feruentissimæ charitatis, ergo, &c.

Tertiò. sacramentum hoc, quia datur per modum cibi, & potus, non augeat, sicut nec nutrit, nisi per modum nutrimenti : sed sine actu vitali nutriti tam cibus, quam potus nec nutrit, nec augeat ; ergo sine operatione vitali animæ cibus iste nec nutrit, nec augeat.

Dicendum tamen est : Quamuis ad consequendam actualem refectionem spiritualis dulcedinis, quæ ex virtute huius sacramenti confertur, requiratur actualis deuotio excludens mentis distractionem, & peccata venialia actu exercita; non tamen ad consequendum augmentum habitualis gratiæ, & charitatis ; sed ad hoc sufficit, ut homo in gratia, & absque peccato mortali accedat ad hoc sacramentum. Docent hoc communiter Theologi.

Probatur primo, ex D. Thom. hic, ubi cum dixisset peccata venialia, prout sunt prærerita, nullo modo impedire effectum huius sacramenti, de peccatis venialibus prout sunt actu exercita ait, non ex toto impedire effectum huius sacramenti, hocque sic explicat : *Sacramenti non solum est adeptio habitualis gratia, vel charitatis, sed*

*etiam*

*etiam quedam actualis refectionis spiritualis dulcedinis. Que quidem impeditur, si aliquis accedat ad hoc sacramentum per peccata venialia mente distractus. Non autem tollitur augmentum habitualis, grat. e., vel charitatis.*

Secundo. Sacramenta causant gratiam in non ponentibus obicem: sed quin gratia existens absque actuali deuotione: & mente distractus per peccata venialia accedit ad hoc sacramentum, licet ponat obicem actuali refectioni spiritualis dulcedinis, non tamen ponit habituali gratiæ; ergo licet illam non recipiat, huius augmentum recipit. Minor probatur, alias enim peccaret mortaliter: nam quamuis non sit peccatum mortale ponere obicem perfectioni effectus sacramentalis, qualis est prædicta refectionis, ponere tamen obicem substantiali effectui sacramentali, qualis est gratia habitualis, & sumere aduertente: sacramentum informe, peccatum mortale est, ut patet in alijs sacramentis: sed hoc falsum; ergo, &c.

Tertio. Hoc sacramentum datur aliquando in articulo mortis phreneticis, in quibus ob defectum usus rationis nequit esse actualis deuotio: sed in his licet non causet refectionem prædictam, causat tamen augmentum gratiæ habitualis, alias frustra eis daretur; ergo &c. Respondet Caietan. hoc non ob stare: tum quia sacramenti effectus ex his, quæ per se concurrunt considerandus, & iudicandus est, & non ex his, quæ in casu accidunt: tum quia  
phre.

## ARTICVLVS VIII. 505

phreneticis non datur viaticum ad augendum in hac vita gratiam, sed propter vitam æternam, & propter impugnationes dæmonum. Contra hoc tamen est: tum quia sine fundamento dicitur, in prædictis per accidens suum effectum operari hoc sacramentum, & non in alijs, qui cum simili dispositione illud recipiunt. Tum etiam, quia prædictis non potest prodesse receptio huius sacramenti ad vitam æternam, nisi augendo in illis gratiam. Impugnationes verò dæmonum his timendæ non sunt, cum carentes vsu rationis peccare non possint.

Ad secundum autem factum in principio Mag. Soto in 4. d. 11. q. 2. art. 8. & alij respondent D. Thom. mutasse sententiam; hic enim in corp. & ad 1. & 2. oppositam docet. Sed melius respondetur D. Thom. licet hic clarius loquatur, idem tamen docuisse loco citato ex 4. sent. Non enim ait defectum deuotionis, & peccata venialia ex toto impedire effectum huius Sacramenti, sed solum dicit: *Ad hoc quod effectus suus plenè habeat in sumente, oportet quod adsit actualis deuotio.* Plenè autem habere suum effectum, est conferre non solum habitualem gratiam, sed etiam actualem refectionem spiritualis dulcedinis: ad sic autem plene habendum suum effectum etià hic docet requiri actualem deuotionem. Vnde cum ibi subdit S. Doct. *Absque peccato mortali potest effectus huius Sacramenti impediri: ita quod aliquis augmentum gratiæ non*

## 506 QVÆSTIO LXXIX.

*consequatur, nec tamen reatum peccati mortalis incurrat.* Per augmentum gratiæ non intelligit quodcumque augmentum gratiæ habitualis, sed augmentum, quod prouenit gratiæ ex additione spiritualis refectionis actualis, quâdo virtute huius sacramenti charitas excitatur in actum, & feruentior fit ob maiorem dispositionem actualis deuotionis.

Ad secundum respondetur, eodem argumento probari posse, sacerdotes, qui celebrant cum actuali deuotione, sed exigua, nullum inde percipere augmentum gratiæ, sicque ad hoc requiri summam actualem deuotionem, quod nec Caietanus dicit. Concessa ergo maiori, neganda est minor: quia si tales sacerdotes perseverant in gratia, & non peccant mortaliter, sed temptationibus resistunt, non apparet otiosa charitas in eis, quam aque multæ impugnationum non potuerunt extinguere. Si vero non prorumpit in actus feruentiores, hoc ideo est, quia per peccata venialia remittitur feruor charitatis.

Ad 3. respondetur, minorem solum esse veram in cibo corporali, quem quia conuertimus in nostram substantiam, indigemus ad hoc actu vitali. Cibus vero hic spiritualis est, de quo dictum est S. August. *Nec tu me mutabis in te, sicut cibum carnis tuæ, sed tu mutaberis in me.* Sicque non necessario requirit actum vitalem actualis deuotionis, vt nutriat, & augeat, sed sufficit, vt qui illum sumit non apponat  
im.

## ARTICVLVS VIII. 507

impedimentum , aut obicem , & si est sui compos illum in gratia existens voluntariè suscipiat .

## QVÆSTIO LXXX.

*De usu , seu sumptione huius  
Sacramenti in com-  
muni .*

Circa articulum primum, secundum, & tertium nihil se offert dicendum .

## ARTICVLVS IV.

*Utrum peccator sumens corpus  
Christi sacramenta .  
liter peccet .*

Conclusio est affirmans .

*Dubium , Quomodo se ipsum proba-  
re debeat peccator , ut accedens ad  
Eucharistiam non peccet .*

**H**Aeretici nostri temporis contendunt,  
non aliam probationem, quam fidei  
requiri, hoc est, ut se probet homo pecca-  
tor ,

tor, an sit in fide, iuxta illud 2. Corinth. 13. ver. 5. *Vos metipsos tentate, si estis in fide: ipsi vos probate.* Unde ut refert Mag. Soto in 4. d. 12 q. 2. art. 4. Lutherus negat accedenti ad hoc sacramentum vlla opus esse, animi præparatione præter solam fidem, & confidentiam, quod sit per ipsum gratiam obtenturus. Immo ait, indigne accedere, qui confitetur, vel conteritur, vel se aliter disponit. Argumenta eius, & aliorum hæreticorum q. præced. art. 1. dubio 1. à nobis adducta, & soluta sunt.

Crietus hic ait, peccatorem, qui conscientiam habet peccati mortalis, sei ipsū probare debere per contritionem, non tamen necessario per confessionem; sic enim scribit: *Videtur mihi, quod contritus sumens Eucharistiam non peccet mortaliter, etiam confessoris habita copia.* Probat 1. ex illo primæ Corinth. 11. ver. 28. *Probet autem se ipsum homo: & sic de pane illo edat.* Sed per contritionem se ipsum probat homo, per confessionem vero nequaquam, sed probatur à confessore; ergo contritio sufficit, & confessio non requiritur, ad sumendam Eucharistiam.

Secundò. Actus iste, qui est, contritum de peccato mortali non confesso, sumere Eucharistiam, non est ex suo genere peccatum mortale, alias in nullo casu esset licitus, etiam quando deest copia confessoris, sed ex hoc quod habetur copia confessoris, non fit de non mortali mortale, oportet enim iudicium de humanis actibus

## ARTICVLVS IV. 509

bus ex his, quæ sūt per se sumere; ergo, &c.

Tertio, Immiscere se sacris actibus sacramentalibus, qui sacrilegi essent, si in peccato mortali exercerētur, cum sola contritione peccatorū mortaliū, non est peccatū mortale, sufficit enim Sacerdoti ministranti Sacramentum Pœnitentiæ, aut Baptismi, Extremæ vnctionis, aut Viatici solæ contritio: immo suscipere alia Sacramenta cū sola cōtritione nullibi videtur prohibitum; ergo idem erit de sumptione Eucharistiæ.

Dicendum tamen est 1. Non sufficere probationem fidei, vt peccator accedens ad hoc Sacramentum non peccet. Probatur 1. ex diffinitione Conc. Trid. sess. 13. can. 11. *Si quis dixerit solam fidem esse sufficientem preparationem ad sumendum sanctissimæ Eucharistiæ Sacramentum; anathema sit.*

Secundò. Ex loco 1. Corinth. 11 v. 28. adducto, *Probat autem se ipsam homo &c* Ibi enim non agitur de probatione fidei, sed cōscientiæ peccatorum, de quibus ibi Paulus reprehendit Corinthios a v. 20. vsque ad 33. quia nonnulli, ditiores Ecclesiam prophanabant in ea sumptuosam cœnam sumentes fideles alios scandalizabant, & contemptis pauperibus, quos esurientes relinquebant, crapulæ, & ebrietatis vitio ipsi vacabant.

Dicendum est 2. Debere hominem se ipsū examinare explorando diligenter cōscientiam suam, an peccatum aliquod mortale commiserit, quod si inuenerit, ab illo

## 510 QVAESTIO LXXX.

se emundare, ac purgare per dolorem, & contritionem. Probat hoc etiam locus Pauli adductus, *Probet se ipsum homo, &c.* Nam se probare, est se ipsum examinare: unde D. Thom. hic ad 5. ait, illum, qui negligens est in examinatione sui ipsius, contra id, quod dicit Apostolus *Probet, &c.* facere, & peccare, *Licet non habet conscientiam peccati, quia ipsa ignorantia est ei peccatum.* Significat etiam se ipsum probare, se emundare, ac purgare à peccatis. Unde alludit Apostolus ad probationem auri, & argenti, *Quod per ignem probatur, ut dicitur 1. Pet. 1. v. 7.* quia per ignem examinatur, an sit purum, & purgatur, si purum non est.

Si facta diligenti examinatione homo solum inueniret peccata venialia commisisse, de illis dolorem habere non teneretur, nec peccaret etiam venialiter cum illis, aut conscientia illorum accedendo ad Eucharistiam: nam ut ait D. Thom. quæst. præcedent. ar. 8. peccata venialia, prout sunt præterita, nullo modo impediunt effectum huius Sacramenti. Et sicut non tenemur illa confiteri: ita nec obligamur etiam sub veniali de illis dolere, antequam sumamus Eucharistiam. Unde S. Aug. tract. 26. in Ioan. inquit: *Peccata, & si sint quotidiana, vel non sint mortifera, antequam ad altare accedatis.*

Qui cum distractione accedit ad hoc Sacramentum, reatum peccati mortalis non incurrere docet D. Thom. in 4. dist. 12. q. 1. ar. 1. quæstiuncula 3. *Sed forte reatum venialis*



## ARTICVLVS IV. 511

*lis peccati*. Vbi illud fortè, denotare videtur non esse omnino certum S. Doctori peccatum veniale incurrere. Nonnulli ex recentioribus absolutè affirmant, nullum peccatum committi ob communionem cum distractione: quia licet attentio requiratur ad orationem, cum sit locutio ad Deum, & irreuerentiam fiat ei, si absque attentione cum illo loquamur; non tamen requiritur ad susceptionem Eucharistiæ, cum non sit locutio, sed manducatio, & iniuria non fiat cibo, si distractè sumatur. Sed communis Theologorum sententia est; venialiter peccare eum, qui cum distractione voluntaria accedit ad communionem, sicut, & qui ad eam accedit propter inanem gloriam, aut cum formali affectu ad aliquod peccatum veniale, & intentione actuali illud faciendi. Huic enim cibo, cum sit ipse Christus panis viuus, irreuerentia fit, si cum mentis distractione sumatur: nam vt ait S. Chrysost. hom. de prodicione Iudæ, fide respici, honore mirari, mente contingi, cordis manu suscipi, & haustu interiori assumi debet. Si terreni Principis irreuerentia est, non solum ipsum loquentem non attente audire, aut sine attentione cum ipso loqui, sed etiã quod ipse sua manu largitur cum distractione suscipere; quanto magis Christi irreuerentia erit, quando ad huius Principis mensam sederis, ipsum, qui se tibi largitur, indeuotè suscipere, non attendere, quæ tibi apponit, non discernere inter hunc cibum, & materialem, illumque sumere  
otio.

otiosa, & scurrilia loquendo, aut cogitando? Si dicas, hinc sequi communicantem cum distractione gratiam non recipere. Respondetur id negando: nam quamvis talis communio mala, & peccatum veniale sit; non tamen est ipsa, quæ gratiam habitualement confert, sed Sacramentum susceptum, & gratiæ habituali conferendæ per Sacramentum solum peccatum mortale obicem ponit, vt ostendimus q. præced. ar. 8.

Dicendum est tertio. Non satis esse peccatori conscientiam habenti peccati mortalis, cum accedit ad Eucharistiam, se ipsum probasse per contritionem, sed necessarium esse, tale peccatum confiteri, si copiam habet confessoris. Probatur hoc etiam ex verbis Apostoli, *Probet, &c.* nam, vt docet Concil. Trid. sess. 13. c. 7. *Eccllesiastica consuetudo declarat, eam probationem necessariam esse, vt nullus sibi conscius mortalis peccati, quantumvis sibi contritus videatur, absque premissa Sacramentali confessione ad Sacramentum Eucharistiam accedere debet, quod à Christianis omnibus, etiam ab his Sacerdotibus, quibus ex officio incumbuerit, celebrare, hæc sancta Synodus perpetuo seruandum esse decreuit, modo non desit illis copia confessoris.* Vnde sententia Cæcilianæ omnino reiicienda est tanquam erronea, nec potest vllō modo sustineri: subdit enim Concilium can. 11. vbi quod docuerat cap. 7. diffinit. *Si quis autem contrarium docere, prædicare, vel pertinaciter asserere, seu etiam publicè disputando defendere præsumpserit.*

*pserit, eo ipso excommunicatus existat.*

Aduertendum tamen est, quod ait Concilium. *Modo non desit illis copia confessoris.* Si enim desit, licite potest cōscius sibi peccati mortalis communicare non præmissa confessione, dum tamen necessitas communicandi urgeat, vt indicat, quod subdit Concilium, *Quod si necessitate urgente, &c.* Vnde, vt licite quis possit communicare, non præmissa confessione, duæ conditiones requiruntur, scilicet carentia copiae confessoris, & necessitas communicandi. Carentia copiae confessoris prouenire potest, aut ex eius absentia, aut impotentia, aut ex defectu iurisdictionis, vel ex damno, quod ab illo timeatur. Necessitas vero communicandi, aut ex officio, aut ex mortis articulo, aut ex infamia, vel scandalo consequentis ex hoc, quod homo non communicet. Concurrunt autem hæ duæ conditiones in multis casibus.

Primus est, quando Parochus ex officio tenetur in die festo celebrare, vt fideles Missam audiant, & longe distat, qui possit ipsam confiteri; tunc enim etiam si cōscientiam habeat peccati mortalis, potest contritus, & non confessus celebrare. Si quæras quantum debeat distare confessorius? Respondetur, non posse certam, & generalem regulam præscribi: nam distantia, quæ respectu huius, aut hoc tempore non est sufficiens, respectu alterius, aut alio tempore sufficit. Quare hoc obseruandum est, vt res prudenter determinetur, illum habe-

re confessorē distantem, qui non potest ipsum adire, aut ob infirmitatē corporisue imbecillitatem, aut ob temporis, niuium, scilicet pluuiarū, ac inūdationum rigorem, aut ob latronum in itinere existentium periculum, aut ob alias siuiles vrgentes causas. Præcipit autem Concilium, vbi supra: *Si necessitate vrgente Sacerdos, absque præuia confessione celebrauerit, quam primum confiteatur.* Hoc est, prima data occasione: Quod præceptum ad laicos, & non Sacerdotes, qui absque præuia confessionē vrgente necessitate communicauerint, extendendum non esse communiter dicunt Doctores; ij enim non quam primum, seu prima data occasione tenentur confiteri, sed possunt differre confessionem quousque necessitas comunicandi iterum instet. Et idem videtur esse de Sacerdotibus, qui non celebrando communicant, cum solum dicatur, *Si Sacerdos celebrauerit.*

Secundus est, quando morti proximus tenetur Viaticū sumere, & non adest Sacerdos, nisi forte, qui non potest absolutionem proferre, quia est mutus, aut qui non valet confessionem etiam nutibus factam percipere, ac poenitentem, sine interprete intelligere: tunc enim licitè potest Eucharistiā accipere, absque confessione cum sola contritione peccati mortalis, cuius habet conscientiam.

Tertium proponit M. Victoria in sum. num. 79. *Si ego habeam casus reservatos, & non est Episcopus præsens, & si non celebrabo in*

*fa-*

## ARTICVLVS IV. 515

*famor, possum celebrare, sine confessione peccati reservati. Ob carentiam scilicet confessarii non habentis iurisdictionem, & potestatem absoluen- di à tali peccato, & ob infamiam, quæ ex non celebratione incurritur. Idem sentiunt M. Soto in 4. d. 12. q. 1. ar. 4 circa finem, & alij. Quod verum esse existimo. etiam si peccatum reservatum annexam habeat excommunicationem, vt patet ex ex dictis à nobis de hæretico occulto 2. 2. q. 11. ar. 4. dub. vnico, con. 2, vnde, quod ait M. Soto loco proximè citato: Excommuni- cato, nec propter officium, nec propter scanda- lum, aut generale præceptum Ecclesiæ de com- munionem licet ad Sacramentum accedere; In- telligendum est de excommunicato publi- co, & notorio. Si ego præter peccatum re- seruatum haberem alia peccata morta- lia, non possem sine confessione illorum ce- lebrare: nec prædicti Auctores oppositum dicunt, cum solum loquantur de peccato reservato. Nam eo ipso, ac possum pecca- ta mortalia confiteri, & de illis directè ab- solui, teneor confiteri ad digne communi- candum ex vi illius præcepti, Probet autem se ipsum homo, vt declaratur à Concil. Trid. Vnde cum in casu posito possim de pecca- tis mortalibus confiteri, & de illis directè absolui, quamuis sint coniuncta cum pec- cato reservato, quod non possem scandalo, & infamia ex omissione celebrationis defi- ciente; in tali casu etiam teneor illa confi- teri, ac per consequens, vt integra sit con- fessio, ipsum etiam casum reservatum; sic*

vj Y que

516 *QVÆSTIO LXXX.*

quæ manebo ab omnibus absolutus, à non reſeruatis quidem directè, à reſeruato autem indirectè. Si præter peccatum reſeruatum ſolum haberem peccata venialia, non teneor præmittere confeſſionem: quia quamuis poſſim illa confiteri, & de illis abſolui; non tamen teneor confiteri, vt communicem, & obligatio præmittendi confeſſionem ante communionem in caſu poſito nõ eſt propter peccatum reſeruatum; alias ſi illud eſſet ſolum, talis obligatio eſſet, ſed propter peccata, à quibus directè poſſum abſolui; ſicque illam non inducunt peccata venialia, etiam ſi illis directè abſolutis, abſolueretur etiam peccatum reſeruatum indirectè: ſed ſolum peccata mortalia nondum confeſſa; de confeſſis enim, & abſolutis eadem eſt ratio, ac de venialibus.

Quartus eſt, quando mulier, quæ commiſit adulterium, debet in die Paſchæ cõmunicare, alias totus populus ſcandalizabitur, & non habet alium confeſſarium, niſi de quo prudenter timet fore ipſam ad inhoneſta ſolicitatum, aut eius peccatum reuelaturum, aut illi graue aliquod damnum illaturum; poteſt ſine confeſſione cum ſola contritione communicare. Similis eſt caſus, quando Sacerdos cum ſocijs iter agit in die feſto, & videt ſocios ſcandalizandos ſi non celebrat; & vt ipſi audiant Miſſam; poteſt etiam ſi conſcientiam habeat peccati mortalis celebrare ſolum contritus, ſi non habet copiam confeſſoris. Nonnulli

## ARTICVLVS IV. 517

recentiores in hoc secundo casu necessariū esse dicunt scandalum ; in primo tamen non requiri, sed sufficere necessitatem præcepti communionis : quia quamvis sit iuris humani, & præceptum de præmittenda confessione iuris diuini, potest vt illud impleatur mulier prædicta communicare, nō præmissa confessione : sicut, & vt quis impleat præceptum Ecclesiasticum de confessione annua, potest confiteri non integrè, si nullus sit Sacerdos, cui possit integrè cōfiteri, quamvis integritas confessionis sit præcepti diuini. Sed ego nullam quantum ad hoc video differentiam inter primum, & secundum casum. Vnde Mag. Soto, vbi supra, & alij dicunt, in vtroque casu confundendam esse rationem scandali, & non sufficere necessitatem præcepti Ecclesiastici : quia quādo concurrūt duo præcepta, alterū Ecclesiasticum, & alterum diuinum non compatibilia, diuinum est seruandum, & exculatur homo a præcepto Ecclesiastico ; Quapropter, nec in casu pro exemplo adducto, si nullum esset scandalum in omissione præcepti annuæ confessionis, posset homo confiteri non integrè, sed confessionem differre deberet, quousque esset Sacerdos, cui integrè confiteri posset.

Dicendum est quarto. Præceptum, quo conscientiam habens peccati mortaliter tenetur præmittere confessionem ante communionem, esse diuinum. Probatur 1. ex verbis enim Concilij Trid. con. 3. relatis constat, Ecclesiasticam consuetudinem declar-

raf.

ratte, præceptum traditum ab Apostolo illis verbis, *Probat autem se ipsum homo, &c.* Intelligendum esse de probatione, quæ fit per Sacramentalem confessionem: & Paulus non tradidit præceptum proprium, sed quod accepit à Domino; ergo, &c.

**Secundo.** Quia alias Sum. Pontifex posset in hoc præcepto, sicut, & in alijs iuris humani dispensare: sed hoc est falsum, quia non potest occurrere rationabilis causa dispensandi, & dispensatio, ut licite fiat requirit causam rationabilem; ergo, &c.

Si quæras, an hoc præceptum sit iuris diuini naturalis, aut positiui? Respondetur tantum esse iuris positiui: nam non sequitur ad naturam huius Sacramenti, cum potuerit à Deo ordinari, ut cum sola contritione, & debita reuerentia ad Eucharistiã accederet homo. De facto tamen præcepit Christus, ut nullus conscius sibi peccati mortalis accedat ad hoc sacramentum, nisi se ipsum prius per confessionem probet: hocque ob specialem rationem, quia ipse in illo verè, & realiter existit.

Ad argumenta autem Caiet. respondetur. ad 1. negando minorem: quamvis enim confessio fiat Sacerdoti, & hic absoluat penitentem à peccatis, hoc non tollit, ut per confessionem homo se ipsum probet, sicut, & per contritionem: immo, ut ait Conc. Trid. ubi supra probatio, de qua loquitur Apostolus, & quæ iuxta eius præceptum necessaria est ei, qui sibi conscius est peccati mortalis, non solum debet fieri per con-  
tri-



## ARTICVLVS VI. 519

tritionem, sed etiam per Sacramentalem confessionem.

Ad 2. respondetur negando min. nam cum actus ille sit contra præceptum affirmatiuum, quod non obligat pro semper, sed quando est oportunitas, & possibilitas, solum est peccatum mortale, quando habetur copia confessarii, quia tunc solum est oportunitas, & possibilitas præmittendi confessionem ante communionem.

Ad 3. respondetur negando consequentiam: quia cum Sacramentum hoc realiter contineat Christum, eius sumptio maiorem præparationem requirit, quam susceptio, & ministratio aliorum Sacramentorum.

Circa articulum quintum nihil se offert dicendum.

## ARTICVLVS VI.

*Vtrum Sacerdos debeat denegare corpus Christi peccatori petenti.*

**Conclusio est negans.**

**I**ntelligenda est, ut eam D. Thom. explicat, de peccatore occulto; huic enim petenti sacra Communio non potest licite denegari. Cuius rationem reddit S. Doct. Cū enim quilibet Christianus, ex hoc ipso, quod est

## 520 QVÆSTIO LXXX.

*est baptizatus, sit admissus ad dominicam mensam, non potest ei ius suum tolli, nisi pro aliqua causa manifesta. Nec obstat, neminem habere ius ad aliquid, quod cedit in iniuriam innocentis, & peccatorem non posse communicare, sine iniuria Sacramenti, & ipsius Christi. Respondetur enim, si constaret Christianum per peccatum mortale amisisse ius, quod habet ad percipiendam Eucharistiam, & perceptionem eius cedere in iniuriam Sacramenti, & Christi, denegandam esse ei communionem: quia tamen dum eius peccatum est occultum, id non constat in facie Ecclesiæ, non potest ei in publico denegari, sicut nec dum rei innocentia non constat in iudicio, potest in eo absolui, & actoribus negari, quod petunt, ut diximus 1. 2. quæstione 67, ar. 2. quamvis iudex priuata scientia sciens illum innocentem esse, possit eius liberationem procurare. Cuius simile potest etiam in nostro casu facere Sacerdos, ait namque D. Thom. hic: *Potest Sacerdos, qui est conscius criminis, occultè monere peccatorem occultum, vel etiam in publico generaliter omnes, ne ad mensam Domini accedant: antequam de peccatis poeniteant, & Ecclesiæ reconcilientur.**

Quando peccator occultus occultè petit communionem, ait D. Thom. in 4. d. 9 q. 1 ar. 5. quæstiunc. 1. *Debet denegare, scilicet Sacerdos, hocque etiam si Sacerdos sciatur peccatum alicuius per confessionem. Quod non est sigillum confessionis aperire, nec exprobrare*

## ARTICVLVS VI. 521

brare peccatori ipsi peccatum in confessione cognitum : nam hoc propter alias causas potest fieri ; propter quas etiam potest qui per confessionem scit peccatum , & indignitatem alicuius , non conferre illi beneficium , & qui per confessionem agnouit poenitentem velle ipsum occidere , potest ei denegare gladium . Oppositum huius docet M Soto in 4.d.12.q.1 ar.6. Potissimum si Sacerdos non aliter , quam per confessionem scit crimen : nam vix potest abnegatio fieri , quin esset quidam obiectio , & exprobratio confessi criminis . Quod licet probabile sit ; opinionem tamen , quam docuimus cum D.Thom. communem esse inter Thomistas , fatetur prædictus Magister .

De peccatoribus publicis inquit D.Tho. hic : *Manifestis peccatoribus non debet etiam petentibus sacra communio dari .* Quod probat optimo S. Cyprijani testimonio . Vide etiam S.Chrysost. hom.81 in Matth. circa finem . Est tamen difficultas , qui censendi sint publici , & manifesti peccatores ? D. Th. hic ita explicat : *Scilicet per euidentiam facti , sicut publici usurarii , aut publici raptores ; vel etiam per aliquod iudicium Ecclesiasticum , vel seculare .* Nos 2.2.q.73.ar.2.dub.2. con.3.id latius explicuimus . Vide ibi .

## ARTICVLVS VII.

*Utrum nocturna pollutio aliquem  
impediat à sumptione huius  
Sacramenti,*

**Conclusio est affirmans.**

**T**ripliciter potest nocturna pollutio contingere. Primo sine vilo peccato. Secundò cum peccato veniali. Terziò cum mortali peccato. Quod ex causa illius discernendum est: nam peccatum esse non potest sine libertate; quod vero in somnis accidit, non potest esse liberum nisi in causa. Si ergo causa sit sine vilo peccato etiam ipsa pollutio sine peccato est. Si causa sit cum peccato veniali, etiam pollutio ipsa est, cum veniali peccato. Si causa sit cum peccato mortali, etiam pollutio est cum mortali peccato. Nam ut ait M. Soto in 4.d.12.q.1.a.7. pollutio nocturna nō est peccatū per culpā, & maculā distinctam ab ea, quæ est in causa, sed vnica est ratio peccati emanās à causa ad effectū sicut, & in actu interiori, & exteriori. Propter hoc D. Thom. hic dicit: *Quamuis nocturna ipsa pollutio secundum se considerata peccatum mortale esse non possit: nihilominus tamen ratione sua cause quandoque habet peccatum mortale annexum.* Hoc est denominatur; & est peccatum mortale à macula, quæ

## ARTICVLVS VII. 523

quæ est in causa, vt Mag. Soto vbi supra exponit. Vbi, & subdit, maculam debere persistere, & libertatem persenerare saltè virtualiter. Ex quo fit, *Quod si quis in vigilia causam daret pollutioni futura in somno, sed tamen antequam dormiret, eum legitimè facti pœniteret, pollutio in somno subsequens non esset peccatum, eo quod causa fuerit intercisâ.*

Hoc supposito duo dicit Diu. Thom. de pollutione, & causa eius. Primum est: Si sit sine peccato, vel cum peccato veniali, non ex necessitate impedit sumptionem huius Sacramenti: ita scilicet, quod homo sumendo sit reus corporis, & sanguinis Domini. Secundum est, Si sit cum peccato mortali impedit ex necessitate. Hoc secundum dictum certum est intelligendum esse de peccato mortali nondum per legitimam pœnitentiam deletum, & de necessitate præcepti, & de impedimento sub reatu peccati mortalis. ita vt sensus sit: si pollutio sit peccatû mortale, quod nondum est per legitimam pœnitentiam deletum impedit ex necessitate præcepti, & sub reatu peccati mortalis; peccat enim mortaliter, qui cû cōscientia talis peccati accedit ad Eucharistiam. Si reatus culpe mortalis esset a pollutione ablatum per cōtritionem, & confessionem, nō hoc modo impedirét, sed solum eo modo quo impedit pollutio, quæ est sine peccato, vel cum solo peccato veniali, vt colligitur ex solutione quarti argumenti. De qua pollutione dicit Diu. Thom. in primo dicto, non impedire ex necessitate.

Quod

524 **QVÆSTIO LXXX.**

Quod quidam intelligunt, sub nullius peccati etiam venialis reatu impedire, alias enim ex necessitate impediret, cum necesse sit peccatum veniale vitare, & nunquam liceat illud committere. Vnde de coniugatis dicit S. Doct. hic ad 4. cum S. Greg. eos, qui paulo ante communionem conjugaliibus vacauere amplexibus, suo iudicio relinquendos esse, ut scilicet si velint ad communionem accedant: quia coitus conjugalis solum impedit secundum congruitatem, & non secundum necessitatem, ex quo aperte colligitur, non impedire ex necessitate, idem esse ac sub nullius peccati etiam venialis reatu impedire; nam si solum esset non impedire sub reatu peccati mortalis, non propterea relinquendi essent suo iudicio tales coniugati, non enim sunt relinquendi, ut peccent venialiter. Nec obstat, quod cum eodem S. Greg. subiungit D. Thom. tales coniugatos prohibendos esse, ne accedant ad hoc sacramentum, si non amor procreandæ sobolis, sed voluptas dominatur in opere: nam hoc intelligendum est, prohibendos esse, non precepto sed consilio. Non obstat etiam, quod in primo dicto ait D. Tho. pollutionem, quæ est sine peccato, vel cum peccato veniali, non impedire ex necessitate, ita scilicet, quod homo sumendo fit reus corporis, & sanguinis Domini: nam etiam sumendo indigne venialiter, aliquo modo est reus corporis, & sanguinis Domini, cum eiusdem speciei peccatum sit sumere indigne

gne venialiter, ac sumere indigne mortaliter, & hæc solum distinguantur propter leuitatem, & grāuitatem materiæ, vel illud addidit D. Thom. propter affirmationem secundi dicti, in quo loquitur de necessitate præcepti sub reatu peccati mortalis. Specialiter autem nullum esse peccatum, etiam veniale communicare statim post pollutionem in somnis, aut in vigilia habitam, ablata culpa etiam mortali illius per contritionem, & confessionem, probant prædicti Auctores. Tum quia Apostolus, & Concil. Trid. nullam aliam præparationem requirunt, vt homo de pane illo edat, & de calice bibat, & digne communice, nisi probationem, quæ fit per contritionem, & confessionem. Tum etiam quia post commissā alia peccata mortalia, statim ac culpa eorum ablata est per confessionem, sine vilo peccato potest sumi Eucharistia, alias condemnandi essent multi viri timorati cōscientiæ, qui licet commiserint aliquod peccatum mortale ipsa die communionis, non propterea se abstinēt a communione, sed illud confitentur, & communicant, vel celebrant; ergo, & post pollutionem mortaliter culpabilem, aut fornicationem, quæ licet ob corporalem immunditiam, & distractionem mentis ex illa consecutam, etiam ablata culpa aliquo modo impedit, non tamen impedit ex necessitate, aut sub reatu peccati alicuius etiam venialis, sed solū ex quadā cōgruitate, sicut, & aliæ immunditiæ, & sordes corporales faciei, & manuum.

Hæc

Hæc intelligentia, & doctrina mihi probabilis videtur, sed probabiliorem, & Diu. Thom. conformiorem esse iudico eam, quæ præsertim inter Thomistas communis est, nempe D. Thom. per non impedire ex necessitate solum intelligere in primo dicto impedire sub reatu peccati mortalis, hoc enim indicat quod ait: *Ita scilicet, quod homo sumendo sit reus corporis, & sanguinis Domini.* Nam reatum peccati mortalis significat. Vnde licet nimis rigidum, & scrupulosam censem, quod ait Nauarrus de pœnit. d. 6. cap. 1. cum Marfilio in 4. d. 6. a. 4. peccatum mortale esse statim, immo eadem die post pollutionem, quæ est sine peccato, aut cum solo veniali, vel quæ licet fuerit cum peccato mortali, reatus culpæ ablatum est per confessionem, accedere ad Eucharistiam sine aliqua urgente, vel honesta causa: verum tamen esse existimo, peccatum veniale esse. Id enim docet D. Tho. in 4. d. 9; q. 1. art. 4. quæstiuncula 2. ubi loquens de eo, qui ex cogitatione turpium pollutionem passus est, ait: *Si expresse inueniat consensum non præcessisse, & necessitas urgeat, aut aliqua causa potior reformet actum, potest accedere, aut etiam celebrare non obstante corporali immunditia, aut hebetatione mentis: alias si necessitas non incumbat, videtur non exhibere debitam reuerentiam sacramento; non tamen si celebrat, mortaliter peccat, sed venialiter.* Necessitas urget, quando sine nota communio, vel celebratio omitti nequit. Causa potior reformat actum, quan-



quando causa cogitationis turpium eligenda est non obstante pollutione, ac per consequens hebetudine mentis inde consecuta, sicut hac non obstante eligenda est audientia confessionum, aut studium necessariū. Quando pollutio fuit peccatum mortale, sed per contritionem, & confessionem reatus culpæ ablatuſ est, dicit ibidem ad 2. S. Doctor: *Non esset consulendum alicui, quod statim post peccatum mortale etiam contritus, & confessus ad Eucharistiam accederet, sed deberet, nisi magna necessitas urgeret, per aliquod tempus propter reuocentiam abstinere.* Vbi illud, *Non esset consulendum*, licet iuxta primam sententiam dici possit, fuisse dictum quia tale peccatum post confessionem impedit ex consilio; melius tamen asseritur iuxta hanc secundam sententiam, dictum fuisse, quia nisi magna vrgeat necessitas impedit sub reatu venialis peccati, & peccatum veniale non est consulendum. Et quāuis M. Soto in 4. d. 12. quæst. 1. ar. 7. circa finem propositione 3. inquit, eadem sit ratio de alijs peccatis mortalibus, ac de pollutione siue in somnis, siue in vigilia mortaliter culpabili; pollutio tamen peculiarem secum affert indecentiam ratione forditatis, & euagationis mentis, ob quam potius, quam alia peccata, impedit accessū ad Eucharistiam. Apostolus vero, & Concilium Trid. requirunt quidem probationem, quæ fit per contritionem, & confessionem; supponunt tamen accessum ad Eucharistiam post talem probationem debere

bere fieri propter debitum finem ; & cum debita reuerentia Sacramenti . Vnde sicut peccaret venialiter, qui post confessa peccata mortalia communicaret ob inanem gloriam : ita venialiter peccaret, qui post commissum peccatum mortale praesertim pollutionis voluntarie, aut fornicationis, statim etiam contritus, & confessus ad Eucharistiam sine causa legitima, & necessitate accederet, quia non accederet cum debita reuerentia Sacramenti, quod maximam puritatem, & munditiam requirit. Quod si coniugat, etiam si non sint mundi à mulieribus, suo iudicio relinquendi sunt, ut hic ad 2. cum S. Greg. dicit D. Thom. hoc ideo est, quia causa procreandæ sobolis actum reformat, quantumvis consulendi sint, ut eo die, quo conjugalibus amplexibus vacauerent, non communicent. Quæ causa si non adesset, sed propter voluptatem, & delectationem actum matrimonij exercuissent, prohiberi deberent ne accedant ad Sacramentum ; ut cum eodem S. Greg. dicit ibidem D. Thom. quia scilicet rei essent peccati venialis, hocque incurrerent, nisi necessitas communicandi urgeret, causa enim voluptatis, & delectationis non potest actum reformare.

## 529

# ARTICVLVS VIII.

*Vtrum cibus vel potus præassumptus  
impediat sumptionem huius  
Sacramenti.*

**Conclusio est affirmans.**

**I**mpedit cibus, vel potus præassumptus sumptionem huius Sacramenti, non secundum se, sicut illam impedit peccatum mortale, sed propter prohibitionem Ecclesiæ, eiusque morem vim legis habentem: ait namque S. Augustin. Epist. 118. & refertur Can. *Liquido*, De consecrat. d. 2. *Placuit Spiritui Sancto, ut in honorem tanti Sacramenti, prius in os Christiani Dominicum corpus intraret, quam ceteri cibi. Nam ideo per universum orbem mos ille servatur: Irridet hunc morem: Lutherus cuius præcipua argumenta sunt: primum, & secundum huius articuli. Sed ipse potius irridendus est, qui machinis argumentorum iam ante ipsum hic à D. T. confectis, conatur firmissimum murum moris, seu legis Ecclesiæ euertere. Superuacaneum mihi videtur cum illo contendere, præsertim cum ab alijs, & inter illos à Mag. Soto in 4. d. 12. q. 1. art 8. optime sit impugnatus.*

*Ex prædicto more colligitur, quod hic ad 4. dicit D. Thom. ieiunium, quod requiritur*

j      Z      gatur

530 **QVAESTIO LXXX.**

ritur ad sumendum hoc Sacramentum, esse ieiunium naturæ, *Quod importat privationem cuiuscunque præassumpti per modum cibi, vel potus.* Vnde qui post assumptum aliquid cibi, vel potus non ieiunus ieiunio naturæ communicat, mortaliter peccat, nisi inaduertentia, aut ignorantia eum excuset. Ob quam Caiet. in sum. verbo *Communio*, excusat quendam bonum Sacerdotem, qui nesciens distinguere inter ieiunium Ecclesiæ, & ieiunium naturæ pro reuerentia sacramenti præaccipiebat nucem muscatam. ut bonum odorem stomachi Eucharistiæ prepararet.

Hinc infert D. Thom. *Et ideo neque post assumptionem aqua, vel alterius cibi, aut potus, vel etiam medicina in quantumcumque parua quantitate licet hoc Sacramentum accipere. Nec refert utrum aliquid huiusmodi nutriat, vel non nutriat, aut per se, aut cum alijs, dummodo sumatur per modum cibi, vel potus.* Vbi aduertendum est, illud sumi per modum cibi, vel potus, quod sumitur eo modo, quo cibis & potus sumitur, comedendo scilicet, vel bibendo. Et quia quando aqua, vel tabacum sumitur per nares, non sumitur comedendo, & bibendo, dicunt multi non impedire sumptionem Eucharistiæ, etiam si in stomachum transmittatur, sicut nec impedit clysteris acceptio, etiam si vsque ad stomachum perueniat ius. Idem dicunt quando per modum respirationis attrahitur aliquid, etiam si possit nutrire, vel alterare, ut eulex, musca, vel quid simile: proba.

babile etiam esse asserunt nonnulli, eum qui parum papiri, aut alterius rei non comestibilis, vt ligni, vel vnguium propriarū inaduertenter deglutiret, posse communicare. Secus esse dicunt de mulieribus, quę terram, aut carbones, vel aliud simile comedunt: nam quamuis non sit comestibile, nec nutriat, sumitur tamen per modum cibi, aut delectabilis, aut quasi medicinalis, vt colorem minuat.

De reliquijs cibi, vel potus remanentibus in ore subdit D. Thom. *Reliquiæ cibi remanentes in ore, si casualiter transglutiantur, nō impediunt sumptionem huius Sacramenti: quia non traſſciuntur per modum cibi, sed per modū saluæ. Et eadem ratio est de reliquijs aquæ, vel vini, quibus os abluitur, dummodo non traſſciantur in magna quantitate, sed permixta saluæ, quod vitari non potest.* Quidam attendentes illud, *Si casualiter transglutiantur*, existimant, mentem D. Thom. esse, si ex intentione, aut industria transglutiantur, manere hominem impeditum a sumptione Eucharistiæ: quia tunc non sumuntur per modum saluæ, sed per modum cibi. Alij considerantes D. Thom. non expressè hoc dixisse, putant non esse alienum ab eius mente, si prædictæ reliquiæ cibi transglutiantur voluntariè, non impedire communionem: quia non propterea sumuntur per modum cibi, sed per modum saluæ, nisi tam magna esset reliquia cibi, vt dentibus frangi, ac diuidi posset: alias nec reliquias aquæ, vel vini in parua quantitate permi-

itas saluæ aduertéter deglutire posset, quis ante communionem, sed deberet semper expuere, quousque nihil humiditatis aquæ, vel vini sentiret in ore, quod nimis scrupulosum videtur.

A quo tempore prædictum ieiunium naturæ debeat incipere, explicat D. Thom. hic ad 5. dicens: *Ecclesia Romana diem à media nocte incipit. Et ideo si post mediam noctem aliquis sumpserit aliquid per modum cibi, vel potus, non potest eadem die hoc sumere sacramentum: potest vero, si ante mediam noctem.* Hinc inferunt nonnulli, illum, qui audita hora noctis duodecima (quæ apud Hispanos, & alios mediam noctem indicat;) aliquid comederit, vel biberit, non posse factò mane communicare, etiam si dubitet an sit media nox, quia postea alia horologia horam duodecimam putauerunt. Alij communicare posse existimant: quia diuersorum horologiorum sonitus perinde se habent, ac si essent duæ opiniones probabiles, quarum vtramque licet sequi; nisi forte vnum regulariter erraret, Vbi vero vnum tantum est horologium, asserunt statim, ac primus pulsus horæ auditur, teneri eum, qui comedit, statim buccellam de ore proijcere, si velit sequenti die communicare, quia quando primus pulsus auditur, iam est hora expleta. Subdunt tamen nonnulli, si quis est dubius, an noctis medium comedendo excefferit, posse die sequente communicare; & idem est si dubitat an os abluendo guttam aliquam deglu-

tic;

tierit : quia lex Ecclesiastica de ieiunio seruando à communicaturis nō videtur tam arctè constringere conscientias in casu dubio, quæ sententia similis videtur ei, quam retulimus 1.2 q. 19. art. 6. dub. 5. con. 3. eam qui dubitat an fecerit aliquid pro quo statuta est pœna excommunicationis, posse celebrare.

Post communionem, dicit D. Thom. hic ad 6. licet secundum antiquos canones statutum fuerit, vt communicantes aliquot horis abstinerent à cibo, & potu; hoc tamen per contrariam consuetudinem esse abrogatum : *Debet tamen esse aliqua mora inter sumptionem huius sacramenti, & reliquos cibos. Vnde & in Missa oratio gratiarum actionis post communionem dicitur. Quibus vltimis verbis indicat S. Doct. tempus, quod in Missa est inter communionem, & Missã expletam esse sufficientem moram. Vnde Mag. Soto vbi supra ait : Quantum ad precepti necessitatem attinet, à Sacristia potest Presbyter ad prandium ire. Et D. Thom. in 4. d. 8; q. 1. art. 4. quæstiunc. 3. inquit : Statim potest aliquis cibos alios sumere post Eucharistiã sumptionem.*

Quamuis autem ea, quæ diximus verã sint, inquit D. Thom. ad finem corp. artic. *Ab hac tamen generali regula excipiuntur infirmi, qui statim communicandi sunt, si de eorũ periculo dubitatur, ne sine communionem decedant : quia necessitas legem non habet. Vnde dicitur de consecrat. dist. 2. Presbyter infirmum statim communique, ne sine communionem moria-*

534 **QVAESTIO LXXX.**

*tur*. Idem est de damnatis ad mortem, quamuis ij si præscierint eodem die morituros, teneantur ieiunare, donec communicauerint, quia commodè possunt.

Si quæras, an in eadem infirmitate possint infirmi non ieiuni post sumptum Viaticum communicare? Responderi solet communiter, posse, dummodo inter vnam, & alteram communionem mediet tempus sex, vel octo dierum. Non desunt tamen, qui dicant, si mortis periculum semper instat, posse etiam altero die post Viaticum sumptum, & deinceps quotidie communicare non ieiunum: quia in mortis periculo non solum permittitur non ieiuno communicatio, vt possit implere præceptum accipiendi Viaticum, sed etiam, quia moriturus valde indiget huius sacramenti præsidio.

Cauenda est tamen opinio Maioris assertantis, licet Presbytero, ne infirmus sine Viatico moriatur, consecrare post prandium hostiam; immo, & buccellam panis fermentati, si nõ esset hostia ex azymo, hocque secreto sine vestibus sacris, & sine Missa per sola verba consecrationis. Hanc enim sententiam optimè impugnat Mag. Soto vbi supra circa finem articuli, quem vide.



## ARTICVLVS IX.

*Utrum non habentes vsum rationis  
debeant suscipere hoc Sa-  
cramentum.*

**Conclusio est affirmans.**

**I**ntelligenda est de his, qui non perfectū, sed debilem habent vsum rationis, & de his, qui licet actu non habeant, habuerunt tamen aliquando perfectum rationis vsum, quales sunt phrenetici; quibus in mortis articulo hoc Sacramentum exhiberi debet, ni si timeatur periculum vomitus, vel exputationis.

De his verò, qui nunquam habuerunt vsum rationis, inquit D Thom. *Talibus non est hoc Sacramentum exhibendum: quia in eis nullo modo precessit huius Sacramenti deuotio.* Huiusmodi dicit ad 3. esse perpetuo amentes; & pueros recentem natos; *Quamuis quidam Græci contrarium faciunt.* Quibus verbis non damnat consuetudinem exhibendi paruulis Eucharistiam; non enim ait Concil. Trident. sess. 21. cap. 4. *Damnanda est antiquitas, si eum morem in quibusdam locis aliquando obseruauit.* Sed solum intendit, non obstante illorum Græcorum consuetudine, non esse dandam Eucharistiam paruulis, sicut eis non dat Ecclesia Romana; cuius consuetudo rationabilior est. Aut

fi damnat illorum Græcorum consuetudinem, hoc ideo est, quia forte existimabāt illud esse necessarium ad salutem paruulorum, sicut, & hæretici nostri temporis, contra quos diffinit Concil. Trident. sess. 21 can. 4. *Si quis dixerit, antequam ad annos discretionis peruenerint, necessariam esse communionem; anathema sit.*

Si quæras, an si infantibus detur communio, gratia in eis augeatur? Caietanum cum opinetur ad recipiendum effectum huius Sacramenti requiri actualem deuotionem, negando respondet. Mag. Soto in 4. dist. 12. art. 9. ait: si verum esset, Ecclesiam Catholicam aliquando habuisse in consuetudine dare infantibus Eucharistiā, certum esse si modo daretur conferre gratiam; sed quia illud non est adeo certum, posse tñeri, non conferre gratiam, si daretur infantibus: quia requirit actum liberū præsentem, vel præcedentem. Sed communis sententia est, infantes si daretur eis communio, recepturos augmentum gratiæ: nam Concilij Trident. vbi supra ait, nō esse damnandam antiquitatem, si in quibusdam locis morem dandī paruulis Eucharistiā aliquando obseruauit: at damnanda esset, si Eucharistia non contulisset paruulis augmentum gratiæ, nam non licet dare alicui Sacramentum, qui non est capax effectus illius; ergo sicut modo, quando datur phreneticis, gratiam in illis augeat, ita, & augeret paruulis, si eis daretur. Cōfirmatur, Sacramenta conferunt gratiam  
non

## ARTICVLVS IX. 537

non ponentibus obicem: sed paruuli baptizati non ponunt obicem huic Sacramento; ergo si eis daretur, augmentum gratiæ obtinerent. Et non est eadem ratio, si adulto dormienti, & omnino ignoranti daretur Eucharistia: quia in hoc requiritur voluntas sumendi illam præsens, aut præcedens; in paruulis vero sufficit aliena voluntas, sicut, & ad Baptismum, quem cum recipiunt, ordinantur ab Ecclesia ad Eucharistiam.

Circa articulum decimum nihil se offert dicendum.

## ARTICVLVS XI.

*Vtrum liceat omnino à communionē cessare.*

**Conclusio est negans.**

*Dubium. Quando teneatur homo cōmunicare.*

**D**Vplici præcepto tenetur homo aliquando cōmunicare: licet enim D. T. in 4. d. 9. q. 1. art. 1. quæstiuncu. 2. videatur obligationem diuini præcepti nō admittere; hic tamen eam esse docet dicens: *Manifestum est, quod homo tenetur hoc Sacramentum sumere, non solum ex flatu Ec-*

*eleſſe, ſed ex mandato Domini dicentis Luca 22. Hoc facite in meam commemorationem .* Explicandum eſt ergo, quando ex vi præcepti diuini, & quando ex vi præcepti Eccleſiaſtici teneatur homo communicare .

Dicendum eſt I. Ex vi præcepti diuini obligari fideles baptizatos ad cōmunicandum non ſolum ſemel in vita, ſed quoties in articulo mortis ſunt conſtituti; & præter articulum mortis aliquoties in vita . Primam partem probat optimè M. Soto in 4. d. 12. q. 1. art. 11. contra Paludanum . Nam cum hoc Sacramentum per modum cibi, & potus ordinetur ad nutritionem ſpiritualis vitæ, eius natura docet multoties eſſe ſumendum; de ratione enim alimentum eſt, vt non ſemel in vita tantum, ſed frequentius accipiatur. Vnde Eccleſia proſpiciens hanc diuini præcepti obligationem ſemper curauit, vt fideles ſæpius communicarent: in ſui quidem primordijs quotidie, poſtea ſaltem ter in anno, & modo ſaltem ſemel ſingulis annis, vt art. præced. ad 5. dicit D. Thom.

Secundam partem probat idem M. Soto ubi ſupra contra Sylueſtrum . Mos enim præbendi Viaticum infirmis per totum orbem Chriſtianum inuiolabiliter obſeruat magnum documentum eſt, ex traditione Apoſtolorum tanquam diuino iure præceptum deſcendiſſe . Vnde can. *De hiſ 26. q. 6. ex Conc. Nicæno dicitur: De hiſ qui recedunt ex corpore, antiqua legis regula obſervabitur nunc etiam; ita vt ſi forte, qui recedat*

*cedat ex corpore, necessario vita sua non defraudetur Viatico.* Necessarium autem Viaticum absolute dicitur, non nisi ratione præcepti diuini, quo tenetur homo in tempore, quo ex hac vita debet migrare, se communicare, vt contra illusiones, & pugnas dæmonum virtutem habeat, & in fortitudine cibi istius possit deambulare vsque ad montem patriæ cælestis.

Si dicas, hinc sequi, non posse vllum etiam ob sua crimina priuari Viatico. Respondetur negando sequelam: quia sicut index potest per sententiam priuare reum cibo necessario ad conseruandam vitam, quamuis reus ad vitæ suæ conseruationem teneatur præcepto iuris diuini naturalis. Ita Ecclesia potest ob iustas causas maxime ob reuerentiam huius Sacramenti priuare aliquos ob sua crimina ducendos ad patibulum necessario Viatico, ad quod accipiendum ipsi iure diuino tenentur, quamuis excusentur, quando illo priuantur, quia commodè accipere nequeunt. Nihilominus tamen, vt pia mater consuetudines hoc faciendi in nonnullis prouinciis introductas renocauit, vt patet ex c. *Super eo*, De hæreticis in 6. & ex quodam Motu proprio Pii V. edito anno 1569 in quo reuocatur consuetudo introducta in Hispania non ministrandi Eucharistiam damnatis ad mortem.

Ex his colligit Mag. Soto vbi supra, eum, qui renueret in mortis articulo hoc Sacramentum sumere, non posse a peccato mor-

tali excusari: transgrederetur enim diuinū  
 præceptum, & fideles scandalizaret. Sub-  
 dit tamen cum Paludano, si paulo ante  
 sumpsisset ex deuotione, non esse peccati  
 mortalis condemnandum, quod intelli-  
 gendum est secluso scandalo. Nec obstat, non  
 habuisse intentionem satisfaciendi obliga-  
 tioni præcepti diuini: nam vt diximus 1.  
 2. quæst. 100. art. 9. ad præcepti impletio-  
 nem non requiritur intentio actualis, & ex-  
 pressa illud implendi, sed sufficit virtualis,  
 quam habet quicumque facit, quod lege  
 præceptum est absque contrario actu, &  
 explicita volitione non implendi. Vnde  
 sicut qui audit Missam ex deuotione, igno-  
 rans esse diem festum, satisfacit obligatio-  
 ni audiendi sacrum, & licet postea aduer-  
 tat esse diem festum, non tenetur iterum  
 audire: ita qui ex deuotione communicat,  
 ignorans instare sibi mortis articulum, obliga-  
 tioni communicandi in mortis articulo satis-  
 facit. Sunt etiam qui dicant cum Caietan.  
 in Sum verbo *Communio*, illum, qui com-  
 municauit in Paschate, etiam si multo post  
 incidat in mortis periculum, non peccare,  
 mortaliter, si tunc iterum non comuni-  
 cet, dummodo contemptus desit, & scan-  
 dalum non sit. Sed hoc aliis displicet, quia  
 præcepto communicandi in articulo mor-  
 tis satisfieri nõ potest per communionem  
 tandiū præcedentem: vnde si ultra octo,  
 aut decem dies præcedat, non sufficit ad  
 impletionem præcepti sumendi viaticum  
 in mortis articulo. Si post communionem  
 paulo

paulo ante mortem sumptam aliquis peccaret mortaliter, Mag. Soto vbi supra insinuat teneri iterum communicare. Aliis videtur, sufficere ei confiteri peccatum, sicut, & illi, qui post sumptam Viaticum mortaliter peccauit: alias enim contingeret, vt eodem die teneretur secundo communicare.

Tertia pars eodem argumento, quo prima probatur; sicut enim cibus corporalis sæpius sumi debet: ita, & hoc Sacramentum, quod est cibus spiritualis. Quoties autem in vita sumi debeat, non potest certo statui. Si quis præceptum Ecclesiæ communicando singulis annis in Paschate obseruat, absque dubio etiam implet præceptum diuinum. Qui vero ad tres, vel quatuor annos communionem differt, diuinum ius violare multi dicunt.

Dixi in conclusione, fideles baptizatos nam non baptizati non tenentur præcepto diuino ad communionem, sicut nec ad confessionem, vt docet Mag. Soto in 4. d. 18. q. 1. ad 3. con. 1. & probat; *Ius diuinum supernaturale solum obligat vniuersum orbem ad suscipiendam euangelicam fidem: obligatio autem ad alia præcepta singularia Sacramento- rum non exurgit, nisi ex ipsa professione fidei, quæ fit in Baptismo: quemadmodum si quis facit votum simplex religionis, licet teneatur ad religionem, non tamen ad eius caeremonias, & officia, donec illam proficiatur.*

Huius oppositum tenent quidam recentiores, & probant 1. Præcepta diuina generalia

neratim prolata omnes capaces obligant : sed præceptum diuinum de communione generatim est prolatum , & infideles non baptizati sunt illius capaces , quia si velint baptizari , possunt illud implere ; ergo etiã illos obligat .

Secundo . Quia Christus hoc præceptũ promulgauit Capharnaitis , quorum maxima pars non erat baptizata , & tamen omnibus dicebat , *Nisi manducaueritis &c.* ergo etiam non baptizatos hoc præceptũ obligat .

Tertio . Qui sunt in peccato mortali ad communionem obligantur ; non quidem , vt communicent existentes in peccato , sed vt pœnitentiam agant , & sic communiceant ; ergo similiter non baptizati tenentur ad communionem , non quidem , vt communicet antequam Baptismum suscipiant , sed vt baptizentur , & sic communiceant ,

Sed hæc sententia falsa est . Tum propter argumentum factum à M. Soto . Tum etiam quia sancti Martinus , & Ambrosius , qui diu Baptismum distulerunt , contra præceptũ hoc diuinum communicandi peccassent mortaliter . Tum denique , quia non baptizati non tenentur ad confessionem , ergo neque ad communionem . Respondent prædicti recentiores diuersam esse rationem : quia præceptum confessionis non obligat nisi eos , qui post Baptismum in peccata mortalia sunt relapsi . Quare nondum baptizati nec capaces sunt confessionis , nec tenentur se reddere capaces : quia  
&



& si teneantur baptizari, non tamen tenentur post Baptismum peccare, & donec ita peccent eius incapaces sunt. Secus est de præcepto communionis, quia omnes videntes ratione tenentur se capaces reddere huius sumptionis. Hæc tamen solutio multa continet falsa. Quod enim asserit, præceptum confessionis non obligare nisi eos, qui post Baptismum in peccata mortalia sunt relapsi, videntur esse contra diffinitionem Concil. Trid. sess. 6. can. 2. *Si quis hominem iustificatum, & quantumlibet perfectum dixerit non teneri ad observantiam mandatorum Dei, & Ecclesie; anathema sit.* Quamuis enim præcepta affirmatiua non obligent pro semper; obligant tamen semper pro tempore, quo instat eorum adimpletio, illisque pro tali tempore tenentur, & subiecti sunt omnes, qui iurisdictioni imponentis illa sunt subiecti, quamuis iusti, & sine peccato sint, vt diximus 1. 2. q. 96. art. 5. dub. vnic. in principio. Deinde quod dicit, homines fieri capaces confessionis, per peccata falsissimum est: non enim per peccata, sed per Baptismum, qui est omnium Sacramentorum ianua, confessionis capaces fiunt: & quamuis antequam peccent, non indigeant confessionis medicina, illius tamen iam capaces sunt, sicut, & cibi, & potus Eucharistiae; ergo sicut omnes videntes ratione tenentur se capaces reddere communionis, ita, & confessionis.

Ad argumenta autem prædictorum recentiorum facile respondetur. Ad 1. negan-

gando minorem: nam infideles non Baptizati non sunt præcepti communionis capaces, nisi dum Baptismum susceperint, sicque non illo obligantur, nisi post susceptionem Baptismi, sicut nec præcepto confessionis.

Ad 2. respondetur, Christum hoc præceptum Capharnaitis omnibus promulgasse, ut scirent illo teneri, non quidem immediata obligatione, sed post Baptismum, ad quod omnes immediate erant obligati: & ut ex necessitate sumptionis Eucharistiæ magis inducerentur non Baptizati ad suscipiendum Baptismum, sine quo Eucharistia sumi nequit.

Ad tertium respōdetur, eos, qui sunt in peccato mortali, obligari ad cōmunionem, quia illius iam capaces sunt, quamvis illam licite sumere non possint, nisi disponantur & per poenitentiam se ipsos probent: non baptizati vero adhuc illius capaces non sunt, & sic ad illam adhuc non obligantur, sed solum ad illam sumendam se capaces reddendū, quod est obligari ad Baptismū, quo huius Sacramenti, & aliorum capaces fiunt: sicut qui votum simplex religionis fecit, non tenetur ad officia religionis, sed ad solemnem professionem, quo se ad talia officia capacem reddat, & ad præcepta religionis obligetur.

Dicendum est secundo. Præcepto Ecclesiastico obligari ad communicandum omnes utriusque sexus fideles, postquam ad annos discretionis peruenerint, semel in anno,

## ARTICVLVS XI. 545

anno, nempe in Paschate. Patet hoc ex cap. *Omnis*, De pœnit. & remiss. vbi sic dicitur: *Omnis utriusque sexus fidelis, postquam ad annos discretionis peruenerit, omnia sua peccata saltem semel in anno fideliter confiteatur proprio Sacerdoti, & iniunctam sibi poenitentiam proprijs viribus studeat adimplere, suscipiens reuerenter ad minus in Pascha Eucharistia Sacramentum: nisi forte de proprij Sacerdotis consilio ob aliquam rationabilem causam ad tempus ab huiusmodi perceptione duxerit abstinentium: alioquin, & viuens ab ingressu Ecclesie arceatur, & moriens Christiana careat sepultura.* Patet etiam ex Concil. Trid. sess. 13. can. 9. vbi sic habetur: *Si quis negauerit omnes, & singulos Christi fideles utriusque sexus, cum ad annos discretionis peruenerint, teneri singulis annis, saltem in Paschate, ad communicandum, iuxta preceptum sanctæ matris Ecclesie: anathema sit.*

Circa quæ verba multæ se offerunt difficultates, quas hic explicare oportet, prima est, quid per annos discretionis intelligendum sit? Ad quam præter dicta 1.2. q. 96. ar. 5. dubio unico, con. 5. respondetur, per annos discretionis intelligendos esse eos, in quibus pueri, non solum sunt doli capaces, & peccare possunt, sed etiam talem discretionem habent, vt hoc mysterium capere possint, & cognoscere excellentiam huius Sacramenti, ad illudque cum debita reuerentia, & deuotione accedere, vt indicant verba illa *Suscipiens reuerenter.* Vnde Diu. Thom. in 4. d. 9. quæst. 1.2. 5. quæstiunc. 4. ait  
hoc

hoc Sacramentum posse dari pueris, *Cum sint decem, vel undecim annorum, aut circa, si in eis signa discretionis appareant, & devotionis.*

Secunda est, quid Paschatis nomine sit intelligendum? Ad quam respondetur, intelligendum, non solum diem ipsum Paschæ Resurrectionis Christi, sed etiam dies omnes à Dominica palmarum, vsque ad Dominicam in albis, ita enim declarauit Eugenij IV. vt refert Nauarrus cap. 21. numero 45. In multis etiam locis huic præcepto satisficit, qui in aliquo die quadragesimæ communicat.

Tertia est, an qui videt se impediendum, ne in Paschate cōmunicet, teneatur tempus præscriptum præuenire? Ad quam quidam negando respondent: Tum quia qui videt se impediendum ne ieiunet in Quadragesima, aut ne audiat Missam in die festo, non tenetur præuenire tempus, & ante illud ieiunare, & sacrum audire; ergo neque, qui videt se impediendum ne in Paschate cōmunicet. Tum etiam, quia alias, qui credens futurum tale impedimentum ante tempus paschale cōmunicasset, si casu illud impedimentum non superueniret; non teneretur secundo cōmunicare: sed hoc est falsum; ergo, &c. Alij affirmando respondendum esse dicunt: Tum quia colligitur ex illis verbis Concil. Trid. *Teneri singulis annis saltem in Paschate*, præceptum cōmunicandi obligat intra annum estque onus, non solum dierum Pas-

## ARTICVLVS XI. 547

Paschatis, sed totius anni, & non limitatur ad tempus Paschæ ad tollendam obligationem ante illud, si prævidetur impedimentum, sed vt ultra illud non differatur communio. Tum etiam, quia prævidet in die festo non posse audire sacrum hora duodecima, tenetur præuenire horam; ergo similiter, qui prævidet in aliquo anno non posse communicare in Paschate, tenetur tale tempus præuenire. Mihi hoc probabilius videtur. Vnde ad primam oppositæ sententiæ nego consequentiam, quia ieiunare est onus temporis quadragesimalis, & audire Sacrum est onus diei festi, & ideo non tenemur tale tempus, aut diem præuenire; communio vero non est solum totius anni, & ideo licet non teneamur præuenire annum, tenemur tamen præuenire tempus Paschæ, si in illo prævidemus nos à communione fore impedituros: sicut in die festo constituti, licet non teneamur præuenire diem, tenemur horam præuenire, si prævidemus hora duodecima fore impedituros à Missa audienda, quia obligatio audiendi Missam, non solum est onus talis horæ, sed totius mane, talis diei. Ad 2. nego maiorem: nam quilibet tenetur communicare in Paschate, & in anno, & licet obligationi communicandi in anno satisfiat communicando in Paschate, quia est aliquid anni, obligationi tamen communicandi in Paschate non satisficit communicando in anno extra tempus Paschatis: sicut, qui ex præcepto

Epil-

## 548 QVAESTIO LXXX.

Episcopi tenerentur in die festo audire Missam maiorem, si praeviderent non posse illam audire, tenerentur audire Missam priuatam, qua audita, si casu illud impedimentum non superueniret, tenerentur maiorem Missam audire, & huic obligationi non satisfecissent audiendo Missam priuatam. Alij negant minorem: dicunt enim, illum non teneri secundo communicare secluso scandalo: immo addunt, illum, qui antequam praevideret impedimentum communicauit intra annum, cum praevidet impedimentum, non teneri tunc iterum communicare, sed ad praeceptum Ecclesiae implendum sufficere primam communionem intra annum factam: sicut, qui ignorans esse diem festum audiuit Missam hora sexta, etiam si hora nona sciat diem festum esse, & praeuideat hora duodecima non posse audire sacrum, non tenetur secundo illud audire, sed sufficit illud hora sexta audiuisse.

Quarta est, an qui in Paschate non communicauit, teneatur post communicare ante Pascha sequens? Ad quam quidam affirmando respondent. Sed opposita sententia negans, quam tenent S. Anton, 3. p. tit. 14. cap. 19. §. 3. Syluester verbo *Eucharistia* 3. q. 15. M. Soto in 4. d. 18. q. 1. ar. 4. ad finem, & alij, mihi probabilior videtur. Sicut enim, qui non ieiunauit in Quadragesima, non tenetur post illam ieiunare; ita, qui non communicauit in Paschate, licet tunc peccauerit, non tenetur post communicare.

communicare ante Pascha sequens. Quod intelligendum est, nisi per censuras cogere-  
tur ab Episcopo, vt prima data occasione  
communicaret: aut nisi ante Pascha se-  
quens instaret obligatio præcepti diuini,  
quia plurimis annis communionem omi-  
ssisset.

Quinta est, an qui in peccato mortali sa-  
cilegè communicat satisfaciat præcepto  
communicandi? Ad quam quidam affir-  
mando respondent cum M. Soto lib. 2. de  
iustitia, quæst. 3. ar. 10. quia Ecclesia solum  
actum externum communionis præcipit,  
& licet iubeat reuerenter communicare,  
hoc intelligendum est de reuerentia exter-  
na; non enim præcipit Ecclesia interio-  
rem reuerentiam, cum sit valde difficilis,  
nec communionem spirituales, ad quam  
pertinet dispositio interior, quæ non est de  
ratione sumptionis sacramentalis, sicut at-  
tentio est essentialis orationi, & formæ  
integritas confessioni. Vnde sicut, qui cum  
affectu ad peccatum mortale, & sacrilegè  
baptizatur, aut confirmatur, præceptum  
Baptismi, & confirmationis implet: ita, &  
qui eodem modo communicat, implet  
præceptum communionis, quia realiter, &  
verè recipit Sacramentum, quod solum  
præcipit Ecclesia. Alij negando respondent  
cum Durando in 2. d. 28. q. 4. & Adriano in  
4. quæst. ult. de confessione: nam cum præ-  
ceptum Ecclesiæ sit quædam determina-  
tio præcepti diuini, videtur, Ecclesiam ta-  
lem communionem præcipere, qualem  
Chri-

## 550 QVÆSTIO LXXX.

Christus præcepit, nempe piam, & religioſam, vt denotat illud *Reuerenter* capitul. ſupra citati. Vnde ſicut ſi Prælatus alicui præciperet, vt ſumeret cibum, huic præcepto non ſatisfaceret, qui ſumeret cibum veneno infeſtum: qui ei mortem afferret: ita nec præcepto Eccleſiæ ſatisfacit, qui Euchariftiam, quæ mors eſt malis, in peccato mortali ſuſcipit. Vtraque ſententia probabilis eſt.

## ARTICVLVS XII.

*Vtrum liceat corpus Chriſti ſumere ſine ſanguine.*

**Concluſio eſt affirmans.**

**V**bi de corpore Chriſti ſub ſpeciebus panis, & de ſanguine Chriſti ſub ſpeciebus vini eſt ſermo, & ſic concluſio certa eſt ſecundum fidem diffinita in Concil. Conſtantien. ſeſſ. 13. & Trident. ſeſſ. 21. cap. 1. & can. 1. his verbis: *Si quis dixerit ex Dei præcepto, vel neceſſitate ſalutis omnes, & ſingulos Chriſti fideles utranque ſpeciem ſacraſſimi Euchariftiæ ſacramenti ſumere debere; anathema ſit.*



*Dubium . An communicanti sub  
vtraque specie , cæteris paribus ,  
conferatur maior gratia , quam  
sub vna tantum specie communi-  
canti ,*

**P**ars affirmans probatur i. comuni-  
cans sub vtraque specie , sumpto Sa-  
cramento , quantum ad species panis , po-  
stea sumendo quantum ad species vini ali-  
quid gratiæ recipit , alias potus ille Sacra-  
mentalıs non conferret, quod significat, di-  
gnè sumenti ; ergo maior gratia confertur  
communicanti sub vtraque specie , quam  
tantum sub vna communicanti .

i. Secundo . Vtilius est sumere Sacramen-  
tum integrum , quam sumere partem il-  
lius : sed qui communicat sub vtraque spe-  
cie, sumit integrum Sacramentum, qui ve-  
ro communicat sub vna tantum specie, so-  
lum partem Sacramenti sumit ; ergo illi  
vtilius est, & maior gratia confertur, quam  
huic . Maior probatur , nam integrum Sa-  
cramentum perfectius significat gratiam  
cibantem, & reficientem ; ergo , & perfe-  
ctius illam causat, ac proinde vtilius est il-  
lud integrum sumere .

i. Tertiò . Qui duo suscipit Sacramenta,  
Eucharistia, scilicet, & Ordinis, vel Matri-  
monij , cæteris paribus maiorem recipit  
gratiam , quam qui solum vnum recipit ;  
ergo etiam, qui vtramque speciem Sacra-  
men-

menti Eucharistiæ suscipit. Probatur consequentia, quia quælibet species non minus habet rationem instrumenti, & virtutem collatiuam gratiæ, quam si esset distinctum Sacramentum ab alia.

Dicendum tamen est. Cōmunicant i sub vtraque specie, cæteris paribus non conferri maiorem gratiam, quam sub vna tantum specie communicanti. Docent hoc Caiet. hic, M. Soto in 4. d. 12. q. 2. art. 12. & communiter discipuli D. Thom. & alii, licet nonnulli oppositum probabile esse asserant.

Probatur primo, ex S. Doct. hic ad 3. dicente: *Potest à populo corpus sine sanguine sumi. Nec exinde sequitur aliquod detrimentum: quia sub vtraque specie totus Christus cōtinetur.* Si maiorem gratiam reciperet, qui communicat sub vtraque specie, aliquod detrimentum sequeretur populo sumenti corpus sine sanguine, maioris scilicet gratiæ defectus; ergo, &c.

Secundo, ex Conc. Trid. sess. 21. c. 3. docente: *Fatendum esse, etiam sub altera specie totū atque integrum Christum, verumque Sacramentum sumi: ac propterea, quod ad fructum attinet, nulla gratia necessaria ad salutem eos defraudari, qui vnā speciem solam accipiunt.* Si dicas, Concilium non dicere nulla gratia privari, sed solum, nulla gratia necessaria ad salutem eos defraudari, contra hæreticos asserentes, necessariū esse ad salutem sumere hoc Sacramentum sub vtraque specie. Fateor propter hoc oppositam sententiam;

tentiam excusari ab omni censura, & ut ait M. Soto ubi supra, nullam continere absurditatem, nam & si vera esset, nullam iniuriam fecisset Ecclesia sæcularibus, priuando eos communione sub vtraque specie, quia præcipuam curam debuit Ecclesia habere, cauendi periculum effusionis sanguinis. Sed negari non potest nostram conclusionem valde insinuari in prædictis verbis Conc. Trident. Tum quia nec gratia collata per ytramque speciem est simpliciter necessaria ad salutem, ut docet D. Tho. supra q. 72. art. 3. ergo Concilium non solum vult eos, qui vnam tantum speciem accipiunt, non defraudari gratia simpliciter necessaria ad salutem, sed nec etiam necessaria ad melius, & perfectius salutem consequendam, quam haberent, si sub vtraque specie communicarent, & qua defraudarentur, si sub nulla communicare prohiberentur. Tum etiam, quia Conc. eadem vitur ratione, qua D. Thom. scilicet, quia Christus totus continetur sub qualibet specie: sed hæc non solum probat, non defraudari prædictos gratia simpliciter necessaria ad salutem, sed nec etiam eam, quam accipiunt communicantes sub vtraque specie, ergo, &c. Minor probatur, nam ut hic §. *Secundum*, ostendit Caietan. quod causat gratiam, non est solum, quod ex vi verborum continetur in hoc Sacramento, sed etiam, quod per concomitantiam in eo continetur, alias diuinitas gratiam huius Sacramenti non causaret, ergo

cum communicantes sub specie panis tantum, non priuentur sumptione sanguinis, ut contenti in hoc Sacramento per concomitantiam, etiam si priuentur sumptione eiusdem sanguinis, ut ex vi verborum in eo continetur, nulla prorsus gratia priuantur, gratiam enim, quam causat sanguis sumptus, ut ex vi verborum continetur in hoc Sacramento, causat etiam sumptus, ut in eo continetur per concomitantiam.

Dixi in cōclusionē. cōteris paribus, quod & dicit Caiet. hic 9. *Ex quibus*: quia si qui cōmunicat sub utraq; specie, salte quando recipit speciem vini, melius esset dispositus, quam qui sub vna specie communicat, maiorem absque dubio gratiam reciperet, quā ille, & quam ipsemet recipit quando sub specie panis comunicauit: nam Sacramenta melius dispositis maiorem gratiam conferunt.

Ad 1. autem factum in principio respondetur, antecedens solum esse verum, si quando recipit speciem vini est melius dispositus. Cuius rationem assignat Caiet. hic ad 4. *Quoniam idem est utrobique agens, & idem patiens equaliter utrobique dispositum, & perinde quo ad interiorem fructum se habet, ac si post sumptam hostiam vnā, aliam sumeret, ut contingit fumentibus reliquias sacramenti.* Si dicas, semper quando communicans, sub utraque specie sumit speciem vini, esse magis dispositum, nam iam habet maiorem gratiam habitualem. Respondetur, gratiam habituaalem, quæ per ipsum

ipsum Sacramentum confertur, nullo modo disponere ad gratiam, quæ per ipsum Sacramentum confertur; quia simul esset dispositio ad Sacramentum, & effectus eiusdem Sacramenti. Et quamvis post gratiæ collationem daret sumptio Sacramenti respectu tamen diuinæ acceptionis iam censetur moraliter per acta: quia Deus intuitu totius sumptionis, & tanquam effectum totius communionis gratiam confert, cum primum sumitur species panis, aut prima hostia cū eadem prorsus dispositione, qua sumitur species vini, aut secunda hostia.

Ad 2 respondetur negando maiorem. Ad probationem dico, licet integrum Sacramentum perfectius significet gratiam; non tamen significare perfectiorem gratiam: sicut licet Baptismus factus per immersionem perfectius significet effectum Baptismi, quam factus per effusionem, aut aspersionem, vt hic §. *Secundo*, explicat Caietan. non tamen perfectiorem effectum significat, aut causat. Et idem est de Matrimonio contracto per verba, licet enim significet vinculum matrimoniale magis perfecte, quam matrimonium contractū per sola signa, aut nutus; non tamen significat, aut facit maius, aut perfectius vinculum, sed idem prorsus.

Ad 3 respondetur negando consequentiam. Ad probationem Caietan. hic ad 2. negat antecedens: *Non sunt enim instrumenta Christi contenti in Eucharistia species sacra-*

## 356 QVAESTIO LXXXI.

*mentales, aut usus earum verè, & propriè loquendo. Sed hoc merito displicet Mag. Soto vbi supra: Nam postquam species sunt Sacramenta, ut supra dictum est, scilicet signa tam corporis contenti, quam gratiae, quae confertur, non est cur non sint eius causa, ut aqua Baptismi. Sed verum est, quod non sunt causa nisi virtute corporis, & sanguinis. Quae virtus cum tota sit in qualibet specie, non minorem gratiam confert sumentibus vnā speciem, quam sumentibus vtramque, si cetera sint paria.*

*Circa Questionem 81. nihil se offert scribendum.*

## QVAESTIO LXXXII.

*De Ministro huius Sacramenti.*



# 557

## ARTICVLVS I.

*Vtrum consecratio huius Sa-  
menti sit propria  
Sacerdoti.*

**Conclusio est affirmans.**

**C**erta est secundum fidem ; habetur enim in cap. *Ermiter*, De Sum. Trinit. his verbis : *Hoc Sacramentum nemo potest cō-  
ficere nisi Sacerdos , qui rite fuerit ordinatus .*  
Colligitur etiam ex Conc. Trident. sess. 22. cap. 1. & can. 2. Illam primum in dubium reuocauit Vviclef, & postea Lutherus expressè negauit . Contra quos præter alia est ratio D. Thom. hic, & testimonium Lucæ 22. v. 19. ab eo adductum : *Hoc facite in  
meam commemorationem .* Quod Christus, postquam consecrauit, solis Apostolis dixit : eos instituendo Sacerdotes, in quorum gradu ponitur Sacerdos cum ordinatur, eique cōfertur potestas hoc Sacramentum cō-  
secrandi in persona Christi .

## ARTICVLVS II.

*Verum plures Sacerdotes possint  
 unam, & eandem hostiam  
 consecrare.*

**Conclusio est affirmans.**

**C**onstat ex consuetudine antiqua  
 quarundam Ecclesiarum, & ex  
 Romano Pontificali: non solum enim  
 quando consecratur Episcopus, ipse, & qui  
 eum consecrat, eandem consecrant hostiam,  
 sed etiam quando Sacerdotes ordinantur:  
 nam noui ordinati Episcopo concelebrant.  
*Nac propter hoc* (inquit D. Thom.) *iteratur*  
*consecratio super eandem hostiam quia, sicut*  
*Innocentius III. dicit, omnium intentio debet*  
*referri ad idem instans consecrationis.* In quo  
 scilicet Episcopus verba consecrationis ter-  
 minat. Ad quod refertur eo ipso, ac noui  
 ordinati habent intentionem debitam.  
 Quam habent, ut hic ait Caiet: quando  
 proponunt apud se: *Intendo dicere cum ea*  
*intentione, qua de eo dicere, scilicet verba*  
*consecrationis: vel (quod idem est) inten-*  
*do facere, quod intendit Ecclesia.* Quæ  
 intentio conditionalis est, consecrandi sci-  
 licet, si contingat eos simul cum Episcopo  
 (qui absolutam intentionem consecrandi  
 habet) formam absolvere, alias non. Ne-  
 cessarium tamen non est hanc conditionem,

ex-



## ARTICVLVS II. 559

expresse, & formaliter apponere, sed satis est, vt apponatur virtualiter, vt apponitur, eo ipso, ac nouus ordinatus intendit facere, quod intendit Ecclesia.

## ARTICVLVS III.

*Vtrum dispensatio huius Sacramenti  
pertineat ad solum  
Sacerdotem.*

**Conclusio est affirmans.**

**P**ropriam, & per se ad solum Sacerdotem pertinet ex officio ministratio huius Sacramenti, hocque iure diuino, vt docet M. Soto in 4. d. 13. q. 1. art. 3. & colligitur ex Conc. Trid. sess. 13. cap. 8. dicente: *Semper in Ecclesia Dei mos fuit, vt laici à Sacerdotibus communionem acciperent, Sacerdotes autem celebrantes se ipsos communicarent, qui mos tãquam ex traditione apostolica descendens in-  
re, ac merito retineri debet.*

Quia tamen, vt hic ait D. Thom. Diaconus quasi propinquus ordini sacerdotali aliquid participat de eius officio, competit aliquo modo ministratio huius sacramenti: *Competit enim ei ex officio sanguinem Domini dispensare, sed non corpus, vt idem S. D. dicit in 4. dist. 13. q. 1. art. 3. quæstiuncula 2.* Vnde verum non est, quod quidam recen-

tiores hic asserunt, nullā esse faciendā differētiā inter calicem, & corpus Christi, quasi vnum iure diuino magis possit per Diaconum distribui, quam aliud. Hanc enim facit D. Thom. locis citatis, & rationem assignat; quia non habet manus sacratas, & ideo licet possit sanguinem dispensare, quia continetur in vase, sicque non oportet, vt tangatur à dispensante; nō tamen corpus Christi, quod debet tangi. Quod intelligendum esse dicit, *Nisi de mandato Presbyteri, vel Episcopi, vel Presbytero longē posito in casu necessitatis.* Colligitur ex Can. *Non oportet, vt dicitur: Non oportet Diaconos panem dare.* Et ex Can. *Præsente*, vbi additur: *Præsente Presbytero Diaconus Eucharistiam corporis Christi populo (si necessitas cogit) iussus erogat.*

Quare licet diuino iure spectato, dominici sanguinis dispensatio possit etiam nunc ab Ecclesia, vel Sum. Pontifice (alijs enim inferioribus Prælati id non est concedendum, postquam vsus antiquus cessauit) committi Diacono absque vlla necessitate, vt olim fuit commissā S. Laurentio à S. Sixto: non tamen dispensatio corporis Christi, si nulla cogat necessitas, aut causa adsit. Si vero necessitas cogit, & Sacerdos abest, potest Diaconus corpus Christi infirmo ministrare: quia necessitas ipsa interpreter esset, quod ratum haberet, vt Diaconus eius vices impleret. Si autem adest Sacerdos, & non potest morienti corpus Christi ministrare, Diaconus potest de eius man-

### ARTICVLVS III. 561

dato, & commissione præstare. Immo si ex negligentia, aut nequitia nollet Sacerdos, potens Sacramentum deferre infirmo, etiam monitus à Diacono, posset Diaconus illo inuito suum munus præstare, & misero infirmo in extremis succurrere, vt ait M. Soto vbi supra.

De Subdiacono, & alijs inferioribus, etiã laicis, probabile videtur recentioribus nonnullis, si non adsit Sacerdos idoneus, aut Diaconus, posse infirmo in extremis constituto corpus Christi ministrare: nam, id nec naturali, nec diuino, nec Ecclesiastico iure prohibitum est: sed hæc opinio, quam tenuisse quendam Henricum refert Syluester verbo *Eucharistia* 3. q. 4. intollerabilis appellatur à M. Soto vbi supra ad finem articuli, & merito. Tum quia hoc nunquam est auditum fuisse factum, cum tamen casus ex se ipso rarissimus non sit, sed sæpe contingat, præsertim in locis exiguis, non adesse Sacerdotem, aut Diaconum, qui infirmum in extremis constitutum, communicare possit. Tum etiam, quia si Diaconus potest de mandato Presbyteri, aut in eius absentia hoc Sacramentum ministrare, hoc ideo est, quia vt dicitur *Can. Diaconus, dist. 23. Diaconus dum ordinatur ad ministerium consecratur*: Subdiaconus vero non est *Minister Sacerdotis*, sed Diaconi, sicque non participat ex officio Sacerdotis, posse ministrare hoc Sacramentum. Tum denique, quia quamuis laico in necessitate corpus Christi tangere licitum

esse concedat D. Thom. hic : in nullo tamen casu admittit licere ei illud alijs ministrare, sed in 4. dist. 13. q. 1. art. 3. quæstiunc. 1. ad 3. dicit; *In casu necessitatis potest, & debet corpus Christi tangere, etiam si sit peccator, ut si in aliquo loco immundo iaceret: sed non est simile de dispensatione Sacramenti: quia receptio huius Sacramenti non est necessitatis. Vnde ei, qui non potest sacramentaliter manducare, dicendum est, Crede & manducaſti.*

Quod diximus de ministratione huius sacramenti alijs, dicendum videtur de ministratione illius sibi ipsi. Vnde in necessitatis articulo, ut si Sacerdos sit peste laborans, ubi alij timent ei appropinquare, inquit Caiet. in Sum. verbo *Communio*, potest extra sacrificium Missæ Sacerdos à se ipso sumere Eucharistiam. Et idem videtur dicendum de Diacono, quando alias sine viatico deberet mori. De laico, quamvis nonnulli recentiores id asserunt, nullatenus est concedendum: nam cui non licet alijs ministrare hoc Sacramentum, nec sibi ministrare licet. Nec obstat exemplum Reginæ Scotiæ, quæ in Anglia martyrium subitura Eucharistiam, quam apud se servabat, sumpsit proprijs manibus. Nam Eucharistiam non tam sumpsit, ut se ipsam communicaret, quam ut eam ab hæreticorum iniurijs eriperet. Et quamvis eam solum sumpſisset, ut se ipsam communicaret, dici de illa posset, quod de S. Apollonia ait Mag. Soto lib. 5. de iustitia, q. 1. art. 5. ad finem; *Quod cum esset femina, acuminis*

que

### ARTICVLVS III. 563

*que adeo iuris infcia, per inuincibilem ignorantiam fit excusanda.*

Circa articulum quartum, quintum, sextum, septimum, octauum, nonum, & decimum, nihil se offert scribendum.

## QVÆSTIO LXXXIII.

*De ritu huius Sacramenti.*

### ARTICVLVS I.

*Vtrum in hoc Sacramento Christus immoletur.*

**Conclusio** est affirmans.

*Dubium 1. An Missa sit sacrificium, quo Christus in hoc Sacramento immolatur.*

**P** Artem negantem tenent hæretici nostri temporis: Probat illam primo Lutherus: quod in coena ultima Christus fecit, non fuit sacrificium, quo se ipsam immolaret, ergo neque quod in Missa facit Ecclesia erit sacrificium, quo Christus immolatur. Consequentia patet, nam quod in Missa fit, non est aliud quam cōmemoratio quædam illius vltimæ coe-

564 *QVAESTIO LXXXII.*

*næ* Dominicæ . Antecedens probatur : Tum quia illud fuit Sacramentum , ac testamentum Christi, vt patet ex illis verbis, *Hic calix nouum testamentum est in meo sanguine* ; ergo nō fuit sacrificium : ratio enim sacramenti, & testamenti omnino pugnat cum ratione sacrificij , cum sacrificium sit aliquid , quod nos Deo offerimus , Sacramentum verò datur nobis à Deo , & testamentum contineat promissionem hereditatis nobis factam , & ridiculum sit dicere per testamentum dari aliquid testatori ab hærede . Tum etiam , quia in vltima cœna legitur Christum in mensa sedisse , & sacramentum discipulis distribuisse , non autem illud Patri obtulisse ; ergo non fuit sacrificium, quod in illa Christus fecit .

Secundò illam probat Calvinus : In terris nulla sunt modo sacrificia ; ergo Missa non est sacrificium , Antecedens probatur : Tum quia nulli modo sunt Sacerdotes , nā Christus est Sacerdos in æternum , & vt ait Apostolus ad Hebræos 10. in veteri lege ideo multiplicabantur Sacerdotes , quia morte prohibebantur permanere ; ergo nec sacrificia , Sacerdotium enim ordinatur ad sacrificium , hocque & illud sibi mutuo respondent . Tum etiam , quia sacrificium crucis fuit infiniti valoris , & sufficiens ad delenda omnia peccata totius mundi ; ergo non egemus alio sacrificio , & multiplicare sacrificia nihil aliud est , quam negare virtutem , & sufficientiam sacrificij crucis .

Ter-

Tercio, Hostiam, quæ offertur, occidi, & mactari necesse est; ergo si Christus singulis Missis sacrificatur, cum singulis momentis mille in locis crudeliter interfici oportet. At hoc dici non potest; ergo, &c.

Dicendum tamen est; Missam sacrificiū esse, quo Christus in Sacramento Eucharistiæ immolatur. Missæ nomine actio illa sacra intelligenda est, qua in ecclesia Catholica cōficitur Eucharistia multis præcedentibus, & subsequentibus præcibus, & cæremoniis. Hanc actionem Græci Liturgiā vocant; Latini verò Missam. Quod nomen quidam hebraicum esse dicunt, habetur enim Deuter. 16. vers. 10. & pro vulgatus interpret oblationem transfert. Alii Latinum nomen esse dicunt à verbo mitto deductum. Quorum nonnulli cum Hugone de S. Victore lib. 2. de sacram. p. 8. c. ult. volunt Missam dici, quod oblatio, & præces ad Deum mittantur; sicque illorum verborum, quæ in fine Missæ dicuntur, *Ita Missa est*, sensum esse, abire licet, quia oblatio, & Hostia salutaris iam transmissa est cum præcibus ad Deum pro vobis. Nō pauci vero cum Alcuino lib. de offic. eccles. cap. de celebratione Missæ, Missam dici volūtā missione, seu dimissione populi, ut idem sit Missa, quod missio, licet idem iuxta collectā, & collectio; sicque illorum verborum, *Ita Missa est*, sensum esse, iam dimissio est congregationis, abire omnibus licet; vel ite, quia iam dimissi estis.

Hoc

## 566 QVÆSTIO LXXXIII.

Hoc supposito nostram conclusionem docet D. Tho. hic dicens: *Celebratio huius Sacramenti (quæ in Missa fit) dicitur immolatio Christi*.

Secundo probatur ex Conc. Trid. sess. 21. can. 1. ubi sic diffinitur: *Si quis dixerit, in Missa non offerri Deo verum, & proprium sacrificium, anathema sit. Et cap. 1. de Christo dicitur: Sacerdotem secundum ordinem Melchisedech se in æternum constitutum declarans, corpus, & sanguinem suum sub speciebus panis, & vini Deo Patri obtulit; ac sub earundem rerum symbolis Apostolis, quos tunc novi testamenti Sacerdotes constituebat, utsumeret, tradidit; & eisdem eorumque in sacerdotio successoribus, ut offerrent præcepit per hæc verba: Hoc facite in meam commemorationem. Et hec quidem illa munda oblatio est, quam Dominus per Malachiam nomine suo, quod magnum futurum esset in gentibus, in omni loco mundam offerendam prædixit. Quibus in verbis tria testimonia continentur, quæ hanc veritatem ostendunt, illaque late expendunt, qui contra hæreticos ex professo disputat. Nos solum aduertimus, ex verbis illis *Hoc facite &c.* recte colligi, Christum Apostolis, & reliquis Sacerdotibus præcipisse, ut sacrificium Eucharistiæ offerrent, quia *facite* idem est ac *sacrificate*. Facere namque non solum à profanis Auctoribus accipitur pro sacrificare, iuxta illud Virgilij, *Cum faciam vitulam &c.* Sed etiam à Scriptura Sacra innumeris in locis, ut *Leuit. 15. v. 15. Faciet unum pro peccato, & 3. Regum 18.**

verl.



verſ. 23. *Ego faciam bouem alterum.*

Tertiò probatur ex illis verbis Danielis 9. verſ. 27. *Confirmabit pactum multis hebdomada una, & in dimidio hebdomadis deficiet hoſtia, & ſacrificium.* Et cap. 12. verſ. 11. *Et à tempore cum ablatum fuerit iuge ſacrificiũ & poſita fuerit abominatio, &c.* Ibi enim eſt ſermo de tempore Antichriſti: ſed tunc nõ erit aliud ſacrificium, quod deficere, & auferri poſſit, niſi ſacrificium Miſſæ; ergo Miſſa ſacrificium eſt. Maiorem docent ibi S. Hieron. & apud ipſum S. Hippolytus, S. Ireneus, lib. 5. aduerſus hæreſes cap. 25. S. Ephrem Syrus ſerm. de Antichriſto, Auctor imperfecti hom. 49. in Matth. Primaſius lib. 3. in Apoc. Theodoretus, Strabus Monachus, Anſelmus Laudunenſis, & alii in c. 12. citatum. Colligitur etiam ex Matt. 24. verſ. 15. vbi Chriſtus, vt notauit ibi S. Hilarius, de Antichriſti tẽporibus loquens, illum, *Abominationem deſolationis, quæ dicta eſt à Daniele Propheta, appellauit.* Minorem etiam præter alios docet Lyra, qui verba cap. 12. citata ſic exponit: *Ideſt, à tempore illo, quo ſacrificium altaris ceſſabit celebrari ſolemniſſe, & poſita fuerit abominatio, ideſt, Antichriſtus exhibitus hominibus ad adorandum.* Quam expoſitionem late proſequuntur nonnulli recentiores qui de Antichriſto ſcripſerunt. Probatur etiam, nam tũc (ſicut nec nunc ſunt) non erunt ſacrificia aliqua veteris legis, cum omnia poſt paſſionem Chriſti ceſſauerint: & ſi dicas, illa nihilominus Iudeos qui recipient Antichriſtum.

stum fore oblaturus; non de illis loquitur Propheta, nam abominationes erunt Deo, sed de sacrificio iugi Deo grato, & accepto; ergo solum erit sacrificium Missæ, quod iuge dicitur, quia omnibus, & singulis diebus offertur in Ecclesia, immo omnibus, & singulis horis, cum apud Indos, & Antipodas offeratur horis, quæ apud nos sunt noctis; quod sacrificium instante Antichristi persecutione cessabit solemniter celebrari, sicque deficiet in dimidio hebdomadis, id est tribus annis, & dimidio, hebdomada enim apud Danielem annorum est, septemque annos continet, sicut hebdomada dierum septem dies.

Quarto. Probatum ex definitione sacrificii, quæ colligitur ex D. Thom. 2. 2. q. 82. sacrificium est religiosa actio, qua in signum debitæ subiectionis, & honoris soli Deo res aliquæ sensibiles offeruntur, circa quas aliquid fit. Dempta enim prima particula, omnes alias conuenire Missæ, nec hæretici negabunt, cum constet, Eucharistiam in ea confectam Deo ab Ecclesia, & eius sacerdotibus offerri, aliquid circa ipsam faciendo, frangendo scilicet hostiam sacram, & partem eius in calicem, ubi sunt species vini, mittendo, & tandem utramque partem consumendo. Primam vero particulam definitionis, esse scilicet actionem non superstitiosam, sed religiosam, conuenire Missæ, colligitur ex Apostolo 1. Corinth. 10. vers. 20. & seq. ubi de comedentibus idololatra inquit, participes esse mensæ demonio.

niorum ; de comedentibus autem Eucharistiam , esse participes mensæ Domini, per mensam altare vtrobique intellgens , vt ait Concil. Trid. sess. 22. cap. 1. & per participare de mensa , participare de sacrificio in tali mensa oblato ; ergo cum sacrificium in mensa dæmoniorum oblatum sit actio superstitiosa ; sacrificium vero oblatum in mensa Domini nequaquā, sed actio religiosa: non superstitiosa, sed valde religiosa actio erit Missæ celebratio cuius participes sunt comedentes Eucharistiam , quæ in Missa cōficitur, & Deo offertur super altare , quod est Domini mensa.

Quintò probatur, nam vt optime ostendit M. Cano lib. 12. de locis c. 13. ex Platone , Cicerone , & alijs, nequit esse aliqua Respublica bene instituta sine publica Religione , Templis , Altaribus , Sacerdotibus , & sacrificiis ; ergo cum Ecclesiæ Respublica optime fuerit à Christo instituta, manifesta dementia est, auferre ab illa sacrificia, & consequenter Sacerdotes, qui illud offerant , cum omnis Pontifex teste Apostolo ad Hebr. 5. vers. 1. Constituatur, vt offerat dona , & sacrificia, ac proinde etiam Tempia , & Altaria , in quibus offeratur.

Est autem Missa in Ecclesia Catholica, *Singulare sacrificium* , vt dicitur. in Concil. Trid. in principio sess. 22. quod vnicum, & solum Christus instituit, vt sicut ait Leo Papa , ser. 7. de Passione ; *Vno expleretur sacrificio. variarum differentia. victimarum.* Unde Ecclesia in quadam Missæ collecta dicit

*Deus*

570 **QVÆSTIO LXXXIII.**

*Dei, qui legalium differentiam hostiarum unius sacrificij perfectione sanxisti.* Propter quod rectè Cassalius lib. 2. de sacrificio Missæ c. 25. & alii affirmant, in Missa duo esse sacrificia, in quorum primo panis, & vinum offeruntur, & durat ab Offertorio Missæ usque ad consecrationem; in secundo vero, quod durat à consecratione usque ad Communionem, offeruntur corpus, & sanguis Christi. Nam panem, & vinum ante consecrationem non offert Ecclesia tanquam hostiā sacrificij, sed ut materiam, ex qua conficienda est hostia, qua Deus placetur.

Est autem Christus hostia, quæ in hoc sacrificio offertur, non prout est in propria specie, sed ut est sub speciebus panis, & vini. Vnde Concilium Trid. sess. 22. c. 1. ait: *Corpus, & sanguinem suum sub speciebus panis, & vini Deo Patri oblat, &c.* Nam novum instituit Pascha se ipsum ab Ecclesia per Sacerdotes sub signis visibilibus immolandum. Propter quod rectè in conclusione à nobis dictum est, Missam esse sacrificium, quo Christus in hoc Eucharistiæ Sacramento immolatur.

Ad 1. autem factum in principio respondetur negando antecedens; oppositum enim docent Concil. Trid. ubi supra, S. Cyprianus lib. 2. epist. 3. vel 63. ad Ceciliam, S. Greg. Nissenus hom. 1. de Resurrect. S. Leo Papa serm. 7. de Passione, & communiter SS. Patres. Ad 1. probationem dico, sicut agnus Paschalis, & Sacramentum erat, & sacrificium veteris legis; ita Eucha-

re-

## ARTICVLVS I. 171

ristiam Sacramentum esse, quatenus est inuisibilis gratiæ visibile signum, testamentum, quatenus est instrumentum publicum diuinæ voluntatis, & promissionis, & sacrificium, quatenus Deo offertur. Neque repugnat, nos Deo dare, quod ab eo accipimus, iuxta illud 1. Paralip. 29. v. 14. *Quæ de manu tua accepimus, dedimus tibi.* Ad 2. probationem dico, licet illud expresse non legatur, constare tamen ex traditione, & Patrum testimonio: vnde illud Conc. Trident. ybi supra docet.

Ad 2. responderetur negando antecedens.

Ad 1. probationem dico, licet Christus non habeat successores in sacerdotio, sicut habuit Aaron, vt ostendimus. 1. 2. q. 90. a. 3. dubio vnico, con. 1. habere tamen plures Vicarios Sacerdotes. Cum enim sit Sacerdos in æternum, debet, vsque ad finem mundi fungi Sacerdotio: cumq. hoc iam non fungatur per se immediate offerendo sacrificia, necesse est, vt habeat plures Vicarios Sacerdotes, per quos hæc faciat, & Sacerdotio fungatur. Quod non aufert ipsum esse vnicum Sacerdotem, sicut nec habere plures Vicarios in magisterio, & officio pascendi, tollit ipsum Christum esse vnicum magistrum, & pastorem; cum nullus ei succedat cum eadem auctoritate, & potestate. Ad 2. probationem dico, licet sacrificium crucis sit sufficientissimum, & vim habeat infinitam ad sanctificandum: vt tamen eius fructus nobis efficaciter applicetur: egere nos aliis sacrificiis, sicut, &

poenitentiae operibus; alias enim omnes, pro quibus Christus mortuus est, saluarentur.

Ad 3. respondetur, sacrificium Missae non esse sacrificium cruentum, qualia erant sacrificia legis veteris, in quibus animalia immolabantur, de quibus dicitur ad Heb. 9.v.22. *Sine sanguinis effusione non fit remissio.* Sed est sacrificium incruentum, quale fuit sacrificium Melchisedech, qui panem, & vinum obtulit. Et ideo non opus est in illo Christum occidi, & singulis momentis interfici, sed satis est, ut per illud representetur mors, & passio Christi in Cruce: nam ut hic ait D. Thom. *Celebratio huius Sacramenti imago quedam est representatiua passionis Christi, qua est vera eius immolatio: ideo celebratio huius Sacramenti dicitur Christi immolatio.* Nec obstat sacrificium Missae esse idem cum sacrificio Crucis. Nam licet sit idem ex parte hostiae, & principalis offerentis: differt tamen ab illo in modo, & ratione offerendi, ut dicitur in Concil. Trid. sess. 22. cap. 2. & hoc sufficit, ut non sit sacrificium cruentum, sicut illud.



*Dubium 2. An sacrificium Missæ in consecratione corporis, & sanguinis Christi essentialiter consistat.*

**P**Artem negantem tenent multi, & probant primo. Oblatio est de essentia sacrificij, est enim genus ad sacrificium: sed in consecratione nulla est oblatio corporis, & sanguinis Christi; ergo in illa non consistit essentialiter sacrificium Missæ.

Secundò. In feria sexta Parasceues celebratur verè, & propriè sacrificium Missæ: at in die illo nulla fit consecratio; ergo sacrificium Missæ non consistit essentialiter in consecratione. Maior probatur: Tum quia omnes fideles intelligunt veram esse Missam in illo die, & ad illam audiendam teneri, si occurrat in die festo. Tum etiam quia in illo die est oblatio religiosa soli Deo facta rei permanentis, circa quam aliquid exercetur, si quidem hostia eleuatur, benedicitur, & consummatur; ergo est verum sacrificium, cum eius diffinitio illi conveniat. Tum deinde, quia illa actio est aliquod indiuiduum in specie religionis: sed non est aliud præter sacrificium; ergo, &c. Tum denique Deus acceptat illam actionem quantum ad omnes effectus sacrificij, ut scilicet sit impetratoria ad conversionem etiam infidelium, & ad satisfaciendam

## 574 QVAESTIO LXXXIII.

dum pro pœnis debitis peccatis ; ergo etiam acceptat in ratione sacrificij .

Tertiò . In omni sacrificio id quod offertur, & sacrificatur præsupponitur actioni sacrificandi : sed quod offertur in Missa, & sacrificatur , nempe Christus sub speciebus, non præsupponitur consecrationi ; ergo hæc non est actio sacrificandi, in qua essentialiter consistit sacrificium Missæ, sed præparatio victimæ, & ita se habet respectu huius sacrificij, quo unio hypostatica respectu sacrificij Christi in cruce .

• Dicendum tamen est : Sacrificium Missæ in consecratione corporis, & sanguinis Christi essentialiter consistere . Probatur 1. ex D. Thom. sup. enun q. 82 ar. 4 ad 1. dicit : *Consecratio Chrysmatis, vel cuiuscunque alterius materie, non est sacrificium, sicut consecratio Eucharistia* . Hic etiam art. 4. inquit de Sacerdote peracta consecratione loquens : *Petit hoc sacrificium peractum esse Deo acceptum, cum dicit, supra qua propitio &c.* Sentit ergo statim peracta consecratione peractum esse sacrificium, sicque hoc in illa essentialiter consistere .

Secundò . Consecratio perfectissime representat sacrificium cruentum, quod in ara crucis obtulit Christus Deo Patri; ergo in illa consistit sacrificium Missæ incruentum . Consequentia patet, nam vt hic ad 1. cum S. Amb. dicit D. Thom. *Hoc sacrificium exemplum est illius* . Et in corp. art. dixerat, ideo celebrationem huius Sacramenti dici Christi immolationem, ac per consequens .



sequens sacrificium, quia est imago quædam representatiua passionis Christi. Antecedens verò probatur: Tum ex D. Tho. sup. q. 80. art. 12. ad 3. dicente: *Representatio Dominice Passionis agitur in consecratione huius Sacramenti*. Tum etiam, quia illud sacrificium cruentum in hoc consistit, quod Christus pro nobis sanguinem suum fudit, & corpus suum occidi voluit: sed hoc perfectissimè representat consecratio, nam cum ex vi verborum sub speciebus panis ponatur corpus Christi, sine anima, & sanguine, quæ solum ibi sunt per concomitantiam, sub illis ponitur, quasi occisus, & cum ex vi verborum sub speciebus vini ponatur sanguis, sine corpore, & anima, quæ tantum per concomitantiam continentur ibi, sub illis ponitur, quasi effusus, & separatus à corpore; ergo, & sacrificium cruentum.

Tertiò. Præter consecrationem nihil est aliud, quod sit de essentia huius sacrificij: ergo hoc in illa essentialiter consistit. Antecedens probatur, nihil enim eorum, quæ in Missa præcedunt consecrationem, esse de essentia huius sacrificij manifestum est, cum nondum sint ibi corpus, & sanguis Christi, quæ in hoc sacrificio immolantur, & hostiæ rationem habent. Nihil etiam eorum, quæ fiunt, vel dicuntur post consecrationem esse de essentia probatur discurrendo per singula. De elevatione Sacramenti patet, quia Cartusieneses non eleuant sacrum calicem, qui tamen verè  
sa.

## 576 QVÆSTIO LX XXIII.

sificiant. Si quis etiam sacram hostiam eleuare obliuisceretur, non propterea Missam non celebrasse diceretur. Idem est de benedictionibus, quæ signo crucis fiunt, & de præcibus, & orationibus, quæ dicuntur. Quæ etiam cum varientur secundum varios ritus Ecclesiarum, vt patet ex liturgijs diuersis, non potest in illis essentia huius sacrificij consistere, quæ inuariabiliter constituta est iure diuino. De fractione hostiæ consecratæ, & mitione partis illius cum speciebus vini dicit D. Thom. hic a. 6. ad 6. *Horum præmissio non facit imperfectionem sacrificij.* Vnde quamuis aliquo casu hæc omitteretur, sicut, & alia prædicta, perfectum sacrificium esset, & non deberet necessario reiterari, repeti, vel suppleri. De oblatione, quæ fit post consecrationem idem asserendum est. Cum etiam non fiat à solo Sacerdote, sed etiam à populo, vt colligitur ex verbis illis. *Vnde, & memores Domine nos serui tui, sed & plebs tua sancta, &c. offerimus præclaræ maiestati tue &c.* Non potest in illa sacrificij essentia consistere; ad solum enim Sacerdotem, spectat sacrificium Missæ peragere, & illius hostiam immolare. Vnde sicut in veteri lege vota, & præces, quibus offerabantur Deo res sacrificatæ ad impetrandum ab eo aliquod beneficium, non erant ipsum sacrificium, sed illud supponebant iam peractum in Dei obsequium: ita & prædicta oblatio, per quam offertur Deo sacrificium, petendo pro illo remissionem peccatorum, &  
alia

# ARTICVLVS I. 577

alia diuina beneficia, non est ipsa sacrificium, sed illud prius peractum supponit. De sumptione denique Sacramenti probatur: Tum quia sumptio pertinet ad vsum sacrificij, sicut, & sacramenti, & ad participandum fructum illius ordinatur, sicque sacrificium peractum supponit: sicut comestio agni paschalis in veteri lege illius immolationem supposebat, vt colligitur ex cap. 12. v. 6 & seq. Exod. Tum etiam, quia sumptio Sacramenti non est propria sacerdotum, sed communis ipsis, & aliis fidelibus, cum tamen sacrificium Missæ perficere solis Sacerdotibus conueniat. Tum denique, quia alias, quando Sacerdos plures formulas consecrat in pixidè ad communicandum fideles, hæc cum non sumantur ab eo, non essent verè, & propriè sacrificatæ, sicque fideles non essent participes altaris, & sacrificij, cum corpus Christi sumunt, quod videtur esse, contra illud 1. ad Corinth. 10. v. 18. *Nonne, qui edunt hostias, participes sunt altaris?* Et contra illud Canonis, *Vt quotquot ex hac altaris participatione Sacrosanctum Filij tui corpus, & sanguinem sumpserimus.*

Oppositum huius tenet Mag. Soto in 4. d. 13. q. 1. ar. 4. & q. 2. art. 1. vbi ait: *Sumptio vtriusque formæ ad essentiam sacrificij attinet.* Contra quod tamen præter dicta est: nam certissimum est in coena verè obtulisse Deo Patri hoc sacrificium, vt colligitur ex Conc. Trid. sess. 21. cap. 1, & ex Patribus vniuersis: at non est ita certum sacramen-

## 566 QVAESTIO LXXXIII.

Hoc supposito nostram conclusionem docet D. Tho. hic dicens: *Celebratio huius Sacramenti* (quæ in Missa fit) *dicitur immolatio Christi*.

Secundo probatur ex Conc. Trid. sess. 21. can. 1. ubi sic diffinitur: *Si quis dixerit, in Missa non offerri Deo verum, & proprium sacrificium, anathema sit.* Et cap. 1. de Christo dicitur: *Sacerdotem secundum ordinem Melchisedech se in æternum constitutum declarans, corpus, & sanguinem suum sub speciebus panis, & vini Deo Patri obtulit; ac sub earundem rerum symbolis Apostolis, quos tunc novi testamenti Sacerdotes constituebat, utsumeret, tradidit; & eisdem eorumque in sacerdotio successoribus, ut offerrent præcepit per hæc verba: Hoc facite in meam commemorationem. Et hec quidem illa munda oblatio est; quam Dominus per Malachiam nomine suo, quod magnum futurum esset in gentibus, in omni loco mundam offerendam prædixit. Quibus in verbis tria testimonia continentur, quæ hanc veritatem ostendunt, illaque late expendunt, qui contra hæreticos ex professo disputant. Nos solum advertimus, ex verbis illis *Hoc facite* &c. recte colligi, Christum Apostolis, & reliquis Sacerdotibus præcipisse, ut sacrificium Eucharistiae offerrent, quia *facite* idem est ac *sacrificate*. Facere namque non solum à profanis Auctoribus accipitur pro sacrificare, iuxta illud Virgilij, *Cum faciam vitulam* &c. Sed etiam à Scriptura Sacra innumeris in locis, ut *Leuit. 1. 5. v. 15. Faciet unum pro peccato*, & *3. Regum. 18.**

verf.

vers. 23. *Ego faciam bouem alterum.*

Tertio probatur ex illis verbis Danielis 9. vers. 27. *Confirmabit pactum multis hebdomada una, & in dimidio hebdomadis, deficiet hostia, & sacrificium.* Et cap. 12. vers. 11. *Et à tempore cum ablatum fuerit iuge sacrificiū & posita fuerit abominatio, &c* Ibi enim est sermo de tempore Antichristi: sed tunc non erit aliud sacrificium, quod deficere, & auferri possit, nisi sacrificium Missæ; ergo Missa sacrificium est. Maiorem docent ibi S. Hieron. & apud ipsum S. Hippolitus, S. Ireneus, lib. 5. aduersus hæreses cap. 25. S. Ephrem Syrus serm. de Antichristo, Auctor imperfecti hom. 49. in Matth. Primasius lib. 3. in Apoc. Theodoretus, Strabus Monachus, Anselmus Laudunensis, & alii in c. 12. citatum. Colligitur etiam ex Matt. 24. vers. 15. ubi Christus, ut notauit ibi S. Hilarius, de Antichristi temporibus loquens, illum, *Abominationem desolationis, quæ dicta est à Daniele Propheta, appellauit.* Minorem etiam præter alios docet Lyra, qui verba cap. 12. citata sic exponit: *Id est, à tempore illo, quo sacrificium altaris cessabit celebrari solemner, & posita fuerit abominatio, id est, Antichristus exhibitus hominibus ad adorandum.* Quam expositionem late prosequuntur nonnulli recentiores qui de Antichristo scripserunt. Probatur etiam, nam tunc (sicut nec nunc sunt) non erunt sacrificia aliqua veteris legis, cum omnia post passionem Christi cessauerint: & si dicas, illa nihilominus Iudeos qui recipient Antichristum.

568 **QVAESTIO LXXXIII.**

atum fore oblaturus; non de illis loquitur Propheta, nam abominationes erunt Deo, sed de sacrificio iugi Deo grato, & accepto; ergo solum erit sacrificium Missæ, quod iuge dicitur, quia omnibus, & singulis diebus offertur in Ecclesia, immo omnibus, & singulis horis, cum apud Indos, & Antipodas offeratur horis, quæ apud nos sunt noctis; quod sacrificium instante Antichristi persecutione cessabit solemniter celebrari, sicque deficiet in dimidio hebdomadis, id est tribus annis, & dimidio hebdomada enim apud Daniele annorum est, septemque annos continet, sicut hebdomada dierum septem dies.

Quarto. Probatum ex definitione sacrificii, quæ colligitur ex D. Thom. 2. 2. q. 82. sacrificium est religiosa actio, qua in signum debite subiectionis, & honoris soli Deo res aliquæ sensibiles offeruntur, circa quas aliquid fit. Dempta enim prima particula, omnes alias convenire Missæ, nec hæretici negabunt, cum constet Eucharistiam in ea confectam Deo ab Ecclesia, & eius sacerdotibus offerri, aliquid circa ipsam faciendo, frangendo scilicet hostiam sacram, & partem eius in calicem, ubi sunt species vini, mittendo, & tandem utramque partem consumendo. Primam vero particulam definitionis, esse scilicet actionem non superstitiosam, sed religiosam, convenire Missæ, colligitur ex Apostolo 1. Corinth. 10. vers. 20. & seq. ubi de comedentibus idolis inquit, participes esse mensæ damo-

pio.

niorum ; de comedentibus autem Eucharistiam , esse participes mensæ Domini, per mensam altare vtrobiq̃ue intelligens , vt ait Concil. Trid. sess. 22. cap. 1. & per participare de mensa , participare de sacrificio in tali mensa oblato ; ergo cum sacrificium in mensa dæmoniorum oblatum sit actio superstitiosa ; sacrificium vero oblatum in mensa Domini nequaquã , sed actio religiosa : non superstitiosa, sed valde religiosa actio erit Missæ celebratio cuius participes sunt comedentes Eucharistiam , quæ in Missa cõficitur, & Deo offertur super altare , quod est Domini mensa.

Quintò probatur, nam vt optime ostendit M. Cano lib. 12. de locis c. 13. ex Platone , Cicerone , & alijs, nequit esse aliqua Respublica bene instituta sine publica Religione , Templis , Altaribus , Sacerdotibus , & sacrificiis ; ergo cum Ecclesiæ Respublica optime fuerit à Christo instituta, manifesta dementia est, auferre ab illa sacrificia, & consequenter Sacerdotes, qui illud offerant , cum omnis Pontifex teste Apostolo ad Hebr. 5. vers. 1. Constituatur, vt offerat dona , & sacrificia, ac proinde etiam Tempia , & Altaria , in quibus offeratur :

Est autem Missa in Ecclesia Catholica, *Singulare sacrificium* , vt dicitur in Concil. Trid. in principio sess. 22. quod vnicum, & solum Christus instituit, vt sicut ait Leo Papa , ser. 7. de Passione, *Vno expleretur sacrificio. variarum differentia. victimarum.* Vnde Ecclesia in quadam Missæ collecta dicit

*Deus*

*Damus, qui legalium differentiam hostiarum unius sacrificij perfectione sanxisti.* Propter quod rectè Cassalius lib. 2. de sacrificio Missæ c. 25. & alii affirmant, in Missa duo esse sacrificia, in quorum primo panis, & vinum offeruntur, & durat ab Offertorio Missæ usque ad consecrationem; in secundo vero, quod durat à consecratione usque ad Communionem, offeruntur corpus, & sanguis Christi. Nam panem, & vinum ante consecrationem non offert Ecclesia tanquam hostiā sacrificij, sed ut materiam, ex qua conficienda est hostia, qua Deus placetur.

Est autem Christus hostia, quæ in hoc sacrificio offertur, non prout est in propria specie, sed ut est sub speciebus panis, & vini. Vnde Concilium Trid. sess. 22. c. 1. ait: *Corpus, & sanguinem suum sub speciebus panis, & vini Deo Patri oblatæ, &c.* Nam novum instituit Pascha se ipsum ab Ecclesia per Sacerdotes sub signis visibilibus immolandum. Propter quod rectè in conclusione à nobis dictum est, Missam esse sacrificium, quo Christus in hoc Eucharistiæ Sacramento immolatur.

Ad 1. autem factum in principio respondetur negando antecedens; oppositum enim docent Concil. Trid. ubi supra, S. Cyprianus lib. 2. epist. 3. vel 63. ad Ceciliam, S. Greg. Nissenus hom. 1. de Resurrect. S. Leo Papa serm. 7. de Passione, & communiter SS. Patres. Ad 1. probationem dico, sicut agnus Paschalis, & Sacramentum erat, & sacrificium veteris legis; ita Eucharisti-



## ARTICVLVS I. 171

ristiam Sacramentum esse, quatenus est inuisibilis gratiæ visibile signum, testamentum, quatenus est instrumentum publicum diuinæ voluntatis, & promissionis, & sacrificium, quatenus Deo offertur. Neque repugnat, nos Deo dare, quod ab eo accipimus; iuxta illud 1. Paralip. 29. v. 14. *Quæ de manu tua accepimus, dedimus tibi.* Ad 2. probationem dico, licet illud expresse non legatur, constare tamen ex traditione, & Patrum testimonio: vnde illud Conc. Trident. ybi supra docet.

Ad 2. respondeatur negando antecedens.

Ad 1. probationem dico, licet Christus non habeat successores in sacerdotio, sicut habuit Aaron, vt ostendimus 1. 2. q. 90. a. 3. dubio vnico, con. 1. habere tamen plures Vicarios Sacerdotes. Cum enim sit Sacerdos in æternum, debet, vsque ad finem mundi fungi Sacerdotio: cumq. hoc iam non fungatur per se immediate offerendo sacrificia, necesse est, vt habeat plures Vicarios Sacerdotes, per quos hæc faciat, & Sacerdotio fungatur. Quod non aufert ipsum esse vnicum Sacerdotem, sicut nec habere plures Vicarios in magisterio, & officio pascendi, tollit ipsum Christum esse vnicum magistrum, & pastorem; cum nullus ei succedat cum eadem auctoritate, & potestate. Ad 2. probationem dico, licet sacrificium crucis sit sufficientissimum, & vim habeat infinitam ad sanctificandum: vt tamen eius fructus nobis efficaciter applicetur: egerè nos aliis sacrificiis, sicut, &

poenitentiae operibus; alias enim omnes, pro quibus Christus mortuus est, saluarentur.

Ad 3. respondetur, sacrificium Missae non esse sacrificium cruentum, qualia erant sacrificia legis veteris, in quibus animalia immolabantur, de quibus dicitur ad Heb. 9.v.22. *Sine sanguinis effusione non fit remissio.* Sed est sacrificium incruentum, quale fuit sacrificium Melchisedech, qui panem, & vinum obtulit. Et ideo non opus est in illo Christum occidi, & singulis momentis interfici, sed satis est, ut per illud representetur mors, & passio Christi in Cruce: nam ut hic ait D. Thom. *Celebratio huius Sacramenti imago quadam est representativa passionis Christi, qua est vera eius immolatio: & ideo celebratio huius Sacramenti dicitur Christi immolatio.* Nec obstat sacrificium Missae esse idem cum sacrificio Crucis. Nam licet sit idem ex parte hostiae, & principalis offerentis: differt tamen ab illo in modo, & ratione offerendi, ut dicitur in Concil. Trid. sess. 22. cap. 2. & hoc sufficit, ut non sit sacrificium cruentum, sicut illud.



*Dubium 2. An sacrificium Missæ in consecratione corporis, & sanguinis Christi essentialiter consistat.*

**P**Artem negantem tenent multi, & probant primo. Oblatio est de essentia sacrificij, est enim genus ad sacrificium: sed in consecratione nulla est oblatio corporis, & sanguinis Christi; ergo in illa non consistit essentialiter sacrificium Missæ.

Secundò. In feria sexta Parasceues celebratur verè, & propriè sacrificium Missæ: at in die illo nulla fit consecratio; ergo sacrificium Missæ non consistit essentialiter in consecratione. Maior probatur: Tum quia omnes fideles intelligunt veram esse Missam in illo die, & ad illam audiendam teneri, si occurrat in die festo. Tum etiam quia in illo die est oblatio religiosa soli Deo facta rei permanentis, circa quam aliquid exercetur, si quidem hostia eleuatur, benedicitur, & consummatur; ergo est verum sacrificium, cum eius diffinitio illi conveniat. Tum deinde, quia illa actio est aliquod individuum in specie religionis: sed non est aliud præter sacrificium; ergo, &c. Tum denique Deus acceptat illam actionem quantum ad omnes effectus sacrificij, ut scilicet sit impetratoria ad conversionem etiam infidelium, & ad satisfaciendam

## 574 QVAESTIO LXXXIII.

dum pro pœnis debitis peccatis ; ergo etiam acceptat in ratione sacrificij .

Tertio . In omni sacrificio id quod offertur, & sacrificatur præsupponitur actioni sacrificandi : sed quod offertur in Missa, & sacrificatur , nempe Christus sub speciebus, non præsupponitur consecrationi ; ergo hæc non est actio sacrificandi, in qua essentialiter consistit sacrificium Missæ, sed præparatio victimæ , & ita se habet respectu huius sacrificij, quo unio hypostatica respectu sacrificij Christi in cruce .

• Dicendum tamen est : Sacrificium Missæ in consecratione corporis, & sanguinis Christi essentialiter consistere . Probatur 1. ex D. Thom. sup. enim q. 82 ar. 4 ad 1. dicit : *Consecratio Chrismatis, vel cuiuscunque alterius materie, non est sacrificium, sicut consecratio Eucharistia* . Hic etiam art. 4. inquit de Sacerdote peracta consecratione loquens : *Petit hoc sacrificium peractum esse Deo acceptum, cum dicit, supra qua propitio &c.* Sentit ergo statim peracta consecratione peractum esse sacrificium, sicque hoc in illa essentialiter consistere .

Secundò . Consecratio perfectissime representat sacrificium cruentum, quod in ara crucis obtulit Christus Deo Patri; ergo in illa consistit sacrificium Missæ incruentum . Consequentia patet, nam vt hic ad 1. cum S. Amb. dicit D. Thom. *Hoc sacrificium exemplum est illius* . Et in corp. art. dixerat, ideo celebrationem huius Sacramenti dici Christi immolationem, ac per consequens.

sequens sacrificium, quia est imago quædam repræsentatiua passionis Christi. Antecedens verò probatur: Tum ex D. Tho. sup. q. 80. art. 12. ad 3. dicente: *Representatio Dominice Passionis agitur in consecratione huius Sacramenti*. Tum etiam, quia illud sacrificium cruentum in hoc cōsistit, quod Christus pro nobis sanguinem suum fudit, & corpus suum occidi voluit: sed hoc perfectissimè representat consecratio, nam cum ex vi verborum sub speciebus panis ponatur corpus Christi, sine anima, & sanguine, quæ solum ibi sunt per concomitantiam, sub illis ponitur, quasi occisus, & cum ex vi verborum sub speciebus vini ponatur sanguis, sine corpore, & anima, quæ tantum per concomitantiam continentur ibi, sub illis ponitur, quasi effusus, & separatus à corpore; ergo, & sacrificium cruentum.

Tertiò. Præter consecrationem nihil est aliud, quod sit de essentia huius sacrificij; ergo hoc in illa essentialiter consistit. Antecedens probatur, nihil enim eorum, quæ in Missa præcedunt consecrationem, esse de essentia huius sacrificij manifestum est, cum nondum sint ibi corpus, & sanguis Christi, quæ in hoc sacrificio immolantur, & hostiæ rationem habent. Nihil etiam eorum, quæ fiunt, vel dicuntur post consecrationem esse de essentia probatur discurrendo per singula. De elevatione Sacramenti patet, quia Cartusieneses non eleuant sacrum calicem, qui tamen verè sa-

## 576 QVÆSTIO LX XXIII.

sacrificant. Si quis etiam sacram hostiam eleuare obliuisceretur, non propterea Missam non celebrasse diceretur. Idem est de benedictionibus, quæ signo crucis fiunt, & de præcibus, & orationibus, quæ dicuntur. Quæ etiam cum varientur secundum varios ritus Ecclesiarum, vt patet ex liturgijs diuersis, non potest in illis essentia huius sacrificii consistere, quæ inuariabiliter constituta est iure diuino. De fractione hostiæ consecratæ, & mitione partis illius cum speciebus vini dicit D. Thom. hic a. 6. ad 6. *Horum prætermisio non facit imperfectionem sacrificij.* Vnde quauis aliquo casu hæc omitteretur, sicut, & alia prædicta, perfectum sacrificium esset; & non deberet necessario reiterari, repeti, vel suppleri. De oblatione, quæ fit post consecrationem idem asserendum est. Cum etiam non fiat à solo Sacerdote, sed etiam à populo, vt colligitur ex verbis illis. *Vnde, & memores Domine nos serui tui, sed & plebs tua sancta, &c. offerimus præclaræ maiestati tue &c.* Non potest in illa sacrificii essentia consistere; ad solum enim Sacerdotem spectat sacrificium Missæ peragere, & illius hostiam immolare. Vnde sicut in veteri lege vota, & præces, quibus offerabantur Deo res sacrificatæ ad impetrandum ab eo aliquod beneficium, non erant ipsum sacrificium, sed illud supposebant iam peractum in Dei obsequium; ita & prædicta oblatio, per quam offertur Deo sacrificium, petendo pro illo remissionem peccatorum, &  
alia

## ARTICVLVS I. 577

alia diuina beneficia, non est ipsa sacrificium, sed illud prius peractum supponit. De sumptione denique Sacramenti probatur: Tum quia sumptio pertinet ad vsum sacrificij, sicut, & sacramenti, & ad participandum fructum illius ordinatur, sicque sacrificium peractum supponit: sicut comestio agni paschalis in veteri lege illius immolationem supposebat, vt colligitur ex cap. 12. v. 6 & seq. Exod. Tum etiam, quia sumptio Sacramenti non est propria sacerdotum, sed communis ipsis, & aliis fidelibus, cum tamen sacrificium Missæ perficere solis Sacerdotibus conueniat. Tum denique, quia alias, quando Sacerdos plures formulas consecrat in pixidè ad communicandum fideles, hæc cum non sumantur ab eo, non essent verè, & propriè sacrificatæ, sicque fideles non essent participes altaris, & sacrificij, cum corpus Christi sumunt, quod videtur esse, contra illud 1. ad Corinth. 10. v. 18. *Nonne, qui edunt hostias, participes sunt altaris?* Et contra illud Canonis, *Vt quotquot ex hac altaris participatione Sacrosanctum Filij tui corpus, & sanguinem sumpserimus.*

Oppositum huius tenet Mag. Soto in 4. d. 13. q. 1. ar. 4. & q. 2. art. 1. vbi ait: *Sumptio vtriusque formæ ad essentiam sacrificij attinet.* Contra quod tamen præter dicta est: nam certissimum est in coena verè obtulisse Deo Patri hoc sacrificium, vt colligitur ex Conc. Trid. sess. 21. cap. 1, & ex Patribus vniuersis: at non est ita certum sacramen-

tales species sumpsisse, nam licet id afferat D. Thom. supra q. 81. ar. 1. alij incertum esse dicunt, ergo sumptio specierum non est de essentia huius sacrificii, alias eodem modo esset certum vnum, ac alterum. Deinde, quia ut ait D. Thom. supra q. 82. art. 4. ad 1. *Si miraculose corpus Christi in altari sub specie carnis appareat, aut sanguis sub specie sanguinis non est sumendum.* At tunc non manet sacrificium essentialiter imperfectum; ergo sumptio non attinet ad essentiam sacrificii.

Concedendum tamen est, sumptionem ad integritatem, & perfectionem sacrificii pertinere plus, quā alias actiones de mpta consecratione: propter hoc enim quando Sacerdos apprehendit venenum in calice fuisse immisum inquit D. Thom. hic ar. 6. ad 3. *No sacramentum remaneat imperfectum debet aliud vinum apponere in calicem, & de novo reficere à consecratione sanguinis, & sacrificium perficere.* Quod de perfectione accidentali intelligendum est; plus tamen necessaria, quam ea, quam habet sacrificium ab aliis actionibus sacrificialibus. Nā aliae actiones solum sunt necessariae tanquam ceremoniæ ex præcepto Ecclesiæ inter sacrificandum adhibendæ: sumptio verò ex diuino præcepto necessaria est. De quo licet nonnulli dubitent, quia Concil. Trid. sess. 22. cap. 1. tantum docet id haberi ex traditione Apostolica, ex qua non necessario inferitur ius diuinum: mihi tamen probabilius est, & fere certum, Christum



stum præcepisse, vt Sacramentum à celebrante sumeretur ; propter quod D. Th. sup. q. 82. ar. 4. absolute docet : *Necesse est : quod Sacerdos quotiescumque consecrat, sumat integrè hoc Sacramentum*. Quod probat ex Conc. Tolet. dicente, id omnibus modis tenendum esse, & rationem huius his verbis reddente *Quale est sacrificium, cui nec ipse sacrificans particeps esse dignoscitur?* Quæ verba indicare videntur, necessitatem præcepti sumendi Sacramentum naturaliter consequi institutionem ipsam sacrificii, ac proinde nõ humanum, sed diuinum Christi instituentis esse præceptum ; propter quod semper Ecclesia curauit, vt obseruaretur, & nunquam sacerdos consecraret, quin vtramque speciem lumeret.

Ad 1. autem factum in principio respondetur, oblationem, quæ est de essentia sacrificii, non debere necessario esse verbalem : nam vt ait D. Thom. supra q. 48. ar. 3. *Sacrificium propriè dicitur aliquid factum in honorem propriè Deo debitum ad eum placandum*. Quod sine oblatione verbali fieri potest, & sufficit oblatio realis, quæ in tali facto includitur. Et hæc realis oblatio includitur etiam in consecratione corporis, & sanguinis Christi : sicut enim Christus in cruce sacrificium corporis, & sanguinis sui obtulit, non tam verbis, quam factis, moriendo scilicet pro Dei gloria, & nostra salute : ita Sacerdos consecrans offert opere, & re ipsa corpus, & sanguinem Christi

ij B b con.

## 580 QVAESTIO LXXXIII.

consecratione ipsa, hæcque est realis quædam oblatio repræsentans mortem, & passionem Christi, eiusque cruentum sacrificium. Quod & colligitur ex forma Sacerdotii, quæ ponitur in Con. Florent. in instructione Armenorum, *Accipe potestatem offerendi sacrificium in Ecclesia pro vivis, & mortuis*. Per hæc enim verba, ut ait D. Thom. quæst. præcedent. art. 1. ad 1. datur potestas consecrandi, atque adeo offerre sacrificium accipitur pro consecrare, & idem est cum illo, consecratioque, quatenus fit in honorem Deo debitum ad eum placandum, est quædam realis oblatio, & propriè sacrificium.

Ad 2. respondetur, sacrificium, quod fit feria sexta Parasceves, non esse aliud, quam illud, de quo dicitur in 6. Synodo generali cap. 52. *In omnibus sancta Quadragesima ieiunij diebus, præter quam Sabbato, & Dominica, & Annuntiationis die fiat sacrum præsanctificatorum sacrificium*. De quo Auctor summæ Conciliorum ibi ex Theodoro Balsamon hæc dicit: *Sacrificium præsanctificatorum est oblatio sacrificij iam peracti, & perfecti Ieiuniorum autem dies luctus, & compunctionis in expiationem peccatorum, & quia sacrificium offerre est festum diem agere, statuerunt Patres non fieri novam consecrationem tota Quadragesima, nisi Sabbato, & Dominica &c.* In his enim festum agere, non lugere, nec ieiunare iussi sumus. Quod nunc observatur apud Latinos in die Parasceves. Ex quo patet in feria sexta Parasceves non celebrari  
ve.

verè, & propriè sacrificium Missæ, & quod in illo die sit, solum esse quandam oblationem sacrificij peracti, hoc est, hostiæ die præcedente sacrificatæ, simili ei, quæ in veteri lege sacrificio iam peracto res sacrificata offerebatur Deo ad aliquod beneficium impetrandum. Vnde in forma neganda est maior argumenti. Ad 1. probationem negandum est, omnes fideles illud intelligere, cum potius, vt dicitur in Can. *Sabbato*, De consecrat. dist. 3. *Traditio Ecclesiæ habeat isto biduo Sacramenta penitus non celebrari*, scilicet feria sexta, & sabbato hebdomadæ sanctæ; in quibus Missam dici nõ posse asserit Nauarrus cap. 25. num. 88. Et quidquid sit de sabbato, in quo Missam, quæ nunc dicitur, ait non esse illius diei, sed noctis Resurrectionis, verum est, quod de feria sexta dicit: *In sexta verò feria, nec dicitur, nec dici debet, nec publicè, nec secretè, sed solū suscipitur hostia, quæ ex præcedenti die consecrata remansit*. Cum ergo in tali feria sexta non sit verè, & propriè sacrificium Missæ, quia hoc sine consecratione non est; nõ tenentur fideles in illa etiam si occurrat in die festo Annuntiationis Missam audire, nec assistere officio illius diei: quia præceptum Ecclesiæ solum est audiendi Missam. Ad 2. probationem dico, oblationem illius diei esse oblationem sacrificij iam peracti, & perfecti, sicque non esse propriè sacrificiū, sed sacrificium præsanctificatorum, vt diximus; quod solum latè, & cum addito sacrificium appellatur. Ad 3. probationem

582 *QVAESTIO LXXXIII.*

dico, illam actionem esse oblationem sacrificii iam peracti, quæ licet ad virtutem religionis spectet, non tamen est propriè, & simpliciter sacrificium, quamvis ad illud quodammodo reducat. Ad 4. probationem dico, illos effectus, non solum esse sacrificii propriè sumpti, sed etiam oblationis sacrificij iam peracti.

Ad 3. respondetur negando maiorem: nam nō solum offertur, & sacrificatur, quod ad actionem sacrificandi præsupponitur tanquā materia illius, sicut præsupposita fuerunt panis, & vinum ad oblationem, & sacrificium Melchisedech; sed etiam quod per actionem sacrificandi fit, eiusque terminus est; per actionem enim sacrificandi offerebatur, & sacrificabatur olim animal, quod in Dei honorem occidebatur, & per talem actionem occidebatur, & nō præsupponebatur occisum tali actioni. Vnde cum Christus sub speciebus sit terminus consecrationis, per hanc Christus offertur, & sacrificatur, sicque ut hic ait D. Thom. *Celebratio huius Sacramenti dicitur Christi immolatio. Quæ celebratio ipsa consecratio est, nam ut idem S. Doct. ait supra q. 82. ar. 4. ad 2. In consecratione perficitur Sacramentum.*



*Dubium 3. An sacrificium missæ sit propitiatorium, & ad quos effectus proficiat, & valeat, & quomodo.*

**N**onnulli hæretici nostri temporis, licet Deo gratissimum esse asserant sacrificium Missæ propitiatorium tamen esse negant.

Dicendum tamen est primo. Sacrificiū Missæ propitiatorium esse, sicque ad remissionem peccatorum, & poenarum pro eis debitarum; & ad alias necessitates valere, & prodesse non solum sumenti, sed etiam alijs tam viuis, quam defunctis, pro quibus offerri debet. Probatur primo, ex Concilio Trid. sess. 22. can. 3. vbi diffinitur: *Si quis dixerit Missa sacrificium tantum esse laudis, & gratiarum actionis, aut nullam commemorationem sacrificij in Cruce peracti, non autem propitiatorium: vel soli prodesse sumenti; neque pro viuis, & defunctis, pro peccatis, poenis, satisfactionibus, & alijs necessitatibus offerri debere; anathema sit.*

Secundò. Nam vt dicitur ad Hebræos 5. v. 1. *Omnis Pontifex constituitur, vt offerat sacrificia pro peccatis.* Ergo cum Sacerdotes nouæ legis non nisi Missæ sacrificium offerant, illud tanquam propitiatorium pro peccatis offerunt, hocque non solum pro se ipsis, sed etiam pro populo: nam sacerdos, vt ibidem vers. 3. subditur, *Debet quemadmodum pro populo, ita etiam pro semetipso offerre pro peccatis.* Cumque sacrificium proficiat eis, pro quibus offertur, alias frustra pro eis

offerretur, hoc sacrificium non solum sumententi prodest, sed etiam alijs pro quibus offertur. Immo sumententi, ut sic, licet proficiat quatenus est sacramentum; ut tamen est sacrificium formaliter nemini prodest, nisi quatenus aliquo modo offertur pro illo, siue offeratur ab ipsomet, siue ab aliquo alio.

Dicendum est secundo. Ad delenda peccata mortalia, & eorum veniam obtinendam, atque ut peccatores primam gratiam consequantur, & iusti gratiæ augmentum, valere hoc propitiatorium sacrificium, quia est eorum impetratorium; non tamen, quia ex opere operato infallibiliter causet hæc, aut contritionem, vel efficacia auxilia ad illa obtinenda, quamvis probabile sit hoc modo causare auxilia sufficientia.

Prima pars probatur ex Conc. Trident. sess. 22. cap. 2. ubi sic dicitur: *Docet sancta Synodus sacrificium istud verè propitiatorium esse, per ipsumque fieri, ut si cum vero corde, & recta fide cum metu, & reuerentia contriti, & poenitentes ad Deum accedamus, misericordiam consequamur, & gratiam inueniamus in auxilio opportuno. Huius quippe oblatione placatus Dominus gratiam, & donum poenitentiae concedens crimina, & peccata etiam ingentia dimittit. Vbi illud, Per ipsum fieri, intelligendum est per modum impetrationis, ut ex ratione subiuncta colligitur: nam id cuius oblatione placatus Dñs peccata ingentia, scilicet mortalia, dimittit gratiam, & donum poenitentiae*

con-

concedens, 'horum remissionem impetrare dicitur mouendo diuinam misericordiã ad gratiam, & donum poenitentia concedendum, & peccata dimittendum. Vnde D. Thom. de eis pro quibus hoc sacrificiũ offertur ait in 4. dist. 12. q. 2. art. 2. quæstioncula 2. ad 4. *Peccata mortalia eis delet, non sicut causa proxima, sed in quantum gratiam contritionis eis impetrat.*

Secunda pars adeo certa est, vt eius oppositum error censeatur. Probatur i. nam causare gratiam, aut eius augmentum ex opere operato est proprium sacramentorum, & remissio peccatorum post Baptismum commissorum ponitur effectus proprius Sacramenti Poenitentia; ergo non conuenit huic Missæ sacrificio; alias si pro peccatore attrito offeratur sacrificium, fieret ex attrito contritus, quod est erroneum.

Secundò. Quia sequeretur omnes pro quibus offertur hoc sacrificium, illa infallibiliter consequi, peccatores quidem contritionem, & primam gratiam, iusti verò charitatis feruorem, & gratia augmentum: sed hoc est falsum, cum videamus multos peccatores permanere in sua obduratione vsque ad finem vitæ, licet pro illis multæ Missæ fuerint celebratæ; & multos iustos, pro quibus Missæ sacrificium offertur, manere tepidos sicut ante, & absque gratia augmento; ergo &c.

Tertia pars asseritur à multis, & valde rationi conforme videtur. Deum ceteris

paribus, specialiora auxilia conferre illis, pro quibus offertur hoc sacrificium, ut exeat à peccato. si sint in illo, & ut promoveantur, & crescant in gratia, si iam habeant illam: quia tamen, hoc non infallibiliter sequitur ex illis, non sunt talia auxilia ad hoc efficacia, sed solum sufficientia.

Dicendum est 3. Peccatorum venialium remissionem hoc sacrificium Missæ causare, non solum per modum impetrationis, sed etiam ex opere operato certo, & infallibiliter: si tamen homo, pro quo offertur, sit sufficienter dispositus ad illam. Docent hoc multi discipuli D. Thom. hic, & probant 1. ex Can. *Iteratur*, & Canon. *Virum*; De consecrat. dist. 2. ibi enim hanc oblationem, seu Missæ sacrificium quotidie iterari dicitur: *Quia quotidie peccamus peccatis, sine quibus mortalis infirmitas vivere non potest*, qualia sunt venialia. Quæ ratio supponere videtur, hoc sacrificium specialiter fuisse institutum, & ordinati ad relaxanda peccata venialia, sicque licet mortalia solum abluat per modum impetrationis, venialia tamen remittere ex opere operato tanquam defectus amicorum.

Secundo. Quia de sacramentalibus ait Mag. Soto in 4. d. 15. q. 2. art. 3. *Habere vim remittendi venialia ex opere operato*, ergo idè dici potest de hoc. Missæ sacrificio.

Tertio. Quia ad perfectionem huius sacrificij pertinere videtur, ut remittat ex opere operato omnia illa, quæ sine speciali actu, & particulari displicetia remitti possunt.



sunt: sed peccata venialia sunt huiusmodi, nam vt ait D. Thom. q. 7. de malo, artic. 11. ad 3. ad remissionem illorum, *Non requiritur displicentia in particulari, sed in vniuersali tantum*: Et vt dicit M. Soto vbi supra non requiritur excitatio motus poenitentię, sed sufficit, vt ea, quę ad eorum remissionem sunt instituta, applicentur ex voluntate eius, cui applicantur; ergo &c. Confirmatur, si quis in gratia existens pro se offerret hoc sacrificium hac intentione formali, aut virtuali, vt à Deo obtineat remissionem suorum peccatorum infallibiliter consequeretur remissionem omnium culparum venialium, vt nonnulli ex Auctoribus sententię oppositę asserunt: & non ex opere operantis; nam si sacrificium esset nullum, quia celebrans non esset sacerdos inuincibiliter hoc ignorans, talem remissionem non consequeretur, nec ad eam sufficeret oblatio illa sine sacrificio; ergo ex opere operato. Et idem est de eo, qui peteret à Sacerdote, aut ei eleemosynam daret, vt Missam pro ipso celebraret in remissionem suorum peccatorum.

Dixi, si tamen homo sit sufficienter dispositus: nam si sacramenta non conferunt gratiam, & suos effectus, quos causant ex opere operato, nisi sufficienter dispositis, neque hoc sacrificium remissionem culpę venialis causabit, nisi homo sit sufficienter dispositus ad illam. Ad quod primo requiritur, vt sit in gratia: nam non remittuntur peccata venialia homini, perma-

588 *QVÆSTIO LXXXIII.*

nenti in peccato mortali. Secundo, vt homo iustus non habeat affectum ad peccata venialia: nam vt ait D. Thom. q. 7. de malo, art. 11. venialia, non dimittuntur eis, qui talem affectum, & propositum peccandi venialiter habent; Tertiò, vt iustus habeat aliquem actum, qui licet per se non sufficiat ad venialium remissionem, sufficit tamen ad disponendum ad illam per hoc sacrificiũ obtinendam, eo modo, quo licet attritio non sufficiat ad remissionem peccati mortalis, sufficiens tamen dispositio est ad illam per Sacramentum Baptismi, aut Pœnitentiæ consequendam. Talis est quæcumque displicentia venialis, non solum in particulari, sed etiam in communi, & ea, quam habet quis eo ipso, ac petit pro se celebrari Missam ad eos effectus, ad quos est instituta, sicut similis displicentia sufficit, vt sacramentalia remittant peccata venialia.

Si interrogas, an hæc venialium remissio per hoc Missæ sacrificium facta ex opere operato se extendat ad animas in Purgatorio existentes? Respondetur, de remissione peccatorum venialium in Purgatorio duas esse sententias. Prima est, illa statim in primo ingressu Purgatorii remitti per actum charitatis in Deum repugnantem venialibus in hac vita commissis, quem eliciunt animæ, non quidem meritorie, sed dispositiue, cum enim ibi non sit status merendi, remissio venialium non respondet tali actui charitatis, vt merito, sed

vt

vt dispositioni. Quæ sententia videtur esse D. Thom. q. 7. de malo, art. 11 in corp. & ad 16. & iuxta illam non videtur relinqui locus remissioni venialium, quæ fit per hoc Missæ sacrificium, cum illa iam ante sint dimissi, nisi forte Missæ sacrificium pro anima Purgatorij oblatum expleretur in eo instanti, in quo primo anima Purgatorium ingrederetur, tumque remissio venialium, & actui charitatis elicitio ab anima, & sacrificio Missæ pro eo oblato responderet. Secunda est Mag. Soto in 4. dist. 15. q. 2. artic. 2. *Quod per actum charitatis, & patientie continuatum illo tempore, quo veniale punitur, remittitur culpa.* Non in primo ingressu Purgatorij. Et iuxta hanc sententiam, cum culpa maneat toto tempore, quo veniale punitur, sicut relinquitur locus, vt remissio poenarum, quam causat hoc Missæ sacrificium, se extendat ad animas in Purgatorio existentes: ita & vt ad easdem se extendat remissio venialium ab hoc Missæ sacrificio causata. Sicque per hoc sacrificium non solum per modum impetrationis, sed etiam ex opere operato certo, & infallibiliter remittuntur in Purgatorio peccata venialia cum suis poenis. Vnde sancta, & salubris cogitatio est pro defunctis hoc Missæ sacrificium offerre, vt à peccatis venialibus soluantur, nō solum quantum ad poenam, sed etiam quantum ad culpam.

Dicendum est 4. Ad remissionem poenæ temporalis, quæ remissa iam culpa restat soluenda in Purgatorio, valere hoc Missæ sa-

sacrificium, non solum per modum impetrationis, sed etiam ex opere operato. Docet hoc D. Thomā in 4. dist. 12. quæst. 2. art. 2. quæstiuncula 3. dicens: *Eucharistia, in quantum est sacrificium, accipit rationem satisfactionis, & secundum hoc in parte, vel in toto poenam tollit.* Idem docet hic q. 79. art. 5. Nec obstat quod ibidem ait S. Doct. *Homo consequitur remissionem poenæ, non quidem totius, sed secundum modum sue deuotionis.* Nam etiam sacramenta gratiam causant secundum quantitatem deuotionis, & dispositionis fumentium; & tamē illam ex opere operato causant. Non obstat etiam, quod communiter dicitur, hoc missæ sacrificiū prodesse defunctis per modum suffragij. Nam prodesse per modum suffragij abstrahit ab eo, quod est prodesse per modum impetrationis, & ex mera misericordia Dei. & ab eo, quod est prodesse ex opere operato, & per modum satisfactionis.

Secundo probatur, hoc Missæ sacrificiū ex propria ratione, & institutione est propitiatorium, & per illud applicatur eis pro quibus offertur, passio Christi, per illudque oblationis cruentæ fructus uberrimē percipiuntur, vt colligitur ex Concilio Trid. sess. 22. cap. 1. & 2. ergo habet de se virtutem, vt ex opere operato per modum legis certæ, & infallibilis remittat omnia, quæ specialem displicentiam, & detestationem non requirunt, præsertim poenas, quæ remissa culpa restant soluendæ in Purgatorio.

Ex

Ex his colligitur, magis prodesse tam viuis, quam defunctis, offerre pro illis sacrificium Missæ, quam eleemosynas, & orationes: quia hæ solum per modum impetrationis illis profunt; illud verò per modum legis certæ, & infallibilis ex opere operato, quantum ad remissionem culparum venialium, & poenarum pro eis, & pro peccatis mortalibus iam dimissis debitum. Vnde S. Anton. 3. p. tit. 13. cap. 6. §. 13. ait: *Nihil est in hac vita, quod tantum satisfaciat pro mortuis.*

Dicendum est 5. Per modum impetrationis valere hoc missæ sacrificium ad bona temporalia, quatenus ad spiritualia, & salutem animæ ordinantur, consequenda. Probatur, nam vt ait S. August. lib. 17. de Ciuit. Dei cap. 20. *Id sacrificium successit omnibus illis sacrificijs veteris testamenti, quæ immolabantur in umbra futuri.* Idem dicit lib. 6. contra Faustum cap. 5. ergo sicut olim offerebantur diuersa sacrificia pro diuersis necessitatibus: ita etiam nunc offerri potest, & debet hoc Missæ sacrificium, pro quibuscumq; necessitatibus. Vnde S. Chrysostom. 77. in Ioann. ad finem ait: *Pro infirmis: & terra, & maris, & vniuersi orbis fructibus sacrificamus.* S. Gregor. lib. 4. Dialogorum cap. 57. & hom. 37. in Euang. refert. quosdam à captiuitate, & naufragio liberatos per hoc sacrificium pro eis oblatum. Beda lib. 4. hist. Angliæ. cap. 22. mirabilem historiam ad hoc propositum refert. Denique S. Anton. 5. par. tit. 13. cap. 6. §. 13. inquit:

*Maius*

*Maius donum non potest homo homini dare, quin missam pro eo dicere, vel dare.*

**Dubium 4.** *An hoc Missae sacrificium sit valoris infiniti, & oblatum pro multis, ita prosit singulis, ac si pro uno tantum offerretur.*

**P**Artem negantem tenent multi, & probant primo. Eucharistia in ratione Sacramenti habet virtutem finitam sicut alia sacramenta; ergo etiam in ratione sacrificij, vna enim & eadem res est Sacramentum, & sacrificium.

Secundo. Quia alias esset infinite satisfactorium, & infinitum valorem haberet, quoad efficaciam: sed hoc est falsum; ergo non est infiniti valoris. Minor patet, nam per quamlibet missam ponerentur in actu vniuersi fructus spirituales, quos passio Christi meruit, quo ad sufficientiam, & ille, pro quo offerretur, liberaretur ab omni poena debita pro suis peccatis. Maior vero probatur: Tum quia proprius valor, & virtus huius sacrificij, quatenus distinguitur à sacrificio cruento Crucis, attendi debet, quo ad efficaciam, vt scilicet pretium passionis infinite sufficiens (nobis efficaciter applicetur. Tum etiam, quia si solum haberet infinitum valorem, quo ad sufficientiam non aliter, nec magis nobis valeret ad salutem, quam passio Christi in se ipsa

ipsa per fidem apprehensa, & oblata Deo extra Missam: sed hoc est falsum; ergo, &c.

Tertiò. Hoc sacrificium actu, & de facto semper habet effectum determinatum, & finitum remissionis poenæ debitæ pro peccatis in eo, pro quo offertur: at non semper habet illum ex deuotione offerentis, aut eius, pro quo offertur, vt patet si offeratur à malo Sacerdote pro aliquo nullā deuotionem actualem habente, sed solam gratiam habitualem; ergo ex vi ipsius sacrificij, ac per consequens sacrificium ipsi nō habet infinitum valorem, ac virtutem, alias enim infinitum effectum produceret, nam non esset à quo limitarecur.

Quartò, probatur. Hoc Missæ sacrificiū oblatum pro multis minas valere singulis, quam si pro vno tantum offerretur. Res finita in plures diuisa minor fit in singulis, & tanto minor pars pertingit ad vnumquemque, quanto in plures diuiditur. Sed valor sacrificij, quem sacerdos applicat, est finitus; ergo eo minus proderit singulis, quo fuerit pluribus applicatus per Sacerdotis intentionem. Minor patet ex dictis, & præterea probatur, quia valor quem habet hoc sacrificiū ex opere operato, limitatur propter modum quo conficitur, & offertur per actionem Sacerdotis creati. Confirmatur, quando fideles dant elemosinam, vt celebretur Missa pro ipsis, aut suis defunctis, intelligunt pro ipsis solis deberi Missam celebrari, alias putant se defrau-

fraudari fructu Missæ: sed hoc non haberet locum, si Missa pro pluribus oblata tantū valeret vnicuique, ac si pro ipso solo offerretur; ergo &c.

Quinto. Sacrificium Missæ pro pluribus generaliter, & quasi confuse oblatum minus valet singulis, quam si pro illis distincte, & in speciali offerretur; ergo etiam pro pluribus distincte, & in speciali oblatum. Consequentia patet, nam eo ipso, ac Missa offertur pro pluribus, fit generalis, & communis omnibus illis, & non specialis omnino vni. Antecedens probatur: Tum quia in Concil. Constan. sess. 8. damnatur tanquam erronea propositio Vviclef dicentis, speciales orationes applicatas vni personæ, per Prælatos, vel Religiosos non plus prodesse illi quam generales, ceteris paribus: sed idem est de Missa specialiter oblata pro aliquo; ergo &c. Tum etiam ex usu, & traditione Ecclesiæ, quæ consuevit speciales Missas pro specialibus personis offerre, & ita communiter sentiunt fideles, se magis iuari, ex hoc quod in speciali offeruntur orationes, & sacrificia pro ipsis, quam in generali, & magis prodesse Missam animæ Purgatorii, pro qua specialiter dicitur, quam alijs. Tum denique quia quanto causa melius applicatur ad effectum, tanto effectus est præstantior, si cetera sint paria: sed virtus, & causalitas huius sacrificij applicatur per intentionem Sacerdotis ad causandum suum effectum in eo pro quo offertur, & quanto magis distincte, &

in



in speciali dirigit Sacerdos in aliquem intentionem applicatiuam sacrificij, tanto melius huius virtus, & causalitas applicatur; ergo &c.

Sexto. Quia alias sequeretur, posse Sacerdotem pro eadem Missa plures pitatias lege, vel consuetudine taxatas à diuersis accipere, nulli enim fieret iniurià, si tantum valeret vnique Missa pro multis oblata, ac si pro illo solo offerretur: consequens est falsum; ergo &c.

Dicendum tamen est primo. Hoc sacrificium Missæ esse infiniti valoris quantum ad sufficientiam, licet quantum ad efficaciam semper actu, & de facto habeat finitum, & determinatum effectum, iuxta quantitatem deuotionis offerentium, vel eorum, pro quibus offertur. Docet hoc Caiet. to. 2. Opusc. tract. 3. q. 2. & hic q. 79. art. 5. & probat ex D. Th. ibi dicente: *Quantum hæc oblatio ex sui quantitate sufficiat ad satisfaciendum pro omni pœna: tamen sit satisfactoria illis pro quibus offertur, vel etiam offerentibus secundum quantitatem deuotionis, & non pro tota pœna.* At si non esset infiniti valoris quantum ad sufficientiam, non sufficeret ex sui quantitate ad satisfaciendum pro omni pœna, omnium scilicet peccatorum tam hominum viuentium, quam mortuorum: & si quantum ad efficaciam non haberet actu, & de facto finitum effectum, satisfactoria esset pro tota pœna soluenda ab eis, pro quibus offertur; ergo &c.

Ad-

596 *QVAESTIO LXXXIII.*

Aduertendum tamen est, nomine deuotionis offerentium, & eorum, pro quibus offertur hoc sacrificium, nihil aliud esse intelligendum quam promptam voluntatem faciendi, quod ad Dei cultum, & seruitium pertinet; in hac enim voluntate consistit deuotio, vt docet D. Thom. 2. 2. q. 82. art. 1. & 2. vbi, & ait deuotionem actum esse religionis; ex quo sequitur deuotionem, licet regulariter causetur ex charitate, sine illa tamen esse posse, sicut, & quemlibet alium actum religionis. Consistit ergo deuotio offerentium hoc sacrificium in voluntate prompta illud offerendi pro se aut pro alijs: deuotio vero eorum, pro quibus offertur, in voluntate prompta, vt pro ipsis offeratur Missæ sacrificium. Et quamuis in eo, qui recipit effectum huius sacrificii, deuotio hæc debeat esse coniuncta cum charitate, & gratia; in eo tamen qui solum applicat, & offert sacrificium; sine gratia, & charitate esse potest, vt de facto est in malis Sacerdotibus Missam celebrantibus pro alijs, quibus indispositio talium Sacerdotum non est impedimento, vt fructum sacrificii consequantur, nisi ipsi etiã indispositi, & in peccato mortali sint.

Aduertendum est etiam per quantitatem deuotionis non solum intelligere Diu. Thom. eius intensionem, sed etiam extensionem: prodest enim hoc sacrificium illis, pro quibus applicatur à Sacerdote, & quo pluribus applicatur, eo pluribus prodest, quo ad remissionem poenæ.

Immo

Immo etiam intelligit modum, quo sacrificiū ab eodem Sacerdote applicatur, nempe vel in communi, & generaliter, aut in particulari, & specialiter, confusè, aut distinctè, magis enim, aut minus prodest hoc sacrificium, iuxta modum quo offertur, eiusque perfectionis quantitatem. Vnde quod ait Caiet. vbi supra, *Sicut efficacia passionis Christi determinatur ad hunc per hoc vel illud Sacramentum: ita efficacia huius sacrificij per hanc vel illam deuotionem; de hac vel illa deuotione à nobis explicata, & secundum eius quantitatem explicatam intelligendum est.*

Secundò probatur conclusio, sacrificiū Crucis fuit valoris infiniti quantum ad sufficientiam; ergo, & hoc Missæ sacrificium. Consequentia probatur. Tum quia, vt multi dicunt, hoc Missæ sacrificium in cruento idem numero est formaliter cum illo Crucis sacrificio cruento; sicut enim vniversæ superficies, quæ succedunt in eadem distantia præteritæ, præsentis, & futuræ sunt formaliter idem numero locus: ita vniversæ actiones sacrificandi præteritæ, præsentis, & futuræ, stante eodem offerente principali, & eadem hostia oblata scilicet Christo, sunt formaliter idem numero sacrificium, & solum materialiter sunt plura. Vnde S. Chrysost. hom. 17. in epist. ad Hebræos ait: *Sicut qui ubique offertur vnum corpus est, & non multa corpora: ita etiam, & vnum sacrificium, Non aliud sacrificium, sicut Pontifex, sed id ipsum semper facimus.*  
Tum

598 **QVÆSTIO LXXXIII.**

Tum etiam, quia licet alii distinctum numero sacrificium esse absolute asserant, cum sint nostra, & Christi diuersæ actiones sacrificandi numero distinctæ, utpote in diuersis subiectis, & in diuersis temporibus existentes, & sacrificium pro actione sacrificandi supponat: vnde sicut nostra sacrificia distinguuntur numero inter se, dicimus enim plura sacrificia, & plures Missas in Ecclesia celebrari: ita, & numero distinguuntur à sacrificio Christi, tamen in nostro Missæ sacrificio, ut dicitur in Concil. Trid. sess. 22. cap. 2. *Vna eademque est hostia, idemque nunc offerens Sacerdotum ministerio, qui se ipsum tunc in Cruce obtulit, sola offerendi ratione diuersa.* Ergo sicut sacrificium Crucis fuit valoris infiniti quantum ad sufficientiam, ita & hoc Missæ sacrificium; quod nos modo offerimus. Probatur consequentia, nam valor essentialis sacrificii non sumitur à ministro, sed à principali offerente, à quo siue immediate, siue aliorum ministerio offeratur, eundem semper valorem habet. Sicut, & donum collatum à Rege eiusdem valoris est, siue ab ipso Rege immediate, siue aliorum ministerio conferatur: & mandatum Regis non minus valet factum ministerio aliorum, quam si per ipsum Regem immediate fieret: & eleemosyna facta per ministrum etiam malum non est minoris valoris, quam facta immediate à principali largiente.

Dicendum est 2. si pro multis equaliter offeratur hoc sacrificium Missæ, ac pro vno solo,

solo, non minus prodest singulis, quam si pro vno solo offerretur: si vero pro vno offeratur specialius, & in particulari, pro aliis autem solum in generali, & non ita specialiter plus illi prodest quam aliis, cæteris paribus. Primam partem docet Caietan. Opusculi citato dicens: *Quoniam ex parte rei oblata est infinitas in hoc sacrificio, & per unicam deuotionem non exhauritur, nec minuitur, consequens est, ut non solum pluribus, sed infinitis deuotionibus unicum sacrificium sufficienter respondeat, cuiuslibet certam pariendo satisfactionem. Nihil igitur adimitur alieni facienti pro se offerri hoc sacrificium ex quantitate effectus huius sacrificij secundum se, & applicati ad ipsum, ex hoc quod alter procuraret eandem pro se dici (scilicet Missam) nec è conuerso, sed unicuique respondet tantundem, quantum si pro se solo diceretur: quia unicuique sufficienter, & efficienter iuxta quantitatem deuotionis suo.*

Probatum deinde, quando sacerdos equaliter offert Missam pro circumstantibus, etiam si circumstantes sint multi, non minus singulis prodest, quam si quilibet eorum solus circumstaret, ipseque solus esset, pro quo Missa illo modo offerretur, alias enim procurandum esset, audire Missam, cui nullus alius assistat, & melius esset audire Missam priuatam, cui paucissimi assistunt, quam publicam, & solemnem, cui assistit omnis populus; ergo si pro multis æqualiter offeratur hoc Missæ sacrificium non minus prodest singulis, quam si pro

vno

## 600 QVABSTIO LXXXIII.

vno solo offerretur. Confirmatur, certum est Sacerdoti in *Missa* commemorationem facere, non solum eius, qui eleemosynam dedit, sed etiam amicorum, & propinquorum suorum, pro hisque quantumvis multi sint, in particulari, ac distincte *Missa* offerre: at non liceret, si propter hoc minus prodesset *Missa* conferenti eleemosynam, ergo; &c.

Secundam partem probat argum. 5. factum in principio, eiusque ratio colligitur ex dictis conclus. 1. Cum enim secundum quantitatem deuotionis offerentium, maior, aut minor sit effectus huius sacrificij, & modus offerendi, & applicandi illud in communi, aut in particulari, confuse, aut distincte ad quantitatem deuotionis eius, qui offert, pertineat; quo perfectius hic illud offert pro aliquo, plus illi, pro quo offertur, prodest ex hac parte, sicque si specialius, & in particulari offeratur pro vno, plus illi prodest ceteris paribus, quam alijs pro quibus solum in generali, & non ita specialiter.

Si hinc inferas, non esse licitum Sacerdoti specialius offerre hoc sacrificium pro alijs, aut pro se, quam pro eo, qui ei dedit eleemosynam. Respondetur, solum reneri Sacerdotem offerre *Missa* pro eo, qui dedit eleemosynam eo modo quo sacrificium sic perfecte applicatum, nempe non solum in communi, sed etiam in particulari: si tamen hoc modo offerat etiam si pro alijs, aut pro se specialius, & cum maio.

## ARTICVLVS I. 601

maiore, ac intensiore deuotione offerat, nō peccat : quia non tenetur danti eleemosynam conferre totum, quod correspondet suæ deuotioni, sed solum, quod satis est, vt sacrificium sit illi perfectè applicatum, alias enim contra iustitiam peccaret, si nō celebraret in gratia, vt totum, quod potest propriæ deuotionis responderetanti eleemosynam, applicaret.

Ad 1. vero factum in principio respondetur negando consequentiam : quia vt diximus cum Caietan. *Sicut efficacia passionis Christi determinatur ad hunc per hoc, vel illud Sacramentum : ita efficacia huius sacrificij per hanc, vel illam deuotionem.* Vnde sicut hæc, vel illa deuotio habet virtutem finitam : ita, & hoc vel illud Sacramentum, cum tam Sacramentum, quam deuotio solum habeat rationem determinatis efficaciam sacrificij; Miſe vero sacrificium non solum hanc habet rationem, sed etiam, aut est idem numero formaliter cum sacrificio Crucis, aut saltem in eo eadem est hostia, idemque offerens principalis, vt diximus in secunda probatione primæ conclus. Alij respondent negando antecedens : nam etiam sacramenta sunt infinitæ virtutis, cum possint maiorem, & maiorem gratiam producere, iuxta quantitatem dispositionis ea recipientium, & non sit gratia, qua maiorem non possint causare.

Ad 2. respondetur negando maiorem. Ad 1. probationem dico, hoc sacrificium non distingui a sacrificio cruento ex parte

hostiæ, & principalis offerentis, sed solum ex parte rationis offerendi, ut diximus cū Concil. Trid. quæ licet, ut est à ministro Sacerdotes, solum habeat virtutem finitā ad applicandum efficaciter pretium passionis Christi: ut tamen est à principali offerente, virtutem infinitam habet quantum ad sufficientiam: proprius autem valor huius sacrificij non tam debet attendi, ut est à ministro, quam ut est ab offerenti principali.

Ad 2. probationem dico, hoc sacrificiū Missæ habere quo ad sufficientiam valorem infinitum, non quidem novum, & distinctum à valore sacrificij Crucis cruenti, sed eundem, sicut, & eadem est hostia, idem, que offerens utriusque sacrificij. Nam Christus modo offerens hoc sacrificium, cum iam non sit viator, & in statu merendi, aut satisfaciendi, non de nouo meretur aut satisfacit, sed solum per hoc representando Crucis sacrificium, illius virtutem applicat: nam hoc sacrificium instituit ut dicitur in Concil. Trident. sess. 22. capite primo: *Ut illud semel in Cruce peragendum representaretur, atque illius salutaris virtus in remissionem eorum, quæ à nobis quotidie committuntur, peccatorum applicaretur.* Quantum ad sufficientiam quidem ex vi ipsius Missæ sacrificij: quantum ad efficaciam vero secundum quantitatem deuotionis offerentium, & eorum pro quibus offertur. Quamuis enim virtus sacrificij cruenti quantum ad sufficientiam per ipsum met. cruentum sacri-



sacrificium applicata sit omnibus hominibus : voluit tamen Christus aliam specialio-  
rem adhibere applicationem per hoc sa-  
crificium incruentum , non tantum semel  
oblatum (qua ratione etiam sufficiens est  
ex vi sua, vt vsque ad finem mundi omni-  
bus hominibus virtutem Crucis applicet  
modo quodam infinito) sed iterum, atque  
iterum, quotidieque, ac sæpe oblatum .  
Cum ergo hoc Missæ sacrificium nobis va-  
leat, vt particularis applicatio sacrificii in-  
cruenti quo ad sufficientiam, & quantum  
ad efficaciam secundum quantitatem de-  
uotionis offerentium, & eorum pro qui-  
bus offertur ; aliter, & magis nobis valet  
ad salutem, quam passio Christi solum per  
fidem apprehensa, & oblata Deo extra  
Missam .

Ad 3. respondetur negando minorem :  
nam vt diximus con. 1. deuotio potest esse  
sine gratia, & sic existens in malo Sacerdo-  
te sufficit, vt sacrificium, quod offert, re-  
missionem poenæ causet in eo, pro quo il-  
lud offert, si tamen hic sit in gratia, qui li-  
cet actu non habeat deuotionem actualē,  
quia forte nihil scit de Missa, quæ pro illo  
offertur, habuit tamen præcedentem,  
quando gratiam acquisiuit, saltem respec-  
tu alicuius communis pertinentis ad cul-  
tum, & seruitium Dei, sub quo Missa com-  
prehenditur. Quo fit (inquit Caiet. Opusc.  
citato) vt defunctis secundum præcedentem  
eorum deuotionem in communibus, vel specia-  
libus, & secundum deuotionem viuentium,

*pro eis offerentium proſit .*

Ad 4. reſpondetur negando minorem.

Ad probationem dico , valorem huius ſacrificii , quem habet ex re oblata, & offerente principali Chriſto , non limitari propter modum, quo conficitur, & offertur per actionem Sacerdotis creati: quia nec effectus, nec valor actionis principalis agentis limitatur ab instrumento, cuius ministerio fit . Ad confirmationem dicit Caiet. ſupra q. 89. art. 5. *Arguendi inſtruendique ſimul ſunt homines ignorantes , vel exigentes pro ſua eleemoſyna totam ſibi Miſſam dari, aut ſuo deſuncto: nihil enim minus ipſe habebit, ſi ſimile alij petant, eandem Miſſam pro ſe ipſis, & alijs deſunctis, quam ſi pro ipſo ſolo celebrari dicatur: immo ex huiusmodi indeuotione ſic petentis damnum videtur incurrere, quod minus ſibi proderit .*

Ad 5. reſpondetur probare ſecundam partem ſecundæ conſcluſ. Vt vero militat contra primam partem neganda eſt eius conſequentia . Ad probationem dico, Miſſam etiam ſi generalis, & communis fiat multis, poſſe tam diſtinctè, & in ſpeciali offerri pro ſingulis, ac ſi pro vnoquoque ſolo offerretur, hocque ſufficere, vt tantum proſit ſingulis, ac ſi offerretur pro vno ſolo.

Ad 6. reſpondetur negando ſequelam: nam pſtantię non dantur tanquam pretiũ fructus ſpiritualis huius ſacrificii Miſſæ, ſed tanquam eleemoſynæ pro ſuſtentione ſacerdotum, quæ quia lege, aut conſuetudine

dine taxatz sunt , non licet particularibus illas augere , plures à diuersis accipiendo . An vero Sacerdos pauper , qui aliunde habere nō potest victum moderatum , quam ex eleemosynis Missarum , quas celebrat , & nisi plures pietantias pro vnaquaque accipiat , possit eas licite accipere , plerique posse affirmant : quia æquum est , vt qui altari deseruit , de altari viuatiuxta doctrinam Apostoli 1. ad Corinth. 9. vers. 13. Quod intelligendum est , nisi id à Sede Apostolica prohibeatur , vt non multis ab hinc annis prohibitum fuisse à sacra Congregatione nonnulli referunt . De qua tamen prohibitione mihi nō constat , & multo minus de publicatione talis prohibitionis sufficiente ad omnes Prouincias adstruendas . Si vero constans talis prohibitio est , absque dubio quod prohibet , licitum non est : quia sicut Sedes Apostolica potest concedere pauperibus Sacerdotibus maxime religiosi , vt ad victum necessarium plures pro vna Missa accipiant à diuersis eleemosynas : ita id potest legitime prohibere , præsertim si de hoc abusum , & sæcularium scandalum esse deprehendat .



## ARTICVLVS II.

*Vtrum conuenienter sit determinatum tempus celebrationis.*

**Conclusio est affirmans .**

**Q**uotidie posse , & conueniens esse Missam celebrare in Ecclesia docet D. Thom. hic , & cum eo omnes Catholici contra Lutheranos asserentes , Missam celebrari non posse , nisi quando populus ad communicandum conuenit . Quorum errorem falsitatis cōuincit auctoritas S. August. adducta à D. Thom. hic , & quod idem S. August. ait Epist. 23. *Nonne semel immolatus est Christus in se ipso , & tamen in Sacramento nō solum per omnes Pasche sollemnitates , sed omni die populis immolatur .*

In Ecclesijs Conuentualibus , & Collegiatis quotidie debere Missam celebrari , constat ex Cap. *Cum creatura* De celebrat. Miss. Ex quo colligit Panormit. non solum vnā secundum officium , sed & alteram pro mortuis debere quotidie celebrari . Sed Syluester verbo *Missae* l. q. 7. dicit hoc ibi non haberi , nec esse rationabile ; *Quia oporteret diebus sollemnibus celebrare pro mortuis* . Sufficit ergo , vt vna Missa conuentualis quotidie celebretur , nisi aliorum Missa.

Missarum foundationes ad plures dicendas obligarent .

Excipienda tamen est feria sexta hebdomadae sanctae, in qua vt hic ad 2. ait Diu. Thom. *Non celebratur consecratio huius Sacramenti*. Sicque nec Missa, vt diximus hic art. 1. dub. 2. ad 2. Vnde vt ait M. Soto in 4. dist. 13. q. 2. ar. 2. §. *Hic primum*, peccatum mortale esset in die Parasceues consecrare, atque adeo priuatim celebrare. In alijs vero duobus diebus, scilicet Coena. & sabbato, etiam praeter Missam solemne, posse priuatas celebrari, saltem ex facultate Praelati, subdit ibidem M. Soto. Nec obstat in can. *Sabbato*, De consecrat. d. 3. aequaliter prohiberi Missam celebrari in illo sabbato, ac in die Parasceues: nam vsu, & consuetudine, ac ritu Ecclesiae abrogata est prohibitio, quod attinet ad sabbatum, cum in eo Missa sollemnis celebretur, & obseruatio, quae remansit non dicendi Missas priuatas, non tanti refert, vt ex rationabili causa in ea non possit dispensari, praesertim si festum Annuntiationis in praedicto sabbato occurrat. Vnde anno 1617. in singulis Ecclesijs Toletanae Diocesis plures Missas celebratas esse tali die nonnulli referunt. Quidam etiam dicunt in multis Ecclesijs maioribus aliquos priuatim celebrare in praedicto sabbato, etiam si festum in eo non occurrat, videntibus, & non contradicentibus Praelatis Ecclesiae.

De Sacerdotibus particularibus asserendum est, licet non quotidie, aliquoties te-

neri Missam celebrare, ait namque D. Tho. quæst. præced. art. 10. *Sacerdoti, etiam si non habeat curam animarum, non licet omnino à celebratione cessare, sed saltem videtur, quod celebrare teneatur in precipuis festis, & maxime in illis diebus, in quibus fideles communicare consueverunt.*

Qua hora sit missa celebranda explicat D. Thom. hic ad 3. & 4. & ait: *Regulariter missa debent celebrari in die, & non in nocte.* Regulariter inquit: nam vt Can. Nocte, De consecrat. dist. 3. dicitur: *Nocte sancta Natiuitatis Domini Saluatoris Missas celebrent Presbyteri.* Ex quibus verbis quidam non improbabiler (quicquid alij dicant) colligunt, non solum vnâ, sed omnes tres missas illius solemnitatis posse nocte celebrari à Sacerdotibus priuatis, cum absolute eis facultas conferatur missas celebrandi, nec admoneantur, vt dicta prima missa expectent diem ad alias dicendas. Nec obstat in Præfatione, & in Canone duarum posteriorum missarum dici, *sacratissimum diem*: nam si propter hoc non possent dici in nocte, neque prima posset dici in die, cum in eius Præfatione, & Canone dicatur, *sacratissimam noctem*. Nec obstat etiam, quod hic ait D. Thom. *In nocte natalis Domini missa celebratur*: nam quamuis non plurali, sed singulari nomine vtatur *Missâ*; ratio tamen, quam subiungit, *Propter hoc quod Dominus in nocte natus est*, indicat tres omnes dici posse in nocte, cum æqualiter procedat de omnibus missis; singulare etiâ  
sa pe

## ARTICVLVS II. 609

sæpe sumitur pro plurali, aut illud non excludit. Communitati tamen non licet horas præscriptas ab Ordinario prætermittere.

In sabbato sancto etiam dicit D. Thom. missam celebrari, *Circa noctis principium*; quod, & constat ex Can. *Solent*, De consecrat. dist. 1. Sed hæc consuetudo modo iam non seruatur, nec esset licitum tali hora celebrare, postquam contraria consuetudo, & ritus Ecclesiasticus celebrationem missæ illius vigiliæ ad horam diei consuetam reduxit.

In omnibus alijs diebus inquit D. Thom. missam non posse celebrari, ante principium diei, & per principium diei intelligendum esse dicit: *Quando incipit apparere aurora*. Quod nonnulli extendunt ad horam, & dimidiam ante ortum solis, & dimidiam horam ante initium auroræ: nam non mathematicè, sed moraliter definienda est res hæc. Vnde in multis regionibus Galliæ, & Belgij consuetudo est celebrandi missas diu ante auroram in hieme, vt famuli, & operarij possint mane audire sacrum. Ex priuilegio dicunt multi, posse Religiosos missas celebrare illico post matutinum, aut post duas horas mediæ noctis. Meminit huius priuilegij Syluester verbo *Missæ* 1. quæst. 6. & ait, hoc debere fieri de licentia Prælatorum, & ex causâ rationabili. Nonnulli asserunt mortaliter peccare Sacerdotem, si antequam recitet Officium nocturnum, seu matutinas celebret. Sed

610 **QVÆSTIO LXXXIII.**

alij communiter oppositum docent: quia inter missam, & præces nocturnas nulla est connexio.

Post meridiem diebus ieiuniorum olim missam celebrari hora nona solitum esse dicit D. Thom. hic ad 3. & constat ex Can. *Solent*, De consecrat. dist. 1. Quod Nauarrus cap. 25. num. 85. & 86. asserit nullo iure reuocatum esse, sicque ipsum, dum diebus festis iterageret, sæpe post meridiem factum fecisse; quod enim dicitur in Conc. Trid. sess. 22. in Decreto de obseruat. & vitan. in celebr. missæ, *Ne Sacerdotes alijs quàm debitis horis celebrent*. inquit: *Intelligendum est de horis ante lucem, vel post nonam*. Quidam reuocatum esse dicunt à Pio V. Motu proprio *Sanctissimus*, anno 1566. sed nec ab illo reuocatum videtur, nam solum inhihet: *Ne deinceps Missas vespertino tempore celebrare, aut celebrari facere præsumant*. Vespertinum autem tempus non est ante horam nonam, ut patet ex dictis supra quæst. 73. art. 5. Vnde ibi Pontifex solum intendit reuocare licentias, quas nonnulli impetrant celebrandi *De sero etiam forsàn circa solis occasum*. Alij id reuocatum esse asserunt consuetudine, quæ contrarium obtinuit, quod probabilius videtur, quamuis nec hoc concederet Nauarrus, cuius tempore eadem consuetudo vigeat. Omnes tamen dicunt, ex iuxta causa posse post meridiem missam inchoari. Ratione itineris impeditum posse Sacerdotem in die festo missam incipere vna hora post meridiem,



## ARTICVLVS II. 611

diem, multi afferunt. In festis solemnibus, etiam si concio, & Officium protrahatur usque ad duas horas post meridiem, affirmant nonnulli, posse missam priuatam finito Officio inchoari à Sacerdote, ne aliqui sacrum audire omittant. Vbi etiam in diebus festis solent multi ad missam audiendam tarde venire, ne sine missa maneant, posse sacerdotem inquirunt, post meridiem celebrare, dummodo spatium vnius horæ non attingat. Nam si absque hac causâ afferunt ferè omnes, rem hanc non esse mathematicè, sed moraliter considerandam, & vt Sacerdos post meridiem missam incipiens peccet mortaliter, requiri transactam esse post meridiem notabilem partem temporis, tertiam scilicet partem horæ secundum alios, aut trium quadrantium spatium secundum alios; hac existente causa multo magis poterunt Sacerdotes celebrare post meridiem, dummodo spatium vnius horæ non attingant. Ex priuilegio posse Religiosos celebrare usque ad nonam inclusiue, quæ est hora tertia post meridiem, afferunt multi.

An verò idem Sacerdos possit eodem die plures missas celebrare explicat D. Th. hic ad 5. vbi ex Cap. *Consuluit*, De celeb. Miss. ait: *Excepto die Natiuitatis Dominice (nisi causa necessitatis suadeat) sufficit Sacerdoti semel in die vnam missam solummodo celebrare. Quod intelligendum est sine speciali priuilegio, ex illo enim nos in hac Aragonia Prouincia in die animarum tres missas*

dicimus. Absque priuilegio, si necessitas id postulet, licitum esse etiam bis in die Sacerdotem celebrare, dum tamen sit ieiunus, ita vt primæ missæ ablutiones non sumpsit, colligitur ex prædictis verbis D. Thom. Syluester verbo *Missæ* 1. Vnde, cum affert casus, in quibus necessitas id postulat. Aliquos attingam. Secundus, Si post Missam d. Etiam occurrit defunctus non sine Missa sepeliendus, puta quia sic habet consuetudo loci; non ab omnibus admittitur. Sed mihi satis probabile videtur, si defunctus occurrat antequam sacerdos celebrans ablutiones sumpsit, posse illis non acceptis secundam missam celebrare: grauis enim nota esset, & multæ perturbations, & fortè scandala sequerentur, si contra consuetudinem prædictam missa in tali sepultura omitteretur.

Tertius, Pro necessitate infirmorum viaticum potentium, si aliter haberi non potest, ferè ab omnibus admittitur: durum est enim morientem priuare Viatico, præsertim cum ex præcepto diuino teneantur tunc communicare.

Sextus, Si habet duas Ecclesias commedatas, ab omnibus approbatur, & patet ex praxi, qua videmus multos, qui præsent duabus Ecclesijs bis celebrare in diebus festis, ne aliqua earum careat sacro.

Vndecimus, Quoties occurrit necessitas aliqua vrgens arbitrio boni viri; generalis regula est; iuxta quam audiui nonnullos arbitrase, talem necessitatem esse, quando nisi  
idem

## ARTICVLVS II. 613

idem sacerdos bis celebret missa conuen-  
tualis, seu maior non posset celebrari in  
aliquo Conuentu, aut Ecclesia superiori.  
De alijs casibus adductis à Syluestro diuersi  
diuersa sentiunt, nihilque propterea nunc  
definio.

## ARTICVLVS III.

*Vtrum oporteat hoc Sacramentum  
celebrari in domo, & vasis  
sacris.*

**Conclusio est affirmans.**

**M** Ag. Soto in 4. dist. 13. quæst. 2. art. 3  
errores hæreticorum, circa hoc  
refert nonnullos, & impugnat; quibus o-  
misfis.

Dicendum est primo. Celebrantem  
extra domum sacram absque necessitate,  
vel licentia mortaliter peccare. Olim pec-  
catum mortale fuisse celebrare extra Ec-  
clesiam ab Episcopo consecratam sine ma-  
gna necessitate, vel licentia, colligitur ex  
Can. *Sicut*, & Can. *Missarum*, & Can. *Nul-  
lus*, De consecrat. d. 1. Modo vero iam vsus  
obtinuit, vt ad celebrandum sufficiat Ec-  
clesiam esse benedictam: immo, vt colli-  
gitur ex Conc. Trid. sess. 22. in Decreto de  
obseru. & euit. in celebr. missæ, oratorium  
esse

esse designatum ab Ordinario, & ad diuinum tantum cultum dedicatum. Vnde domus sacrae nomine in nostra conclusione non solum Ecclesia ab Episcopo consecrata, sed etiam benedicta; & oratorium designatum intelligendum est. Cumque praedicti Canones loquantur de Ecclesia consecrata, videtur ex illis non posse probari nostram conclusionem: nam data facultate celebrandi extra Ecclesiam consecratam, ablata videtur obligatio praeccepti in illis contenti, ita sentit M. Soto ubi supra aitque: *Vbi nullus sit contemptus, vel scandalum, vix arbitror posse contingere peccatum mortale per celebrationem extra Ecclesiam.* Existimo tamen praedictos Canones etiam esse pro nostra conclusione: nam quamuis vsus, & consuetudo extenderit facultatem celebrandi ad Ecclesias benedictas, & oratoria designata ab ordinario; obligatio tamen non celebrandi extra haec loca eadem perseverat, quae olim erat non celebrandi extra Ecclesias consecratas: sicut licet consuetudo extenderit facultatem semel comedendi in die ieiunij ad secundam collationis refectionem, obligatio tamen ieiunandi eadem permanet. Quapropter si quis in domo priuata, ubi non est oratorium designatum ab Ordinario celebraret ad communicandum infirmum, licet haec videatur honesta necessitas, non excusaretur a culpa mortali. Non enim minor necessitas requiritur modo ad celebrandum extra domum praedicto modo sacram quam

### ARTICVLVS III. 615

requirebatur olim ad celebrandum extra Ecclesiam consecratam.

Quæ autem necessitas tunc sufficeret, & modo etiam sufficiat, colligitur ex Canon. *Concedimus*, d. 1. hic ad 1. relato à Thom. ubi permittitur, missas celebrari in Capellis, hoc est, ut explicat ibi Glossa, in tugurijs caprarum pellibus tectis, si alicubi Ecclesia fuerint incensæ, & combustæ, subditurque: *In itinere ruera positis, si Ecclesia defuerit, sub diuo, seu tectorijs, si tabula aliaris consecrata, ceteraque sacra ministeria ad illius officium pertinentia ibi affuerint, Missarum solennia celebrari concedimus.* Ex quo colligunt Doctores, in bello licitum esse intentorio, & sub dio consecrare: & cum populus multus ad eremitorium in campum conluit, non esse peccatum altare in campo deceter extruere, ut omnes sacrum videant. Aduertunt tamen, si huiusmodi necessitas præuideri potest, petendam esse licentiam ab Episcopo. Aduertit etiam Syluest. verbo *Missæ* 1. quæst. 5. *In nulla necessitate licet celebrare super mare, vel super flumen, ubi probabiliter de sanguinis effusione timeatur.*

Ex licentia Episcoporum posse extra Ecclesiam in altari portatili celebrare, ubi ipsi perimserint, constat ex Can. *Missarum*, De consecrat. d. 1. Et quamuis in Concil. Trid. ubi supra restricta sit hæc facultas: non tamen videtur eis omnino ablata facultas dispensandi cum aliquo, ut aliquo-  
ties

ties celebret, aliqua occurrente necessitate, quæ per se non sufficeret, in loco honesto, etiam prophanis vñibus destinato, vt in camera, in qua decumbit infirmus, vt missam audiat, vel communicet ex deuotione.

**Ex** priuilegio Summ. Pontificis nulli dubium est, posse missam celebrari super altari portatili extra loca diuino cultui specialiter deputata. Mendicantibus hoc priuilegium concessum est: & quamuis reuocatum videatur à Conc. Trid. vbi supra; postea tamen nonnullis Religionibus rursum concessum est, quo gaudent aliæ, quibus concessa est à Pontifice communicatio in priuilegijs cum prædictis.

**Dieendum est** secundo. Mortaliter etiã peccare celebrantem in Ecclesia violata, seu polluta, sine necessitate, & de consensu Episcopi. Si adsit necessitas, & consensus Episcopi licitum esse in Ecclesia violata celebrare, docet D. Thom. hic ad 2. dicens: *Propter necessitatem tamen potest hoc Sacramentum peragi in domibus consecratis, vel violatis, sed tamen de consensu Episcopi.* Quod explicans M. Soto vbi supra ait, maiorem exigere necessitatem ad celebrandum in Ecclesia violata, quam extra Ecclesiam, vt verbi gratia, si Episcopus haberi non possit, & Paræciani nequirent sacra alibi audire: tunc enim consulto Vicario Episcopi, posset quousque Episcopus accersiri posset, ibidem celebrari.

**Sine**

### ARTICVLVS III. 617

Sine his autem peccatum mortale esse in Ecclesia violata celebrare, colligitur ex Can. *Ecclesiam*, De consecrat. dist. 1. & ex Cap. *Proposuisti, & Consulisti, & Si Ecclesia*, De consecratione Ecclesiæ, vel Altaris. Ex quibus etiam colliguntur modi, quibus Ecclesia polluitur, aut violatur.

Primus est, per homicidium etiam citra sanguinis effusionem: ut si quis in Ecclesia occidatur, non solum gladio eius effundendo sanguinem, sed etiam suspendio sine sanguinis effusione, etiam à iudice, immo, & à se ipso, si sanæ mentis sit; non tamen per homicidium casuale, aut dum fit cum moderamine inculpate tutelæ, ut dicunt M Soto vbi supra, & Syluester verbo *Consecratio* 2. q. 3.

Secundus est per effusionem sanguinis citra homicidium. Debet autem effusio sanguinis esse notabilis, ut aduertit M Soto vbi supra: *Si enim fit per nasum in rixa puerorum, non violatur.* Cuius rationem reddit Syluester loco citato: quia effusio abundantiam significat. Et addit, non requiri, ut sanguis labatur in terram: nam etiam si recipiatur in vase, Ecclesia polluta manet, opus tamen esse vulnus accipi in Ecclesia: nam si quis accepto vulnere extra Ecclesiam, statim illam ingrederetur, & sanguis fluere in Ecclesia, hæc non violaretur; pollueretur verò si in ea percuteretur, etiam si percussor esset extra Ecclesiam, aut etiam si percussus statim accepto vul-

vulnere antequam sanguis flueret, exiret ab Ecclesia.

Tertius est per effusionem seminis. Quæ voluntaria debet esse : nam vt ait Syluester vbi supra ; *Pollutio in somnis non videtur* : Et idem est de pollutione naturali. Copiosa etiam esse debet sicut effusio sanguinis, vnius enim, vel alterius gutta emissio, quæ accidit turpia cogitantibus, non sufficit ad polluendam Ecclesiam : Si autem sit copiosa, quocumque actu turpi fiat, mollitie scilicet, aut coitu cum foemina, aut masculo, vel inmento Ecclesiam polluit. Nonnulli etiam dicunt debere esse publicam. Sed oppositum nos ostendimus 1. 2. q. 62. art. 6. d. 2. illudque docet Mag. Soto, vbi supra : nam ait, quod & nos diximus : *Prohibitionem consecrandi in Ecclesia violata intelligi, quando violatio est publica ; nam si sit occulta, nec oportet Missas, & sacrificia suspendere, neque Ecclesiam reconciliare*. Vnde licet dum effusio seminis in Ecclesia ( & idem est de effusione sanguinis, & occisione hominis ) manet occulta, nullus teneatur abstinere à celebratione in illa ; reuera tamen per effusionem seminis quantumuis occulta, polluitur Ecclesia : quia non eam polluit, qui crimen publicat, sed qui illud committit. Ex quo patet non esse eandem rationem de infamia : nam qui crimen occultum committit, non se infamat, sed illum infamat, qui eius crimen publicat. Infamia etiam consistit



### ARTICVLVS III. 619

fit in opinione hominum; violatio verò Ecclesie nequaquā, sed in iniuria, quæ sit ei per actionem turpem, ac indecentiam inde resultante. Nō ex his sequitur, Parochum, qui solus scit factum, perplexum fore; nam licet sciat Ecclesiam esse occultè violatā, potest in ea celebrare, vt diximus. De actu coniugali est difficultas, an polluat Ecclesiā. Sed probabilior sententia est polluere Ecclesiā, quando in ea fit absque necessitate; non tamen quando est grauis aliqua necessitas. Vnde Syluester verbo *Consecratio* 2. q. 5. inquit; *In casu necessitatis; qui scilicet irreuerentiam tollit: vt si coniuges longo tempore in loco sacro obsidentur, & de illicita emissionem seminis sibi timent, crederem Ecclesiam non violari.*

Quartus est per sepulturam excommunicati in Ecclesia. Quod intelligendum est de excommunicato non tolerato. Idem est de sepultura infidelis, vel non baptizati, etiam infantis filii fidelium, nisi forte sit adhuc in utero matris fidelis mortuus cum matre, quia foetus est pars ventris, de quo vide Syluestrum, vbi supra.

Quintus est, si Ecclesia (& idem est de altari, & eremitorio) sit ab Episcopo publicè excommunicato consecrata, vel benedicta. Ita Syluester vbi supra, & reddit rationem cum Panormitano, & Hostiense: *Quia sepultura corporis excommunicati polluit ipsum locum, à fortiori quando ipsa consecratio transiit per manus excommunicati notoriè.* Hūc calum quidam recentiores non admittūt, quia

620 **QVÆSTIO LXXXIII.**

quia in iure non exprimitur, & sicut censure non incurruntur, nisi in iure expressum sit, ita nec Ecclesiæ violatio; præsertim cum Ecclesiam pollui supponat, eam esse consecratam, & dum eam Episcopus consecrat, nondum sit consecrata: & argumentum à paritate rationis in hac materia nullius est ponderis, alias etiam violaretur Ecclesia, quia in ea celebrat publicè excommunicatus. Sed mirum est, hæc non aduertisse antiquos. Quare respondetur, si conuincerent, probarent etiam, non pollui Ecclesiam per occisionem hominis factam per iudicis sententiam, cum nullus sit textus, qui hoc exprimat. Quia tamen violatio Ecclesiæ non est censura, aut pœna, sed quædam indecentiâ ex actione turpi ipsi iniuriosa in ea resultans, & hæc non minus resultat ex hominis occisione iacta per sententiam iudicis, quam facta per rixam, de qua est sermo in Cap. *Proposuisti*, De consecratione Ecclesiæ, ideo à paritate rationis optimè colligitur, si per hanc manet polluta Ecclesia, etiam per illam pollui. Et non est eadem ratio de celebratione publicè excommunicati in Ecclesia. Nam hæc transit, consecratio verò in esse moris permanet in Ecclesia. Et quamuis non tempore, prius tamen natura præsupponitur Ecclesiam consecrari ab Episcopo publicè excommunicato, quam violari: & hoc sufficit, ut per talem consecrationem polluatur, sicut, & ut suspendatur ordinatus propter susceptionem Ordinis in  
excom-

### ARTICVLVS III. 621

excommunicatione .

Sextus est, si parietes Ecclesiæ consecratæ destruantur : quamuis enim non propriè violatur Ecclesia , perdit tamen suam consecrationem . Quod vt docet Syluester, vbi supra , & quæst. 4. intelligendum est, quando parietes pro maiori parte destruantur, vel decrustantur : nam si successiue ruant, & successiue reparentur, verius est, non esse necessario reconsecrandam Ecclesiam : quia semper est eadem , sicut , & successiue reparata . Si tectum ruat integris manentibus parietibus similiter non est reconsecranda Ecclesia: quia consecratio non in tecto : sed in parietibus, eorumque parte exteriori consistit, vbi vnctio, & Cruces fiunt . Quando Ecclesia solum est benedicta, etiam si parietes ruant , non est iterum benedicenda : quia benedictio perseverat durante solo, quod tantum benedicitur, & non parietes .

Tria tamen sunt hic aduertenda . Primum, quod docet Mag. Soto vbi supra , propter celebrationem in Ecclesia violata non incurri irregularitatem , etiam si quis scieater in ea celebret : quia talis irregularitas non est in iure expressa . Secundum, si dum Sacerdos celebrat , Ecclesia violatur, debere desistere , nisi forte iam canonem inchoauerit, tunc enim sacrificium debet perficere , vt communiter dicunt Doctores . Tertium nonnullos cum Castro libro secundo de lege poenali , cap. ultimo afferere , Ecclesiam pollutam non ege-

## 622 QVABSTIO LXXXIII.

egere noua reconciliatione, si in ea bona fide ab aliquo Sacerdote celebratum sit. Et idem dicunt, si Sacerdos bona fide celebrasset in patena, & calice non consecratis, & cum vestimentis non benedictis: nam per talem celebrationem manent consecrata, vel benedicta, & non indigent noua consecratione, vel benedictione. Hoc tamen alijs omnino displicet.

*Dubium. An Sacerdos teneatur celebrare in altari, & vasis consecratis, & cum vestibus sacris.*

**D**icendum est primo. Teneri Sacerdotem in altari consecrato fixo, aut portatili celebrare. Docet hoc D. Th. hic ad 2. & colligit ex Can. *Concedimus*, de consecrat. dist. 1. ubi licet concedatur Missam celebrari in Cappellis, non tamen sine altari, sed cum tabula consecrata. Ex quo infert M. Soto in 4. d. 13. q. 2. ar. 3. *Ob nullam necessitatem fas esse citra reatum peccati mortalis celebrare, nisi super ara consecrata.* Quod vero ibidem subdit D. Thom. & colligit ex Can. *Placuit*; eadem dist. altare consecratum debere continere reliquias sanctorum, inquit M. Soto, iam non esse obseruatum necessarium; consuetudo enim contrarium obtinuit.

Addit præterea D. Thom. ad 5. altare debere esse lapideum, & colligit ex Can.

*Al.*

## ARTICVLVS HI. 623

*Altaria*, De consecrat. d. 1. Cum autem altare est fixum, sufficit tabulam, seu partem superiorem esse lapideam: cum vero altare est portatile ex lapide debet esse eam magnitudine, vt possit calicem cum patena, cui hostia superponitur, capere. Ex duobus lapidibus, in quorum vno calix, in alio hostia collocatur, non posse instrui, ostendit Syluester verbo *Altare*, qu. 3. vbi & q. 2. ex Can. *Nullus*, & Can. *Concedimus*. De consecrat. dist. 1. probat altare tam fixum, quam portatile debere ab Episcopo consecrari. Et q. 8. & 9. & 10. quærit, quomodo excreetur, seu cōsecrationem amittat altare, tam fixum, quam portatile. Præcipuus est, per enormem fractionem vtrumque excreari: non tamen portatile per amotionem lapidis à ligno, in quo solet includi; quia consecratio est in lapide ipso, & lignum solum adhibetur ad ornatum, & faciliorem conseruationem lapidis.

Nonnulli putant Sacerdotem celebrantem in altari non consecrato fieri irregularem: quia in Can. *Nullus Presbyter*, De consecrat. dist. 1. talis Sacerdos degradari præcipitur, degradationem autem sequitur depositio, & irregularitas. Alij tamen oppositum docent, quia pœna degradationis, quæ in tali Canone imponitur non est lata, sed ferenda, irregularitas autem non incurritur propter pœnam ferendam, & expressa in iure debet esse.

Dicendum est 2. Etiam teneri Sacerdotem

## 624 QVAESTIO LXXXIII.

tem sub mortali celebrare in calice, & patena consecratis, & in corporali benedicto. Docet hoc D. Thom. hic ad 8. licet enim Sacerdos sine his verè consecret. *Peccat tamen graviter ritum Ecclesiæ non servans.*

Materiam, ex qua debet esse calix, & patena, explicat S. Doct in solutione sexti, & ait ex Can. *Vasa*, dist. 1. *Quondam Sacerdotes non aureis, sed ligneis calicibus utebantur, Zepherinus autem Papa patenis vitreis Missam celebrari constituit: deinde Urbanus omnia fecit argentea. Postmodum autem statutum est, ut calix Domini cum patena, siue ex auro omnino, siue ex argento fiat, vel saltem stanneos calix habeatur. De ære autem, aut ex auricalco non fiat, quia hoc vini virtute eruginem parit, pariterque vomitum provocat. Nullus autem in ligneo seu vitreo calice presumat Missam cantare: quia scilicet lignum porosum est, & sanguis consecratus in eo remaneret: vitrid autem fragile est, & posset fractionis periculum imminere, & eadem est ratio de lapido. Et ideo propter reverentiam Sacramenti statutum est, ut ex predictis materijs calix fiat.*

Aduertendum tamen est, non esse necessarium, totum calicem fieri ex prædictis materijs: quamvis enim pes fiat ex ære vel auricalco, tamen si cupa, quæ continet sanguinem est aurea, vel argentea, hoc sufficit, ut patet ex praxi.

Afferit verb Sylvester verbo *Calix*, q. 2. Si calix argenteus deauratur indiget reconsecratione, secus tamen videtur, si deauratio ca-

dat

*dat propter vsum.* Hoc secundum ab omnibus admittitur; primum vero à nonnullis recentioribus negatur: quia cum calix per deaurationem non frangatur, nec ita mutetur, quin maneat idem, non est cur perdat consecrationem; hanc enim, vt hic ad 3. docet D. Thom. nunquam amittit res consecrata, quamdiu manet eadem, & integra. Illud tamen communior asserit opinio, & patet: nam si calix argenteus eo modo, quo deauratur, operiretur plumbo, amitteret consecrationem, quia id, quod immediate contineret sanguinem, non esset consecratum: sed idem est, cum, deauratur, ergo &c. Ex quo patet differentia inter primum, & secundum dictum Syluestri: nam quando deauratio cadit propter vsum, quod remanet immediate continens sanguinem, est consecratum, cum non sola deauratio consecretur, sed totus calix; quando vero calix argenteus deauratur, quod immediate continet sanguinem, non est consecratum, si que noua indiget consecratione: vnde licet calix aliquo modo possit dici idem: non tamen quo ad vsum sacrificij.

Addit Syluester ibidem: *Similiter execratur calix, si ciphus à pede ex toto separetur, licet non sit fractus, puta quia iunctura est tornabilis.* Hoc fere ab omnibus reijcitur. Sed existimio verum posse habere sensum, quem indicat illud *Ex toto*, nempe execrari calicem, dum ciphus manet à pede separatus. Nam quamuis quando iunctura est torna-

j D d

tilis,

tilis , si post separationem pedis à ciphro iterum reponatur , vt prius , in calice absque noua consecratione posset fieri sacrificium , non tamen , vt est separatus , nisi forte, vt subiungit Syluester. *Si Ciphus esset taliter fabricatus , quod eo solo posset quis vti in celebrando , & cum hoc esset separatim à pede in calicem consecratus: quia per se est calix ; & pes est ad bene esse .*

Materiam, ex qua debeat fieri corporale, explicat D. Thom. hic ad 7. dicens ; *Corporale fit de panno lineo , quo corpus Christi fuit inuolutum . Vnde in Epistola Syluestri Papa eadem dist. legitur : Consulto omnium statumimus , vt sacrificium altaris non in serico panno , aut intincto quisquam celebrare Missam presumat : sed in panno lineo ab Episcopo consecrato , sicut corpus Christi in sidone linea , & munda sepultum fuit .* Olim corporale vnum tantum continebat pannum oblongum , & duplicatum, idemque ad collocandum in eo hostiam, & calicem, & ad cooperiendum calicem inseruiebat , quali etiam nunc nonnullæ Religiones vtuntur . Secundum ritum vero Romanum iam in duas partes diuisum est . & de ea parte , qua Calix cooperitur , nonnulli dubitant , an possit fieri ex panno serico , vel aureo . Sed cum illa successerit loco eius qua olim calix cooperiebatur , omnino asserendum est , non posse nisi ex panno lineo fieri , quâuis ornari possit sicut , & reliquum corporale reticulis aureis , vel sericis .

De benedictione corporalis , quæ hic  
con-



### ARTICVLVS III. 627

consecratio dicitur, certum est pertinere ad Episcopum: ex priuilegio tamen Sum. Pontificis alij præsertim Prælati regularium possunt non solum vestes sacerdotales, sed etiam corporalia benedicere, immo & calices consecrare.

Si corporalia, & calices, quia species corporis, & sanguinis debent immediate continere, consecrari, aut benedici debent, conueniens etiam videtur, vt benedicatur arcula, seu vasculum, vbi hostiæ consecratæ populo distribuendæ consecrantur. Sed quia nullo iure id præcipitur, non esse necessarium communiter dicitur.

Quærit Mag. Soto in 4. d. 13. q. 2. art. 3. an laici, & præsertim foeminae peccent vasa sacra, & corporalia tangendo? Respondetque: *Quod simpliciter tangere, nullatenus est peccatum mortale; immo si absit contemptus, aut non est veniale, aut lenissimum.* Alij peccatum veniale esse dicunt, hæc tangere sine rationabili causa; nullum vero si rationalis causa subsit: Vnde corporalia, & purificatoria, postquam semel lota sunt à Subdiaconis, dantur mulieribus præsertim religiosis perfectius lauanda, & reficienda. De quo vide Caietan in Summ. verbo *Mulierum peccata*, in fine.

Dicendum est 3. Peccatum mortale esse Sacerdotem celebrare sine vestibus sacris, & alijs, quæ iuxta usum, & consuetudinem Ecclesiæ ad sacrificium requiruntur. Parec hoc, quia contra talem usum, & consuetudinem agere, mortale peccatum est. ni.

628 **QVÆSTIO LXXXIII.**

si ignorantia, aut inaduertentia excuset. In casu necessitatis dicunt quidam, posse Sacerdotem celebrare sine aliqua ex vestibus sacris præsertim minoribus, vt sine stola, aut manipulo. Ego tamen id nulli confulerem: minus enim inconueniens est, totum populum carere sacro in d e festo quantūuis solemnī, quam contra consuetudinem Ecclesiæ, Sacerdotem celebrare sine his, sicut, & non ieiunium. Vnde S. Anton. 3. p. tit. 13. cap. 6. §. 6. ait: *Si aliquid eorum defuerit, quæ requiruntur ad ritum celebrationis, vt manipulus, stola, & huiusmodi, potius debet dimittere Missam, etiam die festo, quam sic celebrare: quia sic celebrando peccaret mortaliter.*

Si desit cingulum inquit Nauarrus c. 25. num. 84. *Potest loco cinguli stolam longam adhibere, & loco stola manipulum longum iuxta Paludamentum.* Cingulum benedictum esse debet: afferunt tamen nonnulli, solum esse peccatum veniale celebrare sine cingulo benedicto ob leuitatem materiz, & quia non tam est indumentum, quam ligatura indumentorum. Subdunt etiam, si iusta adsit causa, nempe necessitas audiendi sacrum, aut vt pauper Sacerdos habeat Missæ eleemosynam, nullum esse peccatum celebrare sine cingulo benedicto. Dicunt quoque, si cingulum frangatur, & vtrique pars sufficiat ad cingendam, vtramque partem manere benedictam, & posse deservire celebrationi Missæ. Si vero ita frangatur, vt neutra pars per se sufficiat ad cingen-

### ARTICVLVS III. 629

gendum, licitum esse, partibus simul neixs  
vti.

Sine lumine celebrare, certum est, peccatum esse mortale: nam in Cap. *Literas*. De celeb. Miss. peccasse, & officio, & beneficio perpetuo priuandum esse Presbyterum quendam, qui sine igne sacrificabat. Nonnulli tamen existimant, solum esse peccatum veniale celebrare cum vnus solum candelæ lumine, si sit aliqua necessitas nulum esse peccatum. Licitum etiam esse, si adsit necessitas, celebrare cum lumine candelæ confectæ ex adipe. aut lampadis ex oleo.

### ARTICVLVS IV.

*Vtrum conuenienter ordinentur,  
quæ circa hoc Sacramentum  
dicuntur.*

**Conclusio est affirmans.**

*Dubium. An sit peccatum mortale  
omittere aliquid eorum, quæ in  
Missâ dicuntur.*

**Q**uidam mortaliter peccare Sacerdotem putant, si aduertenter omittat orationes, quæ in Missali positæ sūt,

ut eas dicat, dum se induit. Sed hoc nimis rigurosum, & falsum merito alijs videatur, si talis ommissio absque contemptu fiat: nam nulla est lex præcipiens tales orationes dici, & non ponuntur in Missali, ut necessario etiam sub reatu peccati venialis dicendæ, sed quia decet, & optimum consilium est eas dicere.

Alij multo magis peccare mortaliter Sacerdodem existimant, qui non servat rubricas Missalis. Sed non defunt, qui dicant, tales regulas non obligare ad mortale, nisi contineant substantialia sacrificij, & non esse præcepta, sed consilia, & instructiones, sicque vnam, aut alteram non servare, non esse peccatum mortale. Secus esset, si nulla observaretur.

Alii cum Angelo verbo *Missæ*, num. 33. peccatum mortale esse dicunt, omittere Missam diei, maxime si Dominica sit, aut festum duplex, & aliam votivam, vel de Requiem dicere. Quibus favere videtur Cap. *Quidam*, De celeb. Miss. ubi dicitur; *Quidam laicorum habent in consuetudine, ut per singulos dies audiant Missas peculiare, hoc est, de Sancta Trinit. & de sancto Michaele. Ideo sancitum est, ut ulterius hoc non fiat. Sed si voluerint, ut sibi Missa cantetur, de eadem die Missas audiant pro salute vivorum, & etiam defunctorum.* Sed multo plures oppositum docent: quia sicut Sacerdos potest libere dicere, vel non celebrare Missam: ita potest aliam celebrare absque reatu peccati mortalis, non solum quando fit de feria, sed

## ARTICVLVS IV. 631

sed etiam in festis duplicibus, immo & in diebus festiuis. Etsi sit legitima causa, & necessitas, nullum esse peccatum id facere etiam communitates Ecclesiarum, Conuentualium, & Collegiatarum, dummodo ab eis non omittatur Missa de die, seu Conuentualis. Vnde sæpe videmus in Sabbatis, etiam si festum duplex occurrat, cantari Missam de B. Virgine ob eius deuotionem, & in diebus festis cantari Missas defunctis ad sepeliendos mortuos. Nec fauet oppositæ sententiæ cap. citat: nam vt ibi ait Glossa: *Loquitur in casu, in quo non est nisi unus Presbyter in Ecclesia, qui debet celebrare de die.* Ex eo tamen colligunt multi, Sacerdotem, qui eleemosynam accepit pro celebratione Missarum sancti Gregor. aut aliarum, suę obligationi satisfacere dicendo Missam de die, eam offerendo pro defuncto, qui eleemosynam reliquit. Et idem est de eo, qui ex fundatione Capellani debet dicere Missam de Requiem, vel de B. Virgine, aut alio Sancto: nam vt ait D. Thom. in 4 d. 45. qu. 2. art. 3. quæstiune. 2. ad 5. *Ex parte sacrificij oblatis Missa aqualiter prodest defuncto, de quocunque dicitur.* Et quamuis ex parte orationum magis profit illa, in qua sunt orationes ad hoc destinate. Sed tamen iste defectus recompensari potest per maiorem deuotionem eius, qui dicit Missam, vel per intercessionem Sancti, cuius suffragium in Missa imploratur. Ad maiorem autem deuotionem eius, qui dicit Missam pertinet, velle ordinem, & ritum

632 **QVAESTIO LXXXIII.**

Ecclesiæ servare dicendo Missam de die præscriptam in Missali: neque hoc opponitur voluntati rationabili testatoris, aut eius, qui contulit eleemosynam.

Alij peccare asserunt Sacerdotem, qui submissa voce non legit Epistolā, aut Euāgelium, quæ in Missa solenni cantantur à Subdiacono, & Diacono. Sed oppositum communis docet sententia: nam nullo iure id præcipitur, & quamvis nonnulli id faciant, multa sunt consueta, quæ non sunt præcepta. Unde satis est Sacerdoti hæc audire. Si nec audiret, nec legeret, absque dubio peccaret mortaliter, cum sint partes notabiles Missæ, quas non licet aduertenter omittere.

Alij denique peccatum mortale esse affirmant, ex intentione nolle nominare aliquem Sanctum ex illis, qui in Canone, Missæ ponuntur. Sed hoc nimis rigidum, & scrupulosum est: nam quamvis denominando quolibet Sancto ex illis in particulari esset speciale præceptum (quod tamen non constat) tamen iuxta ea, quæ diximus 1.2.q.69.art.4.dub.2.con.1. non obligaret ad mortale ob parvitatem materiæ. Et ita asserunt multi, qui & dicunt, omittere Gloria, vel Credo, aut ea, quæ interponuntur in *Communicantes*, aut in actione. *Hanc igitur*, in quibusdam solemnitatibus, solum esse peccatum veniale.

Dicendum est ergo: Ex suo genere peccatum mortale esse, omittere aliquid eorum, quæ in Missa dicuntur: ex parvitate  
tamen

## ARTICVLVS IV. 633

tamen materiæ posse esse veniale. Hoc secundum patet ex dictis, & præterea: nam licet hæc omittere sit contra virtutem Religionis: contra hanc tamen potest aliquid esse solum veniale ex paruitate materiæ, vt patet in eo, qui ex voto tenetur recitare integrum rosarium, & omittit recitare vnā salutationis Angelicę orationem. Immo nec hanc omittere esset peccatum mortale, etiam si esset tota, & adæquata materia voti, vt docet M. Soto lib. 8. de iusticia, quæstione 2. artic. 1. & nos diximus 2. 2. quæst. 88. art. 3. dub. 1. con. 1.

Primum verò probatur: nam aliquid eorum omittere est contra diuinum cultum, & virtutem religionis; ergo cum peccatum irreligionis sit ex suo genere mortale, tale erit, aliquid eorum omittere. Quod confirmat, quod in Missali Romano Pius Quintus præcipit omnibus in virtute sanctæ obedientiæ, *Vt Missam iuxta ritum, modum, & normam, quæ per Missale traditur, decantent, ac legant.*

Obiiciunt tamen hæretici, multa falsa contineri, aut supponi in Canone Missæ, & extra illum, præsertim in Missa defunctorum, cum pro animabus existentibus in Purgatorio oratur, vt liberentur de poenis inferni, & de ore leonis, ne absorbeat eas tartarus, sed mereantur evadere iudicium ultionis, & ne cadant in obscurum, nec poenas æternas sustineant; quæ supponere videntur, tales animas damnari posse, &

## 634 QVAESTIO LXXXIII.

non esse in statu saluationis, ergo hæc omittenda sunt. Sed respondetur negando antecedens, diffinitur enim in Concil. Trident. sess. 22. can. 6. *Si quis dixerit Canonem Missæ errores continere, ideoque abrogandum; anathema sit.*

Ea verò, quæ adducuntur ex Missa defunctorum communiter explicari solent, referenda esse ad tempus proximum mortis, in quo in periculo condemnationis erant animæ prædictæ: consuetum est enim, res considerari in statu, quem habuerunt, huncque protopopeia quadam representari, quasi præsentem. Dicitur etiam potest, nihil esse in prædictis verbis, quod supponat animas in Purgatorio existentes posse condemnari: nam Purgatorium nomine inferni, & tartari potest intelligi, in quo animæ poenas, & iudicium ultionis patiuntur, & quodammodo sunt in ore leonis infernalis, petiturque ne cadant, hoc est, diu permaneant in tali loco, & non sustineant poenas æternas, hoc est, per longum tempus duraturas.





## ARTICVLVS V.

*Utrum ea, quæ in celebratione huius  
Sacramenti aguntur, sint con-  
uenientia.*

**Conclusio est affirmans.**

**H**Æretici nostri temporis ritus, & cere-  
monias, & quæ aguntur in celebra-  
ne huius sacrificij Missæ, irrident, &  
damnant. Contra quos definitur in Con-  
cil. Trid. sess. 21. can. 7. *Si quis dixerit, cere-  
monias, vestes, & externa signa, quibus in  
Missarum celebratione Ecclesia Catholica uti-  
tur, irritabula impietatis esse, magis, quam of-  
ficia pietatis; anathema sit.* Et canon. 9. *Si  
quis dixerit, Ecclesiæ Romanæ ritum, quo sub-  
missa voce pars canonis, & verba consecratio-  
nis proferuntur, damnandum esse, aut lingua  
tantum vulgari Missam celebrari debere &c.  
anathema sit.* Præcipuas ceremonias expli-  
cat optimè D. Th. hic, quem vide.

Est tamen inter Doctores Catholicos  
difficultas, an possit sacerdos sine ministro  
celebrare? D. Thom. hic ad 12. ait: *In so-  
lemni celebratione Missæ plures debent adesse.  
In Missis tamen privatis sufficit unum habere  
ministram, qui gerit personam totius populi Ca-  
tholici.* Primum probat ex Can. *Hec quo-  
que. De consecrat. dist. 1. ubi dicitur: Hec  
quoque statutum est, ut nullus Presbyterorum*

636 **QVAESTIO LXXXIII.**

*Missarum solennia celebrare presumat sine duobus presentibus, sibi que respondentibus. Quidam dicunt, hunc Canonem loqui de quavis Missa; iam tamen consuetudinem obtinuisse, ut sufficiat unus minister. Sed intelligentia D. Tho. omnino amplectenda est, quam insinuant verba illa, Missarum solennia. Glossa etiam, quæ proponens casum inquit: Presbyter non debet cantare Missam &c. Et quidem si D. Th. (ut nonnulli volunt) loquatur de Missa solenni, quæ solet cum Diacono, Subdiacono, & Acolytis dici; per se notum est, plures debere adesse. Si vero tam ipse, quam Canonicatus loquantur de Missa, quæ cantatur, non videtur improbabile, consuetudinem illud fuisse abrogatum, cum videamus in Ecclesijs locorum exiguorum, vnum solum Sacerdotem sæpe cantare Missam, & vnum adesse, qui ei respondeat. In Missis vero priuatis omnino certum est, sufficere vnum habere ministrum.*

An verò solus Sacerdos sine ministro possit celebrare, non est conuersus omnium sententia, quidam id non esse licitum affirmant, sed mortaliter peccare, Sacerdotem solum celebrantem Mag. Soto in 4. dist. 13. q. 2. ar. 5 inquit: *Nisiurgens esset, ut in festo, quando Sacerdos Missam audire nequit, nisi solus ipse celebraret, nullatenus licet, immo forsari, nisi magnum esset festum, consultius esset non celebrare.* Alij absolute dicunt, in necessitate, qualis est diei festi, aut dandi moribundo Viaticum, licitam esse celebrationem

Mis-

## ARTICVLVS V. 637

Missæ, sine ministro.

Si desit vir, & adsit foemina, communis sententia docet, non esse licitum, hanc ministrare; nam in Cap. *Inhibendum*, De cohabit. Cleric. & mulie. dicitur: *Prohibendum est, ut nulla femina ad altare presumat accedere, aut Presbytero ministrare.* Quidam tamen id licitum esse dicunt, & cap. citatum intelligendum esse extra casum grauis necessitatis. Sed Mag. Soto, vbi supra ait: *Ob nullam necessitatem illud auderem citra dispensationem permittere propter indecenciam.* Et citius auderem egomet mihi respondere, & ministrare, quam feminam ad id, munus admittere.

Si quæras, an Sacerdos possit cooperto capite celebrare? Respondetur id non esse licitum, cum in Can. *Nullus*, De consecrat. dist. 1. dicatur: *Nullus Presbyter ad Missarum solennia celebranda presumat velato capite altari Dei assistere.* Si tamen adsit necessitas, & dispensatio (quam concedere ad solum Summ. Pontificem spectare nonnulli referunt declaratum fuisse à Sacra Cardinaliū, sac. Rituum Congregatione) affirmant multi nullum esse peccatum: & idem esse si grauis necessitas id exigeret, & non posset facile dispensatio postulari, dummodo desit scandalum, & contemptus, & tempore Canonis caput discooperiatur,

## ARTICVLVS VI.

*Vtram possit sufficienter occurrere defectibus circa celebrationem huius Sacramenti occurrentibus Statuta Ecclesia observando.*

**Conclusio est negans.**

**S**eptem defectuum mentionem hic facit D. Thom. & quomodo eis occurrendum sit docet in solutionibus septem argumentorum, quæ proponit.

Circa primum, qui debet suppleri per alium, quando Sacerdos celebrans moritur, aut graui infirmitate occupatur incepta consecratione, notat Mag. Soto in 4. distinct. 13. q. 2. art. 6. *In tali casu id procedendum est, unde cessatum est. Quæ est doctrina D. Thom. in 4. dist. 8. q. 2. art. 4. quaestio 2. dicentis: Alius Sacerdos debet exple-  
re, quod ille inchoauit, ita quod incipiat sequens Sacerdos, ubi primus dimisit, si sciatur. Subdit autem S. Doct. Si autem nesciatur, debet à capite incipere, non enim dicitur iteratum, quod nescitur esse factum. Ex quo colligunt quidam, debere ponere aliam hostiam, & aliud vinum in alio calice, & utramque hostiam, ac utrumque calicem consecrare, alterum simpliciter, alterum sub conditione. Mihi probabilius videtur,*  
fatis

## ARTICVLVS VI. 639

satis esse, hostiam, & calicem, quæ inuenit in altari, sub conditione consecrare, & non debere aliam hostiam, & vinum apponere. sicut & si certum esset primum Sacerdotem consecrasse hostiam, & nesciretur consecrasse vinum, sufficeret hoc, quod in altari inuenit, consecrare secundum Sacerdotem.

Quærit etiam Mag. Soto, an in tali casu, si nullus posset haberi Sacerdos ieiunius, posset ille, qui non est ieiunius, Sacramentum perficere & sumere. Respondetque: *Absque dubio posse*. Quod & omnes asserunt: nam minus inconueniens est, Sacerdotem non ieiunum communicare, quam sacrificium relinqui imperfectum. Si nullus inueniri posset Sacerdos, inquit M. Soto: non esse licitum laico sanguinem, aut hostiam sumere: quia laico non licet sacrificium perficere. Vnde hostia seruanda esset in pixide, & calix in sacrario. Et si species vini corrumperentur antequam inueniretur, qui eas sumeret Sacerdos, in piscinam proijciendæ essent. Alij dicunt licere laico species consecratas etiam vini sumere, non ad perficiendum sacrificium, sed ob reuerentiam Sacramenti.

Quærit denique idem Mag. Soto, an, si quando moritur celebrans, adsit Sacerdos. concubinaris tamen, & in peccato mortali existens, teneatur sacrificium perficere, ac per consequens verè conteri, & occasionem peccati abigindere. Respondetque,

que, non teneri; quia Concil. Toletan. relatum à D. Thom. solum ait: *Sit liberum Presbytero alteri consecrationem exequi incepti sacrificij.* Ergo simpliciter concubinari ille non obligatur ad rem sibi difficilem, nisi forte ex hoc, quod non perficeret, magnum scandalum sequeretur. Alij teneri affirmant: quia talis peccator nullum incommodum accipit, sed potius commodum maximum, dum compellitur conteri.

Circa secundum, quando scilicet celebrans recolit se aliquid comedisse, vel bibisse, vel etiam alicui peccato mortali subiacere, vel etiam excommunicationi, notanda sunt verba D. Thom. ad 2. *Si ante consecrationem alicuius prædictorum sit memor, tutius reputarem, maxime in casu manducationis, & excommunicationis, quod Missam inceptam deferret, nisi grave scandalum timeretur.* Aduerbio enim illo maxime innuere videtur in altero casu, peccati scilicet mortalis, admitti posse, non teneri Missam inceptam deferre. Quod sentit Mag. Soto ubi supra dicens: *Si autem est in culpa mortali, etiam si in introitu Missæ quando est in altari sit memor, satis est conscientione, & proposito confitendi, ut possit inceptum perficere.* Idem sentiunt M. Victoria in summ. num. 78. & alij recentiores. Ex quo nonnulli colligunt, idem esse dicendum de sæculari, qui existens in mensa communionis recordatur alicuius peccati mortalis. Quando Sacerdos, qui ante  
Missam

## ARTICULVS IV. 641

Missam rite confessus fuerat, recordatur eam celebrando alicuius peccati mortalis in confessione inuincibiliter obliti, tunc quidam affirmant teneri de illo actum contritionis habere. Alij oppositum dicunt: quia tale peccatum iam vere est remissum; sicque posse Sacerdotem tunc proseguire Missam inceptam, quin eliciat actum contritionis, & postea suo tempore confiteri peccatum illum oblitum, & tunc de illo conteri, vel atteri. Idem est de seculari prædicto dicendum.

Circa tertium notandum est, quando post consecrationem deprehenditur, venenum esse in calice, non esse sumendum sanguinem, sed ut ait D. Thom. *Ne Sacramentum remaneat imperfectum, debet aliud vinum apponere in calicem, & denuo resumere à consecratione sanguinis, & sacrificium perficere.* Vnde non debet aliam apponere Hostiam sicut in casu sequenti, nisi forte venenum esse in calice deprehendatur post sumptionem Hostiæ consecratæ.

Circa quartum aduertendum est, sententiam D. Thom. afferentis, si Sacerdos post sumptionem corporis perceperit, vinum non fuisse positum in calice. *Aliam Hostiam apponere debet iterum consecrandam simul cum sanguine, maximè probatam, fuisse ab Ecclesia, cum in Missali Romano hoc modo supplendum esse hunc defectum dicatur.* Contrariam sententiam afferentem satis esse tunc vinum tantum

con-

# 642 QVÆSTIO LXXXIIII.

consecrare, & sumere, tenent multi cum Soto, illamque, dum in publico celebratur, sequi ad evitandum scandalum, & turbationem populi, nullum esse absurdum, ut et M. Soto vbi supra.

Circa quintam obserua, doctrinam D. Thom. salutarem esse scrupulosis, ne quocumque sibi videantur obliti alicuius, id repetant. Et quamuis probabiliter eis constet aliqua omisisse: si tamen non fiat de necessitate Sacramenti, non resumant, sed ulterius procedant. Cui conforme est, quod dicitur in solutione sexti, quam & solutionem septimi vide apud D. Thom. & M. Soto vbi supra.







# I N D E X

R E R V M

N O T A B I L I V M.

A



*ABLVTIO* in diffinitione Sacramenti Baptismi an sit genus, 164. Consistat ne in actione, vel in passione, 172.

*Abominatio desolationis.* Antichristum significat, 567.

*Accidentia in Eucharistia*, an existant eadem existentia, qua antea 464. In ea sine subiecto substantiali existunt, 463. Conseruatur sic à Deo diuerso concursu, ac antea 464. Tribuat nè illis aliquid reale succedens sustentationi subiecti ibid.

*Accidentia intrinseca corporis Christi sūt in Eucharistia per concomitantiam*, 446. An sine illis existere possit corpus Christi in Sacramento, 447.

*Actio spiritualis quomodo à rebus corporeis pro-*

ue-

## **Index rerum notabilium.**

- ueniat, 37. Non omnis actio est productiua, pag. 42.
- Actus iurisdictionis spiritualis exercens in mortali, an peccet mortaliter, 142.
- Adamo non peccante an Sacramenta instituerentur à Deo, 56.
- Adoratione lactis adorari possunt species consecrata, 319.
- Adulti tenentur sub mortali non differre Baptismum usque ad mortem, & ante illam non differre per multum tempus sine sufficiens ratione, 147.
- Agni Paschalis immolatio erat Sacramentum veteris legis, 570.
- Agrestis seu omphatii non est materia Eucharistiae, 369.
- Altare ad sacrificium Missae debet esse lapideum ea magnitudine, ut possit calicem cum patena capere 622. Non potest construi ex duobus lapidibus, in quorum uno calix, & in alio hostia collocetur, 623. Quando consecrationem amittant, ibid. Celebrans in altari non consecrato an fiat irregularis, ibid. In altari portatili extra loca diuino cultui deputata an possint ex privilegio celebrare Mendicantes, 616.
- Amentes an confirmandi, 302.
- Amydum & panis ex eo confectus non sunt materia Eucharistiae, 358.
- Angeli intrinsecè, & propriè non habent propinquitatem vel distantiam, 456.
- Anima rationalis eodem concursu, quo unita, conseruatur separata, 464.
- Anima rationalis Christi Domini est in Eucha-

## **Index rerum notabilium.**

- ristia per concomitantiam, 434 In trilu-  
mortis neque per concomitantiam esset, 435.  
Animabus purgatorij quando remittitur pecca-  
tum veniale, 538.  
Annuntiationis festo occurrente in die Parasceue  
non tenentur fideles Missam audire, 581.  
Annihilatio quid requirat, 406.  
Antichristi persecutione instante cessabit solem-  
nis celebratio Missæ, 567.  
Apostoli ante coenam Domini baptizati erant,  
163. An ipsi baptizauerint solum in nomine  
Iesu, 190.  
Aqua fluens de latere Christi fuit vera aqua  
pag. 175.  
Aqua vera, & naturalis requiritur ad Baptis-  
mum 174. Sufficiens & si turbida vel chris-  
mate admixta, 175. Rosacea, aut alchimica  
inutilis, 176. Quid de resoluta ex sale, ve!  
qua sit ex orileo, ibid.  
Aquam vino consecrando non apponere mortale  
est, 470 Verè conuerti in vinum D Thom.  
& Philosophus manifeste docent, 386. Ut  
conuertatur in sanguinem Christi, prius in vi-  
num conuerti debere, late ostenditur, 377. &  
seq.  
Aqua in vinum non conuersa an forma sacra-  
menti esset falsa, 389 Breue tempus tali conuer-  
sioni sufficiens, ibid. Aqua permixta vino, ut  
extrahi posse dicatur, 386.  
Audiens Missam ex deuotione ignorans esse  
diem festum, si postea aduertat non tenetur  
iterum audire, 540.  
Attritio solum existimata contritio non sufficit, &  
sacramenta fide suscepta reuoluant. 90. Suf-  
f.

## **Index rerum notabilium.**

*sciat nè si fictio positiua non sit, 103.*

*Actritio non sufficit ad ministrandum sacramentum Pœnitentia, si minister est in peccato mortali, 143.*

*Actritio naturalis non sufficit ad recipiendam gratiam in sacramento Baptismi, 268. Bene verò supernaturalis etiam cognita, 270.*

## **B**

**B**aptismi sacramenti definitio, 162. Quid in ea habeat rationem generis, 164. Quare vocetur, aqua, 165. Institutum à Christo hoc sacramentum quando in Iordane baptizatus est, 168. Aliquibus ab eo immediate fuit collatum, 167.

*Baptismi materia, 172. Nequit conficit in luto vel in vino lymphato, 174. Possit nè in aqua decoctionis carniū, in lixiuio, vel in liquore alicuius plantæ, 176. Gelu, grandine, aut niue itual: de confertur, ibid. Quid de aqua ex sale resoluta, ibid.*

*Baptismi forma exponitur, 177. Illicitum est assumere vocem Abluo, relicta voce Baptizo, 46. Cessante scandalo solum esset veniale, ibid. Pronomen Ego, non est de essentia formæ, 177. Peccat Latinus utens forma Græcorum. sed secluso scandalo in secreto non esset mortale, 179. Græci an peccent utendo nostra forma, ibid. Quomodo exprimaturs in eorum forma actus exercitus per ministrum, ibid. Baptismi forma an valida, si diceretur, Baptizate Christus, vel, Nos baptizamus vos, 181. In forma debet exprimi persona baptizanda,*

## *Index rerum notabilium.*

- Quomodo*, 181. *Et seq.*
- Baptismi forma nulla esset, si diceretur, In nominibus, 182. Sed propositionem In, *Et* conjunctionem Et, non esse de essentia formæ, non est improbable, 183. Eas omittens venialiter peccat, ibid. Si quis diceret, In virtute an baptizaret, 184. Vel si iter diceret In nomine, 184.
- Baptismi forma Personas Trinitatis necessario debet exprimere, 184. Probabilius non sufficere nomina genitoris, geniti, *Et* procedentis, ibid. In nomine Trinitatis, vel Christi non confertur Baptismus, 188. Qua forma Apostoli baptizauerint, 190.
- Baptismum conferre per immersionem tutius est absolute, servandus tamen ritus cuiuslibet diocesis sub veniali saltem, 198. Tangere debet aqua ipsum baptizatum, nec sufficit illud in quo inclusus continetur, 196. Baptismus an sit verus omissa una immersione ex tribus iterantis, 198.
- Baptismus sit ne validus, si quis præcipiat infan-tem in puteo animo baptizandi, *Et* suffocandi simul 196. Ille an maneat irregularis, *Et* qui per baptismum eius morrem accelerat, 197.
- Baptismus quando iterandus, 200. Scienter rebaptizans *Et* rebaptizatus manent irregulares, 201. Quid de rebaptizante, *Et* rebaptizato sit, vel sub conditione, 202.
- Baptismus tantum aqua propriè Sacramentum pag, 205.
- Baptismus sanguinis conferat ne gratiam, *Et* faciat ex astricto contritum, 207. Quando conferantur effectus eius, 212. Occisus in utero pro-

## **Index rerum notabilium.**

- propter Christum an vere martyr sit . 211.  
**Baptismus** utrum à pluribus conferri possit . 214.  
Qui prius verba legitima profert et verum sacramentum conficit , 226. Si omnino simul verba proferunt , & abluunt , unum tantum sacramentum efficiunt , ibid Si unus abluit , & alter profert , nihil efficiunt , 228. Similiter si uterque intenderet per se totaliter baptizare , sub ac forma Nos te baptizamus . 230.  
**Baptismi** preceptum , et quando inceptit eius obligatio , 236.  
**Baptismi** votum , 239. Baptismus in voto parentum cum aliqua oblatione , & invocatione Trinitatis ad salutem parvuli insufficienter . 240.  
**Baptismus** puerorum differre usque ad aetatem adultam non est peccatum mortale contra ius divinum , 244. An iure divino , vel Ecclesie determinatum sit tempus ad Baptismum adulti , ita quod differens peccet mortaliter , 247. & seq.  
**Baptismus** aequalem gratiam parvulis confert , 102.  
**Baptizans** in articulo necessitatis in mortali , an peccet , 143.  
**Benedicere** aquam in mortali , an sit veniale , 142.  
**Benedictiones** , quæ signo crucis fiunt in Missa , non sunt de essentia sacrificij , 576.  
**Benedictio** Ecclesie perseverare durare solo , quod tantum benedicitur , 621.  
**Benedicere** corporalia ad Episcopum spectat , 626. Ex privilegio Prælati regularium canone.

**Index rerum notabilium .**  
**benedicere possunt , ibid.**

**C**

**C**alix ad sacrificium Missæ, ex qua materia confici possit , 624.

Calix argenteus, si deauratur, indiget reconsecratione ; Secus tamen si deauratio visu perdatur, 624. & seq.

Calix an maneat ad sacrificium ineptus, si scyphus à pede ex toto separatur . 625.

Cadaveris forma à quo producatur, 432. introducta fuit in materia prima Christi mortui , 433. Et assumpta à Verbo. An sit concedenda ista. Cadaver est Deus, ibid.

Cathecumenus non potest esse susceptor in Baptismo , 232.

Ceremonia an repeti debeant , si Baptismus collatus fuit solemniter , sed inualide , 204.

Character non imprimitur per solum votum sacramenti, 95. Quanam sacramenta illum imprimant , 115.

Character non est relatio , 118. Nec passibilis qualitas, passio, aut figura , 119. Sed vera potentia physica contenta sub secunda specie qualitatis, 120. Immediate subiectatur in intellectu , 128.

Character baptismalis est potentia passiva, 122.

Character confirmationis habet rationem potentia active , & passiva , 124.

Character sacerdotalis est virtus instrumentalis ad transubstantiationem , & in ordine ad productionem gratia , 123.

## ARTICVLVS VI.

*Vtram possit sufficiens occurri defectibus circa celebrationem huius Sacramenti occurrentibus statuta Ecclesia observando.*

**Conclusio est negans.**

**S**eptem defectuum mentionem hic facit D. Thom. & quomodo eis occurrendum sit docet in solutionibus septem argumentorum, quæ proponit.

Circa primum, qui debet suppleri per alium, quando Sacerdos celebrans moritur, aut graui infirmitate occupatur incepta consecratione, notat Mag. Soto in 4. distinct. 13. q. 2. art. 6. In tali casu id procedendum est, unde cessatum est. Quæ est doctrina D. Thom. in 4. dist. 8. q. 2. art. 4. quæstioncula 2. dicentis: *Alius Sacerdos debet exple- re, quod ille inchoauit, ita quod incipiat sequens Sacerdos, ubi primus dimisit, si sciatur.* Subdit autem S. Doct. *Si autem nesciatur, debet à capite incipere, non enim dicitur iteratum, quod nescitur esse factum.* Ex quo colligunt quidam, debere ponere aliam hostiam, & aliud vinum in alio calice, & vtramque hostiam, ac vtrumque calicem consecrare, alterum simpliciter, alterum sub conditione. Mihi probabilius videretur, fatis



## ARTICVLVS VI. 639

satis esse, hostiam, & calicem, quæ inuenit in altari, sub conditione consecrare, & non debere aliam hostiam, & vinum apponere. sicut & si certum esset primum Sacerdotem consecrasse hostiam, & nesciretur consecrasse vinum, sufficeret hoc, quod in altari inuenit, consecrare secundum Sacerdotem.

Quærit etiam Mag. Soto, an in tali casu, si nullus posset haberi Sacerdos ieiunius, posset ille, qui non est ieiunius, Sacramentum perficere & sumere. Respondetque: *Absque dubio posse*. Quod & omnes asserunt: nam minus inconueniens est, Sacerdotem non ieiunum communicare, quam sacrificium relinqui imperfectum. Si nullus inueniri posset Sacerdos, inquit M. Soto: non esse licitum laico sanguinem, aut hostiam sumere: quia laico non licet sacrificium perficere. Vnde hostia reservanda esset in pixide, & calix in sacrario. Et si species vini corrumperentur antequam inueniretur, qui eassumeret Sacerdos, in piscinam proijciendæ essent. Alij dicunt licere laico species consecratas etiam vini sumere, non ad perficiendum sacrificium, sed ob reuerentiam Sacramenti.

Quærit denique idem Mag. Soto, an, si quando moritur celebrans, adfit Sacerdos. concubinariùs tamen, & in peccato mortali existens, teneatur sacrificium perficere, ac per consequens verè conteri, & occasiones peccati abscindere. Respondetque,

que, non teneri; quia Concil. Toletan. relatum à D. Thom. solum ait: *Sit liberum Presbytero alteri consecrationem exequi incepti sacrificij*. Ergo simpliciter concubinarius ille non obligatur ad rem sibi difficilem, nisi forte ex hoc, quod non perficeret, magnum scandalum sequeretur. Alij teneri affirmant: quia talis peccator nullum incommodum accipit, sed potius commodum maximum, dum compellitur conteri.

Circa secundum, quando scilicet celebrans recolit se aliquid comedisse, vel bibisse, vel etiam alicui peccato mortali subiacere, vel etiam excommunicationi, notanda sunt verba D. Thom. ad 2. *Si ante consecrationem alicuius prædictorum sit memor, tutius reputarem, maxime in casu manducationis, & excommunicationis, quod Missam inceptam deferret, nisi graue scandalum timeretur*. Aduerbio enim illo maxime innuere videtur in altero casu, peccati scilicet mortalis, admitti posse, non teneri Missam inceptam deferre. Quod sentit Mag. Soto ubi supra dicens: *Si autem est in culpa mortali, etiam si in introitu Missæ quando est in altari sit memor, satis est contritione, & proposito confitendi, ut possit inceptam perficere*. Idem sentiunt M. Victoria in lamm. num. 78. & alij recentiores. Ex quo nonnulli colligunt, idem esse dicendum de sæculari, qui existens in mensa communionis recordatur alicuius peccati mortalis. Quando Sacerdos, qui ante  
Missam

## ARTICULVS IV. 641

Missam rite confessus fuerat, recordatur eam celebrando alicuius peccati mortalis in confessione inuincibiliter obliti, tunc quidam affirmant teneri de illo actum contritionis habere. Alij oppositum dicunt: quia tale peccatum iam vere est remissum; sicque posse Sacerdotem tunc prosequi Missam inceptam, quin eliciat actum contritionis, & postea suo tempore confiteri peccatum illum oblitum, & tunc de illo conteri, vel atteri. Idem est de seculari prædicto dicendum.

Circa tertium notandum est, quando post consecrationem deprehenditur, venenum esse in calice, non esse sumendum sanguinem, sed ut ait D. Thom. *Ne Sacramentum remaneat imperfectum, debet aliud vinum apponere in calicem, & de novo resumere à consecratione sanguinis, & sacrificium perficere.* Vnde non debet aliam apponere Hostiam sicut in casu sequenti, nisi forte venenum esse in calice deprehendatur post summptionem Hostiæ consecratæ.

Circa quartum aduertendum est, sententiam D. Thom. afferentis, si Sacerdos post summptionem corporis perceperit, vinum non fuisse positum in calice. *Aliam Hostiam apponere debet iterum consecrandam simul cum sanguine, maximè probatam, fuisse ab Ecclesia, cum in Missali Romano hoc modo supplendum esse hunc defectum dicatur.* Contrariam sententiam afferentem satis esse tunc vinum tantum  
con-

642 **QVÆSTIO LXXXIH.**

consecrare, & sumere, tenent multi cum Scoto, illamque, dum in publico celebratur, sequi ad evitandum scandalum, &urbationem populi, nullum esse absurdum, docet M. Soto vbi supra.

Circa quintum observa, doctrinam D. Thom. salutarem esse scrupulosis, ne quotiescunque sibi videantur obliti alicuius, id repetant. Et quamvis probabiliter eis constet aliqua omisisse: si tamen non sunt de necessitate Sacramenti, non resumant, sed ulterius procedant. Cui conforme est, quod dicitur in solutione sexti, quam & solutionem septimi vide apud D. Thom. & M. Soto vbi supra.





# I N D E X

R E R V M

N O T A B I L I V M.

A



**A B L V T I O** in diffinitione Sacramenti Baptismi an sit genus, 164. Consistat ne in actione, vel in passione, 172.

*Abominatio desolationis Antichristum significat, 567.*

*Accidentia in Eucharistia, an existant eadem existentia, qua antea 464. In ea sine subiecto substantiali existunt, 463. Conservantur sic à Deo diverso concursu, ac antea 464. Tribuat nè illis aliquid reale succedens sustentationi subiecti ibid.*

*Accidentia intrinseca corporis Christi sūt in Eucharistia per concomitantiam, 446. An sine illis existere possit corpus Christi in Sacramento, 447.*

*Actio spiritualis quomodo à rebus corporeis pro-*

## **Index rerum notabilium.**

ueniat, 37. Non omnis actio est productiua, p. 42.

Actus iurisdictionis spiritualis exerceps in mortali, an peccet mortaliter, 142.

Adamo non peccante an Sacramenta instituerentur à Deo, 56.

Adoratione latrice adorari possunt species consecrata, 319.

Adulti tenentur sub mortali non differre Baptismum usque ad mortem, & ante illam non differre per multum tempus sine sufficienti ratione, 147.

Agni Paschalis immolatio erat Sacramentum veteris legis, 570.

Agresta seu omphatiū non est materia Eucharistia, 369.

Altare ad sacrificium Missæ debet esse lapideum ea magnitudine, ut possit calicem cum patena capere 622. Non potest construi ex duobus lapidibus, in quorum vno calix, & in alio hostia collocetur, 623. Quando consecrationem amittant, ibid. Celebrans in altari non consecrato an fiat irregularis, ibid. In altari portatili extra loca diuino cultui deputata an possint ex priuilegio celebrare Mendicantes, 616.

Amentes an confirmandi, 302.

Amydum & panis ex eo confectus non sunt materia Eucharistia, 358.

Angeli intrinsecè, & propriè non habent propinquitatem vel distantiam, 456.

Anima rationalis eodem concursu, quo unita, conseruatur separata, 464.

Anima rationalis Christi Domini est in Eucharistia

## **Index rerum notabilium.**

- visita per concomitantiam, 434 In tribus  
mortis neque per concomitantiam esset, 435.  
Animabus purgatorij quando remittitur pecca-  
tum veniale, 588.  
Annuntiationis festo occurrente in die Parascoe  
non tenentur fideles Missam audire, 581.  
Annihilatio quid requirat, 406.  
Antichristi persecutione instante cessabit solem-  
nis celebratio Missæ, 567.  
Apostoli ante cenam Domini baptizati erant,  
163. An ipsi baptizauerint solum in nomine  
Iesu, 190.  
Aqua fluens de latere Christi fuit vera aqua  
pag. 175.  
Aqua vera, & naturalis requiritur ad Baptis-  
mum 174. Sufficiens & si turbida vel chris-  
mate admixta, 175. Rosacea, aut alchemica  
inutilis, 176. Quid de resoluta ex sale, vel  
qua sit ex orileo, ibid.  
Aquam vino consecrando non apponere mortale  
est, 470 Verè conuerti in vinum D Thom.  
& Philosophus manifeste docent, 386. Ut  
conuertatur in sanguinem Christi, prius in vi-  
num conuerti debere, late ostenditur, 377. &  
seq.  
Aqua in vinum non conuersa an forma sacra-  
menti esset falsa, 389 Breue tempus tali conuer-  
sioni sufficiens, ibid. Aqua permixta vino, ut  
extrahi posse dicatur, 386.  
Audiens Missam ex deuotione ignorans esse  
diem festum, si postea aduertat non tenetur  
iterum audire, 540.  
Astritio solum existimata contritio non sufficit, &  
sacramenta fide suscepta renouiscant. 90 Suff.

## **Index rerum notabilium.**

*faciat nè si fictio positiua non sit, 103.*

*Aceritio non sufficit ad ministrandum sacramentum Pœnitentiæ, si minister est in peccato mortali, 143.*

*Attritio naturalis non sufficit ad recipiendam gratiam in sacramento Baptismi, 268. Bene verò supernaturalis etiam cognita, 270.*

### **B**

**B**aptismi sacramenti diffinitio, 162. Quid in ea habeat rationem generis, 164. Quare vocetur, aqua, 165. Institutum à Christo hoc sacramentum quando in Iordane baptizatus est, 168. Aliquibus ab eo immediate fuit collatum, 167.

*Baptismi materia, 172. Nequit conficitur in luto vel in vino lymphato, 174. Possit nè in aqua decoctionis carniū, in lixiuio, vel in liquore alicuius plantæ, 176. Gelu, grandine, aut niue inualde confertur, ibid. Quid de aqua ex sale resoluta, ibid.*

*Baptismi forma exponitur, 177. Illicitum est assumere vocem Abluo, relicta voce Baptizo, 46. Cessante scandalo solum esset veniale, ibid. Pronomen Ego, non est de essentia formæ, 177. Peccat Latinus utens forma Græcorum. sed secluso scandalo in secreto non esset mortale, 179. Græci an peccent utendo nostræ formæ, ibid. Quomodo exprimitur in eorum forma actus exercitus per ministrum, ibid. Baptismi forma an valida, si diceretur, Baptizante Christus, vel, Nos baptizamus vos, 181. In forma debet exprimi persona baptizanda,*



## *Index rerum notabilium.*

Quomodo, 181. & seq.

Baptismi forma nulla esset, si diceretur. In nominibus, 182. Sed propositionem In, & conjunctionem Et, non esse de essentia formæ, non est improbable, 183. Eas omittens venialiter peccat, ibid. Si quis diceret, In virtute an baptizaret, 184. Vel si ter diceret In nomine, 184.

Baptismi forma Personas Trinitatis necessario debet exprimere, 184. Probabilius non sufficere nomina genitoris, geniti, & procedentis, ibid. In nomine Trinitatis, vel Christi non confertur Baptismus, 188. Quæ forma Apostoli baptizauerint, 190.

Baptismum conferre per immersionem tutius est absolute, servandus tamen ritus cuiuslibet diocesis sub veniali saltem, 198. Tangere debet aqua ipsum baptizatum, nec sufficit illud in quo inclusus continetur, 196. Baptismus an sit verus omissa una immersione ex tribus iterantibus, 198.

Baptismus sit ne validus, si quis projiciat infantem in puteo animo baptizandi, & suffocandi simul 196. Ille an maneat irregularis, & qui per baptismum eius mortem accelerat, 197.

Baptismus quando iterandus, 200. Scienter rebaptizans & rebaptizatus manent irregulares, 201. Quid de rebaptizante, & rebaptizato sit, vel sub conditione, 202.

Baptismus tantum aqua proprie Sacramentum pag. 205.

Baptismus sanguinis conferat ne gratiam, & faciat ex atris contritum, 207. Quando conferantur effectus eius, 212. Occisus in utero pro-

pro-

## **Index rerum notabilium.**

- propter Christum an vere martyr sit . 211.  
**Baptismus** utrum à pluribus conferri possit . 214.  
Qui prius verba legitima profert verum sacramentum conficit , 226. Si omnino simul verba proferunt , & abluunt , unum tantum sacramentum efficiunt , ibid Si unus abluit , & alter profert , nihil efficiunt , 228. Similiter si uterque intenderet per se totaliter baptizare , sub ac forma Nos te baptizamus . 230.  
**Baptismi** preceptum , et quando inceptit eius obligatio , 236.  
**Baptismi** votum , 239. Baptismus in voto parentum cum aliqua oblatione , & invocatione Trinitatis ad salutem parvuli insufficienter . 240.  
**Baptismus** puerorum differre usque ad aetatem adultam non est peccatum mortale contra ius diuinum , 244. An iure diuino , vel Ecclesie determinatum sit tempus ad Baptismum adulti , ita quod differens peccat mortaliter , 247. & seq.  
**Baptismus** aequalem gratiam paruulis conferre , 102.  
**Baptizans** in articulo necessitatis in mortali , an peccet , 143.  
**Benedicere** aquam in mortali , an sit veniale , 142.  
**Benedictiones** , quæ signo crucis fiunt in Missa , non sunt de essentia sacrificij , 576.  
**Benedictio** Ecclesie perseverat durare solo , quod datum bene dicitur , 621.  
**Benedicere** corporalia ad Episcopum spectat , 626. Ex privilegio Prælati regularium ea bene-

**Index rerum notabilium .**  
**benedicere possunt , ibid.**

**C**

**C**alix ad sacrificium Missæ, ex qua materia confici possit , 624.

Calix argenteus, si deauratur, indiget re consecratione ; Secus tamen si deauratio r̄su perdat̄ur, 624. & seq.

Calix an maneat ad sacrificium ineptus, si scyphus à pede ex toto separatur . 625.

Cadaveris forma à quo producatur, 432. introducta fuit in materia prima Christi mortui , 433. Et assumpta à Verbo, An sit concedenda ista. Cadaver est Deus, ibid.

Cathecumenus non potest esse susceptor in Baptismo , 232.

Ceremonie an repeti debeant , si Baptismus collatus fuit solemniter , sed inualide , 204.

Character non imprimitur per solum votum sacramenti, 95. Quanam sacramenta illum imprimant , 115.

Character non est relatio , 118. Nec passibilis qualitas, passio, aut figura , 119. Sed vera potentia physica contenta sub secunda specie qualitatis, 120. Immediate subiectatur in intellectu , 128.

Character baptismalis est potentia passiva, 122.

Character confirmationis habet rationem potentie active , & passivæ , 124.

Character sacerdotalis est virtus instrumentalis ad transubstantiationem , & in ordine ad productionem gratiæ , 123.

## **Index rerum notabilium.**

**Celebrans** si desit cingulum potest loco eius stola longam adhibere, & loco stolæ manipulum longum, 628. Cingulum si frangatur, & qualibet pars sufficiat ad cingendum an maneat utraque benedicta, ibid. Si neutra pars sufficit liceat ne partibus simul nexis uti, ibid.

**Celebrare** an liceat sine confessione ob carentiā confessarii non habentis iurisdictionem, & infamiam, quæ ex non celebratione imminet, §15.

**Celebrare** in Ecclesia violata licitum est si adsit necessitas, & consensus Episcopi. 617.

**Celebrare** in tentorio, & in campo quando liceat, 615.

**Celebrans** in die Parasceue priuatim, peccat mortaliter, 607. In die Cænæ, & Sabbato celebrare potest priuatim ex facultate Prælati, ibid.

**Celebrare** tenetur Sacerdos sub mortali in calice, & patena consecratis, & in corporali benedicto, 624. celebrare sine vestibus sacris præsertim minoribus aliquando an liceat, 618.

**Celebrare** sine lumine peccatum mortale est, 629 sed cum unius solum candela lumine videtur veniale, ibid. Celebrare cum lumine candela ex adipe, aut lampadis ex oleo aliquando an liceat, ibid.

**Celebrare** sine ministro, aut foemina ministrante, in casu necessitatis an sit licitum, 636.

**Celebrare** sine cingulo benedicto est tantum veniale, 628. Si iusta adsit causa nullum est pec-

## **Index rerum notabilium.**

peccatum, *ibid.*

**Celebrare ante recitationem Officij nocturni non est peccatum mortale, 610.**

**Celebrans in Ecclesia violata non incurrit irregularitatem, 621. Quid si in altari non consecrato celebret, 623.**

**Celebrare sine ara consecrata ob nullam necessitatem fas est citrareatum peccati mortalis, 622. V. Sacerdos, Missa**

**Clerici inferiores Diacono in nullo casu possunt solemniter baptizare, 218. Si baptizant irregulares manent, *ibid.* Quid si pure laicus baptizet maneat ne irregularis, *ibid.***

**Cognitionem spirituales contrahat ne Monachus, si leuet aliquem è sacro fonte, 233.**

**Communicare; ut licite quis possit non promissa confessione quid requiratur, 513. & seq.**

**Communicare potest aliquis cum sola contritione quando adest Sacerdos qui confessionem illius sine interprete excipere non potest, 514.**

**Communicare sine dolore peccati venialis ante commissi non est peccatū veniale, 510. Est tamen veniale, accedere cum distractione, *ibid.***

**Communio si daretur infantibus an conferret illis augmentum gratiae, 537.**

**Communione præceptum quando obliget, 538. & seq.**

**Communio in Paschate si ultra octo, aut decem dies præcedat non sufficit ad impletionem præcepti sumendi viaticum, 540.**

**Communicare iterum non tenetur qui peccat mortaliter post communionem paulo ante,**

## **Index rerum notabilium.**

mortem, § 41.

**Communicans** singulis annis in Paschate implet præceptum diuinum de sumenda Eucharistia, ibid. Secus ille, qui ad tres, vel quatuor annos communionem differt, ibid. Non baptizati diuino præcepto ad communionem non tenentur, ibid.

**Communicare** an possit, qui noctis medium comedendo excessit, si postea aliud horologium horam duodecimam pulsauit, § 32.

**Communicans** in aliquo die Quadragesima in multis locis præcepto Ecclesie satisfacit, § 46. Si communicat in mortali, an impleat præceptum, § 49.

**Communione** tempus præuenire tenetur, qui prauidet in Paschate non posse communicare, § 46.

**Communicare** non tenetur ante pascha sequens, qui in paschate non communicauit. § 48.

**Communicanti** sub utraque specie ceteris paribus non confertur maior gratia, quàm sub una tantum communicanti, § 52. Si, quando recipit species vini, mox esset dispositus, maiorem gratiam reciperet, § 54.

**Communione** impedit quidquid sumitur per modum cibi, aut potus, § 30. Post eam cibum statim sumere an sit licitum, § 33. Quantum temporis spatium intercedere debeat inter communionem, & alterius cibi sumptionem, ibid.

**Confessarius** quantum distare debeat, ut Parochus possit contritus tantum celebrare, quando tenetur, § 13.

Con-

## **Index rerum notabilium.**

**Confirmationis sacramentum quid sit . 282.**  
*Quando institutum à Christo, 283. Eius materia, 285. Effectus eius aliquando collatus, sine Sacramento, 288.*

**Confirmationis sacramentum quando Apostoli ut ministri conferebant, semper Chrismate usi sunt, 287. De necessitate huius sacramenti est, ut Chrisma sit consecratum ab Episcopo, 292. An possit simplex sacerdos ex commissione Pape illud consecrare, 293. Esse benedictum eodem modo est tantum de necessitate praecepti, ibid.**

**Confirmationis effectum nullus consequitur sine voto implicito ipsius, 300.**

**Confirmans bis eundem, & confirmatus non, manent irregulares, 298.**

**Confirmationis subiectum, 302. Perpetuo amantes an confirmandi, ibid.**

**Confirmandi sunt, qui habent lucida intervalla, si rationabilis causa adsit, ibid.**

**Confirmationis sacramentum recipere nemo tenetur sub praecepto per se, & directe ad hoc obligante, 303. Per se loquendo nullum est peccatum nolle confirmari, 304. Quando talis nolitio censeatur contemptus mortalis, ibidem. Ante confirmationem Ordines suscipere, an sit mortale. 306.**

**De ministro huius sacramenti, 308. V. Episcopus.**

**Consecrare chrisma, aut oleum infirmorum, in mortali non est peccatum mortale. 142.**

**Consecrantes eandem hostiam, quam intentionem habere debeant. 558.**

## ***Index rerum notabilium.***

**Consecrare panem ex centeno, aliquando an liceat, 359.**

**Consecrare hostiam post prandium, ne infirmus sine viatico de cedat omnino illicitum, 534.**

**Consecrare panem sine vino, aut è contra, sit ne aliquando licitum, 340.**

**Consecratio sola constituit essentialiter sacrificiū Missæ. 574. In ea vera oblatio realis includitur, 579. Perfectissimè representat sacrificium crucis, 574. V. Eucharistia, Missa, Sacerdos.**

**Conuersti aquam in vinum consecrandum ostenditur, 377. & seq.**

**Conuersti aliquid in diuinam essentiam implicat, etiam conuersione non inferente mutationem in termino, 419.**

**Corpus Christi an per conuersionem solam possit incipere esse de nouo in Eucharistia, 393.**

**Conuersio panis in ipsum nec illud reproducit nec mutat, 410.**

**Corpus, & sanguis Christi continentur in Eucharistia ex vi Sacramenti, 423. Quid nomine corporis intelligendum, ibid. Quanam ratio corporis ex vi Sacramenti contenta fuisset in triduo mortis, 428.**

**Corpus Christi mortuum, & uiuum simpliciter idem ob idemptitatem suppositi, non tamen idem secundum speciem humanæ naturæ, ibid.**

**Corpus Christi contentia in Eucharistia an sit formaliter aliquid reale illi adueniens, 414.**

Cor-



## Index rerum notabilium.

- Corpus mortuum hominis solum æquiuoce corpus humanum**, [429](#).
- Corpus Christi in Sacramento Eucharistiæ non mouetur per se, sed per accidens motu locali** - [449](#). Non efficienter, sed formaliter motu recepto in speciebus, [453](#). An motu simplici moueri possit, [450](#).
- Corpus Christi an contineatur in indiuisibilibus quantitatis specierum Eucharistiæ**, [445](#).
- Corporale ad sacrificiũ Missæ debet esse lineum etiam quoad eam partem qua calix cooperitur**, [616](#). V. Benedicere.
- Corporalia, & calices tangentes laici, & fœminæ secluso contemptu an peccent venialiter**, [627](#).

## D.

- D**amnati ad mortem si præscierint eodem die morituros tenentur ieiuni ad communionem accedere, [534](#).
- Deuotio quid sit**, [596](#). Sine charitate inueniri potest, ibid.
- Deuotio actualis non requiritur, ut iustus consequatur augmentum gratiæ accedens ad Eucharistiæ**, [503](#).
- Dispositio requisita, ut Sacramenta fide suscepta renouiscant**, [103](#). Iuxta quantitatem dispositionis causant gratiam sacramenta, [101](#). Maiorem in infinitum conferre possunt crescente dispositione, [102](#).
- Diaconus non peccat mortaliter exercendo suum officium in mortali**, [141](#).

## **Index rerum notabilium:**

**Diaconus** ex sua ordinatione habet posse ex commissione baptizare etiam solemniter, 218.

Ut id praestet, quando licita sit commissio, ibid.

Affectus baptizandi, aut parentum non est rationabilis causa ad talem commissionem, ibid.

**Diacono** ex officio competit aliquo modo ministratio Eucharistiae, 559.

**Diacono** iure diuino spectato committi potest etiam nunc absque ulla necessitate ab Ecclesia, vel Summo Pontifice Dominici sanguinis dispensatio, 560. Non tamen dispensatio corporis Christi, si nulla causa adsit, ibidem.

**Diaconus** potest à se ipso sumere Eucharistiam in necessitatis articulo, 562.

**Diaconus** in casu necessitatis Sacerdote absente potest corpus Christi infirmo ministrare, 560.

Et de eius mandato, si ille non possit, morientem communicare, ibidem.

**Diaconus** deferre potest Eucharistiam infirmo inuito Sacerdote, si ipse ab eo monitus ex negligentia, aut nequitia deferre nollit, 560.

Diminutionem fomitis causat sacramentum Eucharistiae in corporibus digne sumentium,

494.

**Domino** licitum est separare puerum à patre seruo, ut in longinqua regione baptizetur.

264.

**Domus** sacra nomine, in qua sacrificium Missae celebrari debet, etiam oratoria ab Ordinario designata comprehenduntur, 614. In domo priuata celebrare ad communicandum infirmum, ubi non est Oratorium designatum

ab

## **Index rerum notabilium.**

*ab Ordinario, mortale peccatum est, ibid.*

### **E**

**E**trius potest sacramentum recipere, non vero conferre, **161.** Quid de ebrioso, ibid.

**Ecclesia** punire non potest Cathecumenum à fide retrocedentem, illumque ad Baptismum cogere. **250**

**Ecclesia** quot modis violetur. **617.** & seq.

**Ecclesia** perdit consecrationem destructis parietibus pro maiori parte, sed si successivè ruant, & successivè reparentur verius est, non esse necessario reconsecrandam. **621** Si tectum ruat integris manentibus parietibus non est reconsecranda. ibid.

**Ecclesia** polluta an indigeat nova reconciliatione, si in ea bona fide ab aliquo Sacerdote celebratum sit, **622.**

**Ecclesia** in Missa defunctorum quare orat pro animabus purgatorij, ne absorbeat eas tartarus, **634.**

**Episcopus**, qui absque gravi necessitate ordinat ministrum, qui notabilem lingue defectum patitur mortaliter peccat, **47.**

**Episcopus** an debeat sacramentum Confirmationis conferre parvulis nondum habentibus usum rationis, **302.**

**Episcopus** ordinans non confirmatum, aut etiam antequam ipse confirmatus sit, an peccet mortaliter **306.** Solus Episcopus potest ordinaria potestate sacramentum Confirmationis con-

v Ec

fer-

## **Index rerum notabilium.**

ferre, **308.**

Episcopis per Tridentinum an sit ablata facultas dispensandi cum aliquo, ut aliquoties celebret occurrente necessitate in loco honesto etiā prophanis vsibus destinato, **615.**

Eucharistia venerabile sacramentum formaliter, & in recto non supponit pro corpore, & sanguine Christi, **314.** Nec pro verbis consecrationis, vel transubstantiatione, **317.** Sed pro speciebus consecratis, *ibid.*

Eucharistia specificam unitatem, desumit etiam ab unitate refectionis, **321.** Numericam ab unitate numerica refectionis, & consecrationis, **323.**

Eucharistia finis omnium sacramentorum, **332.** Non est medium simpliciter necessarium ad salutem realis illius suscepcio, **329.** An idē sit de voto realis suscepcionis illius, **330.** Mystica illius suscepcio de necessitate salutis, *ibid.*

Eucharistia sacramentum institutum à Christo Domino luna quartadecima, **335.**

De Eucharistia materia, **339.** Presentia ad materiam necessaria, **345.** In medietate minimi naturalis separata à toto nequit fieri consecratio, **348.** Determinanda est materia consecrationis, tam continua, quàm discreta à Sacerdote, & quot modis id fieri possit, **350.** & seq.

Eucharistia materia panis solum **triticeus**, **356.** V. panis. Et vinum solum **de vite**, **369.** V. Vinum.

Eucharistia quare dicatur panis, & vinum, **pag.**

## **Index rerum notabilium.**

pag. 397.

**Eucharistia**, ut conficiatur non sunt necessario praemittenda verba illa, Qui pridie, &c.

**478.** Explicatur forma consecrationis, **486.**

Omnia verba in ea posita an sint de essentia,

**481.** Peccatum mortale est omittere particulam Enim, **485.**

**Eucharistia** effectus proprius, & per se, ut in ore sumitur est augmentum gratiae **492.** Causat quantum est ex se gratiam actualem excitationis charitatis, & dulcedinis. **493.** Effectus eius in corporibus digne sumentium, pag. 494

**Eucharistia** causat gratiam in instanti, in quo primo verum est dicere, comestum est. **496.**

Recipienti plures hostias totus effectus sacramenti confertur in sumptione primae. **497.**

**Eucharistia** an conferat gratiam toto etiam tempore, quo species manent integra in stomacho. **498**

**Eucharistiam** sumpturus confessionem praemittere debet si conscientiam habet peccati mortalis, & copiam confessoris. **512.** Ut licite sumat non praemissa confessione quid requiratur, **514.** & seq. Praeceptum de confessione praemittenda divinum. **522.** Accedere ad Eucharistiam sine dolore peccati venialis antea commissi non est peccatum veniale, sed cum distractione accedens venialiter peccat. **510**

**Eucharistia** non potest licite negari peccatori occulto petenti, **519.** Si occulte petat, an debeat denegare Sacerdos sciens peccatum.

**vi Ec illius**

## **Index rerum notabilium.**

illius per confessionem, **520**. Negari debet peccatori publico etiam petenti, **521**

**Eucharistia** quoties in vita sumi debeat ex precepto diuino, **541**

**Eucharistia** dispensatio per se iure diuino ad solum Sacerdotem spectat, **559**. Quid de diacono, ibid. V. Diaconus.

**Eucharistiam** sumere à se ipso potest Sacerdos in necessitatis articulo, extra sacrificium Missæ, **562**. Idem de **Diacono** dicendum, non verò de laico, ibid. V. Celebratio, **1** Communionio, Missa, Sacerdos, & alia suis locis. pag. ibid.

**Excommunicatus**, an maneat ordinatus facta protestatione Episcopi. **160**

**Exorcismi** caremonia in Baptismo, si aliquid efficiunt, id prestant, ut instrumenta Dei ex opere operato, 278

**Extremam unctionem** quare ab Apostolis institutam Magister sentent. dixerit, **136**

## **F**

**F**acere in Sacra Scriptura pro sacrificare sæpe accipitur, **566**

**Feria sexta in parasceue** non celebratur verè, & propriè sacrificium Missæ, **581**. Non tenentur fideles illa die Missam audire, etsi occurrat festum Annunciaticnis, nec interesse officio illius diei, ibid.

**Fermentatus panis** materia est Eucharistia, **363**

**Ex necessitate precepti** tenentur Greci in eo conficere, V. Greci. Sacerdos Latinus in

## ***Index rerum notabilium.***

*Gracia, an possit celebrare in fermentato.*  
***pag. 366***

*Fictione recedente sacramenta solum moraliter causant gratiam, 84*

*Fidei quare in Sacra Scriptura iustitia tribuatur, 66.*

*Fomitis diminutio effectus Eucharistie, 495*

*Forma consecrationis Eucharistie ponitur, 486. & seq.*

*Forma consecrationis panis in Liturgia S. Basilij omittit particula Enim, & in consecratione vi. ni ly Æterni, & Mysterium fidei.*  
***pag. 482***

*Forma vermis ex speciebus sacramentalibus generati non recipitur in quantitate, 467*

*Fœminam ministrare Sacerdoti celebranti verum aliquando liceat, 637.*

## ***G***

***G*** *Ratia habitualis educitur de potentia obedientiali subiecti, 89*

*Gratia augmentum causate conuenit per se omnibus sacramentis nouæ legis, sed primam conferre solis sacramentis mortuorum conuenit per se. 93*

*Gratie augmentum consequitur iustus accedens sine actuali deuotione ad Eucharistiam.*  
***pag. 503***

*Gratiam quando conferat Eucharistia.*  
***pag. 496***

*Gratia non causatur per sacramenta ex opere operato, nisi realiter suscipiantur, 94*

*Grat-*

## **Index rerum notabilium.**

- Gratiam quomodo conferant sacramenta recedente fictione, 95*  
*Gratiam maiorem, & maiorem in infinitum conferre possunt sacramenta iuxta quantitatem dispositionis, 102*  
*Gratia sacramentalis quid addat supra gratiam virtutum, & donorum, 108*  
*Gravitas terra est potentia passiva, 121*  
*Grati an peccarent utendo nostra forma baptismi, 179*  
*Gracus Sacerdos mortaliter peccaret consecrando in azymo, 365. An licite possit in locis Latinorum in azymo conficere, 366*  
*Gracorum forma consecrationis proponitur. pag. 482*  
*Gutta vini calici adherentes, an reputari debeant consecrata, 351*

## **H**

- H**omicidium etiam citra sanguinis effusionem Ecclesiam polluit, 617. Non verò homicidium casuale, vel fiat cum moderamine inculpata tutelæ, ibid.  
*Hostiam consecrare post prandium ne infirmus sine Viatico moriatur omnino illicitum, 534*  
*Hostia medietatem volens consecrare, si non designet, non consecrat, 352. Quid si una pars esset triticea, & altera hordeacea, vel una presens, altera absens, & totum consecrare intenderet, ibid.*  
*Hostiam, quam atergo habet Sacerdos, vel que est trans parietem, an possit consecrare. 353*  
*Quid*



## ***Index rerum notabilium.***

*Quid si eam a tergo positam videat in speculo, ibid.*

*Hostiam eandem plures Sacerdotes consecrare possunt, 558. Quam intentionem habere debeant, ibid.*

*Hostia alia apponenda à celebrante, si post summptionem corporis perceperit vinum non fuisse positum in calice, 641. Sed si Missa in publico celebratur ad vitandum scandalum vinum tantum consecrare, & sumere nullum est absurdum, 642.*

*Humanitas Christi influit in sacramenta, & quomodo, 80*

### ***I***

***I***eiunium natura requiritur ad cōmunionem.  
pag. 530

*Impedit quidquid sumitur per modum cibi, vel potus, ibid. Varj de hoc casus deciduntur, ibid. Ieiunium hoc natura quando incipit, 532. Dubius an noctis medium comedendo excesserit, an possit communicare, ibidem. Quid de expectante alterius horology sonitum, ibid.*

*Imagines, & Crux Christi licet significant rem sacram, non tamen per modum sacramtis. 30*

*Infantes si communionem reciperent, augmentum gratiae consequerentur. 536*

*Infantes aliqui ab Herode occisi consecuti sunt augmentum gratiae, alij verò primam gratiam 210. V. Baptisma sanguinis.*

*In-*

## **Index rerum notabilium :**

*Intentio virtualis, sufficit ad impletionem precepti, 540. Hanc habet, qui facit opus preceptum absque contrario actu non implendi, ibid.*

*Intentio ex parte baptizati an necessaria ad valorem Baptismi, 254.*

*Intentio Sacerdotis quot modis possit determinare materiam consecrandam, 350. & seq.*

*Intentio requisita in ministro ad valorem Sacramenti, 156. Virtualis quid? 159.*

*Intentionem alligare nõ debet Sacerdos, ut solis illis verbis, Hic est calix sanguinis mei, fiat consecratio vini, 484.*

*Irregularitas non incurritur propter pœnam ferendam, & debet esse expressa in iure, 623.*

*Iuramentum exigere in contractibus ab infideli licitum est, etsi ille per falsos deos iuratus sit, 148.*

## **L**

**L**atria adorari possunt species consecratae; 319. An idem dicendum de pixide, in qua illa continentur, ibid.

*Lex natura an habuerit aliqua sacramenta, 58.*

*Liquor utrum commisceri possit vino consecrato, 473. Quando est eiusdem speciei, & qualitate non sit mixtum, 474.*

*Luna quartadecima instituit Christus Eucharistia Sacramentum, 335. Quid per vesperam Lune, in qua immolabatur Pascha, intelligendum sit, 336. & seq.*

Ma

## Index rerum notabilium.

### M

**M**aria Virgo à Christo baptizata, 167.

Martyr an vere dicendus sit puer in utero matris occisus, quando illa interficitur propter Christum, 212.

Massa cruda non est materia Eucharistia, 358. Similiter si elixa, vel frixa sit ibid.

Materia prima producitur à Deo, quando ex speciebus Sacramentalibus aliquid generatur 467. Fit per conversionem quantitatis in ipsam, 470.

Matrimonij Sacramentum ex institutione Christi consistit in consensu expresso à legitimis personis, 61. Sed ex divina institutione non est determinatum quanam sint legitima persona, & modus exprimendi consensum, ibid.

Mensa aliquando sumitur pro altari, 569.

Minimi naturalis medietas separata à toto non est materia cōsecrationis, 348. Possit ne esse materia adequata, dum toti coniuncta est, ibid.

Minister, qui conferendo Sacramentum conficit, non se habet tantum, ut conditio ad conferendam gratiam, 132. Distinctam virtutem partialem habet. 133.

Minister porrigens sacramentum confectum non confert gratiam per se ipsum, 134.

Minister, quia melior sit, non tribuit maiorem gratiam parvulo baptizato, quæ sit effectus sacramenti, ibid.

Minister hereticus, vel paganus potest consecrare verum sacramentum, 137.

Mini-

## **Index rerum notabilium.**

*Minister conficiendo Sacramentum peccat mortaliter si speciali consecratione deputatus sit ad illud officium , 139.*

*Ministrans in mortali Sacramentum ex officio an teneatur pramittere confessionem , 143.*

*Minister toleratus quis censeatur, 146. Petere ab eo sacramentum quando liceat , 148. A ministro publico concubinario, notorie excommunicato, & irregulari si necessitas sit extrema licet sacramenta illa recipere, qua ex diuino precepto necessarium est recipere in tali necessitate , alia vero minime , 152. Si aliquis esset sibi conscius peccati mortalis, & non possent sibi alia sacramenta conferri quam ea de quibus recipiendis nullum est diuinum preceptum, an possit ea recipere à ministro non tolerato , ut possit fieri ex attrito contritus , 153.*

*Ministrum toleratum quamuis nec Parochus sit , nec paratus licitum est aliquando inducere ad conferendum Sacramentum , 149. An liceat ipsi in hoc casu ea ministrare in peccato mortali , vel irregularitatem incurrat , 150.*

*Missa verum sacrificium est , in quo Christus immolatur , 565.*

*Missa quare iuge sacrificium dicta sit, 567. Cesabit sollemnis eius celebratio in persecutione Antichristi , ibid. & seq.*

*Missa quotidie celebrari debet in Ecclesijs conuentualibus , & collegiatis , 606. An sufficiat unam celebrari , ibid.*

*Missa qua hora celebrari possit , 608. Omnes tres*

## **Index reum notabilium.**

tres Missas Natiuitatis Domini posse licite noctu celebrari à Sacerdotibus priuatis non est improbabile; *ibid.*

Missam celebrare Sabbato sancto circa noctis principium iam non licet, 609.

Missa vsque ad Nonam an celebrari possit? 610. Potest post meridiem ex iusta causa inchoari; *ibid.* Quid de privilegiis Religiosorum circa hoc. 611.

Missam bis celebrare, quando possit Sacerdos, 611.

Missam unicum tantum sacrificium est, cuius Hostia Christus Dominus, quatenus est sub speciebus, 570. Idem sacrificium est cum sacrificio Crucis ex parte hostia, sed in modo offerendi diuersum, 572.

Missam sacrificium in sola consecratione essentialiter consistit, 574. Sumptio pertinet, ad integritatem illius, plusquam alia actiones, 578

Missam sacrificium proprie non celebratur feria sexta in parasceue, 580.

Missam sacrificium prodest non solum sumenti, sed etiam aliis tam uiuis, quam defunctis, 583.

Ut est sacrificium formaliter nemini prodest, nisi quatenus aliquo modo pro illo offertur, 584.

Impetratorium est remissionis peccatorum mortalium, & augmenti gratia, *ibid.*

Non tamen quia ex opere operato infallibiliter causet hęc, aut contritionem, uel auxilia efficacia ad ea obtinenda, *ibid.* Probabile est hoc modo causare auxilia sufficientia, *ibid.*

Missam sacrificium remittit peccata venialia ex opere operato, si homo pro quo offertur sit dispositus.

## **Index rerum notabilium.**

- Spofitus**, 586. Quid ad istam dispositionem sufficiat, 587. Effectus iste an extendantur ad animas in purgatorio existentes, 588.
- Missæ sacrificium** valet etiam ex opere operato ad remissionem poenæ temporalis soluenda in purgatorio, 589.
- Missam** pro aliquo dicere est maximum donum, quod potest homo homini conferre, 591.
- Missæ sacrificium** in finis valoris est quoad sufficientiam, 595. Quoad efficaciam semper de facto habet effectum finitum iuxta quantitatem deuotionis offerentium, vel eorum pro quibus offertur, ibid. Quid sit hac deuotio, 596.
- Missæ valor** pluribus applicatur eo pluribus prodest, & quæ ratione, 586. Si pro multis equaliter offeratur ac pro uno solo offerretur, 598. Si pro uno specialius, plus ieli prodest quam aliis cæteris paribus, ibid. V. **Celebrans, Eucharistia, Sacerdos, Sacrificium.**
- Mixtio** non fit si liquores eiusdem sint speciei, & earundem omnino qualitarum, 474.
- Mixtio aquæ** non est de necessitate Eucharistia, 371. An sit iure diuino præcepta, 373. V. **Aqua, Conuersio.**
- Mixtio partis hostiæ consecratæ** cū speciebus vini non est de essentia sacrificij Missæ, 576.
- Monacho** an liceat in aliquo casu esse patrinum baptizandi, 233.
- Morti iam proximus**, quando adest sacerdos qui eius confessionem sine interprete excipere non potest, præmissa contritione potest viaticum sumere, 514.
- Motio diuina in sacramentis** non pura appli-
- ca.

## **Index rerum notabilium.**

*ratio ad agendum , 114. De termino huius motionis , ibid.*

*Mulieres sola an possint esse susceptrices baptizandi , 234.*

### **N**

**N**omen Missa à quo deductum sit , 565.

*Nomen alicuius sancti . 332.*

*Nomen alicuius sancti ex his, qua in Canone Missa continentur, omittere ex intentione non est peccatum mortale , 632.*

### **O**

**O**blatio, qua fit post consecrationem, non est de essentia sacrificij Missa , 576.

*Oblatio vera, & realis includitur in ipsa actione consecrationis , 580.*

*Oculus corporeus Christi, qua ratione possit videre se ipsū sub sacramento existentem, 459.*

*Omissio alicuius eorum , qua in Missa dicuntur, ex suo genere est peccatum mortale; ex parvitate tamen materia potest esse veniale , 632. sic excusatur à mortali Sacerdos omittens Gloriam , aut Credo , aut ea quae interponuntur in communicantes, & Hanc igitur , in quibusdam solemnitatibus , ibid. Vel non servans unam, aut alteram Rubricam Missalis ex his, qua non continent essentialia sacrificij , 631.*

*Omissio alicuius eorum, &c. 632. sic excusatur à mortali, &c. ibid. Vel non servans, &c. 631.*

*Omittere orationes , qua in Missali , &c. 831.*

*Omittere orationes qua in Missali posita sunt, ut eas dicat Sacerdos, dum sacras vestes induit, non est peccatum mortale per se loquendo; immodico veniale videtur , 631.*

*Opi-*

## **Index rerum notabilium,**

- O**pinionem probabilem sequi in administratione  
aut susceptione sacramentorum licitum est, si  
illa uti non prohibebat Ecclesia, 50.  
**O**rdinis sacramenti principalius significatum  
est gratia, 24.  
**O**rdinis character an efficiat alia sacramenta,  
& ad gratiam, qua per illa confertur cau-  
sam concurret, 123.  
**O**rdines suscipere ante confirmationem sit ne  
mortale peccatum, 305.

## **P**

- P**arvuli salvari non possunt per Baptismum  
in voto parentum cum inuocatione Trini-  
tatis, 239.  
**P**arvulis exhibere Eucharistiam non licet, 535.  
**Q**uid de consuetudine Græcorum in hac re,  
ibid.  
**P**ater, & Spiritus Sanctus sunt modo quodam  
speciali in sacramento Eucharistia, 439.  
**P**atrini, seu susceptores baptizandi requisiti,  
232. & seq.  
**P**resentia quænam requiratur ad materiam  
Eucharistia, 345.  
**P**ollutio nocturna impediat ne à sumptione Eu-  
charistia, 523. Eadem die post pollutionem  
qua est sine peccato, aut cum solo veniali, vel  
qua licet fuerit mortalis iam confessæ est, ad  
Eucharistiam accedere an sit veniale, 525.  
**D**e pollutione Ecclesia, V. Ecclesia.  
**P**ontifex an possit dispensare, ut Subdiaconus;  
vel aliquis inferior solemniter baptizet, 219.  
**P**otentia passiva de predicamento qualitatis  
non



## ***Index rerum notabilium .***

*non semper est receptiva actus in se , 121.*

### **Q**

**Q**uantitas corporis Christi non est in Eucharistia ex vi sacramenti , sed per concomitantiam , 446 sine quantitate quam habet in propria specie an corpus Christi in Eucharistia existere possit , ibid.

Quantitas per modum conuersionis transiit in materiam primam quando vermis generatur ex speciebus consecratis . 469. Non recipit quantitas immediate formam vermis ,

### **R**

**R**efectio an tribuat unitatem sacramento Eucharistia , 322.

Regina Scotia subitura martyrium utrum licite potuerit Eucharistiam proprijs manibus sumere 562.

Respublica non potest bene institui sine publica Religione , Templo , & sacrificijs . 569.

Resurrectio Christi an sit vera causa nostra resurrectionis , vel tantum conditio , 84.

Reuiuiscencia sacramenti fide suscepti quam dispositionem exigit , 103.

Ritus ab Ecclesia toleratus in aliqua eius parte non reddit inualidum sacramentum , & si minister illum intenderet introducere , 52.

Ritus vsitatus in qualibet Diocesi in modo baptizandi saltem sub veniali obseruandus , 198.

## Index rerum notabilium.

### S

**S**acerdos iurisdictionem non habens, ut licite baptizet, necesse est, ut hoc sibi committatur ab habente, 121. Sola voluntas alterius sufficit ad hanc commissionem, ibid.

Sacerdos, qui patitur notabilem lingue defectum non potest ministrare sacramenta sine peccato mortali, nisi in casu necessitatis gravissima, 47.

Sacerdos celebrans in mortali duplici titulo peccat mortaliter, 139. sed communicans alios in peccato mortali, vel transferens hostiam, aut illam elevans ad benedictionem, lethali-  
ter non peccat, 140.

Sacerdoti an licitum sit, specialius offerre sacrificium Missæ pro se, quam pro dante eleemosynam, 600. Non tenetur isti conferre totum, quod correspondet suæ devotioni, 601.

Sacerdos peste laborans potest extra sacrificium Missæ à se ipso sumere Eucharistiam, 562.

Sacerdos pauper possit ne plures pœtantias pro una Missa accipere, 604.

Sacerdos, & si non quotidie, aliquoties, tenetur Missam celebrare, 607.

Sacerdos qui ex fûdatione Capellania debet dicere Missam de Requie an satisfaciât dicendo Missam de Sancto, cuius festum illo die occurrit, 619.

Sacerdos non tenetur legere submissa voce epistolam, aut Evangelium, quæ in Missa solemni cantantur à ministris, ibid. si aduertenter nec legaret, nec audiret peccaret mortaliter qui  
sunt

## **Index rerum notabilium.**

- Sunt partes notabiles Missæ,*  
*Sacerdos an possit celebrare cooperto capite, 637.*  
*Sacerdos si moriatur, aut gravi infirmitate*  
*preoccupetur incepta consecratione alius Sa-*  
*cerdos debet explere sacrificium, 638. si ne-*  
*sciatur ubi primus dimisit debet à capite*  
*incipere, & satis est hostiam, & calicem,*  
*quæ inuenit in altari sub conditione conse-*  
*crare, 639. Posset in hoc casu Sacerdos non*  
*ieiunius si alter inueniri non posset sacrificiũ*  
*perficere, ibid. Si nullus inueniri posset sacer-*  
*dos an licitũ esset laico hostiam, & sangui-*  
*nam sumere, 640.*  
*Sacerdos concubinarius, an teneatur sacrificium,*  
*in quo mortuus est primus sacerdos perficere,*  
*& per consequens vere conteri, 639.*  
*Sacerdos si dum celebrat recolit se non esse ieiun-*  
*ium, vel esse excommunicatum, aut in*  
*peccato mortali, an teneatur cessare ab ince-*  
*pta Missa, 640. si recordatur alicuius pecca-*  
*ti mortalis in confessione inuincibiliter obli-*  
*tari teneatur ne conteri de illo, ibid.*  
*Sacerdos quid faciet si post sumptionem corporis*  
*deprehenderit vinum non fuisse positum in*  
*calice, 641. vel esse in eo venenum, ibid.*  
*Sacramentum est in genere signi, 3. Est tantum*  
*signum ad placitum, ibid. Non est de ratione*  
*illius efficere, quod significat, 4. Sacramenta*  
*noua legis an ratione significationis causent*  
*gratiam, 8.*  
*Sacramenti diuisio in noua, & veteris legis sa-*  
*cramenta sit ne uniuoca? 9. Ad sacramen-*  
*tum significare sanctitatem legalem, aut im-*  
*perfectam non sufficit, 13. Sacramentis ve-*

## **Index rerum notabilium.**

teris legis qua ratione conueniebat sanctitatem perfectam significare, 14.

Sacramentis iam institutis intrinsece conuenire gratiam, passionem Christi, & gloriam significare, 20. An ista cum sacramentis quae Deus posset instituere solam gratiam significantibus sint eiusdem speciei, 22. Principalius conuenit iam institutis significare gratiam, 23.

Sacramenti definitio tradita à D. Thom. explicatur, 26. & seq. In lege natura, & veteri non requirebatur verba ad omnia sacramenta, 34.

Sacramenta nouae legis omnia rebus, & verbis essentialiter constant, 36. simultas temporis inter res, & verba an requisita, 40. Vti verbis aequivalentibus in administratione sacramentorum quando liceat, 44.

Sacramentorum formis verba addere illicitum, 51. & seq. Non tamen semper tollitur per talem additionem perfectio sacramenti, 53. Valide conficitur pretermissio aliquo quod non est de substantia formae, & si minister existimaret illam particulam esse de essentia, 54.

Sacramenta an instituerentur à Deo Adamo non peccante, si posteri peccarent, 56.

Sacramenta omnia nouae legis à Christo Domino instituta, 136. Causant gratiam ex opere operato, 63. Non solum moraliter, sed physice, 85. Quando eam conferunt, 81. Recedente fictione illam solum moraliter causant, 85.

Sacramenta omnia nouae legis aliquando causant primam gratiam, aliquando augmentum gratis, 92. Solis sacramentis mortuorum

## **Index rerum notabilium.**

conuenit per se causare primam gratiam, sed augmentum illius causare omnibus per se conuenit, 93. Non conferunt gratiam ex opere operato sacramenta antequam realiter suscipiantur, 94.

Sacramenta sicte suscepta ut reuiniſcant, 103.

Quando reuiniſcunt non cauſant maiorem gratiam in habente maiorem diſpoſitionem, qua ſictio auſertur, 105.

Qua Sacramenta imprimant caracterem, 115.  
V. Caracter.

Sacramentum quam intentionem in ministro exigat, 156.

Sacramentū an cōficiatur ab eo qui ludo aut ioco profert uerba, & applicat materiam, 160.

Sacramentalia habent vim remittendi peccata uenalia ex opere operato, 586.

Sacrificium quid? 568. V. Miſſa & ſacrificiū. 568

Sanguis contentus in ſacramento Eucharistiæ complectitur omnes quatuor humores, 440.

Non nutrimentalis, ſed naturalis in hoc ſacramento continetur, ibid. Totum ſanguinem fuiſſe Chriſtum in ſua paſſione maxime credibile eſt, 441. ſi aliquid ſanguinis manſiſſet in corpore utrum per concomitantiam eſſet in ſacramento Eucharistiæ & in triduo mortis, ibidem.

Sanguis Chriſti an deſinat eſſe in ſacramento per mixtionem alicuius liquoris, 473. Non deſinit eſſe per appoſitionem uini ſimilis in ſubſtantia, & qualitatis, 474.

ſcrupuloſus quamuis ſibi probabiliter conſtet aliqua in Miſſa omiſſiſſe; ſi tamen non ſint de neceſſitate Sacramenti non reſumat, 535.

## *Index rerum notabilium.*

### **T**

**T** Abachum qui sumpsit an possit ad Eucharistiam accedere? 530.

Tempus inter communionem, & Missam expletam sit ne sufficiens mora, ut possit quis alios cibos sumere, 533.

Tempore toto, quo durat actio successiva sacramenti, an conferatur gratia, vel in instanti terminatio, 81.

Terminus motionis diuine in sacramentis quisnam sit, 114.

Transpositio verborum tollit aliquando veritatem Sacramenti, 55.

Trinitatis Personas exprimendas in Baptismo per hec nomina Patris, & Filij, & Spiritus Sancti probabilium est, 184. Dicere in nomine Trinitatis non sufficit, 188.

### **V**

**V** As in quo species consecrata seruantur an possit adorari latría, 319.

Venialia quomodo remittantur per sacrificium Missæ, 586. V. Anima, Missa.

Venialium remissio non requirit excitationem motus pœnitentia, nec displicentiam in particulari, 587. Quæ displicentia sufficiat, ut accedere sacrificio Missæ consequatur aliquis remissionem venialium, ibid.

Viaticum præbendum esse infirmis ex traditione Apostolorum habetur tanquam iure diuino præceptum, 538. Infirmus renuens viaticum

## ***Index rerum notabilium.***

*cum sumere mortaliter peccat, sed (secluso scandalo) condemnandus non esset peccati mortalis si paulò ante communicasset, etsi non habuisset intentionem satisfaciendi precepto, § 39.*

*Viatico privari posset ab Ecclesia aliquis ob sua crimina, § 39.*

*Vinum tantum de vite materia Eucharistia, Vide V. Eucharistia.*

*Virtus sacramentorum novæ legis physica, vide V. Sacramentum.*

*Votum Baptismi quodnam ad salutem sufficiat, vide V. Baptismus.*

*Votum realis susceptionis Eucharistia sit ne medium simpliciter necessarium ad salutem. Vide Eucharistia.*

*Vxor si convertatur, filius baptizandus est, etsi pater renuat, 262.*



# ERRATA.

**P** Ag. 10. lin. 6. sacramenta sacramenti.  
Pag. 70. lin 11. essa esse. Pag. 116.  
lin. 1. Charactere Character. Pag. 125.  
lin. 9. potentijs potentia. Pag. 304. lin. 7.  
tradito traditio. Pag. 600. lin. 3. sic fit,

# FINIS.













*image  
not  
available*